

হিন্দুস্থানী সঙ্গীতে
তানসেনের স্থান

শ্রীবীরেন্দ্রকিশোর রায় চৌধুরী বি, এ
প্রণীত
গৌরীপুর, ময়মনসিংহ ।

ডি, এম, লাইব্রেরী
৪২, কর্ণওয়ালিস স্ট্রীট

প্রকাশক
শ্রীগোপালদাস মজুমদার
ডি, এম, লাইব্রেরী
৪২, কর্ণওয়ালিশ স্ট্রীট, কলিকাতা—৬

মূল্য আড়াই টাকা
(তৃতীয় সংস্করণ ১৩৬৪)

প্রিন্টার—শওকত আলি
সম্বীভ প্রেস
৬০নং হরি ঘোষ স্ট্রীট, কলিকাতা

আমার সঙ্গীতগুরু পরম শ্রদ্ধাভাজন
পরলোকগত

মহম্মদ আলী খাঁ সাহেব রবাবী

ও

উজির খাঁ সাহেব বীণকারের
পবিত্র স্মৃতির উদ্দেশে
এই ক্ষুদ্র গ্রন্থখানি
উৎসর্গ করিলাম ।

গ্রন্থকার ।

প্রকাশকের নিবেদন

(প্রথম সংস্করণ প্রকাশক)

তানসেনের নাম বঙ্গদেশের তথা ভারতবর্ষের সঙ্গীতজগণের নিকট প্রবাদ বাক্যের মত প্রচলিত থাকলেও তাঁকে রক্ত মাংসের মানুষরূপে সাধারণ পাঠকবর্গের সম্মুখে, বোধ করি, গ্রন্থকারই উপস্থিত করলেন এই প্রথম। তানসেনের প্রতিভার ক্রমিক বিকাশের কথা—তাঁর পূর্ণ উদ্গমে খ্যাতিপথে অগ্রসর হওয়ার প্রচেষ্টাপ্রসঙ্গ এক কথায় তাঁর সুদীর্ঘ জীবনের চমকপ্রদ ইতিবৃত্ত এতদিন আবদ্ধ ছিল “আইনী আকবরী” “পাদশানামা” প্রভৃতি বিখ্যাত অথচ স্বল্প পরিজ্ঞাত দুর্ভেদ্য গ্রন্থদুর্গের পাষণ প্রাচীরের অভ্যন্তরে। সেখানে প্রবেশাধিকার ছিল একমাত্র অনুসন্ধিৎসু প্রখ্যাত প্রতিভাশালী পণ্ডিতবর্গের। তথাকার অমূল্য হস্তরাজির সন্ধান শুধু তাঁরাই জানতেন কিন্তু জনসাধারণকে তা জানাবার বিন্দুমাত্র উৎসুক্যও কোনদিন প্রদর্শন করতেন না। গ্রন্থকার সেই চিরপ্রচলিত প্রথা পরিত্যাগ করে, পাষণ প্রাচীরের নীরব নেপথ্য থেকে সঙ্গীতসম্রাট তানসেনের জীবন-কাহিনী আহরণ করে এনে বাঙ্গালী পাঠকবর্গকে আজ সাদরে উপহার দিচ্ছেন। এই ধরনের স্থলিখিত সংক্ষিপ্ত জীবনী সম্ভবতঃ বঙ্গসাহিত্যে অতি বিরল।

আখ্যাত বিষয়ের প্রতি পাঠকের মনোযোগ অধঃভাবে আকৃষ্ট করা, নায়ক নায়িকার ইষ্টানিষ্টের সম্ভাবনা বর্ণনা দ্বারা পাঠককে উৎসুক কিম্বা উদ্বিগ্ন করা লেখকের লিপিকুশলতার পরিচায়ক বলেই পরিগণিত হয়ে থাকে। তানসেনের জীবন-কাহিনীতে গ্রন্থকারও উৎকরণ লিপিচাতুর্যের পরিচয় প্রায় সর্বত্রই প্রদান করেছেন। ফলে

কালের ব্যবধান অন্তর্হিত হয়েছে—যিনি সঙ্গীত'সুরাগী ও সঙ্গীত-কলাভিজ্ঞ ব্যক্তিবর্গের নিকটে এতদিন নামে মাত্র পর্য্যবসিত ছিলেন—জনসাধারণ ঝাঁকে বহুদিন আগেশোনা পুরাণো বাজে কথার মত ভুলে গিয়েছিল, আজ তিনিই সহসা সঙ্গীবন মন্ত্রে প্রাণবন্ত হয়ে উঠে, বিশ্বস্তি সাগরের বীচিবিক্ষোভ অতিক্রম করে, আমাদের সম্মুখে পূর্ব-পরিচিত বন্ধুর মত এসে দাঁড়িয়েছেন। আমরা নির্ঝাঁক বিশ্বায় মুগ্ধ নেত্রে তাঁর মুখপানে চেয়ে আছি—আনন্দের পুলক শিহরণে কণ্টকিত হয়ে উঠছি এবং সম্রাট আকবরের রাজসভায় তাঁর অতুলনীয় প্রতিষ্ঠালাভ দেখে আনন্দে ও গৌরবে উল্লাসিত হচ্ছি।

কবিকুলশিরোমণি কালিদাসের প্রসঙ্গ উঠলে বিদ্বজন প্রতিপালক মহারাজাধিরাজ শ্রীবিক্রমাদিত্যের স্মৃতি স্বতঃই মানসপটে যেমন উজ্জল হয়ে উঠে, তেমনি তানসেনের কথা বলতে গেলেও যাঁর রাজচ্ছত্রের স্মশীতল ও স্নিগ্ধ ছায়াতল ছিল মনীষার একমাত্র বিকাশভূমি, কোহিনুরকল্প অমূল্য অতুজ্জল প্রতিভাশালী পণ্ডিতদিগকে দেশ বিদেশ থেকে সংগ্রহ করে এনে রাজসভা স্মশোভিত করাই ছিল যাঁর একমাত্র ব্যসন, সেই মহামনীষী গুণগ্রাহী দাতা সম্রাট আকবরের স্মৃতি প্রসঙ্গতই উদ্দীপ্ত হ'য়ে উঠে এবং আশঙ্কা হয় যে তাঁর সম্বন্ধে কিছু না বললে তানসেনের কীর্তিকাহিনী বুঝিবা খণ্ডিত ও অসম্পূর্ণ থেকে যায়। সত্যসত্যই সম্রাট ছিলেন অসাধারণ গুণগ্রাহী—গুণের কিছুমাত্র পরিচয় পেলেই তিনি সন্তুষ্ট হতেন এবং সেই গুণী ব্যক্তিকে আশ্রয় প্রদান করে তাঁর গুণের উৎকর্ষসাধনের সহায়তা করতেন। তাঁর রাজত্বকালে—“দারিদ্র্যদোষঃ গুণরাশিনাশীঃ” কথাটি প্রকৃত-পক্ষেই কিয়ৎ পরিমাণে নিরর্থক হয়ে গিয়েছিল। সভাসদ পণ্ডিতবর্গের মুখে লক্ষী সরস্বতীর চিরবিবোধের কথা শুনেও, মহারাজব সম্রাটের

দৃঢ় প্রতীতি অশ্রুছিল যে, দারিদ্র্যের নিদারুণ ছুদ্দিনে পোচকের পক্ষ নিয়ে আশ্রয় গ্রহণ করা ভিন্ন রাজহংসের আত্মরক্ষার আর কোন উপায়ই থাকে না। তিনি নিশ্চিতই জানতেন যে, কমলার বরপুত্রগণের সহানুভূতি, সদিচ্ছা ও পৃষ্ঠপোষকতা ব্যতিরেকে বাণীর প্রিয়তম একনিষ্ঠ সেবকগণের প্রতিভার জ্যোতিঃমান হয়ে পড়ে—করো কারো জীবনশ্রোত হয়ত সংসার মরুভূমির উষর বালুকাক্ষেত্রে অকালে ধারা-হীনও হয়ে যায়—সঙ্গে সঙ্গে বিশ্বাসীও তাদের প্রতিভার শ্রেষ্ঠ অবদানগুলি থেকে চিরদিনের তরে বঞ্চিত হয়। এ কথাও তাঁর অজ্ঞাত ছিল না যে—

“ক্রতো বাসনে বিবাহে রিপুক্ষয়ে
যশস্বরে কশ্মনি মিত্রসংগ্রহে।

প্রিয়ানু নারীষু ধনেষু বন্ধুষু—
ধনব্যয়স্তেষু ন গণ্যতে বৃধৈঃ ॥”

বহু অর্থব্যয়ে তাই রাজারাম বাঘেলার দরবার থেকে তানসেনকে দিল্লীতে নিয়ে এসে প্রতিষ্ঠা করেই তিনি নিরস্ত থাকেন নাই—ক্রমে ক্রমে প্রায় সমস্ত দেশের সর্বজাতীয় গায়কগণকেই অঙ্গসন্ধান করে এনে নিজের রাজসভায় স্থান দিয়েছিলেন। এঁদের মধ্যে যঁারা বিশেষ খ্যাতিলাভ করেছিলেন—সাধারণের অবগতির জন্য তাঁদের নাম “আইনী আকবরী”কার আবুল ফজলের উক্তি সহ উদ্ধৃত নিয়ে করা যাচ্ছে :—

The Imperial Musicians.

"I can not sufficiently describe the wonderful power of this talisman of knowledge (Music). It sometimes causes the beautiful creatures of the harem of the heart to shine forth on the tongue and sometimes appears in solemn strains by means of the hand and the chord. The melodies then enter through the window of the ear and return to their former seat, the heart, bringing with them thousands of presents. The hearers, according to their insight, are moved to sorrow or to joy. Music is thus of use to those who has renounced the world and to such as still cling to it."

"His Majesty (Akbar) pays much attention to music and is the patron of all who practise this enchanting art. There are numerous musicians at Court. Hindus, Iranis, Turanis, Kashmiries, both men and women."

"The Court musicians are arranged in seven divisions. One for each day in the week. When His Majesty gives the order, they let the wine of harmony flow, and thus increase intoxication in some and sobriety in others. A detailed description of this class of people would be too difficult, but I shall mention the principal musicians."

"1. Miyan Tansen * of Gwalior a singer like him had not been in India for the last thousand years."

Raja Ramchand Baghelah was the patron of this renowned musician and Singer Tansen. His fame had reached Akbar and in the 7th. year emperor sent Jalaluddin Quirchi to Bhatah to induce Tansin to come to Agrah. Ramchand feeling powerless to refuse Akbar's request, sent his favourite with musical instruments and many presents to Agrah and the first time that Tansin performed at the Court, the emperor made him a present of two lakhs of rupees. Tansin remained with Akbar. Most of his compositions are written in Akbar's name and his melodies are even now-a-days, everywhere repeated by the people of Hindusthan."

- "2. Baba Ramdas § of Gwalior, a singer,"
3. Subhan Khan of Gwalior, a singer.
4. Surgyan Khan ,, ,, "
5. Miyan Chand ,, ,, "

* Ram Chand is said to have once given Tansin one crore of Tankha as a present. Ibrahim Sur, in vain, persuaded Tansin to come to Agrah. Abul Fazul mentions below his son Tantarang Khan and the Padishanama mentions another son of the name of Bilas.

§ Badauni says Ramdas came from Lucknow. He appears to have been with Bairam Khan during the rebellion and Bairam once received from him one lakh of Tankah, empty as Bairam's treasure chest.

was. He was first at the Court of Islam Shah and he is looked upon as second only to Tansin. His son Surdas is mentioned below.

6. Bichitr Khan, brother of Subhan Khan, a singer.

7. Mahammad Khan Dhari, sings.

8. Birmandal Khan of Gwalior, plays on the Surmandal.

9. Baz Bahadur, Ruler of Malwah, a singer without rival.

10. Shahab Khan of Gwalior performs on the Bin.

11. Daud Dhari * sings.

12. Sarod Khan of Gwalior—sings.

13. Miyan Lal † of Gwalior—sings.

14. Tantarang Khan, son of Miyan Tansin—sings.

15. Mulla Ishaq Dhari—sings.

16. Usta Dost of Mashad—plays on the flute Shahnai,

17. Nayak Charju of Gwalior, a singer.

18. Purbin Khan—his son, plays on Bin.

19. Surdas, son of Baba Ram Das, a singer.

* Dhari means a singer—a musician.

† Jahangir says in Tuzuk that Lal Kalawant

(or Kalanwat a singer) died in the 3rd. year of his reign, "Sixty or rather seventy years old. He had been from youth in my father's service. One of his concubines on his death, poisoned herself with opium. I have rarely seen such an attachment among Muhammadan women."

20. Chand Khan of Gwalior—sings.
21. Rang Sen of Agrah—sings.
22. Shaikh Dewan Dhari performs on the 'Karana'
23. Rahamatulla, brother of Mullah Ishaque a singer.
24. Mir Sayed Ali, of Mashad plays on the "Ghichak."
25. Usta Yusuf of Harat, plays on Tambura.
26. Quasim surnamed Koh bar.* He has invented an instrument intermediate between the "Qubaz" and "Rabab."
27. Tash Beg of Quipchag, plays on Qubaz.
28. Sultan Hafiz Hussain of Mashad Chants.
29. Bahram Quli of Harat, plays on the Ghichak.
30. Sultan Hashim of Mashad, plays on the Tambura.
31. Usta Sha Mahammad plays on the "Surna"
32. Usta Mahammad Amin, plays on the Tamburah.

33. Hafiz Khwaja Ali of Mashad, chants.
34. Mir Abdullah, brother of Mir Abdul Hai, plays on the "Qanun."
"35. Pirzadah* Nephew of Mir Dewan of Khurasan, sings and chants.
36. Usta Muhammad Hossain †, plays on the Tamburah."

* Koh-bar, as we know from Padishanama, is the name of a Chaghtai tribe. The "Nafaisul Maasir" mention a poet of the name of Mahammad Quasim Koh-bar whose Nam-de plume was Cabri.

* Pirzada according to Badaoni, was from Sabzwar He wrote poems under the "Takhallus" of Liwai. He was killed in 905 at Lah-re by a wall falling on him.

† The Misiri Rahimi mentions the following musicians in the service of the Khankhanan :—

(1) Agah Muhammad Nai, son of Haji Ismail of Tabriz, (2) Maulana Aqwati of Tabriz, (3) Usta Mirja Ali Fatagi. (4) Maulana Sharaf of Nishapur, a brother of the poet Naziri (5) Muhammad Mumin alias Hafizak, Tamburah player (6) Hafiz Nazar from Transoxiana, a good singer.

তানসেনের সম্বন্ধে প্রচলিত বিভিন্ন প্রকারের কিংবদন্তীর অভাব নাই—কিন্তু এগুলির পরস্পরের মধ্যে মিলের চেয়ে অমিলের ভাগ এতই বেশী যে, অধিকাংশ ক্ষেত্রেই দুটো একটা গ্রহণ করলে অবশিষ্টগুলিকে সামঞ্জস্যের অভাবে পরিত্যাগ না করেই পারা যায়না।

‘নহ্মগাঃ জনশক্তিঃ’ বা “Shade without substance” প্রভৃতি প্রবাদ বাক্যগুলিকে এ সমস্ত ক্ষেত্রে অচল বলেই মনে হয়। অসামান্য প্রতিভাসম্পন্ন কৃতী ব্যক্তিবর্গের তিরোধানের পরে তাঁদের স্মৃতিকে অবলম্বন করে সম্ভব অসম্ভব নানা প্রকারের গল্প সকল দেশেই অক Hero worshipperদের দ্বারা রচিত হয়ে থাকে। ঐতহাসিকের সত্যানুসন্ধী দৃষ্টিতে এ সমস্ত গল্প নিতান্ত অকিঞ্চিৎকর বলে মনে হলেও বাস্তবিকপক্ষে এগুলি আদৌ অবজ্ঞার বস্তু নয়, কারণ এরাই আমরা নিভুলভাবে মৃত ব্যক্তির জনপ্রিয়তার পরিধির পরিমাপ করতে সমর্থ হই—তাই এই সমস্ত গল্প যাঁর সহক্ষে যত বেশী প্রচলিত তিনিই তত বেশী দিন জগতে জনসাধারণের স্মৃতিতে জীবিত থাকেন বলে আমরা বিশ্বাস করি। আমাদের মনে হয় তানসেনের সহক্ষে এই ধরণের গল্পগুলি অবধে বহুল পরিমাণে সর্বত্র প্রচলিত হয়েছিল বলেই আজও তাঁর নাম সঙ্গীতবেত্তাদের স্মৃতিপটে উজ্জ্বল হয়ে আছে এবং বর্তমান ভারতবর্ষে হিন্দুস্থানী সঙ্গীতের আদর থাকবে ততদিন পর্যন্ত তানসেনের কীর্তিকাহিনী কথনও বিস্মৃতি-কুহেলিকায় আবৃত হবে না। কীর্তিমান্ব বোধ করি এই ভাবেই চিরদিন জীবিত থাকেন। সম্ভবতঃ এই বিষয়টী লক্ষ্য করেই পণ্ডিতেরা বলেছেন :—

“কীর্তির্যশ স জীবতিঃ।”

যৌবনে হরিদাস স্বামীর কাছ থেকে তানসেন যে ধর্মশিক্ষা পেয়েছিলেন, পরিণত বয়সে সেই শিক্ষাই তাঁকে একেশ্বরবাদী করে তুলেছিল। সত্য সত্যই তিনি ছিলেন সঙ্গীতের একজন একনিষ্ঠ সাধক এবং সেই সাধকোচিত মনোবৃত্তি প্রণোদিত হয়েই জীবনের অপরাহ্নে সঙ্গীতকে ধর্মসাধনের উপায়স্বরূপে গ্রহণ করেছিলেন। অক্সান্ত

কৃষ্ণস্বপ্নায় পরিশেষে যখন সত্যের “কোটিসূর্য্যপ্রতিকাশঃ কোটিচন্দ্র-
শুশীতলঃ” ভাবের দীপ্তি তাঁর নরনসম্মুখে উদ্ভাসিত হ’য়ে উঠেছিল,
তখনই তিনি উচ্ছ্বসিত কণ্ঠে গিয়েছিলেন :—

*“প্যারে তুঁহি ব্রহ্ম তুঁহি বিষ্ণু, তুঁহি শেখ, তুঁহি মহেশ ।
তুঁহি আদ, তুঁহি অনাদ, তুঁহি নাদ, তুঁহি গণেশ ॥

জলস্থল মরুত বোম

তুঁহি অকার যমসোম

তুঁহি অকার তুঁহি মকার

নিরোদ্ধার, তুঁহি ধনেশ ।

তুঁহি বেদ তুঁহি পুৰাণ

তুঁহি হৃদীণ তুঁহি কোরাণ

তুঁহি ধ্যান, তুঁহি জ্ঞান, তুঁহি ভুবনেশ ॥

তানসেন কহে ক্যান তুঁহি, দেন তুঁহি রমন ।

তুঁহি ঘর পলয়ন

তুঁহি বক্রন তুঁহি দানেশ ॥

যশোমণ্ডিত সুদীর্ঘ জীবনের পরিশেষে, নিৰ্ম্মল আকাশে অন্তগামী
দিনপতির দিনান্তের অবসানের মত দীপ্ত গৌরবের রক্তসমুদ্রে সহসা
যে দিন তাঁর জীবন তরণী নিমজ্জিত হ’য়ে ছিল সে দিন কেবল যে
আগ্রা নগরী এবং তদানীন্তন কুদ্রারতন মোগল সাম্রাজ্যই নিদারুণ
শোক বেগে মূহমান হয়েছিল তা নয়, সে মর্মান্বিত বিয়োগ দুঃখ প্রবাহ
সমগ্র উত্তর ভারতবর্ষকেও নিঃশেষে পরিপ্রাণিত ও আগোড়িত

‡ বিখ্যকোষ হইতে উদ্ধৃত ।

করেছিল। “আইনী আকবরী” প্রণেতা আবুল ফজল বখাখই লিখেছেন—“তানসেনের জায় গায়ক বিগত সহস্র বৎসরের মধ্যেও একজন জন্মে নাই।” তানসেনের পূর্ব ও পরবর্তী গায়কগণের ইতিবৃত্ত আলোচনা করলে আবুল ফজলের এ মন্তব্যকে কোনক্রমেই অতিশয়োক্তির পর্যায়ভুক্ত করা চলে না।

তানসেনের স্বরচিত গান অদ্যাপি ছুপ্রাপ্য হয় নাই বটে, কিন্তু এখনও যে গুণি প্রচলিত আছে তন্মধ্যে কোনটা তাঁর নিজের রচনা কোনটা অপরের তা সঠিক বলা কঠিন। নিয়ে আমরা তাঁর প্রথম বয়সের রচিত একটি গান উদ্ধৃত করছি :—

†*“মনগজভরো অরসমান অত প্রবল চবড়হে প্রচণ্ড সঠ দরিজ
অষ্টান কোরী। মনগজ-টেক।

উরব তুরব ধুককার মদন দুহাই তাকী ঘরতানা ঘর গাড়ে সনমুখ
হোত জাকৌ শুণবারো ॥

মন-১

ইমন্দ ইমন্দ কীমন্দ কুকব বহ প্রবল ফুঁণী ফুঁমকারো ; তানসেনকৌ
ডারেক'রে আগেণুব একদন্ত দুজী শুণমে উঠারো।

মন ২।

“হিন্দুস্থানী সঙ্গীতে তানসেনের স্থান” সর্বথা মুদ্রাকরপ্রমাদ পরিশূন্য হয় নাই। আশাকরি সুধীবর্গ অবসরহীন অক্ষয় প্রকাশকের অনিচ্ছাকৃত এই ত্রুটি নিজ গুণে মার্জনা করিবেন।

পরিশিষ্টের ১০ পৃষ্ঠায় লিখিত জগন্নাথ কবিরাজেরই যতান্তরে জন্ত নাম জনার্দন কবিরাজ। কেহ কেহ এঁকেই ভাবভট্টের পিতা জনার্দন ভট্ট বলে ধরে নিয়েছেন। ভাতাখণ্ডেজীও এই যতই পোষণ কর্তেন।

তানসেনের সময়ে পুণ্ডরীক বিঠঠল ও ভাবভট্টের পিতা জনার্দন ভট্ট জীবিত ছিলেন। তানসেনের সম্বন্ধে তাঁরা কেউ কিছু লেখেন নাই। ভাবভট্ট তাঁর “অনুপবিলাস” নামক গ্রন্থে তানসেনের আবিষ্কৃত ‘দরবারী কানাড়া’ সম্বন্ধে লিখেছেন—“জো দরবারী সো শুদ্ধ কহাবে” মূল গ্রন্থের ১৬১ পৃঃ “ক্ষেত্রমোহন ঠাকুরের” পরিবর্তে ক্ষেত্রমোহন ঠাকুর পড়িতে হইবে। প্রকাশকের নিবেদনের প্রথম পৃষ্ঠায় “উৎসুক্য”র স্থলে “উৎসুক্য” ৩য় পৃষ্ঠায় কৃত্তিকাঙ্গী”র স্থলে কীৰ্ত্তিকাঙ্গী এবং ৫ম পৃষ্ঠায় Mwsicins এর স্থলে “musicians” পড়লেই পাঠ ঠিক হবে।

* বিশ্বকে হইতে উদ্ধৃত।

‡* গান্ধী গুজরাট প্রদেশের অন্তর্গত ভবনগরবাসী পণ্ডিত শ্রীযুক্ত মহালাল শিবরাম মহাশয়ের “সঙ্গীতকলাধর” নামক স্মৃষ্টি গ্রন্থ হইতে উদ্ধৃত হইল।

গৌরীপুর
রথযাত্রা।
১৩৪৫ সাল।

বিনীত প্রকাশক
শ্রীবীরেশ্বর বাগছি বি, এ

তৃতীয় সংস্করণের ভূমিকা

‘‘হিন্দুস্থানী সঙ্গীতে তানসেনের স্থান’’ পুস্তকখানি বাংলা সন ১৩৪৫ সালে প্রথম প্রকাশিত হয় ; এবং ইটা পাঠ করিয়া কবিগুরু রবীন্দ্রনাথ বিশেষ আনন্দ প্রকাশ করেন। বাংলায় সঙ্গীত—সিকগণ ইহার প্রশংসায় উচ্ছসিত হন। কিছুদিন মধ্যেই ইহার প্রথম সংস্করণ নিঃশেষ হইয়া যায় এবং দ্বিতীয় সংস্করণ বাহির হয়। দ্বিতীয় সংস্করণের পুস্তকগুলিও অল্পদিন মধ্যে নিঃশেষিত হইয়া যায়। তানসেন এবং তাঁহার সঙ্গীত সম্বন্ধে জনসাধারণের ঐশ্বর্য ও আকর্ষণ কত বেশী ইহা হইতেই প্রমাণিত হয়। গ্রন্থকার এই পুস্তকখানির বিষয় বস্তু ‘আইনী আকবরী’, ‘পাদশানামা’ রিসালা তানসেন, খুলাসাতুল তানসেন, প্রভৃতি কতকগুলি সুপ্রসিদ্ধ প্রাচীন গ্রন্থের উপর নির্ভর করিয়া রচনা করিয়াছেন।

কলিকাতার প্রসিদ্ধ ঠাকুর-পরিবারের নিকট হইতেও এই পুস্তক রচনা বিষয়ে অনেক সাহায্য পাওয়া গিয়াছে। কেননা তানসেনের পুত্রবংশীয় রবাবী আলি মহম্মদ খাঁ ও দৌহিত্রবংশীয় বীণকার উজীর খাঁ এই ইতিহাস তাঁদের শিষ্যদের নিকট বিবৃত করেন, ঠাকুর রাজগণ তাহা লিপিবদ্ধ করেন। সুতরাং এই পুস্তকখানি তানসেনের জীবন-কাহিনীর একটি প্রামাণ্য গ্রন্থ হিসাবে ধরা যাইতে পারে। কলিকাতা বিশ্ববিদ্যালয় এই কারণে এই পুস্তকটিকে তাঁহাদের নির্ধারিত পুস্তকের তালিকায় সাদরে স্থান দিয়াছেন। বর্তমান কালে বাংলাদেশে উচ্চাঙ্গ সঙ্গীতের অনুশীলন বর্ধিত হওয়ার সঙ্গে সঙ্গে সঙ্গীত সম্রাট তানসেনের জীবনী ও সঙ্গীত সম্বন্ধে জানিবার অধিকতর আগ্রহ

অগ্নিরাছে। এমতাবস্থায় এবং জনসাধারণের চাহিদা মিটাইবার নিমিত্ত ইহার তৃতীয় সংস্করণ বাহির করার প্রয়োজন হইয়া পড়িয়াছে। বিশেষতঃ ফিল্মে তানসেনের ইতিহাস নানা কল্পনা ও অলৌকিক ঘটনা জালে অড়িত করিয়া সাধারণের নিকটে পরিবেশিত হইয়াছে। তাহাতে জনসমাজের মনে অনেক ভ্রান্ত ধারণা জন্মিতে পারে তাহা দূর করা বিশেষ প্রয়োজনীয়।

বর্তমান সংস্করণে পূর্বেকার ভ্রম প্রমাদ যথাসম্ভব সংশোধন করার চেষ্টা করা হইয়াছে। আশা করি ইহা পাঠকবর্গের মনোরঞ্জন করিতে সমর্থ হইবে।

প্রকাশক—

১লা আবেগ, ১৩৬৫

পূর্বাভাষ

সংগীত বিজ্ঞা বহুদিন থেকেই চলে আসছে। প্রাচীন কালের বিশিষ্ট সংগীত আচার্যাদের নাম সংগীত রত্নাকরে পাওয়া যায়, যথা—
বিসাখিল, দস্তিল, কশলে, বায়ু, বিশ্বাবসু, রত্না, অর্জুন, নারদ,
তুষ্ক, হনুমান, মাতৃগুপ্ত, রাবণ, নন্দিকেশ্বর, বিমুরাজ, ফেরাজ
রাহল, রুদ্রসেন, ভোজ, সোমেবা এবং ব্যথাকর্তাদের মধ্যে লোপাট,
উদ্ভট, সঙ্কট, অভিনব গুপ্তধর।

হিন্দুস্থানী সংগীতের চূড়ান্ত উৎকর্ষ হরিদাস স্বামীর সময়ে দেখা
যায়।

সকল সংগীত আচার্যগণই সামবেদকে সংগীতের উৎপত্তি
মেনে থাকেন। ব্রহ্মা হইতে বেদ-এর উৎপত্তি। যজ্ঞাস্তরে মহাদেব
পঞ্চমুখ হইতে পাঁচটি রাগ ও পার্বতীর মুখ হইতে একটি—এই ছটি
রাগের উৎপত্তি করেন। তারপর ব্রহ্মা ছয় রাগকে ছয় খতু অনুধারী

ছয় রাগের ব্যবহার করেন। যেখন গ্রীষ্মে দীপক, বর্ষার মেঘ, শরৎএ ভৈরব, হেমন্তে শ্রী, শীতে মলকোষ, বসন্তে হিন্দোল। এই ছয় রাগের ছয়টি করিয়া ভাষ্য হিসাবে ছত্রিশ রাগিণীর উৎপত্তি হিন্দুস্থানী সংগীতের ইতিহাসে পাই, যদিও ইহার কোন প্রমাণ নাই। এই ঐতিহ্য অনুযায়ী ব্রহ্মা শিবর নিকট ছয় রাগের সহিত ৩৬ রাগিণী যোজনা করে উরত, নাগদ, রস্তা, হাহা, হহ, তুধুক এদের সংগীত শিক্ষা দেন। উহারা ইহা হইতে ৪৮টি উপরাগ সৃষ্টি করেন। রামায়ণে রামচন্দ্রের সভায় লঙ্কেশ্বর সংগীত চর্চার প্রমাণ পাওয়া যায়। মহাভারতের যুগে কৃষ্ণের বংশী ধ্বনিতে বৃন্দাবন প্রতিধ্বনিত হইয়াছিল। তখন ১৬০০০ গোপিনীরা প্রত্যেকে এক একটি রাগিণী সৃষ্টি কঃতে পুরানে ১৬০০০ রাগিণীর নাম পাওয়া যায়। অজ্ঞান একজন উৎকৃষ্ট নর্তক ও গায়ক ছিলেন। পাণ্ডবদের অজ্ঞাতবাসের সময় বৃহন্নলারূপে বিরাট রাজার সংগীত অধ্যাপক হন। ইন্দ্রপ্রস্থে যুধিষ্ঠির রাজ্য পাওয়ার পর সম্রাট মহিলাগণ নৃত্য, গীত ও বাদ্য করিতেন। ২০০০ খৃঃ পূঃ কায়েশের প্রপৌত্র জুবাল হার্পের সৃষ্টি করেন। তাহা বাজাইয়া উপাসনা ও অন্যান্য উৎসব কার্য হইত। অন্ধ কবি হোমার ট্রয়ের যুদ্ধের সময় (১১৮৩ খৃঃ পূঃ) হার্প বাজাইয়া গ্রীকদিগকে মাতাইয়া তুলিয়াছিলেন। ৩৩০ খৃঃ পূঃ আলেকজান্ডারের দরবারে গান বাজনার চর্চার ইতিহাস পাওয়া যায়। পিউনিক যুদ্ধের সময় রোমানদের ভেরী বাজাইবার উদ্দেশ্যে পাওয়া যায়। ৪০ খৃঃ পূঃ ক্রিওপট্রার দরবারে সংগীত চর্চার (হার্প ইত্যাদি) পরিচয় পাই।

৮৩৬ খৃঃ বোপদানের চারুণ-অল-রসিদ সংগীতের বিশেষ উন্নতি সাধন করেন। মামুদ অব গহনির (১০১৭খৃঃ) কনৌজ আক্রমণে লংঘন

তানপেনের স্থান

৩

৬০০০০ গায়ক ছিল। সোমনাথ মন্দিরে ২০০ বেতনভোগী গায়ক ছিল। ১৩০০ খৃঃ আলাউদ্দিনের সময়ে হিন্দুস্থানী সংগীতের প্রথম ব্যবহার হয়। বৈজু বাওরা হিন্দুস্থানী রূপের প্রথম স্রষ্টা। ইনি সংস্কৃতে কব, প্রবন্ধ, ছন্দ হইতে রূপের স্রষ্টি করেন।

নারক গোপাল দাক্ষিণাত্য থেকে নিমন্ত্রিত হয়ে বাদশার দরবারে স্থান পান এবং হিন্দুস্থানী সংগীতের রূপ দেন।

আমীর খসরু পারস্তের একজন অভিজাত বংশীয় কবি, গায়ক ও রাজনৈতিক ছিলেন। তিনি পারস্ত সংগীতের সহিত হিন্দুস্থানী সংগীতের মিশ্রণ করেন।

কিন্তু প্রথম হিন্দুস্থানী সংগীতের প্রাথমিক রূপ বিখ্যাত কবি জয়দেবের কৃষ্ণ পাই। তিনি কেন্দুবিষতে জন্মগ্রহণ করেন ও তাঁহার গীতগোবিন্দ কৃষ্ণলীলার পরিপূর্ণ এবং এই সকল কবিতাই বহু বিখ্যাত রাগ ও তান গঠিত। জয়দেবের গীতগোবিন্দ হিন্দুস্থানী সংগীতে অতি প্রাচীন গ্রন্থ। তথাপি তৎকালীন রাগরাগিণীর রূপ বর্তমানে নির্ণয় করা বর্তমানে সহজসাধ্য নয়। তবে আলাউদ্দিন খিলজির সময় (১৪০০ শতাব্দীর প্রারম্ভে) দিল্লীর পাঠান সম্রাট আলাউদ্দিনের দরবারে হিন্দুস্থানী সংগীতের যে প্রাথমিক পরিচয় পাই এখনও তার ঐতিহ্য লুপ্ত হয় নাই। ঐ সময় আলাউদ্দিন পারস্ত দেশ থেকে আমীর খসরুকে নিমন্ত্রণ করে আপন সভায় বিশিষ্ট সম্মানিত আসন দেন। আমীর খসরু একাধারে কবি, দার্শনিক, সংগীতজ্ঞ ও রাজনীতিক ছিলেন। আলাউদ্দিনের দরবারে তাঁর আসন শুধু কলাবিদ হিসাবে নয়—মন্ত্রী ও ধর্মগুরু হিসাবেও বিশিষ্ট মর্যাদা পেয়েছিলেন তিনি শেষ জীবনে ফকীর হন। ইনি সুফী সম্প্রদায়ভুক্ত ছিলেন। তাঁর রচিত গান এবং কবিতাতে গুজরাটী, পারস্ত ও সংস্কৃত

ভাষার সময় দেখা যায়। ইনি গুজরাটেও অনেকদিন ছিলেন। গায়ক হিসাবেও তিনি অনন্তসাধারণ প্রতিভার পরিচয় দিয়েছেন। ঐ একই সময় দাক্ষিণাত্য হ'তে নায়ক গোপাল নামক একজন দিগ্বিজয়ী গায়ক ও পণ্ডিত আলাউদ্দিনের সভার উপস্থিত হন। আলাউদ্দিন তাঁকেও স্থায়ীভাবে দিল্লীর দরবারে স্থান দিয়েছিলেন। শোনা যায় নায়ক গোপাল যে সকল রাগ রাগিণী আলাপ করতেন আমীর খসরু সেই সব রাগ রাগিণী অস্তরাল হ'তে শুনে পরে পারস্য ভাষায় এক একটি নাম দিয়ে গেয়ে শুনাতেন। যাহা চউক নায়ক গোপালই হিন্দুস্থানী সংগীত-পদ্ধতির প্রথম সূত্রকর বা প্রথম ঔপপত্তিক রূপকার। আমীর খসরু কতকগুলি পারস্য সুর এদেশে প্রচলিত করেন। সেগুলির নাম—সাজগিরী, য়মন বা ইমন, ও সাক, মাকেরি বা দেওয়ান, জীলফ, সরফরদা। তাছাড়া ফিরদস্ত প্রভৃতি তাল দ্বারা তৈয়ারী। আমীর খসরু পারসিক পদ্ধতি অনুযায়ী ভারতীয় রাগ-রাগিণী গাইতেন। তাঁর পদ্ধতিতে ১২টি মোকাম বা রাগ, ২৪টি স্ববা বা রাগিণী ও ৪৮টি গুস্তা বা উপরাগের পরিচয় পাওয়া যায়।

নায়ক গোপাল কতকগুলি রাগ সৃষ্টি করেন। যথা—পূর্বী, গৌরী গুণকেশী, খট ও দেশকার।

আল উদ্দিনের রাজত্বকালে বৈজু বাওরা নামে তৃতীয় সংগীত-কলাবিদের পরিচয় পাওয়া যায়। বৈজু সিদ্ধপুরুষ ছিলেন। তিনি জঙ্গলে বাস করিতেন। শোনা যায় তাঁর গানের সময় বন্য জন্তু আনোয়াররাও মুগ্ধ হয়ে তাঁর নিকট উপস্থিত হতো। তাঁর প্রতিভার কথা আলাউদ্দিনের গোচর হলে ষাটশা তাঁকে দরবারে আহ্বান করেন। ঐ সময় নায়ক গোপাল ও আমীর খসরু দরবারে ছিলেন।

তানসেনের স্থান

বৈজু কঠোর ও গান তাঁদের অপেক্ষাও অনেক শ্রুতিমধুর ছি। পাণ্ডিত্যে নায়ক গোপাল ও আমীর খসরু শ্রেষ্ঠ হলেও কলাবিদে তুলনা ছিলনা। নায়ক গোপাল প্রাচীন ধরণের ছন্দ প্রবন্ধযুক্ত হিন্দুস্থানী গান গাইতেন কিন্তু বৈজু চার তুক বা কলি বিশিষ্ট ঋপদ গানের প্রথম প্রবর্তন করেন। ঋপদের চার তুকের নাম হারী, অস্তরা, সঞ্চারী ও আভোগ। এই সময় হইতেই ছন্দ, প্রবন্ধের পরিবর্তে ঋপদই হিন্দুস্থানী মার্গ সংগীতে প্রধান স্থান অধিকার করে। বৈজু দরবারে বেশী সময় থাকতেন না। কিন্তু তাঁর প্রবর্তিত ঋপদ পদ্ধতি অনুসরণ করে গোপাল নায়ক অনেক ঋপদ রচনা করেন। তাঁদের রচিত ঋপদের পদ অতি সুন্দরিত ও মধুর। বৈজু ও গোপাল নায়কের পর ২০০ বৎসরের মধ্যে প্রসিদ্ধ ঋপদীর সংগীতনায়ক দেখা যায়নি। কারণ এই সময় উত্তর ভারতে রাষ্ট্রবিপ্লবের দরুন উচ্চ সংস্কৃতির চর্চার অবকাশ কমে গিয়েছিল। তারপর ১৬০০ শতাব্দী প্রারম্ভে গোয়ালিয়রের মহারাজা মান (ইনি জয়পুরের মানসিংহ নন) হিন্দুস্থানী সংগীতের পুনরুত্থান করেন। ইনি একজন বিখ্যাত সংগীত প্রিয় রাজা ছিলেন। তাঁর রাজত্বকাল ১৪৮৬ হতে ১৫১৬ পর্যন্ত ৩১ বৎসর ছিল। ইনি যুগনয়নী নামক গুজরাটী রাজকন্যাকে বিবাহ করেন। কর্নেল ক্যানিংহামের "Archiological Rep rt of Gowalior" নামক গ্রন্থে লিখেছেন যে মহারাজা মান মালব-গুজরাটী মালব-গুজরাটী, ও বাল-গুজরাটী প্রভৃতি রাগ সৃষ্টি করেন। যুগনয়নী সংগীত শাস্ত্রে বিশেষ বুৎপন্ন ছিলেন। মহারাজা মান-এর পরলোক গমনের পরও রাণী যুগনয়নীর সভায় সংগীতের বিশেষ অনুশীলনের ইতিহাস পেরে থাকি।

১৪৮৬—১৫১৬ কৃ: পর্যন্ত রাজা মান। রাজা মানের মৃত্যুর পর

জামায়াত ২ রাণী মৃগনয়নীর গান শুনে এলেন। তখন তানসেনে গায়ক ২০ বৎসর। তানসেনের জন্ম তাহলে বোঝা যায় ১৫০৬ খৃঃ ১ '৫০' বৎসর বয়সে তিনি রাণী মৃগনয়নীর দরবারে আসেন। তার আগে তিনি হরিদাস স্বামীর কাছে ১০ বৎসর শিক্ষা করেছিলেন। ১০ বৎসর বয়সে পিতামাতার সঙ্গ ত্যাগ করে হরিদাস স্বামীর কাছে হরিদ্বারে উপনয়ন এবং শিক্ষা আরম্ভ করেন। শিক্ষার পর বাড়ী পৌছাবার পরই তাঁর পিতৃবিয়োগ হয়। তখন মাকে নিয়ে আবার বৃন্দাবনে রওনা হন। পথে মাতার মৃত্যু হয়। মৃত্যুকালে তাঁর পিতা বলে যান হজরত মহম্মদ গওসের সঙ্গে তিনি যেন অবশ্য দেখাকরেন।

* মিয়া তানসেনের বিস্তৃত জীবনী পরবর্তী অধ্যায়ে লিখিত হল।

হিন্দুস্থানী সংগীতে তানসেনের স্থান

মিঃ তানসেনের কথা আখ্যাবর্তের আবালবৃদ্ধবনিতা সবাই আজও স্মরণ করে। এখনও তাঁর স্মৃতি হিন্দুস্থানে অমর হয়ে রয়েছে— বোধ করি হিন্দুস্থানী সঙ্গীত এই ধরাতলে যতদিন গীত হবে— রাগ-রাগিণীগুলির নাম শত রূপান্তরের মধ্যে দিয়েও যতদিন বিলুপ্ত একেবারে না হবে, ততদিন তানসেনের নাম কেউ ভুলতে পারবে না এবং জগদ্বিশ্বের কাছে এই প্রার্থনা করি এমন দুর্দিন হিন্দুস্থানে যেন কখনও না আসে যেদিন তানসেনের নাম পর্যন্ত বিশ্বতির সাগরে ডুবে বাবে। কিন্তু যতদিন হিন্দুস্থানের মাটি সম্পূর্ণ ক্ষয় না পাবে, যতদিন হিন্দু সঙ্গীত বলে একটা কিছু থাকবে— ততদিন তানসেন নামবিদ্যাকপিণী বাগ্‌দেবীর বরপূজ্যরূপে চিরদিনই কলাবিৎ ও সঙ্গীত সমাজে শুধু নয়, আবালবৃদ্ধবনিতা সবাই অস্তুরে শ্রদ্ধা ও পূজার আসনে। যেন প্রতিষ্ঠিত থাকেন— সঙ্গীতের হীনতম সাধক আমি আজ

যুক্তকরে সঙ্গীতের অধিষ্ঠাত্রী দেবীর চরণে এই প্রার্থনাটি শুধু নিবেদন ক'রে আমার পুস্তক আরম্ভ করতে চাই।

মিয়া তানসেনের সহক্ষে ছেলেবেলা থেকেই অনেক গল্প, আখ্যায়িকা শ্রুতি আমরা শুনে এসেছি—কিন্তু তাঁর সহক্ষে ঐতিহাসিক আলোচনা বাংলা সাহিত্যে খুব কমই বেরিয়েছে—আমি তাই তাঁর সহক্ষে বাঙালী পাঠকদের ও সঙ্গীতরসিকদের হৃদয়ে সত্যকার অনুসন্ধিৎসা জাগাবার জন্য এই পুস্তক লিখছি। ষাঁরা তানসেনের সহক্ষে ঐতিহাসিক তথ্য জানবার জন্য বথার্থ উৎসুক, তাঁরা তাঁর সহক্ষে আবুল ফজল লিখিত অ'কবর বাদশাহের দরবার সহকীয় বিবরণে কতক কতক জানতে পারবেন ও আরো বিস্তৃত সব বিবরণ জানতে পারবেন 'তুহফ তুল হিন্দ', 'খুলাসতুল এশ', 'কনীজুল অফানাত', 'নুরুল হেদায়ত' ও পরলোকগত সুপ্রসিদ্ধ সাহেবজাদা সাদত আলি খাঁ সাহেব প্রণীত 'ফিলাসফী মোসিকী' নামক পুস্তক পাঠে। আমরা বহু চেষ্টার উপরিলিখিত পুস্তকের ছ'একটি জোগাড় করেছিলাম—তন্মিত্তির সুপ্রসিদ্ধ পণ্ডিত সুদর্শনাচাৰ্য্য শাস্ত্রী প্রণীত সঙ্গীতবিষয়ক পুস্তক পাঠেও আমরা আমাদের বর্তমান প্রবন্ধের কিছু কিছু উপকরণ পেয়েছি—তানসেনের বংশধর পরলোকগত সুপ্রসিদ্ধ ওস্তাদ মহম্মদ আলি খাঁ সাহেবের যুখে ও তানসেনের দৌহিত্রবংশীয় পরলোকগত সুপ্রসিদ্ধ উজীর খাঁ সাহেবের বর্ণনারও বর্তমান প্রবন্ধের বর্ণিত বিবরণের প্রমাণ পাওয়া গেছে। তন্মিত্তির অধুনা অমুদ্রিত একটি প্রাচীন বাংলা পুস্তকেও আমাদের বিবরণের সহিত হুবহু মিল অনেক বিবরণ দেখেছি। সেই পুস্তকও সত্যানুসন্ধিৎসু অনৈক সঙ্গীত-রসিক বিরচিত। সর্বোপরি All India Musical Conferenceএর দ্বিতীয় অধিবেশনে সাদত আলি খাঁ সাহেব

তানসেনের জীবনী, তাঁর বিজ্ঞাবত্তা ও তাঁর বংশপরম্পরা সম্বন্ধে ইংরাজীতে বিশদভাবে বক্তৃতা দিয়েছিলেন—উৎসুক পাঠকগণ তা' পড়তে পারেন—All India Musical Conference-এর দ্বিতীয় অধিবেশনের বিবরণীতে তা'র সংক্ষেপ বর্ণনা পন্ডিষ্ট হবে।

লক্ষ্মীর প্রসিদ্ধ ঠাকুর তাঁর 'মহারি ফুলগমাৎ' নামক সঙ্গীত বিষয়ক পুস্তকের দ্বিতীয় খণ্ডের ভূমিকায় লিখেছেন, "আধুনিক গান বিজ্ঞা किसी সংগীত গ্রন্থকে অনুসার নহী হ। লেকিন জো রিবাফ আজকাল প্রচলিত হ, উন্কা প্রমাণ অগর কঁহী মিল্ সক্তা হ তো তানসেন কে খানদান সে। য়েহ খানদান জলা-লুদ্দিন মহম্মদ আকবরু আজম্ কে সময় সে অব তক্ গান বিজ্ঞা কোন অভিজ্ঞে। মে অদ্বিতীয় হ।" অর্থাৎ আধুনিক গান বিজ্ঞার প্রমাণ মাত্র তানসেন্ ও তাঁর বংশাবলীর মধ্যেই পাওয়া যায়। কোনও সংস্কৃত গ্রন্থের সঙ্গে বর্তমান যুগের হিন্দুস্থানী সংগীত মেলে না। এ কথাটা আমাদের খুবই মনে রাখা উচিত। আজকাল রাগ-রাগিণীর যে সব রূপের সঙ্গে আমরা পরিচিত সে সবের অষ্টা নারদ, ভরত হনুমান্ বা কোনও ঋষি মুনি নয়। তাঁদের সৃষ্টিধারা বহু রূপান্তরের মধ্যে দিয়া আধুনিক আকার লাভ করেছে। এখনকার রূপান্তরের মধ্যে যাঁর প্রেরণার প্রত্যক্ষ পরিচয় পাওয়া যায় তিনি তানসেন ভিন্ন আর কেহ নন। তানসেন্ ও এই প্রেরণা লাভ করেছিলেন তাঁর গুরু স্বামী হরিদাসের কাছ থেকে। বর্তমান সঙ্গীতের যুগকে তানসেনের যুগ বলতে পারি। স্বামী হরিদাস অন্তরে সঙ্গীতদেবীর যে মন্ত্র ও বেদ্যান যুক্তি সাধারণ প্রেরণার পেয়েছিলেন, তানসেন তাই অগস্ত্য সামনে পরীক্ষা করে তুলেছেন। স্বামী হরিদাস দেবর্ষি নারদেরই অবতার ছিলেন। তবে তাঁর সৃষ্টি ছিল

ভগবৎ পদারবিন্দে অঞ্জলি দিবার জন্ত,—তান্সেন্ সেই সৃষ্টির উৎস থেকে একটি ধারা জগতের দিকে বহিয়ে দিলেন জগতকে সঙ্গীত সুধাশ্রোতে সুশীতল করবার জন্য। বর্তমান সঙ্গীত-মন্ডাকিনীর পিতা স্বামী হরিদাস আর তান্সেন্ ভগীরথের মত সেই প্রবাহকে আবাহন করে আনলেন সুরতরঙ্গিনী জাহুবীর মতই জগতের অসংখ্য তৃষিত তাপিতজনের অন্তর জুড়াতে।

আবুল ফজলের ইতিহাসে আমরা পাই, তান্সেনের জন্মের পূর্বে এক হাজার বৎসরের মধ্যে তাঁর সমতুল্য গুণী ও সঙ্গীতশ্রষ্টা কেহ জন্মান নি। অবশ্য তাঁর গুরু স্বামী হরিদাসের কথা স্বতন্ত্র। তা ছাড়া নারক, গুণী, গন্ধর্ভ ধারা পূর্বে জন্মেছিলেন, যাদের কথা তখন সবার স্মরণ পথে পড়ত, তাঁদের কেউই তান্সেনের ছারারও তুল্য ছিলেন না এবং আবুল ফজলের ধারণা ছিল যে, সঙ্গীতের এমন নবী বুঝি ছনিয়ায আর কোনওদিন আবির্ভূত হবে না। অথচ আমরা চাই ছনিয়ার সৃষ্টিধারা উদ্ভ্রোস্তর উৎকর্ষ লাভ করুক, শত তান্সেন্, শত হরিদাস আবার হিন্দুস্থানে আবির্ভূত হন। যা ছিল তার চেয়ে বড় কিছু আসবে না এ কথা কে বলবে?

তবে এটা সত্য যে, স্মরণাতীতকালের কথা বাদ দিলে ঐতিহাসিক যুগে সঙ্গীতের যে নিদর্শন সব আমরা পাই তাতে বেশ প্রতীতি জন্মে যে, স্বামী হরিদাস ও তান্সেনের যুগেই সঙ্গীতের চরমোৎকর্ষ সাধিত হয়েছিল।

সঙ্গীতের যুগ-পূর্ববর্তী বহু শতাব্দীর সাধনার স্বামী হরিদাস ও তান্সেনের যুগের উৎকর্ষ সাধিত হয়েছিল।

তান্সেনের যুগ সম্বন্ধে সঠিক বুঝতে হলে তার পূর্ববর্তী সময় থেকে আমাদের আলোচনা শুরু করতে হবে। আমরা সাক্ষিত্য, ধর্ম, শিল্প

ও সভ্যতার সব ক্ষেত্রেই এই সভ্য লক্ষ্য করি যে, যখনই লোকোত্তর মহৎ কিছুর আবির্ভাব হয়েছে তার ঠিক পূর্ববর্তী অবস্থা অভ্যন্তর অবনতিসূচক মলিন ও তমোগ্রস্ত হয়ে থাকে। শ্রীকৃষ্ণ যেমন বলেছেন “যদা যদা হি ধর্মশ্চ মানিভবতি ভারত”। সব ক্ষেত্রেই একথা খাটে। আর্টেবও যখন চরম মানির অবস্থা আসে তখন অলৌকিক শক্তিসম্পন্ন কোনও শিল্পীর আবির্ভাব হয়। জগতের আশ্চর্য্য সমস্ত সৃষ্টিই এই রহস্য। প্রকৃতপক্ষে অলৌকিক শক্তিসম্পন্ন লোকেরা সেই সূক্ষ্ম জগতের শক্তিবই লীলার যন্ত্র—সূক্ষ্ম জগৎসী দেববৃন্দের বাহন মাত্র।

দেবতাদের কৃপা কালসাপেক্ষ। কাল যে আসন্ন হয়েছিল তাই তানসেনের জন্মের পূর্ব্বেকার ইতিহাস পাঠে আমরা জানতে পাই। আমি বলেছি যখনই কোনও অভাব দারুণ আকার ধারণ করে, যখন সবই অন্ধকার মনে হয়, কোথাও কোন চিহ্নই দেখা যায় না, তখনই বুঝতে হবে আশার আলো জলবার আর বিলম্ব নাই। চরম অবস্থাই অভ্যুত্থান এবং পতনের পূর্ব নিদর্শন। সঙ্গীতের সব চেয়ে অন্ধকারের যুগ মোগল ও পাঠান রাজত্বের সন্ধিক্ষণ।

১৩০০ খৃষ্টাব্দ থেকে ১৫০০ খৃষ্টাব্দ পর্য্যন্ত অর্থাৎ পাঠান সম্রাজ্যের অবসানে ও ‘বৈজুবাতাওয়া,’ গোপাল নাথক ও ‘আমির খস্কর তিরোধানের পর প্রায় দুই শত বৎসর হিন্দুস্থানী সঙ্গীতের অশুশীলন বন্ধ হয়ে গিয়েছিল। এই সুদীর্ঘ সময়ে হিন্দুস্থানী সঙ্গীতের প্রাণস্পন্দন প্রায় বন্ধই ছিল বলতে হবে। পঞ্চদশ শতাব্দীর শেষ ভাগে মহারাজ মানসিংহকে গোয়ালিয়রের শাসনকর্তা রূপে আমরা দেখতে পাই। ইনি ১৪৮৬ খ্রীষ্টাব্দ থেকে ১৫১৬ খ্রীষ্টাব্দ পর্য্যন্ত প্রায় ৩১ বৎসরকাল গোয়ালিয়রে রাজত্ব করে গেছেন। ইহার পত্নী সুলতান-রাজকন্যা

রাণী মৃগনয়নী সঙ্গীতবিদ্যায় অসামান্য ব্যুৎপত্তিশালিনী ছিলেন।

মহারাজ মানসিংহ ও রাণী মৃগনয়নী উভয়েই হিন্দুস্থানী সঙ্গীতে পুনরুত্থানের অগ্রদূত তাতে সন্দেহ নাই। তাঁদের রচিত ও তাঁদের উদ্দেশ্যে রচিত বহু গান এখনও আমরা পাই। ইহা পরে প্রকাশ করিবার বাসনা রহিল।

তানসেনের জীবনেও রাণী মৃগনয়নীর দান সামান্য নয়। সে কথা আমরা যথাসময়ে বিবৃত করব। মহারাজ মানসিংহ যে তানসেনের সুরের অগ্রদূত, তাতে আর কোন সন্দেহই নাই। মহারাজ মান তানসেনের জন্মের দশ বৎসর পূর্বে ইহলোক ত্যাগ করেন, রাণী মৃগনয়নী আরও বহুদিন বেঁচেছিলেন।

তানসেনের পিতার নাম মুকুন্দরাম পাড়ে। কেহ কেহ তাঁর নাম মকরন্দ পাড়েও বলেন। মুকুন্দরামও সুরগায়ক ছিলেন, তিনি বারাণসীতে কথকতার জীবিকা উপার্জন করতেন ও পাণ্ডিত্যে ও সঙ্গীতে জনসাধারণের বিশেষ প্রিয় ছিলেন, অর্থও তাঁর ছিল প্রচুর। কিন্তু সংসারে একটা তাঁর বড় দুঃখ ছিল, তাঁর পত্নীর মৃত্যুবৎসার দোষ ছিল। তানসেনের বা রামতরুর পূর্বেও তাঁর অনেকগুলি পুত্রসন্তান জন্মেছিল কিন্তু একটিও রক্ষা পায়নি। রামতরুর পূর্বে তিনি খবর পান যে, গোরালিয়রে হজরত মহম্মদ গওস্ নামক এক সিদ্ধ পীর আছেন, তিনি মৃত্যুবৎসা দোষ দূর করতে পারেন। এই সংবাদ পেয়ে মুকুন্দরাম গোরালিয়রে যাত্রা করেন ও হজরত গওস্ তখন তাঁকে একটা কবচ দিয়ে বললেন যে, কবচটি তাঁর পত্নীকে কঠে ধারণ করতে হবে ও সন্তানের জন্মের পর সন্তানের কঠে সেটাকে দিতে হবে। তা'ছাড়া কিছু কিছু নিয়মপ্রণালীও বলে তাহী সন্তান রক্ষা তো পাবেই পর্যন্ত সে এক অস্বাভাবিক বিকৃতীশালী

যশোররূপে পরিণত হবে। এর কিছুদিন পরই (১৫০৬ খৃঃ অব্দে) রামতনু জন্ম হয়। রামতনুই মুকুন্দরামের একমাত্র পুত্র।

রামতনু বাল্যে বড় ছরস্ত ছিলেন। বালক রামতনু পাঠাভ্যাস মোটেই করেন নাই—রামতনু কেবল মাঠে জঙ্গলে গছাভীরে, হস্তক্ষেপে গরু চরিয়ে বেড়াতে। রামতনু ছিলেন একেবারে প্রকৃতিরই আছরে শিশু। মুকুন্দ ও তাঁর পত্নী রামতনুকে শাসন করত না, কেননা রামতনু তাঁদের একমাত্র ও বড় কষ্টে পাওয়া সন্তান। এষ্টভাবে রামতনুর দশ বৎসর বয়স উত্তীর্ণ হয়। বালক রামতনুর একটা আশ্চর্য্য ক্রমতা ছিল—যে কোনও রূপ স্বরই তিনি শুনতে পেতেন তারই অবিকল অনুকরণ তিনি করতে পারতেন, যাবতীর জীবজন্তুর ডাক নকল করিতে তিনি অদ্বিতীয় ছিলেন ও তাঁর নকল স্বরে সবারই ভ্রম জন্মিত।

এই সময়েই রামতনুর সঙ্গে পরম ভক্ত দিব্য গায়ক স্বামী হরিদোসের সাক্ষাৎ হয়। সে এক দৈব সংযোগ—এই সময় স্বামী হরিদাস শিষ্যমণ্ডলী সহ বাণাসী তীর্থ দর্শনে এসেছিলেন। তাঁরা যখন বাণাসীর সীমানার এসে পৌছলেন, তখন সেখানে বনে রামতনু গোচারণ করছিলেন। এক অপরিচিত শিষ্য পরিবৃত সন্ন্যাসী দেখে রামতনু কোঁতুকচ্ছলে একটা গাছের আড়ালে লুকিয়ে বাঘের ছায় ভয়ানক শব্দ করতে শুরু করলেন। তাতে শিষ্যেরা সব ভয় পেয়ে গেল। হরিদাস স্বামী বাণাসীর কাছে বাঘের অবস্থিতি সম্ভবপর নয় ভেবে শিষ্যদের চারিদিকে দেখতে বললেন। শিষ্যেরা অচিরেই রামতনুকে গাছের আড়াল থেকে বের করে ফেললেন ও স্বামীজীর সম্মুখে এনে হাজির করলেন। স্বামীজী বালক রামতনুর অপরূপ রূপলাবণ্য ও সিদ্ধজনোচিত লক্ষণাদি দেখে মুগ্ধ হয়ে তার পিতার কাছে গেলেন ও তাকে শিষ্য করে সাথে নিয়ে যেতে চাইলেন। পিতা মুকুন্দরামও তাঁর প্রস্তাবে সাগ্রহে সম্মতি

জান করলেন। এই সময়ই রামতনুর সঙ্গীতশীল হ'ল ও গুরু-শিষ্য উভয়েই বৃন্দাবন যাত্রা করলেন। রামতনুর বা ত'নসেনের অমর-সঙ্গীত জীবনের এখানেই সূত্রপাত। রামতনুর বয়স তখন দশ বৎসর মাত্র।

এইখানে স্বামী হরিদাসের সহক্ষে কিছু লেখা দরকার। ভক্তমাল গ্রন্থে আমরা পাই, হরিদাস স্বামী দক্ষিণী ব্রহ্মণ ছিলেন—তাঁর সন্ন্যাসজীবনের সহিতই ইতিহাস পরিচিত—তিনি বালব্রহ্মচারী ছিলেন অথবা গার্হস্থ্যের পর সন্ন্যাসাশ্রম অবলম্বন করেছিলেন তা, জানা যায় না। তবে ইতিহাসে আমরা পাই যে, তিনি বৃন্দাবনে নিধুবনে থাকতেন ও তথায় বহুবিহারী নামক এক মনিময় শ্রীকৃষ্ণ মূর্তি স্থাপন করেছিলেন। প্রবাদ এই যে, এই মূর্তিটি মাটিতে প্রোথিত ছিল, হরিদাস স্বামী প্রত্যাশে পেয়ে ত' মাটি থেকে উদ্ধার করেন ও ত'র সেবার জীবন উৎসর্গ করেন। হরিদাস স্বামী একজন সিদ্ধ ভক্ত ছিলেন, এ কথা আমরা ইতিহাসে পাই—তাঁহার অর্থলোভ মোটেই ছিল না, নিকঞ্চন, মিঞ্চাম ও প্রকৃত বৈষ্ণবশ্রেষ্ঠ তিনি ছিলেন ইহাতে কোনও সন্দেহ নাই। অনেকে তাঁকে দ্বৈষি নারদের অবতাররূপে কীর্তন করে থাকেন।

হরিদাসের অপ্রাকৃতী ভাবই সঙ্গীত-ধারার বিগলিত হ'য়ে ভগবৎ পদে উৎসৃষ্ট হয়েছিল, তাই তাঁর সঙ্গীতও অপার্থিব এবং দিব্য গরিমায় যুগিত ছিল, তা' শ্রবণের সৌভাগ্যও খুব কম লোকেরই হয়েছিল— শুধু তানসেনই সেই অমর সঙ্গীত শ্রবণ ও শিক্ষার অধিকার পেয়েছিলেন তানসেনের প্রতি হরিদাস স্বামীর এক অহৈতুক কৃপাই তার কারণ। এই দিব্য মহাপুরুষের কৃপা তানসেনের অতি বাল্যে, দশ বৎসর বয়সেই লাভ করলেন। বৃন্দাবনে স্বামী হরিদাসের নিকট রামতনু দশ বৎসর একাদিক্রমে বিদ্যা শিক্ষা করার পর তাঁহার পিতৃবিয়োগ হয়। মাতাও তাঁর অল্পকাল পরেই ইহলোক ত্যাগ করেন। পিতা মুকুন্দরামের অস্তিত্ব

শব্দ্যর রামতনু উপস্থিত হন। ঐ সময় পিতা পুত্রকে শেষ কথা বলে যান যে, তিনিই রামতনুর একমাত্র পিতা নন, রামতনুর আর এক পিতা আছেন তাঁর নাম হজরত মহম্মদ গওস, তিনি গোয়ালিয়রে থাকেন। মুকুন্দরাম রামতনুকে তাঁর শেষ উপদেশ দিয়ে গেলেন যে রামতনু হজরত গওসের পরামর্শ যেন কখনও অবহেলা না করেন।

বৃন্দাবনে ফিরে গিয়ে, পিতার অন্তিম আদেশ রামতনু হরিদাস স্বামীকে জানালেন ও স্বামীজীর অনুমতিক্রমে হজরত মহম্মদ গওসের সাক্ষাৎলাভের জন্ত গোয়ালিয়রে যাত্রা করলেন। গোয়ালিয়রে হজরত মহম্মদ গওসের সঙ্গে তাঁর সাক্ষাৎ হয়। মহম্মদ গওস রামতনুকে বলেন “তুমি এইখানে বাস কর, আমার সব বিষয়সম্পত্তি অধিকারী হও, আমি তোমার বিবাহ দিয়ে তোমার সংসারী করে দিই।” রামতনু হজরত গওসের এই অনুগ্রহে অত্যন্ত কৃতার্থ বোধ করলেন ও কিছুদিন গোয়ালিয়রে বাস করলেন। এই সময়ে রামতনু শুনে পেলেন যে, গোয়ালিয়রের মৃত মহারাজ মানসিংহের বিধবা পত্নী রাণী মৃগনয়নী আতি উৎকৃষ্ট গায়িকা। রামতনু রাণী মৃগনয়নীর গান শুনার জন্ত বিশেষ উৎকণ্ঠিত হওয়ায় হজরত গওস তার উপায় করে দিলেন। রাণী সাহেবার দরবারে মহম্মদ গওসের অতুল প্রতিপত্তি ছিল। তিনি রাণীকে অহুরোধ করে রাজব টীতে রামতনুর নিমন্ত্রণের ব্যবস্থা করলেন। রামতনু নিমন্ত্রিত হ'রে রাণী মৃগনয়নীর গান শুনলেন ও নিজে স্বামী হরিদাসের নিকট যা শিক্ষালাভ করেছিলেন তাও শোনালেন। রাণী রামতনুর গানে পরম সন্তোষ প্রকাশ করলেন ও প্রত্যহই তাঁকে নিমন্ত্রণ করা শুরু করলেন। মৃগনয়নীর সঙ্গীত-মন্দিরে রামতনুর নিত্য যাত্রারান্তে ক্রমশঃ রামতনুর হজর-মন্দিরে এক নব দেবীমূর্তির প্রাণপ্রতিষ্ঠা শীঘ্রই স্থগিত হ'ল। রাণী মৃগনয়নীর অনেক শিষ্যা ছিলেন—তন্মধ্যে হোশেনী

ব্রাহ্মণী নামী এক মুসলমান ধর্মে দীক্ষিতা ব্রাহ্মণললনা সৌন্দর্য্যে, মাধুর্য্যে ও সুমধুর সঙ্গীতে রামতনুকে আকৃষ্ট ক'রে ফেললেন। উভয়েই উভয়ের প্রতি নিবিড় প্রণয়ে অভিভূত হ'রে, পরস্পরকে লাভের জন্য ব্যাকুল হ'রে পড়লেন।

রাণী মৃগনয়নী রামতনুকে পুত্রবৎ র্নেহ করতেন—হোসেনীর প্রতি রামতনুর এই প্রেমসঞ্চার সন্দর্শনে, তাঁদের বিবাহসূত্রে আবদ্ধ করতে তাঁরও যথেষ্ট আগ্রহ হ'ল। হোসেনীর প্রকৃত নাম প্রেমকুমারী। তাঁর পিতা সারস্বত ব্রাহ্মণ ছিলেন, কিন্তু পরে সপরিবারে মুসলমান ধর্মে দীক্ষিত হন। প্রেমকুমারী তাঁরই কন্যা। প্রেমকুমারীর ইসলামী নাম 'হোসেনী' রাখা হয়—ব্রাহ্মণকন্যা ব'লে তাঁকে সবাই হোসেনী ব্রাহ্মণী বলে ডাকত।

মৃগনয়নী এই প্রেমকুমারীর সঙ্গে রামতনুর বিবাহ দিবার বিশেষ আগ্রহ প্রকাশ ক'রে হজরত গওসকে এক পত্র লিখলেন। গওস রামতনুকে জিজ্ঞাসা করলেন, হোসেনীকে প্রাপ্ত হ'লে তিনি সত্যি সুখী হবেন কিনা। রামতনু তাঁর পূর্ণ সন্মতি জ্ঞাপন করলেন ও হোসেনীকে বিবাহ ক'রে জাতিচ্যুত হ'তে রাজী হ'লেন। রামতনুর সন্মতি গওস রাণীকে জানাবার পর অচিরেই উভয়ের বিবাহ সুসম্পন্ন হ'ল। রাণী মৃগনয়নী প্রেমকুমারীর পিতাকে আহ্বান করলেন এবং নিজে বর ও কন্য উভয় পক্ষেরই কর্ত্রী হ'লেন—হজরত মহম্মদ গওস পৌরোহিত্য সম্পাদন করলেন। এই বিবাহের পর রামতনুর নাম মহম্মদ অতা আলী খাঁ রাখা হ'ল। বিবাহ উপলক্ষে মহম্মদ অতা আলী খাঁ রাণী মৃগনয়নী ও হজরত গওসের নিকট থেকে বিস্তর টাকা যৌতুক স্বরূপে পেয়ে বৃন্দাবনে হরিদাস স্বামীর শ্রীচরণে পুনরায় ফিরে এলেন ও সমস্ত ঘটনা তাঁকে নিবেদন করলেন। স্বামীজির উদার হৃদয়ে জাতিভেদ ছিল না—

তিনি রাখতু ও মহম্মদ আতা আলীর মধ্যে কোনও পার্থক্য দেখতে পেলেন না ও পূর্বের মতই তাঁকে সনেহে গ্রহণ ক'রে তাঁর সঙ্গীত শিক্ষা সম্পূর্ণ করলেন।

হরিদাস স্বামী উদারতার তানসেন অন্তরে বাহিরে তাঁর চিরদিনের কেনা গোল'মের মতই হয়ে গেলেন—শুরুই তাঁর জীবনের একমাত্র উপাত্ত ও ধ্যান জ্ঞান ছিল—জাতে মুসলমান হলেও শুরুমত ও শুরুমত ষোগ তিনি হারাননি। স্বামী হরিদাস তানসেনকে সঙ্গীতের বৌগিক সাধনা সর্বাঙ্গীনরূপেই দিয়েছিলেন—সেই সাধনাই তানসেনকে চিরদিন কামধেনুর স্তায় সুরের অক্ষয় রসধারা জুগিয়েছে ও করবুকের মত ইচ্ছাকল প্রসব করেছে। 'দেবদেবীরা রাগরাগিনীরূপে মূর্তি নিয়ে তানসেনের কাছে চিরদিনই ধরা দিয়েছেন।

তানসেনের দাম্পত্যজীবনও নিফল হল না। তানসেনের রসিকা বিদগ্ধা পত্নী সঙ্গীতে সিদ্ধা ছিলেন—তাঁদের উভয়ের প্রণয় নামবিষ্ঠার সেবার দিন দিন গাঢ়তর মধুরতর হয়ে উঠল। এই সময় গোয়ালিরের ককির গওসের মৃত্যুকাল আসন্ন হয়ে এল। ককীর সাহেব তানসেনকে ছেকে পাঠাবা মাত্র হরিদাস স্বামী তানসেনকে অবিলম্বে গোয়ালিরের যেতে বলেন। তানসেন ককির সাহেবের অন্তিম দশায় অক্রিয়ম ভক্তির সহিত তাঁর সেবা করে মরণোন্মুখ ককীরকে তৃপ্ত করলেন ও ককীরের শেষ আশীর্বাদ লাভ করলেন।

ককীর সাহেবের ধনরত্নের অভাব ছিল না—সে সমস্তই তিনি তানসেনকে মৃত্যুশয্যার দান করে গেলেন। তানসেন তারপর কিছুদিন সপরিবারে গোয়ালিরে বাস করেন। তবে, স্বামী হরিদাসের নিকটে বোগসাধনা ও সঙ্গীত শিক্ষার জন্ত নিয়মিত ভাবেই তিনি বরাবর যেতেন। স্বামী হরিদাস তানসেনকে দুইশত রূপদ শিক্ষা দান করেন ও

যৌগিক সপ্তচক্রে সাতস্বরের প্রকাশ যোগবলে কি ভাবে সম্ভব হয়, সে সংকেতও তানসেনকে দিয়েছিলেন—গুরুশক্তির প্রভাবে কালে তানসেনও নাদসিদ্ধ হলেন।

সংসার-আশ্রম ত্যাগ করে তানসেনকে সন্ন্যাসী হতে হয়নি। সংসারে থেকেই তাঁর সাধনা সফল হ'ল। সঙ্গীত সাধনাকালে তানসেনের চারি পুত্র ও এক কন্যার জন্ম হয়। পুত্রদের নাম স্বরভূসেন, শরৎসেন, তরঙ্গসেন, ও বিলাস খাঁ—কন্যার নাম ছিল সরস্বতী। এঁরা সকলেই নাদবিদ্যায় সিদ্ধিলাভ করেছিলেন এবং উত্তরকালে সকলেই যথেষ্ট সম্মান এবং প্রতিপত্তি লাভ করে বংশগৌরব বৃদ্ধি করেছিলেন।

তানসেনের সাধনা যখন পূর্ণপ্রায়, সেই সময় রেওয়ার মহারাজ রাজারাম বৃন্দাবন থেকে তানসেনকে তাঁর দরবারে নিয়ে যান—রেওয়ার সভাগায়করূপে তানসেন কয়েক বৎসর রেওয়ায় ছিলেন। রাজারামের নামে অনেকগুলি গান তানসেন রচনা করেছেন—তার কতকগুলি আমি জানি। রেওয়ায় কয়েক বৎসর বাসের পর তানসেনের সৌভাগ্যরবি অকস্মাৎ উদ্ভিত হ'ল। এই সময়েই আকবর শাহ দিল্লীর সিংহাসনে প্রতিষ্ঠিত হলেন ও তাঁর সঙ্গে রেওয়া অধিপতি রাজারামের বিশেষ ঐতি সংস্থাপিত হল। আকবর বিশেষ কার্যোপলক্ষে একবার রেওয়ার এসেছিলেন, ঐ সময় তানসেনের সঙ্গীতে আকবরের চিত্ত বশীভূত হয়ে পড়ল। রাজারাম তানসেনকে বাহশার নিকট উপহারস্বরূপ প্রদান করলেন—বাহশা সম্মানে তানসেনকে দিল্লী দরবারে নিয়ে গেলেন। (১৫৫৬ খৃঃ অব্দ)।

আকবর বাহশাহকে মধ্যযুগের একজন যুগপ্রবর্তক বলেও অভিহিত হবে না। ধর্মশাস্ত্র, তত্ত্ববিদ্যা, সাহিত্য, শিল্প ও সংগীত প্রভৃতি সর্ববিধ জ্ঞানের এত বড় প্রেরণা রাজা বিক্রমাদিত্যের পর ভারতবর্ষে আর কেহ দেন

নাই। বাদশা আকবর বিক্রমাদিত্যেরই পদাঙ্ক অনুসরণে তাঁর দরবারে এক নবরত্ন সভা স্থাপন করেন—তানসেন নবরত্নের শ্রেষ্ঠতম রত্নরূপে পরিচিত হলেন। তানসেন ভিন্ন তাঁর দরবারে আরো নিয়মিত সঙ্গীত বিশারদ গুণীগণের নাম আমরা ইতিহাসে পাই :—মিঁরা খোদাবকস, মিঁরা মস্নদ আলি খাঁ, বাবা রামদাস, রামদাসের পুত্র স্বরদাস, জ্ঞান খাঁ, দরিয়া খাঁ, নবাৎ খাঁ বীণকার, বাজ বাহাছুচ, কেল শশী, তানসেনের পুত্র চতুষ্ঠয়—স্বরৎসেন, শরৎসেন, তরৎসেন, বিলাস খাঁ। তানসেনের শিষ্যদ্বয়—তানতরৎ ও মানতরৎ। এঁদের নামই বিশেষ উল্লেখযোগ্য তবে এঁরা ছাড়াও অসংখ্য গুণী দিল্লীদরবারে তখন প্রতিপালিত হয়েছিলেন।

তানসেনের দরবার-জীবন সম্বন্ধে অনেক ঐতিহাসিক ঘটনা ও সমঐতিহাসিক জনশ্রুতি আমরা শুন্তে পাই—সেগুলি এখানে উল্লেখ করা প্রয়োজন।

তানসেন দরবারের শ্রেষ্ঠতম গায়করূপে বাদশাহের অশেষ সম্মান লাভ করেছিলেন, তা ছাড়া আকবরের সর্বোচ্চ ও সব চেয়ে অন্তরঙ্গ মিত্র ছিলেন। তানসেন ছাড়া আকবরের জীবন নীরস মরুভূমি সদৃশ—তানসেনই বাদশাহের শান্তি ও আনন্দের একমাত্র উৎস—তানসেনের সঙ্গীতই তাঁর জীবনের সারতম রসায়ন। তাই আকবর শাহ তানসেনকে ছেড়ে এক মুহূর্তও থাকতে পারতেন না—নিশীথে শয়ন-মন্দিরে, অস্তঃপুরেও তানসেনের ছিল অবাধ গতি। প্রত্যহ শয়নকালে তানসেনের সনে বাদশাহ নরন নিম্নলিখিত হস্ত ও প্রভাতে পাখীর কলকূজনের সঙ্গে সঙ্গে তানসেনের গান ছিল বাদশাহ প্রভাতী মঙ্গলআরতি। তোরে ও রাতে তানসেনের গান ছিল বাধা, তা ছাড়া বাদশাহ অতি-প্রায়-মৃত অবস্থায়ও গান গাইতে হ'ত। একদিন সিংহাসনোপবিষ্ট

বাদশার এমন জীবন্ত বর্ণনা তানসেন সঙ্গীতের স্বভাবে মূর্তিমান করে তুলেন, যে বাদশা সেদিন আপনার কর্তৃত্ব যথিচার খুলে তানসেনের কণ্ঠে পরিণে না দিয়ে পার লেন না। আর সেদিন থেকেই “তানসেন” পদবী হয়েছিল। বাদশার দস্ত নামের অর্থ এই যে—যিনি সঙ্গীতের “তানের” বা “সৈন” কণ্ঠে পারেন অর্থাৎ স্বয়ং জীবন্ত কণ্ঠে পারেন, তিনিই তানসেন।

আকবর বাদশার সঙ্গীততৃষ্ণা ক্রমশঃ এতই বেড়ে গেল যে আপনার দরবারে বা বিজ্ঞানভবনে শুধু তানসেনের গান শুনে তাঁর তৃপ্তি হ’ত না।—অবশেষে গভীর রাত্রিতে তিনি ছদ্মবেশে তানসেনের আলয়ে তানসেনের মুক্ত স্বয়ংের বাধনহারা গান শুনতে যেতেন। এক দিন এ ঘটনা তানসেন আবিষ্কার করে ফেলেন—সেদিনও আকবর তাঁকে ১৮ লক্ষ টাকা মূল্যের অপর একটি হার উপহার দান করেছিলেন।

এই সংবাদ রাষ্ট্র হ’বার পর অন্যান্য গুণীরা সবাই তানসেনের প্রতি দারুণ ঈর্ষান্বিত হ’য়ে উঠলেন ও তানসেনকে কি ক’রে লাহিত করা যায় তার সুযোগ খুঁজতে লাগলেন। সুযোগও শীঘ্রই উপস্থিত হ’ল। তানসেন ছিলেন দিলদরিয়া লোক, ধনরত্নের মর্যাদা তাঁর কাছে ছিল না—খোসু খেয়ালে তিনি চলতেন, বাদশার দেওয়া সেই হারটি হঠাৎ তিনি বেচে ফেলেন। এই সংবাদ অন্যান্য গুণীরা বাদশার কানে তুলেন। বাদশার দেওয়া উপহার বিক্রয় করে ফেলাতো সামান্য কথা নয়? বাদশা রাগান্বিত হ’য়ে পরদিন তানসেনকে জিজ্ঞাসা করলেন “তোমার সে হার কোথায়? তুমি যখন আমার দরবারে এস তখন একদিনও সে হার তোমার গলায় দেখতে পাইনা কেন? কাল যখন দরবারে আসবে তখন সে হার প’রে আসা চাই।” বাদশার এই কঠোর আজ্ঞায় তানসেন অধোবদনে বলেন “জাহাপানা! সে হার আমি খুঁয়েছি। এ কথা শুনে বাদশা ক্রুদ্ধ হয়ে

বলেন “বাঁদী তুমি হার না নিয়ে আসতে পার তবে নিশ্চয় জেনো এ দরবারে আর তোমার স্থান নেই।”

তানসেন অতি লজ্জিত হ’য়ে ঘরে ফিরে এলেন। তাঁর ভাবনা হ’ল এখন উপায় কি? কোথায় যাই—কোথায় গেলে এ হার অপেক্ষাও মূল্যবান হার পাওয়া যায়—কেই বা দিবে—আর কারই বা এরূপ দানের সামর্থ্য আছে। অনেক ভাবতে ভাবতে হঠাৎ তাঁর পূর্ব মনিব রাজারামের কথা মনে পড়ল।

তাঁর মনে হ’ল গুণী প্রতিপালক করুণানিধান রেবাধিপতি রাজারাম তাঁর প্রতি পূর্বের প্রীতি আজও নিশ্চয়ই হারাননি। সেই দিনই তানসেন নিশাযোগে রেবার যাত্রা করলেন। রেবার পৌঁছে রাজারামের সঙ্গে সাক্ষাতের পর তাঁকে বলেন, “মহারাজ! অনেক দিন আপনাকে কিছু শুনাতে পারিনি এজন্ত আজ কিছু শুনাতে এসেছি। রাজারামকে শোনার জন্ত এসময় দুটি রুপয় তিনি প্রস্তুত করেছিলেন। একটি হচ্ছে শুকবেলাবলের “রাজারাম নিরঞ্জন,” অপরটি মেঘ রাগের “মগন” রহো রে”।

গান দুটিতে রাজারাম মুগ্ধ হয়ে তৎক্ষণাৎ আপনার পা থেকে রক্ত-ময় পাছকা দুটি খুলে তানসেনকে দিলেন। পাছকা দুটির মূল্য ছিল পঞ্চাশ লক্ষ টাকা।

এই পারিতোষিক লাভ ক’রে তানসেন রেবা থেকে পুনরায় দিল্লী যাত্রা করলেন। বিদায়ের সময় রাজারাম যখন তানসেনকে ছ’বাহ প্রসারিত ক’রে গাঢ় আলিঙ্গন করলেন তখন তানসেন ভক্তি গদগদ কণ্ঠে তাঁকে বলেছিলেন “মহারাজ! আজ থেকে আমার দক্ষিণ হাত আপনার। আর কাহারও অভিমানের জন্ত এ হাত উখিত হ’বে না।”

তানসেন দিল্লী ফিরে এসে বাদশার দরবারে গিয়েই আকবরকে

কুর্পিস করলেন। বাদশাহর মন তখন নরম হ'য়ে গিয়েছিল। আকবর তাঁকে রহস্য সহকারে জিজ্ঞাসা করলেন “আচ্ছা তা তো হ'ল, কিন্তু আমার জন্ত কি এনেছ!” তখন তানসেন কাপড়ের মধ্যে থেকে সেই পাছকাটির বের করে বাদশাহর সামনে দিলেন ও বল্লেন “আপনার ১৮ লক্ষ টাকার হারের মূল্য শোধ হ'লে বাকি আমাকে কেয়ৎ দিতে অস্বীকার হয়।” আকবর যুগপৎ বিস্ময়ে ও লজ্জায় অভিভূত হয়ে যাথা নত বল্লেন তখন তানসেন বল্লেন “এই রত্নপাছকা সাতহরের মধ্যে একটি সুরের ও তুল্য নয়।”

আকবর বাদশাহ একদিন মিঁরা তানসেনকে বলেছিলেন “তোমার গানই যখন এত মিষ্টি, না জানি তোমার গুরুদেবের গান বা আরও কত মিষ্টি। তোমার গুরুদেবের গান আমাকে শোনাতে হবে。” তানসেন বল্লেন “আমার গুরুদেব ষোণীপুরুষ, বনে বাস করেন, তিনি তো আপনার সত্বয় আসবেন না। তবে যদি তাঁর গান শোনার ইচ্ছা থাকে তবে সেখানে আপনাকেই যেতে হ'বে।” বাদশাহ তাই শুনে তানসেনের ভৃত্যের সাজ পরে গোপনে স্বামীজীর জন্ত বহুমূল্য রত্ন পারিতোষিক স্বরূপ নিয়ে তানসেনের সঙ্গে স্বামীজীর কাছে গেলেন। স্বামীজীর দৃষ্টি অন্তর্ভেদী তিনি উভয়কে দেখ্‌বামাত্র তানসেনকে সন্মোদন করে বল্লেন—“আরে তুমি! বাদশাহকে এতটা তগলিক দেকর কাঁহে সাধ্‌মে লেয়ারা!” বিস্ময়াভিভূত তানসেন স্বামীজীকে বাদশাহর আসার উদ্দেশ্য নিবেদন কর্লেন। স্বামীজী সন্মত হলেন এবং আনন্দিতচিত্তে বাদশাহকে গান শোনালেন। স্বামীজীর গানে যেন রাগরাগিণীরা মূর্তি ধ'রে ধরাডলে অবতীর্ণ হ'লেন। বাদশাহ আত্মহারা হ'য়ে ধনরত্ন সব স্বামীজীকে দিতে গেলেন। স্বামী হরিদাস তখন ঈষৎ হাস্যকুণ্ডিত অধরে বল্লেন “মর ককীর ছ'—রত্নময়ে হামারা কেয়া কাম্, সব বতনই দেনে যাকো তো

ইয়ে গাঃ আঁখ বন্ধ করকে শুনো যব্ রতনকা দরকার' দেখোঁগে লাগারে সেনা ।" এই কথা বলে হরিদাস একটি গান গাইলেন, গানের প্রভাবে আকবর ধ্যাননিমগ্ন হ'য়ে যেন এক অপূর্ণ দৃশ্য দেখতে লাগলেন— গাঁম বন্ধ হবারও কিছুক্ষণের মধ্যে সে ধ্যান ভাঙে নি। অবশেষে যখন বাহিরে দৃষ্টি ফিরল তখন স্বামীজী জিজ্ঞাসা করলেন—“কুছ দেখা” ? বাদশা বলেন “যমুনাজীমে এক রতনকা ঘাট বানা হ'য়ার, পানি ভংতে হ'ায়, উঠাতে হ'ায় ওর ঐ ঘাটকা এক সিঁড়িমে এক জাগা টুটা হ'ায় কৈ গির যায় ইস্ ওয়াস্তে কিসনজী হ'য়াই খাড়া হোকে খবরদারি করতে হ'ায় ।” স্বামীজী বলেন “ঠিক হার, আপ জামকো যো রতন দেনে মাঝা ঐ রতনসে টুটা সিঁড়ি কো বানার দেও ।” তখন বাদশা বুঝলেন স্বামীজী যা চেয়েছেন তা পূরণ করা বাদশার কর্ম নয় ; অবশেষে অনেক অসুস্থতার পর স্বামীজী বলেন “আমি নিজে তো কিছু নিব না ; কেলীতরে পাখীদের জন্ত কিছু অন্ন বিতরণের ব্যবস্থা করে দিলে তাতেই আমি সুখী হব ।” আকবর এই অন্ন বিতরণের ব্যবস্থা করেছিলেন ।

মিঁয়া তানসেন ভৈরব রাগে সিদ্ধ ছিলেন । এরূপ জনশ্রুতি আছে, যে নায়ক গোপালের বংশসম্বৃত কোনও স্ত্রীলোক তাঁকে ভৈরব-রাগ শিখিয়েছিলেন । এই রাগ তিনি দরবারে গাইতেন না ; শুধু শাহ্ আকবরের নিজাভক্তের সময় অন্তরে এই রাগ আলাপ কর্তেন । দরবারের কতকগুলি রাগ তিনি বেশী গাইতেন ; সেগুলী ‘দরবারী’ রাগ নামে বিখ্যাত । তন্মধ্যে দরবারী কানাড়া আজও রাগ বিভাগে অতি উচ্চ স্থান অধিকার ক'রে আছে । তানসেন কানাড়া এত বেশী ভাল গাইতেন যে বাদশা কানাড়াকে মিঁয়া কি রাগ অর্থাৎ তানসেনের রাগ বলতেন । এ রাগ তিনি অল্প কোনও ওস্তাদের কাছে শুন্তে চাইতেন না ।

তানসেন দরবারী কাণাড়া ছাড়াও আরো কতকগুলি রাগে নিজ-ব্যক্তিত্বের এমন প্রভাব রেখে দিয়ে গেছেন যা কখনও নষ্ট হবার নয়। উদাহরণ স্বরূপ দরবারী তোড়ি, মিঁয়া কি মল্লার, মিঁয়া কি সান্ধু প্রভৃতির উল্লেখ এখানে করা যেতে পারে। এ সবগুলিই “দরবারী রাগ” বা “মিঁয়া কি রাগ”। এ সব রাগরাগিনী, তানসেন ও তাঁর বংশাবলীর নিকট হ’তে এক বিশেষ রূপ এ ছন্দ পেয়ে আজও সঙ্গীত জগতে অপূর্ব শক্তিসঞ্চার করছে।

তানসেনের সৌভাগ্য বাদশার প্রীতি অভিষেকে পুষ্পিত ও ফলিত হ’তে দেখে তাঁর সমনাময়িক অন্যান্য ওস্তাদের ঈর্ষ্যার আর অন্ত ছিল না। তাঁরা যুক্তি করে তানসেনের জীবন নাশের এক উপায় উদ্ভাবন করলেন। তাঁরা বাদশাকে গিয়ে বলেন, “জাঁহাপনা! আমরা দীপক রাগ কখনও শুনি নি, আপনার অহুগ্রহে দীপক রাগ শুনে শ্রবণেন্দ্রিয় চরিতার্থ কর্তে চাই। মিঁয়া তানসেন ভিন্ন আর কেহ এ রাগ জানেন না।” বাদশা তাদের অভিসন্ধি বুঝতে পারেন নি। তিনি সহজবুদ্ধিতে তানসেনকে বলেন “মিঁয়া! দীপক রাগ আমি কখনও শুনি নি। আমার ডুমি শোনাও ” তানসেন বলেন যে দীপক রাগ গাইলে তিনি মারা পড়বেন। কিন্তু কৌতুহলাক্রান্ত বাদশা কিছুতেই ছাড়লেন না। অগত্যা, তানসেন অনেক ভেবে পোনর দিন সময় চাইলেন।

তানসেন তাঁর সমূহ বিপদ বুঝতে পেয়ে তার প্রতিরোধার্থ এক উপায় বের করলেন। দীপকরাগের তেজ মর্ন্ত্য-গায়ক সহ্য কর্তে পারে না—স্বরের আঁশনে শরীর পর্যন্ত জলে যায়। তার প্রতিকার হ’তে পারে কেহ যদি সঙ্গে সঙ্গে স্বরের শীতল ধারামারে সে আঁশন নিভাতে পারে। সুরত্রয়ে তেজস্ব স্বরূপ আছে, অপও তেয়ি রয়েছে; রাগভেদে বিভিন্ন তেজের প্রকাশ পায়। দীপকের তেজে যেমন

আগনের স্রষ্টি হয়, মেঘরাগের দ্বারা তেমনি বিপুল বারিধারা বর্ষিত হয়ে থাকে। তাই তানসেনের কণ্ঠে দীপক রাগ যখন উদ্দীপ্ত হয়ে উঠবে তখনই যদি কোনও সঙ্গীতসাধক মেঘরাগকে আবাহন কর্তে পারেন তা হ'লেই তানসেনের জীবন রক্ষা পেতে পারে।

এই ভেবে তানসেন পোনরদিন ধ'রে তাঁর গুণবতী সরস্বতী ও স্বামী হরিদাসের শিষ্যা রূপবতীকে মেঘবাগ শিক্ষা দিলেন। বাদশাকেও স্বীকৃতি জানালেন যে দীপক রাগ তিনি গাইবেন।

তানসেন দীপকরাগ গাইবেন এই সংবাদ জন হ'তে জনান্তরে, দেশ হ'তে দেশান্তরে দেখতে দেখতে রাষ্ট্র হ'য়ে গেল। এক পক্ষ ধ'রে হাজার হাজার লোক দিল্লীতে সমবেত হ'তে লাগলো। বাদশা সেই জনমণ্ডলীর সংস্থানোপযোগী এক বিপুল অঙ্গনে সভার আয়োজন করলেন। তানসেন দীপকরাগ গাইবেন, না জানি কি এক অলৌকিক ঘটনা ঘটবে, এই ভেবে বহু মিত্র ও সামন্ত রাজা আকবরের আতিথ্য গ্রহণ করলেন।

একপক্ষ পূর্ণ হ'লে তানসেন দরবারে উপস্থিত হলেন। সভার লোকে লোকারণ্য—রাজা, উজীর, সভাসদ, সৈন্যদল ও অসংখ্য প্রজামণ্ডলী সভার চতুর্দিক ঘিরে সমাসীন। প্রভাতে সভার তানসেন দীপকরাগের যজ্ঞ আরম্ভ করলেন। ওদিকে তানসেনের আদেশানুযায়ী সরস্বতী ও রূপবতী প্রভাত হ'তেই আপন গৃহে মেঘরাগের যজ্ঞ আরম্ভ করে'ছিলেন। তানসেনের উপদেশ ছিল, যে তিনি দীপকরাগের অর্চনা শেষ ক'রে দীপকরাগ যখন গাইতে আরম্ভ করবেন, সেই সঙ্গে তাঁরাও মেঘরাগের পূজা সমাপনান্তে মেঘের আগাপ স্রু করবেন। যাতে মুহূর্তের ক্রটিতেও কোনও বিপদপাত না হয়, সেজন্য অ'গেই সময়ের সঙ্কেত দেওয়া ছিল। উপযুক্ত সঙ্গীত সাধিকাঘরের উপরে এ

শুক্রতার দিবে তানসেন অনেকটা নিশ্চিতচিত্তেই সভায় এসেছিলেন। দিবা বিপ্রহরের সময় গান শুরু হবে এরূপ পূর্ব হ'তেই স্থির ছিল। বধাসময়ে বজ্র ও পূজা শেষ হ'লে বাদশা সভায় আগমন করেন। তানসেন বাদশার অমুমতি নিয়ে দীপকরাগ আরম্ভ করেন। সভার চতুর্দিকে বহু প্রদীপ দেওয়া ছিল—তানসেন বাদশার কাছে থেকে এই অমুমতি নিয়ে রেখেছিলেন—যে প্রদীপগুলি অলে ওঠামাত্র গান তিনি বন্ধ করবেন। প্রথম আলাপের সঙ্গে সঙ্গে সভাপ্রাঙ্গনে সকলেরই বোধ হল যে দারুণ গ্রীষ্মের আবির্ভাব হয়েছে। তানসেনও ঘর্মাক্ত-কলেবর হ'লেন। তারপর দ্বিতীয় গীতান্তে তানসেনের চক্ষু রক্তবর্ণ হয়ে উঠল। তৃতীয় গীতে গাত্রদাহ ও চতুর্থ গীতের অবসানের সঙ্গে সঙ্গে প্রদীপ সব অলে উঠল—সভায় দাউ দাউ ক'রে আগুন লেগে গেল।

তখন রাজা বাদশা ওমরাও প্রজাগণ বেদিকে পারুলেন সভা ছেড়ে পলায়নে প্রবৃত্ত হ'লেন। সবাই আপন প্রাণ নিয়ে ব্যস্ত। এই অবদরে অর্কদেবপ্রায় তানসেন সভা ছেড়ে নিজ গৃহে উর্দ্ধ্বাসে ছুটে এলেন। দিল্লীনগরে মহা হলুহল প'ড়ে গেল।

এদিকে ঘরে তানসেন-সুহিতা সরস্বতী ও সাধিকা রূপবতী মেঘ-রাগের পূজান্তে রাগালাপ শুরু ক'রে ছিলেন। অর্কদেবপ্রায় তানসেনকে দেখে রূপবতী মেঘের একটি গান গাইলেন। গানের সঙ্গে সঙ্গে আকাশ মেঘাচ্ছন্ন হয়ে, সূর্যদেবকে আবৃত ক'রে ফেল—দিল্লীনগর আঁধারে ঢেকে গেল। সন্ সন্ শব্দে প্রবল বাতাস দিগ্বাণুল ত্রস্ত ক'রে তুলে—বিজলীর চমকে ও বজ্রের গভীর গর্জনে এক আকস্মিক বটিকার সূচনা হ'য়ে উঠল। এই সময় সরস্বতী মেঘের দ্বিতীয় গান গাইলেন, সঙ্গে সঙ্গে ঘোর ঘনবটা আকাশ ছাপিয়ে বারিধারার ধরাডল

অভিযুক্ত কর্তে লাগল। সেই বর্ষাসারে তানসেনের দৃষ্টি অন্ধ শীতল হ'ল।

পাঠকগণ এই ঘটনাকে রূপকথা মন কর্বেণ না—এই ঘটনা ঐতিহাসিক ও ইহার সত্যতার বহু প্রমাণ আজো পাওয়া যায়। অঙ্ক প্রকৃতির উপরেও সঙ্গীতের প্রভাব যে কতখনি তা এ থেকেই আমরা বুঝতে পারি।

দীপকরাগ গাইবার পর তানসেনের শরীর সাময়িক একেবারে অগটু হ'য়ে পড়েছিল, মাসখানেক তাঁকে প্রায় শয্যাগত অবস্থারই কাটাতে হয়েছিল। বস্তুতঃ সম্ভ্রান্তী ও রূপবন্তী সঙ্গীতবলে মেঘগাগ আত্মহন ক'রে না আনতে পারলে তানসেনকে সেদিনই ইহলীলা সাক কর্তে হ'ত। তানসেন তাই দীপকরাগ কখনও বেশী গাইতেন না। তাঁর বংশধরদের মধ্যেও এই রাগ অধিক অভ্যাস নিষিদ্ধ, তবে অন্যান্য রাগ শিক্ষার পর এই রাগ তাঁদের মধ্যে শিক্ষা দেওয়ার প্রথা আজো আছে। আমরা তানসেনের দৌহিত্রবংশীর বনামধন্য বর্গীর উজীর খাঁ সাহেবের কনিষ্ঠ পুত্রের নিকট এই রাগের আলাপ ও দুই তিনটি রূপম শুনেছি। অনেকের বিশ্বাস, দীপকরাগ ভারতবর্ষ থেকে লোপ পেয়ে গেছে—কথাটা সত্য নয়।

সঙ্গীতের প্রভাবে প্রাকৃতিক বিপর্যয়ের কথা শুনে আধুনিক শিক্ষিত সম্প্রদায় বলবেন এ সব গাঁজাখুরি কথা। মনোবল কি তবে অঙ্ক প্রকৃতিকেও নিয়ন্ত্রিত কর্তে পারে, সে তখন বিশ্লেষণের স্থান এ নয়—তবে বৈজ্ঞানিক যুক্তিবলে ইহা প্রমাণিত করা যে দুর্লভ নয়, তা যে কোনও শিক্ষিত ব্যক্তি আমাদের পাতকল বা স্তম্ভশায়ে চোখ বুলিয়েছেন, তিনিই জানতে পেরেছেন। পাশ্চাত্য মনোবিদ্যাও আজ অসীম শক্তি সহজে এতটা প্রমাণ সংগ্রহ করে বৈজ্ঞানিক ভাষায়

অনেক অলৌকিক সত্যের প্রতিষ্ঠার চেষ্টা করছেন, যে আজকের দিনে তাই এ সব কথা কে বলনা বলে আর উড়িয়ে দেওয়া চলে না। সত্য কথা বলতে হ'লে আমাদের ভারতবর্ষের ইতিহাস আলোচনা কর্তে গিয়ে অতি লৌকিক ঘটনার বাহ্যিক বাদ দিয়ে যাওয়া অসম্ভব। তবে বাঁরা বিশ্বাস করেন না তাঁদের উপর জোর করা যেমন চলে না, তেমনি বাঁরা অতীন্দ্রিয় শক্তির কার্যকারিতায় আস্থা বাঁ তাঁদের বিশ্বাসের উপর হস্তক্ষেপ করার অধিকারও কার্য নেই, এটা বলতে পারি।

দীপকরাগে অগ্নিদাহের ঘটনা ছাড়া অল্প রাগের প্রভাবেও দাবদাহের উল্লেখ আমরা তানসেনের জীবন-ইতিহাসে পাই। সন্নীতাচার্য ও মর্শন বিশারদ পণ্ডিত সুদর্শন শাস্ত্রী তাঁর সন্নীতগ্রন্থে লিখেছেন “হরিদাস স্বামীজীনে আকবরকো লক্ষা দহন সারং শুনাই তো বনুমে অগ্নি লগ গই অকবর বহৎ ডরে, তব স্বামীজীনে তানসেনজীকো মেঘরাগ গানে কথা। ইনুকে মেঘরাগ সে বর্ষা হই জিসসে উহ অগ্নি শাস্ত হোগই।” স্বামী হরিদাস লক্ষাদহন রাগ গেয়ে বনে আশুন জালিয়েছিলেন, পরে তানসেনের মেঘরাগে বর্ষা হওয়ার সে দাবাঙ্গি নির্ঝাপিত হয়। বাদশা আকবর সেখানে ছিলেন বলেই এই ঘটনা আমরা এখানে উল্লেখ করতে পারলাম। সন্নীতের অলোকশক্তির অপর একটি দৃষ্টান্ত আমরা নিম্নলিখিত ঘটনার জানতে পাই।

Y. M. C. A. র বিশিষ্ট পদাধিকারী সুবিদ্বান্ ও হিন্দু সন্নীত-প্রেমিক Rev. H. A. Popley তাঁর “The Music of India” নামক গ্রন্থে লিখেছেন :—

Once the celebrated Tansen was ordered by the Emperor to sing a night Raga at noon. As he sang, darkness came down on the place where he stood and

spread around as far as the sound reached” অর্থাৎ একদা বাদশা আকবর বিপ্রহরের সময় মিন্না তানসেনকে কোনও নৈশ-রাগ গাইতে বলেছিলেন। তানসেন সে রাগ গাইবার সঙ্গে সঙ্গে তাঁর চারিদিকে আঁধার ঘিরে এল ও যতদূর তাঁর কণ্ঠস্বর বিস্তৃত হচ্ছিল আঁধারও ততদূর ছড়িয়ে পড়েছিল।

তানসেনের জীবন বহু অলৌকিক ঘটনায় পরিপূর্ণ। সঙ্গীত প্রভাবে তিনি বাদশার পরিবারের অনেকের কঠিন ব্যাধি অনেকবার সারিয়েছেন। তানসেন এ সব বিস্মৃতির জন্য মোটেই অহঙ্কার কর্তেন না। তিনি কোনও বাত্ম জানতেন না, তিনি বলতেন যে পরমেশ্বরের সঙ্গে সংযোগে যখন যুক্তাবস্থায় গান গাওয়া যায় তখনই এ সব অলৌকিক শক্তির বিকাশ হয়। এ সবার উপর তাঁর নিজের কোনও হাত ছিল না, সবই দৈবপ্রভাবে ঘটত। এই দৈবশক্তি-সিদ্ধ কবীর মহম্মদ গওসের আশীর্বাদের ফল ও স্বামী হরিদাসের প্রদত্ত যোগদীকার প্রত্যক্ষ প্রভাব ছাড়া সে আর কিছুই নয় তা’ তানসেন বিশ্বাস কর্তেন।

দীপকরাগ গাইবার ফলে যখন তানসেনের কিছুদিন শারীরিক অসুস্থতা এসেছিল, তখন আকবর তানসেনের সঙ্গ না পেয়ে অশ্রুমনক হবার জন্য যুগয়ার মন দিয়েছিলেন। এই সময় আর একটি দৈবসংযোগ উপস্থিত হয় যা ভারতীয় সঙ্গীতের ইতিহাসে বিশেষ ভাবেই স্মরণীয়।

আকবর যুগয়ার্থ সিদ্ধদেশে গিয়েছিলেন। কিছুদিন যুগয়ারপর একদা বাদশা সারাদিন শীকারের সন্ধানে অরণ্যে ঘুরে ঘুরে অত্যন্ত প্রান্ত হ’য়ে পড়েছিলেন, তাঁরু বহুদূরে, এদিকে সঙ্গের জলও ফুরিয়েগিয়েছিল, তৃষ্ণার তিনি অত্যন্ত কাতুর হ’য়ে পড়লেন ; এ অবস্থায় নিকটে কোনও জলাশয় আছে কিনা দেখবার জন্য অশ্রুচরেরা খুঁজতে বেরল। কিছুদূর হাবার পর তারা হঠাৎ একটি উত্তান ও দীঘি দেখতে পেল। উত্তানে

একজন উচ্চানরক্ষক ছিল, সে তাদের প্রথম কর্ম তারা কে এবং কি উদ্দেশ্যে তথায় এসেছে, তারা বর, বাদশা আকবর যুগয়ার এসে পশ্চিম-মধ্যে তুফান কাতর হ'য়ে পড়েছেন তাই জলের সন্ধানে তারা এসেছে। উচ্চানরক্ষক তখন তাদের বথেক জল নিতে অসুমতি দিল। দীর্ঘিকার উপনীত হ'য়ে তারা দেখতে পেল দীর্ঘিকার অপর প্রান্তে একটি বৃহৎ শিব-মন্দির অবস্থিত। মন্দির ঘারে একটি বীণাধর রেখে অনেক সাধু পূজার রত। তারা এটা লক্ষ্য কর' মাত্র কিন্তু উচ্চানরক্ষককে কিছু জিজ্ঞাসা কর' না। পানীয় পাত্রে প্রচুর জল নিয়ে অবশেষে বাদশার নিকটে গিবে সমুদয় বিবরণ নিবেদন কর'। বাদশা তুফান নিবৃত্তির পর কোতুহলাক্রান্ত হ'য়ে সেই শিব-মন্দিরে তখনই চ'লে এলেন। মন্দিরে উপনীত হ'য়ে দেখলেন রক্তাধরধারী রক্তচন্দন-চর্চিত্ত, প্রসন্ন-দর্শন দীর্ঘাকৃতি অনেক বীর-তাত্ত্বিক সত্ত্ব পূজা সমাপনান্তে বীণা-ধরটির সুর মেলাচ্ছেন। বাদশা ভক্তিপূর্বক তাঁকে প্রণাম ক'রে আত্মপরিচয় দিলেন ও তাঁর যত্ন শুনতে চাইলেন। তাত্ত্বিক সহাস্যে বীণা বন্ধে নিয়ে পুরবীর আলাপ শুরু করলেন।

বীণার প্রথম স্বাক্ষরেই বাদশা চমুকে গেলেন। এরূপ বীণা তিনি জীবনে আর কখনও শোনেন নি। তানসেনের গান শুনে শুনে, আর কার গান শুনেতেই বাদশার ইচ্ছা হ'ত না, কোনও তত্ত্বাকারের বাজনা শোনাতে দূরের কথা। কিন্তু এ বীণা শুনে বাদশার ভ্রম হ'ল যে, তানসেনের কণ্ঠ যেন কেউ কেটে বীণার সোয়ারিতে বসিয়ে দিয়েছে— বহু-সঙ্গীত যে এতদূর উৎকর্ষ লাভ কর্তে পারে, তা বাদশার ধারণার অতীত ছিল। যত্নালাপ সাধ হবার পর, বাদশা সেই বোণীপুরুষের পরিচয় জিজ্ঞাসা করলেন। প্রথমটা তিনি পরিচয় দিতে চাইতে ন না, পরে অনেক অসুযোগ উপহোধের পর বললেন, যে তাঁর নাম বিশ্ণু সিং,

তিনি আজমীড় সিংহগড়ের ক্ষত্রিয়-নরেশ মহারাজ সমুধন সিংহের দ্ব্যেষ্ঠ পুত্র। তাঁর পিতা এই বাদশারই সঙ্গে সংগ্রামে পরাস্ত, হস্তরাজ্য ও নিহত হবার পর তিনি সংসার ত্যাগ ক'রে অরণ্যে চ'লে এসেছেন— তাঁর সংসারে আর কেহই নাই—শুধু এই বীণাই তাঁর সখল— ক্ষত্রিকুলে তাঁর জন্ম, অরণ্যে তন্ত্রস'ধনা ও বীণাবাদনে তিনি কালযাপন ক'রে থাকেন।

এত বড় শুণী রাজার রাজ্য বাদশারই দিগ্বিজয়ের ফলে হারবার হ'রে গেছে একথা জানতে পেরে আকবর বাদশা লজ্জিত হয়ে পড়লেন। কিন্তু মিশ্রীসিংজী বলেন যে, রাষ্ট্রদ্রোহের কথা তুলেও তাঁর মনে হয় না, অরণ্যে মহাশান্তিতে তিনি রয়েছেন। বাদশা তাঁকে দিল্লী নিয়ে যেতে চাইলেন। তাঁকে বলেন, যে রাজ্য তাঁর গিয়েছে বটে কিন্তু তিনি বাদশার দরবারে অতি সম্মানিত আসনে প্রতিষ্ঠিত থাকবেন—মিরা তানসেনের সহযোগীরূপে তিনি বাদশার দরবারে স্থান পাবেন। মিশ্রীসিংজী সন্মতী ছিলেন না—যোগী ছিলেন, তাই সংসার ত্যাগই তাঁর একমাত্র ধর্ম ছিল না। তবে নির্জন অরণ্যের শান্তিপূর্ণ আশ্রয় ছেড়ে কোলাহলপূর্ণ রাজদরবারে যেতে তাঁর মন মন্থছিল না। কিন্তু প্রবল প্রতাপ বাদশার ঐকান্তিক আগ্রহ লক্ষ্যন কর্তে তাঁর ভরণ্য হ'ল না—বাদশার সঙ্গে তিনি দিল্লী গেলেন। তথায় মাসিক দুই সহস্র কর্ণমুদ্রা তাঁর বৃত্তিরূপে নির্দিষ্ট হ'ল। মিশ্রীসিংজীর লক্ষ্যে ঐতিহাসিক বে আশ্রয় অস্তরূপ বিবরণ পাই, তা নিয়ে লিখিত হ'ল।

সম্রাট আকবরের দরবারে তানসেন কণ্ঠসঙ্গীতের কোহিনূর ছিলেন সত্য কিন্তু এমন কোনও যন্ত্র তথায় ছিলেন না যিনি বাদশার মনোরঞ্জন কর্তে পারতেন। যন্ত্র-সঙ্গীতের এ অভাব ও অপকর্ষ বাদশা কখনই অস্বপ্ন করতেন। একদিন তিনি তানসেনকে জিজ্ঞাসা করলেন,

ভারতবর্ষে এমন কোনও যন্ত্রী আছেন কিনা তাঁর বাজনা শুনে তৃপ্তি পাওয়া যেতে পারে। তানসেন বলেন, কোনও পেশাদার ওস্তাদের সাধ্য নাই যে বাজিয়ে বাদশাকে খুসী কর্তে পারেন তবে একজন রাজা আছেন, তাঁকে যদি বাদশা নিয়ন্ত্রণ করেন তবে তাঁর বীণার শুনে বাদশা সত্যি আনন্দ পাবেন, তাঁর বীণার তুলনা নাই। তিনি হচ্ছেন সিংহল-গড়াধিপতি রাজপুত্র মহারাজ সমুখন সিং। তানসেনের কাছে এ সংবাদ পেয়ে বাদশা মহারাজ সমুখন সিংহকে নিয়ন্ত্রণ করে পাঠালেন। মহারাজকে জানান হ'ল যে তাঁর বীণার সুখ্যাতি শুনে বাদশা পরম আগ্রহাধিত ও তাঁর বীণা শোনবার জন্য একান্ত উৎকণ্ঠিত, সুতরাং মহ রাজকে অসুগ্রহ ক'রে দিল্লীতে পদধূলি দিতে হবে।

বাদশা আকবরের নীতিই ছিল প্রতিবেশী রাজসমূহের সহিত প্রণয়বন্ধন স্থাপিত করা—তাতে তাঁর রাষ্ট্রনৈতিক উদ্দেশ্যও সকল হ'ত। তিনি অনেক হিন্দু নৃপতির সহিত শোণিত-সম্পর্ক সংস্থাপন করে উত্তর ভারতে কি করে একচ্ছত্র প্রভুত্ব বিস্তার কর্তে পেরেছিলেন. তা ঐতিহাসিক যাত্রই জানেন। এ ক্ষেত্রে আকবর ভাবলেন, মহারাজ সমুখন সিংহের সঙ্গে সঙ্গীত সঞ্চয় স্থাপনার ফলে সিংহলগড়রাজ্যটিকেও মিত্ররাজ্যে পরিণত করা যাবে। বীণা শোনার সঙ্গে সঙ্গে এটা হবে বাদশার ডবল লাভ।

মহারাজ সমুখন সিং যোগল সম্রাটের রাজনৈতিক উদ্দেশ্য ভালরূপই জানতেন—ভেদস্থী রাজপুত্ররাজা যোগল সম্পর্ক অত্যন্ত স্থণার চক্ষেই দেখতেন। যবনের সঙ্গে যৈত্রী অপেক্ষা বিরোধই তিনি পছন্দ করলেন—বহিও তিনি জানতেন যে এ বিরোধের ফল সর্বনাশ। এই সর্বনাশকেও চিত্তোর রাজ্যের জ্ঞান তিনি গৌরবময় ভাবলেন। তিনি বাদশাকে বলে পাঠালেন যে তিনি শিবমন্দিরে পূজাসনে ব'সে মহাদেবকে

যে যন্ত্র শে নান, যখনরাজে : প্রতিপোচব হ'তে পারে ন' ! বাদশা ইচ্ছা করলে তাঁর রাজ্য লুণ্ঠন ক'রে নিয়ে যেতে পারেন, কিন্তু বীণা তিনি শুনতে পা রন না ।।

মহারাজের এই প্রত্যাখ্যানে বাদশার ক্রোধ উদ্দীপ্ত হ'ল। তিনি মদলবগে বুদ্ধযাত্রা করে সমুখন সিংকে বধ করলেন এবং যুবরাজ মিশ্রী সিংকে বন্দী করলেন। বীণা বাদনে যুবরাজ মিশ্রী সিংও পিতার ভূণ্যই ছিলেন। তিনি গোপনে যখন বন্দীশালার বীণা বাদনে রত ছিলেন তখন তাঁর বীণা বাদনের দক্ষতা দেখে বাদশা তাঁকে মুক্ত করে দিলেন এবং দিল্লী দরবারে আহ্বান করলেন। কিন্তু মিশ্রী সিংজী তাতে সম্মত হন নাই। বাদশা তখন তানসেনকে তাঁর নিকটে ডেকে আনলেন। তানসেন মিশ্রী সিংকে অনেক স'স্বনা দিয়ে তাঁর কোত দূর করে তাঁকে দিল্লী দরবারে বীণাগাপ করতে সম্মত করলেন। ফলে মিশ্রীসিংজী দিল্লী দরবারে বিশেষ সম্মানের সহিত গৃহীত হলেন। শ্রেষ্ঠ ক্ষত্রিয়বংশ সম্ভূত এবং স্বাধীন নৃপতির পুত্র বলে তিনি সম্মান ত পেতেনই—তা বাদে, ভারতের শ্রেষ্ঠতম বীণাবাদক ব'লেও একটা বিশিষ্ট সম্মানও তাঁকে দেওয়া হ'ল। দরবারের গুণীমণ্ডলী একবাক্যে তাঁকে যন্ত্র সঙ্গীতের তানসেন বলে যেন নিলেন ও মিন্না তানসেনও তাঁকে বাদশাহের সঙ্গীত-সভার একজন প্রধান গুণী ব'লে স্বীকার ক'রে নিলেন। যি ঃ সিংজীর ভূরসী প্রশংসা দিকে দিকে ছড়িয়ে গেল। তখনকার দিনে সঙ্গীত ছিল এক পূর্ণ সঙ্গতি বিশিষ্ট জিনিষ। গীত বাণ্ড ও নৃত্য এ সকলের সঙ্গতিকেই সঙ্গীত বলা হয়। গান, মদল, বীণা ও নটনটীর নৃত্য এ সকলের সমাবেশে সঙ্গীত তখন পেন্ত এক অপূৰ্ণ সামঞ্জস্য (harmony) বা এখন আমরা কল্পনাও কর্তে পারি না। তানসেনের সঙ্গে সঙ্গতির উপযুক্ত বীণাবাদক হলেন মিশ্রী

সিং। যে সঙ্গতির অভাব এতদিন বাদশাহর দরবারে ছিল, মিস্ত্রী সিংজীর আবির্ভাবে তা দূর হ'ল। তানসেনের গানের সঙ্গে সঙ্গে অতঃপর সর্বদা মিস্ত্রী সিংএর বীণা বাজত। তানসেন ক্রমশঃ রচনা ক'রে ঠিক যেমন ভাবে গাইতেন, মিস্ত্রী সিং ভদ্ররূপ গীত বীণায় বাজিয়ে দিতেন। এইরূপে কিছুকাল বাদশাহের সঙ্গীত সভায় এক অপূর্ব সঙ্গত চ'লল।

কিন্তু সঙ্গতের মধ্যে অসঙ্গতির সূত্রপাত হল কিছুদিন পর। ক্রমশঃ গুণের শ্রেষ্ঠতা নিয়ে স্বন্দের ও প্রতিযোগিতার বৃত্তি উভয়ের মধ্যেই দেখা দিল—বিরোধ এস ঘনিষ্ঠে। অবশেষে একদিন তানসেন ইচ্ছা করেই এমন এক তানযুক্ত গীত রচনা করলেন যা বীণায় বাজানো চলে না। হাজার হ'লে ও বীণার সুরের বাধন রয়েছে পর্দায় পর্দায়, আর গায়কের কণ্ঠ মুক্তবিহঙ্গের স্তায় গতিশীল-গলার তান যত্নে কতদূর উঠবে! কলে সেই গান মিস্ত্রী সিংজী বাজাতে পারেন না। তিনি অবমানিত বোধ করলেন, বুঝলেন যে তাঁকে জব্দ করবার জন্যই তানসেন ঐরূপ গীত রচনা করেছেন। তিনি তানসেনকে তাঁর মনোভাব জিজ্ঞাসা করলেন ও বললেন, যে ঐরূপ আচরণ সঙ্গীতে সাধুতার পরিচায়ক নয়। তানসেনও তার ক্রূর জবাব দিলেন। মিস্ত্রী সিং ছিলেন খড়গধারী শক্তি ক্ষত্রিয়। তিনি ক্রোধ সহরণ কর্তে পারেন না—কক্ষিত খড়গ নিক্ষেপিত ক'রে তানসেনের শিরোদেশে, আঘাত করলেন তানসেনের কপাল দিয়ে রক্ত ঝড়তে লাগল। অতঃপর যখন মিস্ত্রী সিংজীর বিচারশক্তি ফিরে এল তিনি বুঝলেন যে কাজটা অতীব গর্হিত হয়ে গেছে, তখনই তিনি সেই তরবারি হস্তে দরবার ত্যাগ ক'র দিল্লী হ'তে নিরুদ্দেশ হ'য়ে গেলেন। তারপর বহুদিন তাঁর আর সন্ধান পাওয়া যায় নাই।

এই আঘাত হ'তে আরোগ্য লাভ কর্তে তানসেনের ছয়মাস সময় লেগেছিল। এদিকে মিশ্রী সিং পূর্ববৎ অরণ্যে অরণ্যে বিচরণ ক'রে কাল কাটাতে লাগলেন। তিন বৎসর অতীত হ'লে ঘটনাক্রমে আকবর বাদশাহের উজীর নবাব খাঁ খানার সঙ্গে মিশ্রী সিংহের সাক্ষাৎ হ'ল। উজীর তাঁকে অভয় দান ক'রে আপন বাটীতে নিয়ে এলেন, ও পরে বাদশাহকে বল্লেন, “মিশ্রী সিংকে পাওয়া গেছে এবং আমারই আশ্রয়ে তিনি আছেন। হজুরের যদি আদেশ হয়, তবে তাঁকে দরবারে নিয়ে আসি”। বাদশাহ মিশ্রী সিংহের সংবাদ পেয়ে খুবই হৃষ্ট হলেন, কেননা তৎকালে ঐরূপ বীণাবাদক আর কেহ ছিল না—কিন্তু মিশ্রী সিং আইনতঃ দণ্ডাহঁ তাই বাদশাহ উজীরকে এক কৌশল উদ্ভাবন কর্তে বল্লেন তিনি বল্লেন “একথা প্রকাশ করার আবশ্যকতা নাই; কেননা তানসেন জান্তে পাল্‌ তার (মিশ্রী সিংহের) নামে অভিযোগ আনবে। তা হ'লেই বাধ্য হ'য়ে, আইনের খাতিরে আমার দণ্ড দিতে হবে। এখন এমন কোনও কৌশল উদ্ভাবন কর যাতে তানসেন তার উপর ক্রোধ পরিত্যাগ করে।” বাদশাহ এই মন্তব্য শুনে উজীর তানসেন ও মিশ্রী সিংহের পুনর্মিলনের উপায় চিন্তা ক'রে স্থির কর্লেন যে কোনও রূপে তানসেনকে তাঁর নিজ বাড়ীতে নিমন্ত্রণ ক'রে এনে উভয়ের মিলন ঘটাতে হ'বে।

এই স্থির ক'রে তিনি রাষ্ট্র ক'রে দিলেন. যে তাঁর বাড়ীতে এক সুযোগ্য জ্ঞীলোক বীণকার এসেছে। লোক পরম্পরায় তানসেনের কানেও এ খবর গেল। তিনি ব্যগ্র হ'য়ে তথা কথিত জ্ঞীলোক-বীণকারকে দরবারে আনবার জন্ত বাদশাহ অহুমতি প্রার্থনা কর্লেন। উজীর তানসেনের সাম্নে বাদশাহকে বল্লেন “সেই জ্ঞীলোকটি পর্দানসীন, দরবারে সে কি ক'রে আসবে? তবে আপনারা অহুগ্রহ ক'রে যদি

আমার বাড়ীতে পদার্পণ করেন, তবে তার বাজনা শোনাতে পারি।” একধার সকলেই স্বীকৃত হ’লেন। দিন হির হ’ল; বাদশা তানসেন ও অন্তান্ত গুণীগণ বধাসময়ে উজীরের গৃহে উপস্থিত হ’লেন। বীণাবাদন শুরু হ’ল। সকলেই একাগ্রচিত্তে শুনতে লাগলেন। তানসেন খানিক শুনেই বলেন, “এ জীলোক নয়, এ আমার ছুষ মণ”। উজীর একথা শুনে বলেন “কখনো নয়। এ জীলোক। তবে আপনি মিল্লী সিংএর কন্যার যদি মাগ্ করেন তবে পর্দা তুলে দেখিয়ে দিই।” এই সময় বাদশা ব’লে উঠলেন, “তানসেন! তুমি মিল্লী সিংএর ছোরা কাউকে এনে দাও, এর গর্দান আমি নিচ্ছি।” তখন তানসেন বলেন—“হজুরেরই দিল্ যখন এইরূপ, তখন আমিই বা কেন অসম্মত থাকব—আমিও মাগ্ করছি।” তানসেন এই কথা বলার পর উজীর পর্দা তুলে জীবেশধারী মিল্লী সিংজীকে বাহিরে আনলেন ও তানসেনের সাথে তাঁর মিলন ঘটালেন। বাদশা আকবর তখন তানসেনকে বলেন. “এ মিলন পাকা হ’ল না, তোমার মেয়ের সঙ্গে এর বিবাহ দেও। তুমিও হিন্দু ছিলে, ইনিও হিন্দু—তুমিও গুণী, ইনিও গুণী। এঁর মত পাত্র আর কোথায় পাবে?”

বাদশার এই কথায় তানসেন সন্মত হলেন এবং গুণবতী কন্যা সরস্বতীকে মিল্লী সিংহের হস্তে সমর্পণ করলেন। এই সময় থেকে মিল্লী সিংএর নাম নবাৎ খাঁ রাখা হ’ল (মিল্লী—নবাৎ. সিংহ—খাঁ) এইরূপে নবাৎ খাঁ বা মিল্লী সিং তানসেনের নিকটতম আত্মীরের স্থান-ধিকার করলেন। তানসেন চারি পুত্র, কন্যা ও আমাতাসহ স্নেহে প্রৌঢ়-দীর্ঘ-বয়স কাটতে লাগলেন।

মিল্লী সিং মুসলমান নাম নিয়েও তানসেনেরই স্তায় যোগ আরাধনামিতে বিশেষ অগ্রসর হয়েছিলেন। তখনকার দিনে হিন্দু ও মুসলমানের

মধ্যে পার্থক্য এত উৎকট ছিলনা। তাই মুসলমান সংস্কার নিয়েও হিন্দুরা আপন সংস্কার ও ক্রিয়া কর্ম ত্যাগ কর্তেন না। মিল্লী সিংহী নবাং থাঁ হওয়ার পরও রক্তবজ্র, সিন্দুর ও খড়গ প্রভৃতি ধারণ কর্তেন। তিনি তান্ত্রিকমতে সাধনা কর্তেন, সর্বদা খাণ্ড'র বা খড়গ ব্যবহার কর্তেন ও তাঁর সঙ্গীতের বাণীও খাণ্ডার-বাণী ছিল। তাঁর বীণায় শক্তিপূর্ণ উদ্ভাত খাণ্ডার-বাণী বাজত।

মিল্লীসিংহী সম্বন্ধে সুপণ্ডিত স্মরণনাচার্য শাস্ত্রী লিখেছেন :—
 “তানসেনজীকে জামাতা নবাংথাঁজী (মিল্লী সিংহী) বীণাবাদনমে শ্রীহরিদাস স্বামীজীকে শিষ্য ধে। যে বীণামে বড়ে প্রধান রে শরীরমে বড়ে বলিষ্ঠ ধে। একদিন বাদশাহ আকবরকে রাত্রিমে বীণা সুন্য রগেধে ইতনেমে বায়ুকে ঝাঁকসে মোমবস্তি বুঝ্ গই ইন্হোনে এক এইসি ঠোক্ বজ্রাই কি মোমবস্তি ফির জল্ উঠি। ইনকি বীণাকী ধ্বনি বহুং দুঃতক্ সুনাই দেতীধী; নবাংথাঁজী জাতি প্রথম হিন্দু ধে পি.ছ বিবাহকি কারণ মুসলমান হয়ে। নবাংথাঁজী জামাতা হোনেকে কারণ তানসেনজীকে পুত্রতুল্য হী ধে ইস্ সস্তব ছায় কি ইন্কো কুছ শিক্ষা তানসেনজীসে তি প্রাপ্ত হই, তো তি যে প্রাধান্তেস বীণামে শ্রীহরিদাস স্বামীজীকে শিষ্য ধে বীণাকে অদ্বিতীয় ওস্তাদ হয়ে। ইন্কো খাণ্ড'রে গোত ধে।” অর্থাৎ তানসেনজীর জামাতা নবাংথাঁ হরিদাস স্বামীর শিষ্য ছিলেন। ইনি বীণায় বড় প্রবীণ ছিলেন আর ইহার দেহও বড় বলিষ্ঠ ছিল। একদিন নবাংথাঁ বাদশা আকবরকে রাত্রিতে বীণা সুনাইতেছিলেন, এমন সময় বায়ুবেগে কক্ষস্থিত মোমবাতি নিতে গিয়েছিল এট সময় ইনি বীণায় এমন ঠোক্ বাজালেন যে মোমবাতি পুনরায় জলে উঠেছিল। ইহার বীণার ধ্বনি বহুদূর অবধি শোনা যেত। নবাংথাঁ প্রথমে হিন্দু ছিলেন পরে তানসেনের জামাতা হয়ে

মুসলমান হন। জামাতা হবার দরুণ তানসেনজীর পুত্রতুল্য ইনি ছিলেন এবং তদরুণ তানসেনের কাছ থেকেও কিছু শিক্ষা পেয়েছিলেন। তবে ইনি শ্রীহরিদাস স্বামীর শিষ্য ছিলেন এবং প্রধানত; তাঁর কাছ থেকেই বীণা শিখেছিলেন। বীণার ইনি অধিতীয় ওস্তাদ ছিলেন। ইঁহার বাণীর নাম খাণ্ডার-বাণী ছিল

তানসেন-দুহিতা সরস্বতী দেবী সঙ্গীত প্রভাবে কিরূপে তাঁর পিতার জীবন রক্ষা করেছিলেন ইতিপূর্বে আমরা তা লিখেছি। তানসেনের দুহিতার স্তায় তাঁর চারি পুত্রও সঙ্গীত সাধনায় বিশেষ অগ্রসর হয়েছিলেন। তানসেনের বয়স যখন সপ্ততিবর্ষ উত্তীর্ণ হ'ল তখন তিনি তাঁর অসুস্থ সময় নিকটবর্তী জেনে বাদশার দরবারে যাতে পুত্রদের যথাযোগ্য আসন হয়, সেই প্রার্থনা বাদশাকে জানানেন। একদিন তিনি তাঁর পুত্রদের ডেকে বলেন, “তোমরা সঙ্গীত শিক্ষা কিরূপ পেয়েছ তার পরিচয় দিতে হবে। বাদশার নামে গীত রচনা ক'রে আন ও আমায় শোনাও তারপর বাদশার সামনে তা গাইতে হবে। বাদশা তদনুযায়ী তাঁর দরবারে তোমাদের আসন দেবেন।” পিতার আজ্ঞানুযায়ী জ্যেষ্ঠ শরৎ সেন, মধ্যম সুরত সেন, তৃতীয় তরঙ্গ সেন ও কনিষ্ঠ বিলাস ষাঁ এই চারি ভ্রাতা চারিটি গান প্রস্তুত ক'রে আনলেন ও গান গেয়ে একে একে পিতাকে শোনালেন। গানের যে সকল অংশ শ্রীহীন হয়েছিল, তানসেন তা পারিপাটীরূপে সাজিয়ে দিলেন।

অনন্তর তানসেনের অনুরোধে বাদশা চারি ভ্রাতাকে আপন দরবারে গাইতে আহ্বান করেন। নির্দ্ধারিত দিবসে, তানসেন প্রাতঃকালে পুত্রচতুষ্টয়সহ দরবারে উপস্থিত হ'য়ে বাদশাকে বলেন, “আমি বৃদ্ধ হয়েছি, আমার শক্তির হ্রাস হয়েছে, এখন আম'র অবসর দিয়ে এই আমার চারি পুত্রদের অন্নদান কর্তে আজ্ঞা হয়।” আকবর বলেন

“আচ্ছা, তানসেন তোমার মনোরথ পূর্ণ হবে।” তখন তানসেন পুত্রদের গাইতে বল্লেন। প্রথমে শরৎসেন গান আরম্ভ করলেন। তাঁর গানে গুণীগণসহ বাদশা পঙ্কম প্রীত হলেন।

তৎপর সুরতসেন গাইলেন। সুরতসেনের গানেও সকলেই মুগ্ধ হলেন। এইরূপে তরঙ্গসেনের গানেও বাদশা সমবেত স্বধীমণ্ডলীসহ সবিশেষ আনন্দ লাভ করলেন। সব শেষে বিলাস খাঁর গান হ’ল। বিলাস খাঁর গানে বাদশা ও গুণীগণ শুধু আনন্দিতই হলেন না, বৎপরোনাস্তি আশ্চর্য্যান্বিতও হলেন। বাদশা উল্লাসিত কণ্ঠে বল্লেন, যে তানসেন ও স্বামী হরিদাসের পর একরূপ গান তিনি কখনও শোনেন নাই। চৌদিকের গায়ক গুণীবৃন্দের উচ্ছল হর্ষরোলে সভাস্থল মুগ্ধিত হ’রে উঠল—সবাই একবাক্যে বল্লেন “তানসেন! এই পুত্রই তে মার কীর্ত্তি অক্ষয় রাখবে।” তানসেন তখন বাদশাহকে সেলাম করলেন। বাদশা তখন সেই চারি ভ্রাতার প্রত্যেককে সহস্র মুদ্রা ক’রে পারিতোষিক দিলেন ও প্রত্যেকের মাসিক পাঁচশত টাকা বৃত্তি নির্দ্ধারিত ক’রে তাঁর দরবারে সম্মানিত আসন দান করলেন। তানসেনের বৃত্তি মাসিক দুই সহস্র মুদ্রা নির্দ্ধিষ্ট ছিল। তানসেনকে এক্ষণে অবসর দেওয়া হ’ল ও তাঁর অবসর বৃত্তি (pension) মাসিক সহস্র মুদ্রা স্থির হ’ল। তানসেন বাদশাকে অভিবাদন ক’রে স্বগৃহে গেলেন ও নিশ্চিন্ত শান্তিতে বিভূষণগানে ও ঈশ্বরস্মরণে শেষ বয়স যাপন কর্তে লাগলেন। মাঝে মাঝে ইচ্ছা হ’লে বাদশার কাছে তিনিও আসতেন আবার বাদশাও তাঁর কুশলসংবাদ নিতে তাঁর গৃহে যেতেন।

এইরূপে কয়েক বৎসর গত হওয়ার পর, তানসেন জরাগ্রস্ত হয়ে পড়লেন ও তাঁর কালব্যাপির সূচনা হ’ল। বাদশা তাঁকে স্বাস্থ্যোন্নতির জন্য আশ্রয় নিয়ে গেলেন। কিন্তু তাঁর আরোগ্যের আর আশা রহিল

না। তানসেন গোরালিয়রে যাবার জন্ত উৎকণ্ঠিত হয়ে উঠেন কিন্তু বৈদ্যগণ ভয় পেলেন, গোরালিয়রে যাবার চেষ্টা কমলে পথেই তানসেনের মৃত্যু হতে পারে বলে তাঁদের আশঙ্কা হ'ল। তখন বাদশা তানসেনের শয্যাপার্শ্বে এসে তাঁর গোরালিয়র বাজার সংকল্প ত্যাগ কর্তে বলেন। তানসেন বাদশাকে দেখে সাক্ষরলোচনে বলেন “খোদাবন্দ! আর কি দেখছেন? আমার অন্তকাল সমাগত। গোরালিয়রে যদি যেতে না দেন, তবে আমার সমাধি যেন ভথায় হয়।” বাদশা তাঁকে আশ্বাস দিয়ে গেলেন; শেষ সময় আসন্ন হ'রে এল। মৃত্যুশয্যাপার্শ্বে পুনরায় বাদশা গেলেন। বাদশাকে দেখে তানসেন তাঁর শেষ গান গাইলেন। বাদশা আর স্থির থাকতে পারলেন না। তিনি বাগকের স্তায় কেঁদে কেঁদে গেলেন। তানসেন অতঃপর গভীরভাবে ধারণ ক'রে পরমেশ্বরের ধ্যানে নিমগ্ন হলেন। বাদশা বিদায় নিলেন। কিয়ৎকাল পরে তানসেন তাঁর চারিপুত্র ও শিষ্যদিগকে আহ্বান ক'রে বলেন “আমি এখন চ'লাম, তোমরা আমার কাছ থেকে যে সঙ্গীত সাধনা পেয়েছ আনীর্কাদ করি আমার মৃত্যুর পর এই বৈবপ্রভাব-পূর্ণসঙ্গীত তোমাদের মাঝে যেন জমর হ'য়ে থাকে। আমার মৃত্যুর পর আমার মৃতদেহ মাঝখানে রেখে চারিধারে সকল গুণী ও সাধকগণ বসে গান গাইবে। যার গানে আমার মৃতদেহের দক্ষিণ হাত উখিত হবে, তারই বংশাবীক্রমে সঙ্গীতসাধনা জাঙ্কলামান থাকবে।” তানসেনের এই শেষ বাণীর পরেই তাঁর পবিত্র আত্মা নশ্বর দেহ ত্যাগ ক'রে অমৃতধামে প্রয়াণ করল (ইংরাজী ১৫৮৫ খ্রীঃ অব্দ ফেব্রুয়ারী, বাংলা ১২২২ সন কাশ্বন মাস)। মৃত্যুকালে তানসেনের বয়স আশী বর্ষ হয়েছিল। তনসেনের মৃত্যুর পর তাঁর পুত্রগণ তাঁর ভক্ত শিষ্যগণ ও অন্যান্য সঙ্গীত সাধকগণ তাঁর মৃতদেহ পরিবেষ্টন ক'রে একে একে গান

গাইতে লাগলেন। জনৈক যুরোপীয় রাজদূত তথায় উপস্থিত ছিলেন। মৃতদেহের হস্ত যে উখিত হ'তে পারে একথা তিনি কিছুতেই বিশ্বাস কর্তে পারেন নি। বস্তুতঃ কাহারও গানেই এ অসম্ভব সাধিত হ'ল না—পরিশেষে তানসেনের কনিষ্ঠপুত্র বিলাস খাঁ সেই যুরোপীয়কে সম্বোধন ক'রে “কোন্ ভ্রম ভুলোরে মন অজানী!” ভোড়ি রাগিণীর এই ঋপদ টী গাইলেন। তাঁর গীতের সঙ্গে মৃত তানসেনের দক্ষিণ হস্ত উখিত হ'ল। যুরোপীয় দূত বিস্ময়ে স্তম্ভিত হলেন ও তখন সকলেই বিলাস খাঁকে তানসেনের সাধনার যথার্থ উত্তরাধিকারীরূপে বরণ ক'রে নিলেন।

গীতশেষে মহাসমারোহে তানসেনের মৃতদেহ গোয়ালিয়রে নিয়ে যাওয়া হ'ল। তথায় হজরত মহম্মদ গওসের সমাধির নিকটে তাঁর দেহ সমাধিত হ'ল। শাহ্ আবদয় সমাধির উপরে একটি চন্দ্রাতপ প্রস্তম্ব ক'রে দিলেন। সেই চন্দ্রাতপ আজও রয়েছে। তানসেনের সমাধির নিকট একটি তেঁতুল গাছ জন্মেছিল। সেই গাছ আজ পর্যন্ত রয়েছে। গায়কগুনীদের বিশ্বাস সেই তেঁতুল গাছের পাতা খেলে কণ্ঠস্বর সুমিষ্ট হয়।

মি'য়া তানসেনের জীবন সম্বন্ধে আমরা ষটটি তথ্য সংগ্রহ কর্তে পেরেছি পূর্বেই তা বর্ণন করেছি। হিন্দুসম্রাজ্যের সুপ্রাচীন উৎকর্ষের যুগ, হিন্দুরাজত্বকালে সম্রাজ্যের সরূপ কি ছিল তা আমরা জানি না। তবে আবুল ফাজল বলেছেন, তানসেনের জন্মের সম্বন্ধে বৎসর পূর্বে থেকে সারা ভারতের সমস্ত অতীত ইতিহাসের আলোচনা করলেও তাঁর সম্রাজ্যের তুলনা মিল না। সুতরাং দেখা যাচ্ছে ঐতিহাসিক ভারতে বিশেষতঃ আর্য্য বর্ষে তানসেনই সম্রাজ্যের একচ্ছত্র সম্রাট—একচেয়ে স্বামী হরিদাসের কথা আলোচনাযোগ্য নয় কেননা তাঁর

সঙ্গীত মর্ত্যবাদীদের জন্ম ছিল না, সে ছিল “শুধু বৈকুণ্ঠের তরে বৈকুণ্ঠের গান।”

তানসেনের গান শুধু জৈনিক হিন্দুস্থানী কবি গেরে গেছেন যে বিধাতা সর্পের কান না দিয়ে ভাল করেছেন নতুবা তানসেনজীর তান শুনে অনন্তনাগের মাথা ছলে উঠত, মেদিনী ছারখার হয়ে যেত-‘ভালো ডরো যো বিধি না দিয়ে শেষনাগকে কান’—তানসেন কবিদের কল্পনার মানসলোকেও রহস্য-গরিমামণ্ডিত আসন অধিকার করে আজো রয়েছেন। বোধ করি তাঁর সে আসন চিরদিনই অক্ষুণ্ণ থাকবে।

তানসেনের জন্মের অব্যবহিত পূর্বে রাজামান ও তাঁর পত্নী যুগনয়নী হিন্দুস্থানী সঙ্গীতে নবপ্রাণ, অ নবার চেষ্টা করছিলেন, আমরা পূর্বে একথা লিখেছি। অপর এক দম্পতীর কথাও এক্ষেত্রে উল্লেখযোগ্য তাঁরা হচ্ছেন—পাঠানরাজ রাজবাহাদুর ও তাঁর হিন্দু নটী পত্নী রূপমতী ; তাঁদের বিচিত্র মধুর প্রেমলীলা বহু হিন্দুস্থানী রূপদে বিবিধ রাগরাগিনীতে নিবন্ধ রয়েছে। অনেক কবির কাব্য ও অনেক শিল্পীর চিত্র তাঁদের প্রণয় কাহিনী থেকে প্রেরণা পেয়েছে।

বলা বাহুল্য এঁদের সঙ্গীত তানসেনের বিশ্ববিজয়ী সঙ্গীতের অগ্রদূত। তানসেনের সঙ্গে সঙ্গে আমরা অকস্মাৎ একযোগে উদ্ভিত হ’তে দেখি সঙ্গীত সৌরাকাশের ক্ষুদ্র বৃহৎ অসংখ্য জ্যোতিমান গ্রহ উপগ্রহ—তানসেন যাঁদের মাঝখানে আদিত্যের ন্য য দীপ্তি পেয়েছেন।

তানসেনকে হিন্দুস্থানী সঙ্গীতের জনক আমরা ব’লে থাকি। তাঁর সমসাময়িক ষত গুণী ছিলেন, তাঁদের অনেকেই প্রথমটা তানসেনের প্রতি ঈর্ষাপরবশ হ’লেও, পরে সকলেই তাঁর শ্রেষ্ঠত্ব স্বীকার তো করেনই, শিষ্যত্বও গ্রহণ করেন। তানসেন হিন্দুস্থানী সঙ্গীতের রূপদী স্বীতিকে পবন গৌরব ও মহিমা দান ক’রে গিয়েছেন। প্রাচীনতর

যুগে উচ্চ সঙ্গীতকে “প্রবন্ধ” বলা হ’ত। যথাযে’গ্য “ছন্দে” গীত “প্রবন্ধ” কেই উচ্চ সঙ্গীত বলা হ’ত। এই “প্রবন্ধ সকল অধিকাংশ সংস্কৃত বা প্রাকৃতে রচিত ছিল। পাঠানযুগে নায়ক গোপাল “ছন্দ-প্রবন্ধে” অধিতীয় ছিলেন ও নায়ক উপাধি পেয়েছিলেন। তবে তিনি ও তাঁর সমসাময়িক সঙ্গীতবিদ বৈজু বাওয়া, ছন্দ প্রবন্ধ থেকে হিন্দুস্থানী ঙ্গপদ গানের প্রচলন করেন। এক্ষেপে ঙ্গপদের প্রথম আদর্শ পরিচয় আমরা নায়ক গোপাল ও বৈজু বাওয়ার যুগেই প্রথম পাই। তার দুই তিন শত বৎসর পর রাজা মান প্রভৃতির ঙ্গপদী রীতির মধ্য দিয়ে সঙ্গীতের পুনরুত্থানের পথ দেখালেন। স্বামী হরিদাস ও তানসেন ঙ্গপদকে পূর্ণ পরিণতি দান করেন। ঙ্গপদই হিন্দুস্থানী সঙ্গীতের আদি প্রেরণা ও তার অন্তর প্রবাহিনী জীবনধারা। তাই তানসেনকে হিন্দুস্থানী সঙ্গীতের আদি পুরুষ ও পিতা বলতে আমরা অকুণ্ঠিত।

তানসেন সঙ্গীত প্রভাবে সারা ভারত ছেয়ে ফেলেছিলেন। অসংখ্য সঙ্গীত সাধক তাঁর শিষ্যত্ব গ্রহণ করেছিলেন। যে সকল গুণী তাঁর চরণতলে আশ্রয় নিয়েছিলেন, তার মধ্যে প্রধান ষাঁরা ছিলেন তাঁদের নাম উল্লেখযোগ্য। যথা:—খোদাবক্স, মসনদ আলী খাঁ, রামদাস, সুরদাস, জ্ঞান খাঁ, দরিয়া খাঁ, মামুদ খাঁ, খাণ্ডোদাও, সুন্দীবর খাঁ, চাঁদ খাঁ, সুরষ খাঁ, রমজান, লাল খাঁ, নিজাম খাঁ, হোসেন খাঁ, শোভা খাঁ, বীরমণ্ডল, মলিন খাঁ, চঞ্চল শশী, ভীমরাও তাজবাহাছুর, ভগবান দাস, চন্দ্রলাল ও দেবীলাল।

ইঁহারা সকলেই অসাধারণ গুণী ছিলেন। তবে তানসেনের অন্তরঙ্গ শিষ্য ছিলেন তানতরল ও মনতরল। তানতরল ও মন-তরলকে তানসেন পুত্রবৎ দেখতেন। তানতরলের বংশাবলী আজও

পশ্চিম ভারতে বিদ্যমান। তবে শিষ্যগণ অপেক্ষা তানসেনের পুত্রগণ (পরৎসেন' সুরতসেন, তরঙ্গসেন ও বিলাস খাঁ) ও জামাতা মিশ্রী সিংজী সঙ্গীত সাধনার বে অধিকতর অগ্রসর ছিলেন, তাতে আর কোনও সন্দেহ নাই।

উত্তর ভারতের হিন্দু ও মুসলমান যে সকল সঙ্গীত গুণীবংশ আজো বিদ্যমান, তাঁদের পূর্ব পুরুষ বা পূর্বাচার্যগণ কেহই তানসেনের পিতা ও বা প্রভাবের বহির্ভূত নন। হিন্দুস্থানের বাবতীয় গায়ক তন্ত্রকার ও সঙ্গীতের সর্ববিভাগের সকল গুণীগণ তানসেনের বিদ্যারই কিছু ন: কিছু উত্তরাধিকার সূত্রে পেয়েছেন। তানসেনের সঙ্গীতেই নানা রূপান্তরের মধ্য দিয়া আজকের এই বহুলবিচিত্র হিন্দুস্থানী সঙ্গীতরূপে বিকসিত হ'য়ে উঠেছে।

তানসেনের সঙ্গীত সূর্য্যরশ্মির ন্যায় নিবিচারে চতুর্দিকেই বিকীর্ণ হয়েছিল তবে আধারভেদে কোথাও তা উজ্জ্বলরূপে প্রতিফলিত হয়েছে কোথাও বা মলিন হ'য়ে গেছে। আমরা পূর্বেই দেখেছি, তানসেনের শেষ প্রত্যাদেশ অসুখায়ী সাধনা পরীকার শুধু তাঁর কনিষ্ঠ পুত্র বিলাস খাঁ সাফল্য লাভ করেছিলেন। বস্তুত: তানসেনের ভবিষ্যৎগামী অসুখায়ী বিলাস খাঁর বংশাবলীতেই তানসেনের সাধনা এ যুগ অবধি মূর্ত্য ও জাঙ্মল্যমান হ'য়ে এসেছে। তানসেনের ছুহিতা সরস্বতী দেবী ও তাঁর স্বামী মিশ্রীসিংজীর বিবরণ আমরা পূর্বে লিখেছি। তাঁরাও সঙ্গীতসাধনায় সিদ্ধিলাভ করেছিলেন। কলে আর্ধ্যাবর্তে বিলাস খাঁ ও মিশ্রীসিংজীর বংশেই নাদবিদ্যা সাধন প্রভাবে এ যুগ পর্য্যন্ত জীবন্ত ও উজ্জ্বল হ'য়ে রয়েছে। পরবর্তী অধ্যায়ে আমরা তা বিশদরূপে লিখব।

তানসেন কঠিনসঙ্গীতে ও মিশ্রীসিংজী মৃদুসঙ্গীতে সিদ্ধ ছিলেন ইহা আমরা পূর্বে দেখেছি। বিলাস খাঁ'র বংশাবলীতে তানসেনের সাধনা ও

মিশ্রীসিংজীর বংশে বীণাসাধন। বংশপরম্পরাক্রমে চলে এসেছে। তবে এই উভয় বংশের বিস্তা পরম্পর সংযোগে সম্মিলিত হয়ে গিয়েছিল। মিলাস তাঁর বংশধরগণ কালক্রমে তন্ত্রসাধনারও অশেষ সাক্ষ্য প্রদর্শন করেছেন, অপর দিকে মিশ্রীসিংজীর পত্নী সরস্বতী দেবীর কণ্ঠসঙ্গীতে অসামান্য ব্যুৎপত্তি নিবন্ধন তাঁর বংশীয় বীণাকারগণও কণ্ঠসঙ্গীতে প্রতিভার পরাকাষ্ঠা দেখিয়ে গেছেন। উভয় বংশেই কণ্ঠ ও যন্ত্রসঙ্গীতে সিদ্ধ অনেক মহাপুরুষ জন্ম গ্রহণ করেছেন।

তানসেন নিজে গায়ক হলেও যন্ত্রসঙ্গীতে তাঁর দান বড় সামান্য নয়। রবাব বা রুদ্রবীণা তাঁর প্রতিভা প্রসূত। তানসেনের এই অপূর্ব সৃষ্টি তাঁর বংশাবলীতে যন্ত্রসঙ্গীতের এমন একটা নূতন ধারা এনেছে যা প্রাচীন ভারতের বীণাকরনেও পাওয়া যায়না। তানসেন নিজেও রবাব উৎকৃষ্ট বাজাতেন। মনীষী Rev. Popleyও এ বিষয়ে সাক্ষ্য দিচ্ছেন—রবাব সছক্রে তিনি ‘The Music of India’র লিখেছেন ‘The great Tan Sen played this instrument. It is a handsome instrument and has a very pleasing tone fuller than that of the Sarangi; it leads itself to the graces better than the sitar as it has no frets.’

Rev. Popley, তানসেনের বংশধরদের সছক্রে লিখেছেন—“The descendants of Tansen divided themselves into two groups :—The Rababiyas and the Binkars, The former used the new instrument Rabab, invented by Tansen, while the latter used the Vina or Bin. Two descendants of these were living at Rampur, a state which has been famous for many centuries for its excellent musicians.

The representative of the Binkars was Mahamad Wazir Khan whose paternal ancestor was Niamat Khan Shah Sadarang at the court of Emperor Mahammad Shah & Mahammad Ali Khan was the representative of Rababiyas.....Tansen was a great Dhrupad singer and Rampur is the home, to-day, of some of his celebrated descendants who are experts at this style of singing.'

Popley সাহেব তানসেনের বংশধরদের রবাবী ও বীণকার এই দুই ভাগে বিভক্ত করেছেন। বলা বাহুল্য, রবাবীদের মূল পুরুষ তানসেনের কনিষ্ঠ পুত্র বিলাস খাঁ, ও বীণকারদের আদি প্রবর্তক তানসেনের জামাতা মিশ্রীসিংজী। ভারতের শ্রেষ্ঠ কণ্ঠসঙ্গীত ও যন্ত্রালাপ এই দুই বংশথেকেই বেরিয়েছে। মিশ্রীসিংজীর ইতিহাস আমরা পূর্বেই লিখেছি। তাঁর প্রবর্তিত সঙ্গীত ও তন্ত্রে বিচিত্র ঐশ্বর্যপূর্ণ সমৃদ্ধ সম্বরাজ্য সক প্রতিভার পরিচয়ই আমরা পাই। অপরদিকে বিলাস খাঁর সাহিত্যিক প্রতিভা থেকে যে সঙ্গীত সাধনা কুল পরম্পরায় চলে এসেছে তাঁর অনাড়ম্বরতা ও নিরাতরণ শাস্ত সৌন্দর্য আমাদের স্পর্শ করে থাকে। উভয়ের আদর্শই মহান এবং গরিমামণ্ডিত। সুতরাং রবাবী ও বীণকার এ উভয়ের মধ্যে কে শ্রেষ্ঠতর তা নির্ণয় করার সাধ্য নাই।

মিশ্রীসিংজীর সঙ্গে তানসেন দুহিতা সরস্বতী দেবীর পরিণয় সঙ্গীত-রাজ্যে যে এক অভিনব সার্থকতা এনেছিল তাতে কোনও সন্দেহ নেই। মিশ্রীসিংজীর উন্নত ও উন্নত প্রতিভা সরস্বতী দেবীর বর্ণবিলাস বিচিত্র, ললিত, মনোহর, সঙ্গীত-স্বরমার সংযোগে যে বীণাকরণ ও রূপদবাণীর সৃষ্টি করেছিল তাতে শক্তি ও সৌন্দর্যের, তীব্রতা ও

কমনীয়তার এক অপূর্ব সমাবেশ দেখে আমরা আজও পুলকিত ও মুগ্ধ হই। এই সার্থক পরিণয়ের ফলেই শা সদারজ, নিশ্চল শা। ও উজীর খাঁর জায় সঙ্গীতের যুগপ্রবর্তকদের আবির্ভাব সম্ভব হয়েছিল।

বিলাস খাঁর সঙ্গীত সাধনার ধারা কিছু অন্তরূপ ছিল। তিনি মিশ্রীসিংজীর জায় কর্মযোগী ছিলেন না। তিনি ছিলেন অরণ্যবাসী উদাসীন, সুরের সন্ন্যাসী। তিনি বিবাহ করেছিলেন সত্য, ভারত সঙ্গীতের মেরুদণ্ডস্বরূপ বিরাট প্রতিভাবাহী সাধক বংশের তিনি জনক সত্য, তবু তাঁর জীবন সংসারের জন্ত ছিল ন', তিনি ছিলেন একান্তই আরণ্যক, নিঃসঙ্গ যোগী। তাঁর অন্যান্য ভ্রাতারা দরবারে গাইতেন ও বাদশার কাছে প্রচুর পারিতোষিক পেতেন, কিন্তু বিলাস খাঁর অর্থ প্রতিপত্তির দিকে কোনও খেয়ালই ছিল না। তিনি অহোরাত্র বনে জঙ্গলেই কটাতেন। নাম সাধনায় তিনি ছিলেন তন্ময়। সখের মধ্যে গোচারণ ছিল তাঁর অবসরবিনোদনের প্রধান উপায়। বৃন্দাষনের গোপবালকদের জায় তিনি ছিলেন সরলাত্মা, পবিত্র ঈশ্বরের পরম কৃপাতাজন।

পরিবার পরিজনের প্রতি তাঁর কোনও দৃষ্টিই ছিল না। তাই তাঁহার সহধর্মিনীকে অনেক সময় ক্লেশে পড়তে হত। একদা তাঁর পত্নী তাঁকে বলেন যে তাঁর ভ্রাতারা ও ভ্রাতৃবধুরা কত সুখে ও ঐশ্বর্য্যে রয়েছে, আর তাঁর নিজের ও নিজ পরিবারের দৈত্যের অস্ত নেই—এত উদাসীনতা কি ভাল? বিলাস খাঁ তাই শুনে বহুদিন পরে বাদশার দরবারে গিয়ে তাজির হলেন। বাদশা ফকীর বিলাস খাঁকে হঠাৎ আবির্ভূত দেখে পরম সন্মানে তাঁকে গ্রহণ করেন ও তাঁর গান শুনে এত আহ্লাদিত হলেন যে তাঁর অন্যান্য ভ্রাতারা দরবারে বহুৎসর গান গেয়ে যে অর্থ

পেয়েছিলেন, সেই পরিমাণ অর্থ তখনই বিলাস খাঁকে পারিতোষিক স্বরূপ দান করেন।

বিলাস খাঁ সহস্র সহস্র মুদ্রা পারিতোষিক লাভ করে, সেই টাকা তাঁর স্ত্রীকে দিয়ে পুনরায় অরণ্যে চলে গেলেন। আর কখনও তিনি সংসারে ফিরেন নি।

বিলাস খাঁ সাহেব রবাব ও বীণা এবং নাদ সাধনার সিদ্ধ ছিলেন। তিনি একনিষ্ঠ বৈরাগী ভগবন্তরু ছিলেন আজও তিনি সারা ভারতে পূজিত। তাঁর তুল্য মহাত্মা ও সাধুপুরুষ সঙ্গীত জগতে খুবই বিরল। তিনি একপ্রকার তোড়ি রাগিণী সৃষ্টি করে গেছেন—বিলাস খানি তোড়ি নামে তা আজও গীত ও বাদিত হয়। বিলাস খানি তোড়ি এক আশ্চর্য ও জনপ্রিয় রাগিণী।

ভারতবর্ষে সাহিত্য, সঙ্গীত শিল্পকলা এ সবই অধ্যাত্মসাধনার সহিত অচ্ছেদ্যভাবে জড়িত। তাই ভারতের কবি, গায়ক ও শিল্পীদের জীবনে অধ্যাত্মপ্রভাব আমরা চিরদিনই দেখে এসেছি। হিন্দুস্থানি সঙ্গীতের জনক স্বামি হরিদাস সিদ্ধকোটের অন্তর্গত ছিলেন, বৈকুণ্ঠ-বিহারি শ্রীহরির পার্শ্বদস্থানীর নারদাদির জ্ঞান নিত্য সিদ্ধ পুরুষ ছিলেন। তানসেনও অতি উন্নত সাধক ছিলেন আমরা দেখেছি। তানসেনের বংশধরগণ সঙ্গীতের মধ্য দিয়ে একটি সুপ্রাচীন সাধনধারা বহন করে এনেছেন।

আপনাদের অবগতির জন্য তানসেনের পূর্ববংশ ও দৌহিত্রবংশের বিস্তৃত বংশ-তালিকা একপে আমরা প্রকাশিত করছি।


তানসেনের পুত্রবংশ (রবাবীবংশ)


মুকুন্দরাম বা মকরন্দ পাঁড়ে

|

রামতনু পাঁড়ে তানসেন (তানসেনের পত্নীর নাম প্রেমকুমারী)

|





তানসেনের দৌহিত্র বংশ (বীণকার বংশ)

তানসেন

সরস্বতী দেবী

মহারাজ সমুখন সিং

মিশ্রীসিংগী
(সরস্বতী দেবীর স্বামী)

সের খাঁ

হাসন খাঁ

হোসেন খাঁ

বাজিং খাঁ

নাজির খেসাল খাঁ

লাল খাঁ

নিয়ামৎ খাঁ শা সদারঙ্গ

ফিরোজ খাঁ অদারঙ্গ

ভূপৎ খাঁ মহারঙ্গ

তানসেন-বংশীয় পরবর্তী শুনীগানের সহকে আলোচনার পূর্বে আমরা একবার 'কাওয়ারি' সঙ্গীতের উৎপত্তি সহকে আলোচনা করে নিতে চাই। যোগল সাম্রাজ্য প্রতিষ্ঠার দুই শতাব্দী পূর্বে পাঠান সম্রাট আলাউদ্দিনের রাজত্বকালে নায়ক গোপাল ভারতীয় সঙ্গীতের যথেষ্ট উন্নতি সাধন করেছিলেন—তিনি "হন্দপ্রবন্ধ" গাইতেন—এর গানের সূচনাও তাঁর সময় থেকেই হয়। সঙ্গীতের সন্ন্যাসী বৈজু বাওরাও তাঁরই সমসাময়িক। বৈজু বাওরা সিদ্ধপুরুষ ছিলেন, কিন্তু তিনি লোকালয়ে অধিক সময় থাকতেন না ও বাদশার দরবারে তাঁর উপস্থিতি খুবই দুর্লভ ছিল। নায়ক গোপালই তখন দরবারের রত্নস্বরূপ ছিলেন ও বিদ্যা প্রভাবে নিখিল শুনীমণ্ডলীর শীর্ষস্থানে অধিষ্ঠিত হতে পেরেছিলেন। পরে তাঁর প্রতিদ্বন্দ্বীরূপে অনেক পারস্ত-দেশীয় অভিজাতবংশীয় শুনী পাঠান দরবারে আবির্ভূত হন। এই পারস্তদেশীয় শুনীর নাম 'আমীর খস্ক'। আমীর খস্ক উৎকৃষ্ট গায়ক ও নানা বিদ্যা সম্পন্ন ছিলেন—কাল ক্রমে ইনি আলাউদ্দিনের অতি প্রিয়পাত্র হয়ে উঠেন ও বিশিষ্ট আমাত্য পদ লাভ করেন। ইনি প্রতিদ্বন্দ্বী ছিলেন। একদিন দরবারের অন্তরাল থেকে নায়ক গোপালের সব রাগরাগিণী শুনে, পরে একাশ্রম সভায় নায়ক গোপালকে সেই সকল রাগ রাগিণী হুবহু শুনিয়ে দিলেন ও উপরন্তু পাঙ্গুসী কতকগুলি রাগের সহিত এ রাগের মিশ্রণে কয়েকটি নূতন রাগ রচনা করে নায়ক গোপালকে শুনাগেলেন। সেই দিন হতে দরবারে আমীর খস্কর প্রধান আসন হ'ল।

আমীর খস্ক হিন্দু সঙ্গীতে পাঙ্গুসী প্রভাব এনেছিলেন। রাগ রাগিণী গঠনের এক অভিনব প্রণালী তিনি আবিষ্কার করেছিলেন। আমাদের ছয় রাগ ছত্রিশ রাগিণীর বহলে তিনি রাগের "বাইশ

‘মোকাম’ বা ষাটশক্তি প্রকার বিভাগ ক’রে গেছেন। তাঁর পদ্ধতিকে কাওয়ালি পদ্ধতি বলা হয়। এই কাওয়ালি রীতি অল্পসংখ্যক ‘খেরাল’ গায়ক হ’লে থাকে—আমীর খসরুই খেরালের অন্যতম। তাঁর উদ্ভাবিত রাগিণীগুলির মধ্যে “ইমন” রাগিণী আজও এদেশে গায়ক-গণের বিশেষ প্রিয়। তিনি ভারতীয় “হিন্দোল” রাগ ও পার্শ্বী “মোকাম” রাগ সম্মিলিত করে “ইরামন” বা “ইমন” রাগিণীর সৃষ্টি করেছিলেন। আমীর খসরু কঠিনসঙ্গীতে যেমন “খেরাল” গানের সৃষ্টি করেছিলেন তেঁর বহুসঙ্গীতেও “সেতার” যন্ত্রের উদ্ভাবন করেছিলেন। পণ্ডিতপ্রবর সুরদর্শন শাস্ত্রীর গ্রন্থে আমরা পাই, আমীর খসরু তিন তার জড়িয়ে সেতার যন্ত্র প্রথম তৈরী করেছিলেন। পার্শ্বী ভাষায় তিন সংখ্যাকে “সেহ্” শব্দে অভিহিত করা হয়। তিন তার বিশিষ্ট ব’লে এই যন্ত্রের নাম, আমীর খসরু “সেহ তার” বা “সেতার” রেখেছিলেন। আমীর খসরু সেতারে গৎ তোড়ার প্রচলন করেন, তখনও সেতার যন্ত্রে আলাপ বাজাবার পদ্ধতি প্রবর্তিত হয় নাই। “খেরাল” গান ও সেতার বাজানাকেই “কাওয়ালি” সঙ্গীত বলা হ’লে থাকে।

আমীর খসরুর ঐতিহাসিক বিবরণ Rev. Popley দিয়েছেন :—

“Amir Khasru was a famous singer at the court of Sultan Allauddin (A. D. 1295-1316). He was not only a poet and musician but also a soldier and statesman and was a minister of two of the Sultans. The “Kawali” mode of singing—a judicious mixture of Persian and Indian models was introduced by him. ...The Sitar, a modification of the Vina was first introduced by him.”

আমীর খসরুর প্রবর্তিত কাওয়ালি সঙ্গীত কিন্তু পরে রাজা মান, স্বামী হরিদাস ও তানসেনজীর প্রবর্তিত ঋপদ সঙ্গীতের কাছে এতই নিম্নত হ'য়ে পড়েছিল যে বহু শতাব্দী পর্যন্ত কোনও সত্যকার রসযুগ্ম খেয়াল গান বা সেতারের দিকে মোটেই আকৃষ্ট হন নি। ঋপদ যদ্বারা লাভ হয়, তাকেই “ঋপদ” বলা হয়। ঋপদ সঙ্গীত আমাদের সুপ্রাচীন আধ্যাত্মসাধনার গভীর প্রেরণা অনুসরণ ক'রে চলেছিল। “কাওয়ালী” গানের সঙ্গীতকে “খেয়াল” বলা হ'ত—কেন না তাতে আধ্যাত্ম প্রেরণা ছিল না কিন্তু সরল কল্পনারূপির খেলা ছিল। ঋপদীগণকে “মিষ্টিক” ও খেয়ালদিগকে “রোমান্টিক” বলা যেতে পারে।

তানসেনের বংশধরগণও চিরদিনই এই মিষ্টিক সঙ্গীতেরই অনুসরণ ক'রে চলে এসেছেন। এজন্য তাঁদের “কলাবিদ” বলা হ'ত, কারণ তাঁরা “কলাবিজ্ঞান সম্পন্ন” ছিলেন। কলাবিদ্যা বলতে শুধু Art বুঝায় না। আম'দের শাস্ত্রে ‘কলাবিদ্যার’ অর্থ আরো গভীর। “কলা” মানে শাস্ত্রে “শক্তি” বুদ্ধিয়েছে। পরাপ্রকৃতিই এই শক্তি। সৃষ্টির আদি কারণরূপিণী মহাশক্তি নানরূপে জগতের বিকাশ করেছেন। নাদ বিবিধ—বর্ণাত্মক ও ধ্বজাত্মক। বর্ণাত্মক নাদ হ'তে বেদ বা অপৌরুষেয় মন্ত্রের উৎপত্তি—ধ্বজাত্মক নাদ হ'তে সপ্তস্বর ও রাগ-রাগিণীর উৎপত্তি। এই নাদ বিদ্যাকেই কলাবিদ্যা বলা হয়। তাই “কলাবিদ” হ'তে পারে যে গভীর সাধনা সাপেক্ষ তাতে কোনও সন্দেহ নাই।

তানসেন একজন প্রকৃত কলাবিদ্ব ছিলেন—তাঁর বংশধরগণও কলাবিদ্যারই উপাসক ছিলেন। কিন্তু তাঁরা পরে দেখলেন যে এই বিদ্যার অধিকারী সর্বসাধারণ হ'তে পারেনা। অথচ সর্বসাধারণকে সঙ্গীত শিক্ষা তাঁদের দিতে হ'ত। তাই ঋপদ সঙ্গীত ও বীণা বা

রবার উন্নত অধিকারীদের জন্ত রেখে সাধারণের জন্ত তাঁরা খেয়াল বা সেতারের প্রচার করলেন। বিলাস খাঁ বংশীয় মসিদ খাঁ ঔরংজেবের মৃত্যুর পর দিল্লীদরবারে অধিষ্ঠিত ছিলেন। তিনি সেতারের তার বাড়িয়ে ও তাতে চিকারির তার বসিয়ে ঋণদ-ভাঙ্গা বিলিখিত গৎ সেতাবে প্রচলিত করলেন। বীণার দীর্ঘ মিড় খণ্ড খণ্ড করে সেতারের উপযুক্ত এক প্রকার আলাপরীতি সৃষ্টি করলেন ও তানভরঙ্গবংশীয় “সেণী” দিগকে সেতার শিক্ষা দিলেন। এইরূলে “মসিদখানি বাজনা”র উৎপত্তি হ’ল। তবে বলা বাহুল্য সেতারের বাজনা মসিদ খাঁর নিজ-বংশীয় কোনও গুণী অবলম্বন করেন নি। তাঁরা শিষ্যদের জন্তই উক্ত পদ্ধতি প্রবর্তিত করেছিলেন। মসিদ খাঁর পুত্র বাহাচুর খাঁও উৎকৃষ্ট বহু গৎ রচনা করে গেছেন।

আমীর খসরু প্রবর্তিত সেতার যন্ত্রের প্রচার ও উন্নতি সাধন যেমন মসিদ খাঁ করলেন তেমনি আমীর খসরুর উদ্ভাবিত খেয়াল সঙ্গীতের নূতন প্রাণ দিলেন—নিয়ামৎ খাঁ শাহ সাদারজ। আশ্চর্যের বিষয় এই যে ইঁহারা কেহই কাওরালী সঙ্গীতের অনুসরণ করে আপন শিল্পপ্রতিভার প্রকাশ করেন নাই। ইঁহারা উভয়েই ঋণদী ও বীণকার ছিলেন—কিন্তু সর্বসাধারণের জন্ত কাওরালী সঙ্গীত ও বাদ্যের প্রচার করেছিলেন। এ থেকে আমরা আরো বুঝতে পারি যে ঋণদী ইচ্ছা করলে খেয়ালকে ইচ্ছামত গড়ে তুলতে পারেন, কিন্তু কোনও খেয়ালী ঋণদের কোনও নূতন মার্গ দেখাতে পারেন না। ঋণদের স্বেচ্ছা আমাদের স্বীকার না করে উপায় নাই।

শা সাদারজের পৈতৃক নাম নিয়ামৎ খাঁ। তিনি তানসেনের সৌকিত্র বংশীয় লাল খাঁর পুত্র ছিলেন এবং পূর্বপুরুষক্রমাগত বীণাবাদনভঙ্গে গরম বিশারদ ছিলেন। পূর্বেই আমরা দেখেছি তানসেনের পুত্রবংশে রবার

যন্ত্র ও নৌহিজ্রবংশে বীণাবাদন প্রচলিত ছিল। নিয়ামৎ খাঁর ক্ষেত্রেও তার ব্যতিক্রম হয় নাই। তখন তানসেনের পুত্রবংশীর গোলাব খাঁ দিল্লী দরবারে অতি সম্মানের সহিত প্রতিষ্ঠিত ছিলেন ও বাদশাহ মহম্মদ শাহের সঙ্গীতগুরু ছিলেন। গোলাব খাঁ মুখ্যতঃ গায়কই ছিলেন। তাই গোলাব খাঁ যখন গাহিতেন তখন নিয়ামৎ খাঁকে বীণাধারা তাঁর সঙ্গীতের অহুসরণ করতে হ'ত। গোলাব খাঁর আসনের পশ্চাতে নিয়ামত খাঁর আসন পড়ত। গায়ক অপেক্ষা তন্ত্রকারের সম্মান তখনও কিছু অল্প ছিল। নিয়ামৎ খাঁ এতে মনঃকুর হ'রে দুই বৎসর কাল বাদশাহ দরবারে আসা বন্ধ করে দিলেন। এই দুই বৎসর তিনি দুইটি ভিক্কু বালককে খেরাল সঙ্গীত শিক্ষা দিয়েছিলেন— ইহাই কাওয়ালী সঙ্গীতের নবজন্মের মূল ইতিহাস। বালকদ্বয়ের কণ্ঠস্বর অতি সুমিষ্ট ছিল এবং দুই বৎসর শিক্ষার পর তারা খেরাল গানে শ্রোতৃমণ্ডলীর হৃদয় মন অধিকার করে বসল। বাদশাহ সেই বালকদ্বয়ের সংবাদ মন্ত্রীমুখে শুন্তে পেয়ে তাদের দরবারে আহ্বান করলেন এবং অভিনব প্রণালীর গান শুনে মুগ্ধ হ'লেন। নিয়ামৎ খাঁ এদের গুরু একথা জানতে পেয়ে বাদশাহ মহম্মদ শাহ নিয়ামৎ খাঁকে শ্রেষ্ঠ গুণীর আসন দিবে দরবারে পুনরায় আমন্ত্রণ করলেন। নিয়ামৎ খাঁর দরবারে পুনঃ প্রবেশের পর তিনি যে সম্মান পেলেন তা মিস্রা তানসেনের পর কোনও গুণী দিল্লী দরবারে পান নাই। নিয়ামত খাঁর আসন বাদশাহ সিংহাসনের পার্শ্বে করা হ'ল এবং বাদশাহ তাঁকে সখারূপে গ্রহণ করলেন। নিয়ামৎ খাঁকে আর ক্রপদী গোলাব খাঁর সঙ্গে বীণার অহুসরণ করতে হ'ত না তাঁর বীণা বাদশাহ পৃথকভাবে শুন্তে স্বরু করলেন। বীণার সম্মান কণ্ঠসঙ্গীতে ছাড়িয়ে উঠল।

এই সময় বাদশাহ নিয়ামৎ খাঁকে "শাহ" উপাধি প্রদান করলেন। দ্বিতীয় বাদশাহকে শাহ বলা হ'ত—আমরা ভারতবর্ষের ইতিহাসে শাহ। সেরশাহ, বাদশাহ আকবর প্রভৃতি দ্বিতীয় সম্রাটগণ শাহ উপাধি গ্রহণ করেছিলেন। নিয়ামৎ খাঁকেও বাদশাহ শ্রেষ্ঠ গুণী বিবেচনা করে শাহ উপাধি প্রদান করেছিলেন। তানসেনের দৌড়িত্র বংশের আরো দুইজন বীণকার দিল্লীর ঠাঁর থেকে "শাহ" উপাধি পেয়েছিলেন তাঁরা নিয়ামৎ খাঁর বংশধর আীবন শাহ ও নির্মল শাহ। সঙ্গীত বিদ্যার শিল্পপ্রকাশ মতিমায় তাঁরা সমসাময়িক গুণীমণ্ডলীর মধ্যে অবিসংবাদিতরূপে শ্রেষ্ঠস্থান অধিকার করেই শাহ উপাধিতে ভূষিত হয়েছিলেন।

বাদশাহ মহম্মদ শাহ নিয়ামৎ খাঁর নূতন নাম দিলেন "শাহ সদারজ"। সদারজ নামটিরও বিশেষ তাৎপর্য আছে। নিয়ামৎ খাঁ বীণায় ও কণ্ঠসঙ্গীতে "খোদরজ" বা স্বদয়গ্রাহী বৈচিত্র্য স্বরমা এত প্রচুর পরিমাণে এনেছিলেন যা পূর্ববর্তী কোনও সঙ্গীতসাধক আনুতে পারেন নাই। সঙ্গীত তাঁর সঙ্গীতে রঙ্গের উজ্জল্য লক্ষিত হ'ত বলে তাঁর নাম সদারজ রাখা হয়েছিল। তানসেন দুহিতা সরস্বতী দেবীর সঙ্গীতে নারীপ্রতিভাসুলভ বর্ষ বৈচিত্র্যসম্ভারের কথা আমরা পূর্বে উল্লেখ করেছি, সুতরাং নিয়ামৎ খাঁ রঙের এই বিচিত্রপ্রকাশকৌশল উত্তরাধিকারস্বত্বেই পেয়েছিলেন। আলো ছায়ার বিচিত্র সংমিশ্রণে সূক্ষ্ম সূক্ষ্ম বিচিত্র বর্ণের সূচক সামগ্র্যে যেমন চিত্রের শোভা বৃদ্ধি হয় সেইরূপ নিয়ামৎ খাঁর সঙ্গীতে সূক্ষ্ম সুরনিঃসরের প্রতির ও মীড় গমকের মনোহর সঙ্গিনের ফলে বৈচিত্রে, ঐশ্বৰ্য্যে ও নৌকুমার্য্যে অবগন মন পুণকে অতিকৃত না হরে পারে না।

শাহ সাদারজকে বাদশা মহম্মদ শা অর্থ ও পারিতোষিক এত দিতেন যা' আজ শুনে রূপকথার মত মনে হতে। শোনা যায় বহু সোনা, রূপা ও অহরৎ বখশিস্ স্বরূপ টাকাকৈ দেওয়া হ'ত। কিন্তু সাদারজজী নিজে ফকিরের মত থাকতেন ও সমুদয় ধনরত্ন পথে পথে গরীব ভিখারীদের দান করে নিজে রিক্ত হ'য়ে পড়তেন। তাই প্রচুর অর্থ পেয়েও তাঁর অর্থের অভাব সর্বদাই থাকত। কোনও দরিদ্রকে তিনি দান না ক'রে পারতেন না। অর্থ কুরিবে গেলে মহাজনদের কাছ থেকে তিনি টাকা কর্জ করতেন ও পরে বাদশাকে সে সব কর্জ শোধ দিতে হ'ত। নিজে সাধু ফকিরের মত বিলাসলেশহীন জীবন যাপন করলেও অতিরিক্ত দানশীলতার জন্য তাঁকে বিপদে পড়তে হ'ত। তাঁর টাকা কর্জ করার একটা কৌতুককর প্রথা ছিল। মহাজনেরা টাকা দিতে হ'লেই কিছু সম্পত্তি বন্ধক চায়। সাদারজজীর তো জমিদারী ছিল না—তাঁর কাছে মহাজনেরা রাগরাগিনী বন্ধক চাইত। অর্থাৎ টাকা পরিশোধ না করতে পারা পর্যন্ত সাদারজজী অমুক অমুক রাগিনী বাদশাহী দরবারে গাইতে বা বাজাইতে পার্কেন না এরূপ করার থাকত। বাদশাহ তারপর যখন সাদারজজীকে সেই সেই রাগিনী বাজাতে বা গাইতে করমারেস করতেন তখন সাদারজজী বলতেন, 'হকুর! এই সব রাগিনী অমুক অমুক মহাজনের কাছে বন্ধক রেখে আমি এত টাকা সংগ্রহ করেছি।' বাদশা সহাস্রমুখে তখন টাকা পরিশোধ ক'রে দিতেন সে এক বেশ কৌতুকপ্রদ ব্যাপার ছিল।

সাদারজজী সত্যই দীনবন্ধু ছিলেন। পূর্বকথিত ভিক্কুক বালকবয়সের ভরণপোষণ তার নিজেই বহন ক'রে তাদের দরবারে বধোচিত আশ্রয় দিয়েছিলেন। সেই ভিক্কুক বালকবয়স "কাওয়াল" ব'লে হিন্দুস্থানে প্রসিদ্ধ ছিল। ভারতের ঐচ্ছ খেয়াল গান তাদের বংশেই শোনা

গেছে। মুন্সিফ খেয়ালী আহম্মদ খাঁ (যিনি কলিকাতায়ও অনেকদিন ছিলেন) তাঁদেরই বংশধর। কাওয়ালী রীতির শ্রেষ্ঠ অভিব্যক্তি আমরা এই বংশেই পাই। মুন্সিফ খেয়ালী তানরাজ খাঁ হুদু খাঁ, হুদু খাঁ ও নখু খাঁ প্রভৃতি সবাই এই ভিক্কুবংশধরদেরই শিষ্য। অত্যাধি এঁদের ঘরানা ছু'একটি ওস্তাদ রেবা দরবারে বিদ্যমান আছেন।

সবে, শা সদারজ নিজে খেয়ালী ছিলেন না তিনি খেয়ালের সৃষ্টি করেছিলেন। কিন্তু সদারজ নিজে সর্বদাই ক্রপদ ও হোরি গাহিতেন ও বীণায় ক্রপদাদি ও আলাপ বাজাতেন। হিন্দুস্থানের সর্বসাধারণ তাঁর রচিত খেয়াল শুনে চমকিত হয় কিন্তু তাঁর রচিত ক্রপদ ও হোরি, যা তিনি নিজ বংশধরদের জন্ত ও সঙ্গীতের উত্তম অধিকারীদের জন্ত অসংখ্য রচনা করে গেছেন সর্বসাধারণ তাঁর পরিচয় খুব অল্পই জানে। যারা তা শুনেছে তারা জানে মাধুর্য্য ও গভীরতায় উভয়ের কত প্রভেদ। কাঞ্চনের সঙ্গে কাচের তুলনা হয় না। সদারজজী আপন পুত্রদিগকে উত্তম ক্রপদ, হোরি ও বীণার তালিম দিয়েছিলেন তা অত্যাধি তাঁর বংশে প্রচলিত আছে। তাঁর পুত্র সদারজ ও অত্যাধি বংশধরেরাও শিষ্যদিগকে খেয়াল শিখাতেন কিন্তু কেহই কখনও দরবারে খেয়াল গান নাট। ক্রপদ, হোরি ও আলাপকেই তাঁরা রস প্রকাশের উপযুক্ত ও উৎকৃষ্ট অবলম্বন বলে মনে করতেন।

শাহ সদারজের মৃত্যুর পর তাঁর দুই পুত্র ফেরোজ খাঁ ও ভূপৎ খাঁ মহম্মদ শাহ সত্তা অলঙ্কৃত করে রেখেছিলেন দীর্ঘদিন। ফেরোজ খাঁর উপাধি 'সদারজ' ছিল ও ভূপৎ খাঁ 'মহারজ' উপাধি পেয়েছিলেন। মহারজের দুই পুত্র ছিলেন—জীবন শা ও প্যার খাঁ অঙ্গীকট। প্যার

খাঁকে অঙ্গীকট্ বলা হইত—তার কারণ, অতি বাল্যাবস্থায় প্যার খাঁ রাস্তার খেলা করছিলেন, এই সময় একটা গরুর গাড়ী গাড়োয়ানের অসতর্কতা নিবন্ধন তাঁর দক্ষিণ হাতের তর্জনী অঙ্গুলীর উপর দিগে চলে যাওয়ার ফলে তাঁর সেই অঙ্গুলিটা কেটে যায়। এই উক্ত তাঁর নাম ছিল অঙ্গুলিকট্ বা অঙ্গীকট্। অঙ্গুলীকট্ প্যারি খাঁ অনেক বয়স পর্যন্ত বীণা বাজান নাই। পরে তাঁর তাই যখন বীণায় বিশেষ কৃতী হয়ে উঠলেন, তখন তাঁর পিতাকে একদিন ছঃপ ক'রে বললেন, যে বয়সও অনেক হ'ল, আজুগও নেই, তাঁর জীবনে আর বীণা শিক্ষা হবে না—জীবন তাঁর বৃথাই যাবে। মহারাজ তখন পুত্রের কাতরতা দেখে তাঁকে আশ্বাস দিগে বলেন, ছয় মাসের মধ্যে তাঁকে এমন বীণা শিক্ষা দিবেন যে তাঁর তুল্য বীণকার হিন্দুস্থানে থাকবে না। বস্তুতঃ তাই হ'ল। তাঁর তর্জনীতে একটি বড় মেজ্রাব পরিগে দিগে মহারাজ তাঁকে বীণা শিক্ষা দিলেন। কাটা অঙ্গুল সবেও প্যার খাঁ এমন বীণকার হয়ে উঠলেন যে তাঁর তুল্য বীণকার তখন ভারতে আর কেহ থাকল না। মহারাজের মৃত্যুর পর তাঁর পুত্রস্বয় জীবন খাঁ ও অঙ্গুলীকট্ প্যার খাঁ দিল্লীর দরবারের শ্রেষ্ঠ বীণকাররূপে সম্মানিত হন। তবে প্যার খাঁ খুব দীর্ঘায়ু হন নি, তাঁর কোনও সম্মান ছিল না। তাঁর মৃত্যুর পর তাঁর ভ্রাতা জীবন খাঁ বাদশাহী দরবার থেকে শাহ্ উপাধি গ্রাণ্ণ হন। জীবন শাহ্ দিল্লীদরবারের শেষ বীণকার।

মহম্মদ শাহ্ বাদশাহর মৃত্যুর পর দিল্লীর মোগলবাদশাহী ক্রমে দুর্বল হতে দুর্বলতর হয়ে নামে মাত্র পর্যাবসিত হয়। বাদশাহ্, দ্বিতীয় আলমগীরের মৃত্যুর পর শাহ্ আলম যখন দিল্লীর তুঙ্গে বসলেন, তখন তাঁর নাম বাদশাহ্ থাকলেও তাঁর কোনও রাজ্য আর বিশেষ কিছু ছিল না। এই সময় দিল্লী-দরবার বা গুণীসভা ভেঙে যায়। দিল্লী-দরবারের

শুণীসভার শেষ রত্নগণ তখন থেকে ইতস্ততঃ ছড়িয়ে পড়লেন ও অস্তায় রাজস্ববৃদ্ধির আশ্রয় গ্রহণ করলেন। শাহ আলমের পূর্বে দিল্লীর শেখ মরবারে তানসেনের পুত্রবংশীয় ছজ্জু খাঁ রবাবী ও তাঁর দুই ভ্রাতা জ্ঞান খাঁ ও জীবন খাঁ বিশেষ প্রসিদ্ধি লাভ করেছিলেন। ঐ সময় বীণকারের আসনে জীবন শাহ প্রতিষ্ঠিত ছিলেন। ছজ্জু খাঁ, জ্ঞান খাঁ ও জীবন খাঁ এই ত্রাতৃত্বও অসাধারণ প্রতিভার আধার ছিলেন। ছজ্জু খাঁ রবার বছরে বিশেষ উৎকর্ষসাধন করে গিয়েছেন। জ্ঞান খাঁ ও জীবন খাঁ ঋপদী ছিলেন। এই তিন ভ্রাতার কণ্ঠ ও যন্ত্রসঙ্গীতের শ্রেষ্ঠ অবদান ভারতীয় চরণে দিল্লীমরবারের শেষ পুষ্পাঞ্জলি।

মোগল রাজত্বের পর দিল্লীর শুণীমণ্ডলী দুই ভাগে বিভক্ত হয়ে, ভারতের দুই অঞ্চলে আশ্রয় নিলেন। তানসেনের নিজ বংশধরগণ পূর্বেদিকে চলে এলেন, (তাঁদের নাম পূর্ববীয়া) ও তাঁর শিষ্যবংশীয় শুণীগণ রাজপুতনার রাজাদিগের সভার স্থান পেলেন তাঁদের নাম হ'ল পশ্চিমওয়ারা। তানসেনের পুত্রবংশীয় রবাবীগণ ও দৌহিত্রবংশীয় বীণকারগণ পূর্বে ভারতে এসে বারানসীধামে তজ্জামন স্থাপন করে নিকটবর্তী হিন্দু ও মুসলমান রাজা ও নবাবদের সম্মানিত পূজা-উপচার লাভ করলেন। ঐ সময় অযোধ্যা, নবাব, বেতিয়ার রাজা, রেবার রাজা, বারানসীর নরেশ ও অস্তায় অনেক নৃপতি সঙ্গীতের বিশেষ অগুরাগী, এমন কি অনেকে সঙ্গীতের একনিষ্ঠ ভক্তও ছিলেন। দিল্লী থেকে রবাবী ও বীণকারগণ চলে আসার পর এই নৃপতিগণ তাঁদেরে এত আগ্রহের সহিত বরণ করে নিয়েছিলেন যে তাঁদের কোনও ছুঃখ-কষ্টের সুখ কখনও দেখতে হয় নাই। তানসেনের বংশধরগণ যখন দিল্লী ছেড়ে পূর্বে ভারতে চলে আসছিলেন, তখন তাঁদের মধ্যে একজন বড় ঋপদীকে বাংলাদেশে নিমন্ত্রণ করে আনলেন বাকুড়া বিষ্ণুপুরের

মহারাজা। বাংলাদেশে ঋপদ গানের বহুল প্রচার ও আদরের মূল ইতিহাস এখানে আমরা পাই। বিষ্ণুপুরের মহারাজা রবাবী ছদ্ম খাঁর অন্ততম আত্মপুত্র ও ঋপদী জীবন খাঁর পুত্র বাহাদুর খাঁকে বাঁকুড়া বিষ্ণুপুরে নিয়ে এসেছিলেন ও তাঁকে যথোচিত সম্মান ও সমাদরের সহিত রেখেছিলেন। বাহাদুর খাঁ করেকজন উত্তম বাঁকালী ঋপদী শিষ্য তৈরী করে গিয়েছেন। তিনি কখনও বিদ্যা গোপন করেন নি। পরলোকগত বাংলার শ্রেষ্ঠ ঋপদী ৮ষু ভট্ট বাহাদুর খাঁরই শিষ্যবংশীর ছিলেন। যুঁ ভট্টের স্তার গায়ক ভারতে বেশী জন্মগ্রহণ করেন নাই। তাঁর প্রসঙ্গ আমরা পরে আলোচনা করব স্বর্গীর ৮রাধিক। গোস্বামী ও বাংলার বর্তমান ঋপদী সঙ্গীত নায়ক গোপেশ্বর বন্দ্যোপাধ্যায় মহাশয়ও বাহাদুর খাঁর শিষ্যসরানাদার। অনেকে বলেন যে, “সেনী” গণ কাহাকেও শিখান না—এ কথা যে কত ভুল তা বুঝতে পারি তখনই যখনই দেখি—সুদূর দিল্লী থেকে তানসেনের বংশধর জনৈক গুণী বাংলায় এসে উৎকৃষ্ট শুদ্ধ বাণীর ঋপদ কত বহুল পরিমাণে ও অকপটে শিক্ষা দিয়ে গিয়েছিলেন—যার ফলে ৮ষু ভট্ট রাধিবা গোস্বামী ও গোপেশ্বর বন্দ্যোপাধ্যায় মহাশয়ের মত গুণীর উদ্ভব বাংলায় সম্ভব হয়েছে।

বীণানায়ক জীবন শাহের দুই পুত্র ছোট নবাৎ খাঁ ও নির্মল শাহ বীণাকরণ নৈপুণ্যে ভারতে অসাধারণ খ্যাতি অর্জন করে গেছেন। ছোট নবাৎ খাঁকে সকলেই বলতেন যে স্বয়ং মিশ্রীসিং পুনরায় জন্ম নিয়ে এসেছেন। তাঁর অপরা নাম ছিল রসবীণ খাঁ। পণ্ডিত প্রথম সূদর্শনাচার্যশাস্ত্রীজী তাঁর সম্বন্ধে লিখেছেন,—

“নবাৎ খাঁজীকে বংশমে অন্তমে রসবীণ খাঁজী ভারি বীণকার হোরে, লোগ ইনকো ছুসরে নবাৎ খাঁজী কহতেথে যে প্রথম এর্গে হি কিরা কর্তোথে, এক দিন এক সমাজমে নিরাদর পা কর সিভাসে খানেকে

সংখিয়া মাদা, পিতাম্নে বহৎ সমঝারা কথা কি সংখিয়া খানেরী কোই জরুরত নহি, পরিশ্রম করো, চবিশ দিনমে তুম্‌সে বীণা বজাবা দেবে। ঐসা হি কিয়া, কিয়ু স্তো যে বীণাকে অধিতীর ওস্তাদ হোগরে।”

অর্থাৎ নবাব খাঁজীর (মিল্লীসিংজীর) বংশে শেখদিকে রসবীণ খাঁজী খুব বড় বীণকার হয়েছিলেন লোকেরা তাঁকে দ্বিতীয় নবাব খাঁ বলত। ইনি প্রথম জীবনে অরি যুরে বেড়াতেন। একদা লোক সমাজে অনাদর পেয়ে পিতার নিকট সেকোবিষ চেয়েছিলেন। পিতা (জীবন শা) : তাঁকে তখন খুব বোঝালেন যে সেকোবিষ খেতে হবে না পরিশ্রম করে চব্বিশদিনের মধ্যে তাঁর হাতে তিনি বীণা বাজিয়ে দিবেন। বস্তুতঃ তাই তিনি করেছিলেন ও পরে রসবীণ খাঁ বীণার অধিতীর গুণী হয়েছিলেন।

ছোট নবাব খাঁর হাতে এত মিষ্ট সুর ছিল যে গুণীগণ তাঁকে আদর করে ‘রজারজ’ বলে ডাকতেন। ছোট নবাব খাঁর পুত্র ওমরাও খাঁ-ও পৈতৃক গুণ এবং বিদ্যা সম্পূর্ণরূপেই পেয়েছিলেন। নির্মল শাহ ছিলেন ছোট নবাব খাঁ বা রসবীণ খাঁর কনিষ্ঠ ভ্রাতা। এঁরা দুই ভাই, উভয়েই এত বড় গুণী ছিলেন যে এঁদের মধ্যে কে যে শ্রেষ্ঠ তা নির্ণয় করা স্কটিন। নির্মল শাহকে অযোধ্যার নবাব “শাহ” উপাধি দিয়েছিলেন। আধুনিক ভারতের প্রায় সকল বড় তারের বজাবাদকই নির্মল শাহের কোনও না কোনও শিষ্যের ঘরানা। নির্মল শাহের একটা বিষয়ে খুব প্রসিদ্ধি আছে যে, তিনি সঙ্গীতবিদ্যার খুব বিস্তার করে গেছেন, তাঁর শিষ্য অনেক ছিল। কাওবালদের মধ্যে প্রসিদ্ধ খেরালী শকর মখ্‌খন খাঁ তাঁর শিষ্য। নির্মল শাহ শিষ্যদের অধিকার রুচি ও যোগ্যতা অনুযায়ী ক্রপদ ও খেরাল উভয় অঙ্গেরই শিক্ষা দিতেন। তাঁর ক্রপদ অঙ্গের শিক্ষা পেয়েছিলেন, হুপ্রসিদ্ধ বীণকার মুসররফ খাঁর

পূর্বপুরুষগণ এবং তাঁর খেয়ালী শিষ্যদের বংশে সুপ্রসিদ্ধ বীণকার বন্দে আলি খাঁ ও মোরাদ খাঁ এবং বিখ্যাত সেতারী ইমদাদ খাঁ অন্য গ্রহণ করেছেন। নির্মলশাহ নিজে খুব শক্তিশালী বাদক ছিলেন। তাঁর বীণায় কমনীয়তা অপেক্ষা শক্তিরই সমাধিক পরিচয় পাওয়া যেত। তাঁর ভ্রাতার বাণ্ডে মলিনমধুর ঝসই প্রকাশ পেত কিন্তু তাঁর বীণায় ছিল উদাত্ত ভাবের রস। বীণার ধ্বনি সাধারণতঃ একটু কীণ—অধিক দূর পর্য্যন্ত পৌঁছায় না—কিন্তু নির্মল শাহ এত মোটা তারে বাজাতেন যে বড় বড় সভামণ্ডপেব শেষপ্রান্ত পর্য্যন্ত তাঁর বীণার নিকণ ভীষ্মধুর অমুবগনে শ্রোতৃবৃন্দের শ্রবণকুহরে ঝঙ্কত হ'ত অতি স্পষ্টভাবে। তিনি ভারতীয় যন্ত্র-সঙ্গীতে সত্যই এক নূতন প্রাণ সঞ্চার ক'রে দি়েছিলেন।

নির্মল শাহ ঋপদ অঙ্কের চারি বাণীতেই বিশেষ পারদর্শী ছিলেন। ঋপদ ও বীণার চারি বাণী হচ্ছে গোড়ীয় বা গোবরহার বাণী, খাণ্ডার বাণী, ডাগর বাণী ও নওহার বাণী।* গোড়ী বাণীর প্রধান লক্ষণ

* “মাদনুল মুসিকী” নামক সঙ্গীত গ্রন্থ প্রণেতা হাকিম মহম্মদ চারিটা বাণীর উদ্ভাবকদিগের সম্বন্ধে লিখিতেছেন :—

“আকবর বাদশাহের দরবারে তখন চারিজন মহাশুণী বাস করিতেন। তাঁহাদের নাম লেখা যাইতেছে—

(১) তানসেন—গোয়ালিয়রবাসী—পিতার নাম মকরন্দ—বুন্দাবনের নামী হরিদাসের শিষ্য—পূর্বে গোড়ীয় ব্রাহ্মণ ছিলেন।

(২) ত্রিভুজচন্দ—ব্রাহ্মণ—বাড়ী ছিল দিল্লীর নিকটে ডাগুর গ্রামে।

(৩) রাজা সমোধন সিংহ—রাজপুত—বীণকার—খণ্ডার নামক স্থানের অধিবাসী।

(৪) ত্রীচন্দ—রাজপুত—বাড়ী ছিল নৌহার। আকবরের সময়ে এই চারিজনে চারিটা বাণীতে প্রসিদ্ধ ছিলেন। তানসেন গোড়ীয় ব্রাহ্মণ

হচ্ছে প্রসারগুণ। ইহা শাস্তুরস উদ্দীপক—ইহার গতি ধীর। বৈচিত্র্য এবং ঐশ্বর্য্য প্রকাশই খাণ্ডার বাণীর বিশেষত্ব। ইহা তীব্ররস উদ্দীপক—ইহার গতি খুব বিলম্বিত নয়। গোড়ী বাণীর অপেক্ষা এর বেগ ও তরঙ্গ অধিক—বলা বাহুল্য প্রচলিত খাণ্ডার বাণী বা সুরের মল্লযুদ্ধ এবং প্রকৃত খাণ্ডারী রীতিতে অনেক তফাৎ। ডাগর বাণীর প্রধান গুণ হচ্ছে সারল্য ও লালিত্য। এর গতি সহজ ও সরল। এর মধ্যে সুরের যে বলম্বিত বন্ধিম বিক্রাস দেখতে পাওয়া যায় বস্তুতঃ তা মোটেই কঠিন নয়। নওহার রীতি বলতে সিংহের গতি বোঝা যায়। এক সুর হ'তে ছ-তিনটি সুর লঙ্ঘন করে পরবর্তী সুরে যাওয়া এর লক্ষণ। নওহার খুব বড় কিছু রসের সৃষ্টি করে না—ইহা আশ্চর্য্যরসোদ্দীপক। আমরা যাকে শুধু বাণী বা শুদ্ধবাণী বলি তা গোড়ী ও ডাগরী বাণীরই নামান্তর। শুদ্ধবাণীই সঙ্গীতের আত্মা। সঙ্গীতের প্রতিষ্ঠাই যে শুদ্ধবাণীতে তাতে কোনই সন্দেহ নাই। খাণ্ডার বাণীতে সুরের বৈচিত্র্য ও ঐশ্বর্য্য উদ্ঘাটিত হতে পারে যদি তা শুদ্ধবাণীর গতি ও ছন্দ ভঙ্গ না করে। খাণ্ডার বাণী শুদ্ধবাণীর সংশ্রব থেকে বিচ্যুত হ'য়ে চলে অতি উৎকট হ'য়ে ওঠে। তার জাঁকজমকে তখন লোক হতভম্ব হ'তে পারে কিছু চিত্তের পিপাসা ত তে মেটে না। সে সঙ্গীত প্রাণে কোনও শান্তি বা কোনও আনন্দের পরশ দেয় না। সঙ্গীতের প্রাণ-

ছিলেন বলিয়া তাঁর বাণীর নাম ছিল গোড়ী অথবা গোবরহরী। প্রসিদ্ধ বীণকার সমোখন সিংহ তানসেন কন্টার পানি গ্রহণ করিলে তাঁহার নাম হইয়াছিল নৌবাদ খাঁ। নৌবাদ খাঁর বাণীর নাম “খাণ্ডারী”, কারণ তাঁহার বাসস্থানের নাম ছিল খাণ্ডার। বিজচন্দের বাসস্থানের নাম অজুয়ায়ী তাঁহার বাণীর নাম হইয়াছে ডাগর—রাজপুত শ্রীচন্দ্র নৌহারের অধিবাসী ছিলেন বলিয়া তাঁহার বাণীকে নৌহারবাণী বলা হয়।

স্বরূপ যে রসবস্তুর তার অবিকৃত উৎস পাওয়া যাবে শুধু বাণীতে। রসের প্রকাশ বৈচিত্র্য সম্ভব তার পক্ষেই, যে সে উৎসের সন্ধান পেয়েছে। তাই সেনীগণ সর্বদাই শুদ্ধবাণীর সঙ্গীতের উপর এত জোর দিয়ে গেছেন। নির্মল শাহের বীণার খাণ্ড'রের তানের ঐশ্বর্য যথেষ্ট থাকলেও, তাঁর বীণাসঙ্গীতের মূল প্রেরণা আস্তে ধ্যানগভীর ও সাগরগভীর শুদ্ধবাণী থেকে।

সঙ্গীতের চারি বাণীর মধ্যে গোড়ীয় বাণীকে গুণীগণ রাজার আসন দিয়েছেন। ডাগর বাণীকে মন্ত্রীর স্থান, খাণ্ডারকে সেনাপতির স্থান ও নওহারকে ভৃত্যের স্থান দেওয়া হয়ে থাকে। প্রতি বাণীরই আপন আপন স্থানে বিশিষ্ট এক সার্থকতা আছে। তবে প্রথমোল্লিখিত বাণীটির শুদ্ধবাণীর অন্তর্ভুক্ত। গোড়ী বাণীর স্বরগুলির প্রত্যেকটি আপন আপন সীমায় সুনির্দিষ্টরূপে প্রতিভাত হয়। স্পষ্টতাই হচ্ছে এই বাণীর প্রধান লক্ষণ। ডাগর বাণীতে একটি স্বর অপরটির সহিত যেন মিশে যেতে চায়, তাই ডাগর বাণীতে একটা কেমন রহস্যময় ভাব থাকে। সুরগুলিকে স্পষ্টভাবে ধরাছোঁওয়া যায় না, শ্রোতার কল্পনা দিয়ে যেন তা'কে পূর্ণ করে নিতে হয়। লালিত্য ও গভীরতা এ উভয় বাণীর মধ্যেই যথেষ্ট পাওয়া যায়। খাণ্ডার বাণীকে সংস্কৃতে "ভিন্না রীতি" বলা হইয়াছে। এই বাণীতে সুরগুলিকে কেটে কেটে গাওয়া হয়—তাই সংস্কৃত একে "ভিন্না" (ভিন্ন ধাতু হ'তে ভিন্ন শব্দ নিষ্পন্ন হয়েছে) বলা হয়, ও হিন্দুস্থানীতে "খাণ্ডার" বলা হয়। উভয় শব্দের মূল তাৎপর্য একই। সুরগুলিকে সরলভাবে প্রকাশ না করে এতে কুটিলভাবেও কেটে কেটে প্রকাশ করা হয়ে থাকে। কিন্তু তাই বলে এতে মাধুর্য হ্রাস পায় না। সুর গমকের সাহায্যে সুর কাটলে বা আন্দোলিত করলে তাতে মধুরতা বৃদ্ধিই পেয়ে থাকে। তাই উত্তম গুণীগণ সুর মধুর

গমক সহযোগেই খাণ্ডার বাণী গেয়ে থাকেন। গমকের অপপ্রয়োগ ও উৎকট প্রয়োগেই খাণ্ডার বাণীর বিকৃতি এসেছে কিন্তু পূর্বাচার্যগণ ও তানসেন বংশীয় বীণকারগণ অতি সূক্ষ্ম গমক এবং শ্রুতি প্রয়োগে খাণ্ডার বাণীতেও যথেষ্ট মধুরতা প্রকাশ ক'রে গেছেন।

তবে শুদ্ধবাণীকেই সর্বদা রক্ষা করে চলা উচিত। খাণ্ডার বাণী বৈচিত্রের জন্ত মাঝে মাঝে প্রয়োগ করা যেতে পারে। সেনীগণ তাই ক'রে এসেছেন। সেনীকল্পদের অধিকাংশই শুদ্ধবাণীতে গীত হয়। আলাপের সময় বিলম্বিত অংশে শুদ্ধবাণীরই প্রাধান্য। মধ্যতালে খাণ্ডার বাণী বিশেষ বিশেষ স্থলে ব্যবহৃত হয়। যন্ত্রসঙ্গীতে বীণাতেই খাণ্ডার বাণীর মধ্যতাল বা গমক জোড় সেনীগণ রকমারিভাবে ব্যবহার করেছেন কিন্তু রবাবে বিলম্বিত, মধ্য ও ক্ষুদ্র এই ত্রিবিধ আলাপ অংশেই শুদ্ধবাণীরই সমান প্রাধান্য আছে। কেন না রবাবের স্বর সরল— রবাবে বীণার জ্বর গমক তেমনি খোলে না।

তানসেনের পুত্রবংশীয় সকল গুণীই গোড়ীর বাণীতে সিদ্ধ ছিলেন। তাই তাঁদের গীত ও বাজে রঙ্গের খেলা তত পাওয়া যায় না, কিন্তু রাগের নগ্ন সৌন্দর্য্য প্রকাশে তাঁদের তুলনা হয় না। সরলতাই তাঁদের বৈশিষ্ট্য, তাঁদের প্রকৃতিও তাঁদের সঙ্গীতের মতই সরল ছিল। তানসেনের কনিষ্ঠ পুত্র বিলাস খাঁ থেকে শুরু করে হাসান খাঁ, গোলাব খাঁ, ছজ্জু খাঁ, জ্ঞান খাঁ, জীবন খাঁ প্রভৃতি গুণীগণের ইতিবৃত্ত আলোচনা করলে আমরা দেখতে পাই, তাঁরা মুনিদের মত সরল অনাড়ম্বর ও ভগবৎপ্রাণ ছিলেন। হাসান খাঁকে সবাই “শুভদেবতা” বা সফেদ্-দেও বলত, তাঁর অন্তঃকরণও যেমন শাদা ছিল তাঁর শরীরেরও তেমনি এক মনোহর গৌরবাস্তি ছিল। এঁরা কেহই বাদশাদের দয়বাদের সহিত ঘনিষ্ঠভাবে জড়িত থাকতেন না। ঐহিক ধনরত্নের ও ঐশ্বর্যের

আড়ম্বরের বাহিরে নির্জন কুটীরেই এঁরা বসবাস করতেন—বাদশাহগণ অস্বাভাবিকভাবে অজস্র অর্থ দিবে গেলেও, অধিকাংশ অর্থই এঁদের দানে ও দীনজন-প্রতিপালনে ব্যয়িত হ'ত। বাদশারা যখন তখন ইচ্ছা করলেই এঁদের গীত ও বাণী শুনতে পেতেন না। অনেক সাধ্য-সাধনা ক'রে এঁদের দরবারে আনতে হ'ত।

হাগান খাঁ ও তাঁর পুত্র গোলাব খাঁ উৎকৃষ্ট ঙ্গপদী ছিলেন। গোলাব খাঁর তিন পুত্র ছজ্জু খাঁ, জ্ঞান খাঁ ও জীবন খাঁ। ছজ্জু খাঁ রবাবযন্ত্রে বিশেষ পারদর্শিতা অর্জন করেছিলেন। জ্ঞান খাঁ ও জীবন খাঁ ঙ্গপদী ছিলেন। এই-তিন ভ্রাতার শেষ জীবনেই দিল্লীর বাদশাহি দরবার ভেঙে যায়। ছজ্জু খাঁর তিন পুত্র জাকর খাঁ, প্যার খাঁ ও বাসৎ খাঁ। জ্ঞান খাঁ নিঃসন্তান ছিলেন। জীবন খাঁর দুই পুত্র বাহাদুর খাঁ ও হায়দর খাঁ। বাহাদুর খাঁ ঝিফুপুরের মহাশয় কর্তৃক নিমন্ত্রিত হ'য়ে বঙ্গদেশে চলে এলেন ও হায়দর খাঁ সন্ন্যাস আশ্রম অবলম্বন ক'রে ককৌর হ'য়ে গেলেন। বাহাদুর খাঁর বাঙ্গালী শিষ্য বংশের কথা আমরা পূর্বে উল্লেখ করেছি। হায়দর খাঁ ককৌর ছিলেন ও সঙ্গীত-সাধনারও বিশেষ অগ্রসর হয়েছিলেন। তাঁর এক ঙ্গপদী শিষ্যের বংশ কানপুরের নিকটে এখনও আছে। লঙ্কৌর গুণী রাজা নবাব আলি খাঁ সাহেব তাঁদের বিশেষ সম্মান ও প্রশংসা ক'রে থাকেন।

ছজ্জু খাঁর তিন পুত্র জাকর খাঁ, প্যার খাঁ ও বাসৎ খাঁর নাম ভারতীয় সঙ্গীত ইতিহাসে চিরদিনই স্বর্ণাকরে লিখিত থাকবে। এই ভ্রাতৃত্বের সত্য সঙ্গীতের অবতার স্বরূপ ছিলেন। গীতে, বাণীতে, বিচার ও সাধনার এঁদের স্থান তৎকালে সকলের শীর্ষে ছিল। এঁরা সত্যই নারকপদবান্য ছিলেন। জাকর খাঁ ও প্যার খাঁ, পিতা ছজ্জু খাঁর কাছে বিদ্যা শিক্ষা করেছিলেন কিন্তু বাসৎ খাঁর গুরু ছিলেন তাঁর খুল্লভাত্ত

জ্ঞান খাঁ। জ্ঞান খাঁ নিঃসন্তান ছিলেন বলে ভ্রাতৃপুত্র বাসৎ খাঁকেই পোষ্যপুত্ররূপে গ্রহণ করে'ছিলেন ও তাঁকে বুকে ক'রে মানুষ করেছিলেন। বাসৎ খাঁকে তিনি যোগসাধনা ও সঙ্গীত শিক্ষা দিয়েছিলেন।

তন্নির্মল শাহ বীণকারও এই ভ্রাতৃপুত্রকে খুব ভালবাসতেন। এঁদের প্রতিভা অতি বাল্য হ'তেই ক্ষুরিত হ'য়ে উঠেছিল ও নির্মল শাহের দৃষ্টি আকর্ষণ করেছিল। নির্মল শাহ ছিলেন তানসেনের দৌহিত্র-বংশীয়, তাই এঁদের তিনি জ্ঞাতি সঙ্কে গুরু ছিলেন ও এঁদের স্নেহে বীণা শুনাতেন ও বীণার গুঢ় রহস্য সকল লিখে দিয়েছিলেন। নির্মল শাহের পুত্রসন্তান হয় নাই। তাঁর সমুদয় বিদ্যা তাঁর ভ্রাতৃপুত্র উমরাওকে তিনি শিক্ষা দিয়েছিলেন। উমরাও ছিলেন প্যার খাঁর সমবয়সী ও অতি অস্তরঙ্গ সুহৃদ। কিন্তু সঙ্গীত বিষয়ে তাঁদের প্রতিযোগিতাও খুব তীব্র ছিল। জাফর খাঁ, প্যার খাঁ ও বাসৎ খাঁ এই তিন ভ্রাতা ও উমরাও খাঁ এঁরা সকলেই একই সময়ে একই স্থানে বাল্যজীবন অতি-বাহিত করেছিলেন—ছজ্জু খাঁ, জ্ঞান খাঁ ও নির্মল শাহের দ্বার সঙ্গীত সিদ্ধ হয়েছিলেন গুরুদেব স্নেহ-ছায়ায়। তাই এঁদের মাঝে সঙ্গীত সাধনার বীজ সুসময়ে সুক্ষেত্রে পতিত হ'য়ে, কালে ফুলে ফলে সুশোভিত বিশাল সঙ্গীত-তরুরূপে হিন্দুস্থানের অসংখ্য সঙ্গীতপিপাসুদিগকে কল্প-বৃক্ষে দ্বার আশ্রয় দিতে পেরেছে।

জাফর খাঁ, প্যার খাঁ ও বাসৎ খাঁ বাল্যকালে নির্মল শাহের সহিত একত্রে অনেকদিন বসবাস করেছিলেন ও বীণা শিক্ষালাভ করেছিলেন। দিল্লীর বাদশাহীর অবসানের পর তানসেন বংশীয় গুণীগণ বারাণসীতে ভ্রামন স্থাপন ক'রে সমীপবর্তী রাজস্বদের সভায় বাতায়াত করতেন। কোনও গুণী অযোধ্যার দরবারে, কেহ রেবাধিপতির সভায় কেহবা বেঁতরার নরেশের রাজসভায় আহৃত হ'য়ে যেতেন। অনেকদিন পর্যন্ত

তাঁরা বাঁধাবাঁধিভাবে কোনও দরবারে বা সভায় থাকেন নি। বৎসরের মধ্যে ইচ্ছামত নানা সময়ে নানা সভায় যেতেন—যেখানে যেতেন সেখানকারই নরেশ বা নবাব নিজেকে ধন্য মনে ক'রে তাঁদের বধোচিত সম্বর্দ্ধনা করতেন। তবে বৎসরে একবার ক'রে তানসেনবংশীর সকল গুণীই বারানসীতে সম্মিলিত হ'তেন, একটা পারিবারিক প্রীতি-সম্মিলন বৎসরে একবার ক'রে অনুষ্ঠিত হ'ত। তখন প্রত্যেক গুণী নিজ নিজ গুণ ও বিজ্ঞার পরিচয় দিতেন। বাসৎ খাঁ, প্যার খাঁ ও জাকর খাঁকে নির্মল শাহ একবার মাসাধিক কাল ধ'রে প্রত্যহ বীণা শোনাতেন ও বীণা বাদনের কৌশল বোঝাতেন, তিনি প্রত্যহ নূতন নূতন প্রণালীতে নায়কী তার থেকে মন্ত্রের তারে গিয়ে মন্ত্র ষড়্জ স্বর এভাবে খুলতেন যে সেই ভ্রাতৃদ্বয় বিভ্রান্ত হ'রে যেতেন। নির্মল শাহ্ কি ক'রে মুদারা গ্রাম থেকে বিদ্যুৎঝলকের মত উদারা গ্রামের স্বর সকল প্রকাশিত করতেন—“বীণার সারি বা পর্দায় কত রকমের অঙ্গুলির খেলা সম্ভব তা' দেখে ভ্রাতৃদ্বয় বিস্মিত হ'তেন কিন্তু মাসাধিক কাল শুনেও সেই কৌশল হৃদয়ঙ্গম করতে পারেন নি। অবশেষে নির্মল শাহ্ তাঁদেরে তা' বুঝিয়ে দেন।

কিন্তু নির্মল শাহ্ যখন গৌরবের সর্বোচ্চ শিখরে সমাসীন, সেই সময় তাঁর পুত্রতুল্য ও ছাত্রোপম জাকর খাঁ নিজ প্রতিভাবলে তাঁর সমকক্ষ স্থান অধিকার করতে পেরেছিলেন। একবার বার্ষিক প্রীতি-সম্মিলনে যখন সকল গুণী কাশীধামে সমাগত, তখন কাশী-নরেশের সভায় নির্মল শাহের বীণা ও জাকর খাঁর রবাব বাজনা অনুষ্ঠিত হয়। তখন বর্ষাকাল। রবাবের চামড়া বর্ষাকালে শিথিল হয়ে যায় ব'লে বর্ষায় রবাবের আওয়াজ চেপে যায় ও এক প্রকার শ্রুতিকর্ষণ 'ঢপ্ ঢপ্' শব্দ বাহির হয়। তাই নির্মল শাহের অপূর্ব বীণা বাজারের পর

রবাবের আওয়াজ অতি বিস্তীর্ণ। জাফর খাঁ তখন বাজনা কাস্ত ক'রে কাশী-নরেশ ও নির্মল শাহকে বললেন যে, একমাস পর তিনি বাজনা শোনাবেন। এই একমাসে জাফর খাঁ বারাণসীর যন্ত্র-কারিগর দ্বারা এক অভিনব যন্ত্র নির্মাণ করালেন। এই যন্ত্র রবাবেই স্বায়—তবে এতে চামড়া নাই, নিরাংশে চামড়া ও কাঠের পরিবর্তে ইহাতে আছে সুরবাহারের মত লাউ ও উপরিভাগে স্বরোদের মত কাঠের দস্তুর উপরে ষ্টীল প্লেট বসানো। রবাবে তাঁত বাজে আর ইহাতে ষ্টীল ও পিতলের তার ব্যবহৃত হয়। জাফর খাঁ এই যন্ত্রের নাম দিলেন 'সুরশৃঙ্গার'। বীণা ও রবাব এই উভয় যন্ত্রের বিভিন্ন 'বাজ্' বা বাদনপ্রণালী মিশ্রিত ক'রে তিনি সুরশৃঙ্গার যন্ত্র প্রবর্তিত করলেন। একমাস পর সুরশৃঙ্গার যন্ত্র নিয়ে তিনি কাশী-নরেশের কাছে গেলেন ও এক প্রকাণ্ড সভা আহ্বান ক'রে নির্মল শাহকে নিমন্ত্রিত করালেন। সুরশৃঙ্গারের স্বর এত সুমিষ্ট যে ইহার তারগুলিতে শুধু বন্ধার দিলেই প্রাণ শীতল হয়ে যায়, সুরশৃঙ্গার যন্ত্রে যখন বীণা ও রবাবের সমুদয় আলাপ-অঙ্গ দেখিয়ে জাফর খাঁ বাজালেন তখন নির্মল শাহ্ জাফর খাঁকে আলিঙ্গন ক'রে বললেন "বাঃ বেটা! তুমি আজ বীণাকে হারিয়ে দিয়েছ।" একেই বলে "সর্বত্র জয়মসিচ্ছেৎ শিষ্যাৎ পুত্রাৎ পরাজয়ম্।" জাফর খাঁর নবগৌরবে নির্মল শাহের বুক উল্লাসেই ভরে উঠল।

অতঃপর রবাবী বংশীয় গুণীগণ বর্ষাকালে রবাবের পরিবর্তে সুরশৃঙ্গার যন্ত্রই বাজাতেন। শীতকালে এবং মৃদঙ্গ সঙ্গতের সময় রবাব ব্যবহার করতেন, কেননা মৃদঙ্গ সঙ্গতে রবাব শ্রেষ্ঠ যন্ত্র। অত্যাঁপি এই রীতি চ'লে আসছে।

ইংরাজ রাজত্বের প্রাগভাগে অর্থাৎ অষ্টাদশ শতাব্দীর শেষভাগে ও ঊনবিংশ শতাব্দীর প্রারম্ভে তানসেনবংশীয় কয়েকটি উজ্জল প্রতিভা-

শালী তন্ত্রকারকে যুগপৎ দেখতে পাই। ভারতীয় সঙ্গীতের তন্ত্র-বিভাগের ইহা একটি অতি গৌরবময় যুগ। কঠ-সঙ্গীতের শীর্ষস্থান যন্ত্র-সঙ্গীতেয় অধিকার ক'রে বসার কারণ আছে। প্রথমতঃ ভারতীয় শ্রেষ্ঠ কঠ সঙ্গীতে যে প্রচুর প্রাণশক্তির সংহত ও বিশাল আত্মপ্রকাশ পূর্বে পাওয়া যেত, পরবর্তী যুগে তা কমে এসেছিল। প্রাণের বিশালতা হীরতা ও একতানতার জন্ত যে সাধনার প্রয়োজন সেই সাধনার উপযোগী আধার সংখ্যা হ্রাস পেয়ে এসেছিল। প্রাণায়ামকে ব্যাপকতর অর্থে আমরা যদি বুঝতে চেষ্টা করি, তবে সঙ্গীতকে এক শ্রেষ্ঠ প্রাণায়াম বলে বুঝতে পারি। প্রাণায়ামের ফল প্রাণের উপর সম্পূর্ণ অধিকার—প্রাণের ব্যাপ্তি ও প্রাচুর্য। পরবর্তী শুলীদেব দেহযন্ত্রে যখন প্রাণের ধারণ সামর্থ্য কমে এল তখন তাঁরা বাহিরের বাঁণা যন্ত্রেই প্রাণের বিকাশের সমুদয় সাধনা নিয়োগ করবেন তাতে আর আশ্চর্য কি ?

যন্ত্র সঙ্গীতের উৎকর্ষের দ্বিতীয় কারণ, যন্ত্র-সঙ্গীতে যে ধরনের বৈচিত্র্যের বিকাশ যতটা সম্ভব হ'ব, কঠ সঙ্গীতে তা সম্ভব নয়। কঠের শ্রেষ্ঠতা স্বীকৃত হ'বার কারণ এই যে উহা সহজাত ও কঠের সুরকে যথেষ্টভাবে খেলানো যতটা সহজ, একটা বাহিরের জড়যন্ত্র থেকে সুর বাহির ক'রে তাকে ইচ্ছামত খেলানো তত সহজ নয়। কিন্তু যন্ত্র জড় বলেই তার স্বাবধাও আছে—যা'ঙ্গক সুরবিধা এই যে মানুষের কতকগুলি স্বাভাবিক সীমা আছে, যন্ত্র জড়বস্তু—জড়ের সে সীমা নাই, জড়ের পরিশ্রম হ'ব না, জড় হ'তে এমন অনেক সুরবিধা পাওয়া যায়, জীবিত প্রাণীর কাছ থেকে যা পাওয়া সম্ভবপর হয় না। মোটর গাড়ীর সুরবিধা অথবানে যেমন পাওয়া সম্ভব নয়। জড়ের সহিত চেতনের পার্থক্য চিরকালই রহিয়াছে—উবিধ্যতেও থাকিবে।

যন্ত্র-সঙ্গীতে “ক্রম” অংশের উৎকর্ষ অনেক বেশী—কণ্ঠ হতে “বেহুয়” দূর করা কঠিন কিন্তু যন্ত্রকে সুন্দর ভাবে বাধলে সুমিষ্ট স্বর উঠা হ’তে স্বতঃই ঔৎপন্ন হয়।

বলা বাহুল্য, কণ্ঠ সঙ্গীতে যেমন প্রাণায়াম বা শ্বাসের উপর অধিকার প্রয়োজন, যন্ত্র সঙ্গীতের উৎকর্ষের জন্মও একটা প্রাণের স্বৈর্য্য প্রয়োজন—চঞ্চল প্রাণ নিয়ে গভীর ও শ্রেষ্ঠ সঙ্গীতের বিকাশ কখনও সম্ভব নয়।

গত শতাব্দীর সেনীশুণীগণের মধ্যে উৎকৃষ্ট যন্ত্র সঙ্গীতের বিকাশ খুবই হ’য়ে গেছে। জাফর খাঁ, প্যার খাঁ ও বাসৎ খাঁ রবাব ও সুরশৃঙ্গার যন্ত্রে এবং ওমূরাও খাঁ বীণায়ন্ত্রে সঙ্গীতের এত গভীর ও উন্নত স্তর খুলে দিবে গিয়েছিলেন, যে কণ্ঠ সঙ্গীতের উন্নতির অভাব সত্ত্বেও কোন প্রকার অভাব কেহ বুঝতে পারে না। প্যার খাঁ ও বাসৎ খাঁ শুধু যন্ত্র-সঙ্গীতে নয়—কণ্ঠ সঙ্গীতেও অসাধারণ প্রতিভা ও সৃষ্টিশক্তি দেখিয়ে গেছেন। প্যার খাঁ অতি সুমধুর কণ্ঠ-গায়ক ছিলেন, আর বাসৎ খাঁ তো শেষ বয়সে শুধু গানই গাইতেন। বাসৎ খাঁ অনেক উৎকৃষ্ট ক্রম রচনা ক’রে গেছেন।

জাফর খাঁ ছিলেন যন্ত্র-সঙ্গীতে সিদ্ধ—অতি কঠোর তপস্শ্রাব তিনি “রবাবী” সঙ্গীত পদ্ধতিকে যন্ত্র-সঙ্গীতের শীর্ষস্থানে তুলতে পেরেছিলেন। সুরশৃঙ্গার যন্ত্রের অপকৃষ্ট লালিত্য ও আবেশময় মাদকতা তাঁরই দান। প্যার খাঁও সুরশৃঙ্গার যন্ত্রই অধিকাংশ সময় বাজাতেন। জাফর খাঁও প্যার খাঁ উভয় ভ্রাতাই অনেক সময় স্বনামধন্য, প্রতিভার অবতার স্বরূপ রাজারাম বংশীর রেবাধিপতি মহারাজ বিশ্বনাথ সিংহের সভায় থাকতেন। মহারাজ বিশ্বনাথ সিংহের কাব্যপ্রতিভা সত্ত্বে বাংলা কোনও মাসিক পত্রিকার সম্প্রতি সূর্য্যপ্রসন্ন বাজপেয়ী মহাশয় অনেক

আলোচনা করেছেন। মহারাজ বিশ্বনাথ সিংহ সঙ্গীত বিজ্ঞায়ণে অতি পারদর্শী ও যথার্থ সঙ্গীত-সাধক ছিলেন। তিনি জাফর খাঁ সাহেবের শিষ্য ছিলেন ও অনেক উৎকৃষ্ট ঞ্চপদ রচনা করে গেছেন। রাজারাম ও রাজা মানের পর সঙ্গীতের একনিষ্ঠ সাধনার হিন্দু নৃপতিগণের মধ্যে মহারাজ বিশ্বনাথের নাম অগ্রগণ্য চিরদিন থাকবে।

প্যার খাঁও মহারাজ বিশ্বনাথের সভায়ই থাকতেন, তবে মাঝে মাঝে বেতিয়ার মহারাজ নন্দকিশোরের দরবারেও যেতেন। নন্দকিশোর একজন উৎকৃষ্ট ঞ্চপদী ছিলেন ও অনেক ঞ্চপদ নিজে রচনা করে কথক ব্রাহ্মণ গায়কদের শিক্কা দিতেন। বেতিয়ার 'কথক' ঘরানা ওস্তাদরা তাঁর শিষ্যবংশ থেকেই এসেছেন। বেতিয়ার কথক ঘরানা ব্রাহ্মণ গায়কদের মধ্যে বখ্তাওরজী শিবনারায়ণজী, গুরুপ্রসাদজী প্রভৃতি গুণীগণের নাম উল্লেখযোগ্য। বোধ হয় একথা অনেকে জানেন কলিকাতায় বিখ্যাত ধামার গায়ক বিশ্বনাথ রাও এই শিবনারায়ণ মিশ্রের শিষ্য ছিলেন এবং ৮রাধিকা গোস্বামী অনেক দিন গুরুপ্রসাদজীর কাছে শিখেছেন। বিখ্যাত গায়ক কাশীনাথও বেতিয়ার ঘরানা ছিলেন। বেতিয়ার মহারাজ নন্দকিশোর প্যার খাঁর শিষ্য ছিলেন। এই থেকেই আমরা দেখতে পাই, ভারতের সমস্ত ঘরানা গুণীরাই পরোক্ষ বা প্রত্যক্ষভাবে তানসেনের বংশের কাছে গুণী।

প্যার খাঁ সাহেব শুধু একজন অদ্বিতীয় সৃষ্টি গায়ক বা বাদকমাত্র ছিলেন না—তিনি সঙ্গীতেরও একজন উচুদরের স্রষ্টা ছিলেন। তিলক-কামোদ রাগিণীর নাম সঙ্গীত রসিক মাঝেই জানেন। তিলক-কামোদের গভীরতা কম নয় অথচ ইহা এত শ্রুতিমধুরবে অশিক্ষিতদের প্রাণে এই রাগিণীতে সাজা না দিয়ে পারে না। এই তিলক-কামোদ রাগিণীটি প্যার খাঁর সৃষ্টি। তিনি এক অতি নগণ্য সুর

থেকে এই সুমিষ্ট রাগিণীটি তৈরী করেছিলেন। এক দিন প্যার খাঁ গ্রাম্যপথে বিচরণ করছিলেন—কোনও কুটিরে একটি গ্রাম্য-স্ত্রীলোক গ্রাম্যসুরে একটি ছড়া গাইতে গাইতে বাঁতাতে গম্ পিষ্ছিল। সেই সুরটি প্যার খাঁ সাহেবের কাণে ভারি ভাল লেগে গেল। তিনি দেখলেন, যে সেই সহজ মেঠো সুরে বড় বড় রাগিণীর এক অযত্নসুলভ মিশ্রণ রয়েছে—তাই অবলম্বন করে তিনি তিলক-কামোদ রাগিণী তৈরী করলেন। দেশ, বেহাগ ও কামোদ মিশ্রিত করে তিলক-কামোদের সৃষ্টি হ'ল। তিলক-কামোদ সঙ্গীত-জগতে অমর হয়ে রইল। এই রাগিণীতে প্যার খাঁ উৎকৃষ্ট আলাপের পথ খুলে দিলেন ও উৎকৃষ্ট সৰু স্রপদ এই রাগিণীতে রচনা করে জগতে নিজ সঙ্গীতপ্রতিভার পরিচয় দিলেন।

সঙ্গীতপ্রতিভা একেই বলে। রাগরাগিণী মেশাতে অনেকেই অল্প-বিস্তর পারে—কিন্তু এইরূপ মিশ্রণের ফলে একটি স্বতন্ত্র প্রাণবন্ত রাগিণী সৃষ্টি করা সকলের সাধ্যায়ত্ত নয়। এই ক্ষমতা খাঁর আছে তিনিই ষথার্থ কলাবিদ। প্যার খাঁর এই ক্ষমতা ছিল—আর তিনি ছিলেন অতি প্রাণস্পর্শী কলাবিদ। বিজ্ঞায় মানুষের শ্রদ্ধা আকৃষ্ট হ'তে পারে বটে কিন্তু মাধুর্য্যে মানুষের হৃদয় জ্বলিত হয়। প্যার খাঁর বর্ষসঙ্গীতে ও সুরশৃঙ্গারে এক অপূর্ণ উদ্গাদনী ও দ্রাবিনীশক্তি ছিল, যা তাঁর সমসাময়িক খুব গুণীরই ছিল। প্যা খাঁ রবাবী বহুসঙ্গীতের গান্ধীর্ঘ্যের সাথে বীণকারের মোহন স্বর মিশিয়েছিলেন, স্রপদের ধার উদাত্ত রসে হোরীর লালিত্য মিশিয়ে ছিলেন—এই মিশ্রণের ফলেই তাঁর সঙ্গীত সন্মোহনগুণে ও চিত্তাকর্ষণে অতুলনীয় স্থান অধিকার করেছিল।

প্যার খাঁর বৃগপৎ উত্তরসাধক ও প্রতিযোগী ছিলেন বীণকার ওমরাও খাঁ। এঁদের সঙ্গীত পদ্ধতি পরম্পরের অনুরূপ ছিল। এঁদের

সঙ্গীতে উজ্জলরসের যেমন আধিক্য দেখতে পাই—এঁদের ছন্দে তেমনি পাই একটা লীলায়িত লাস্ত। হিন্দুস্থানের আকাশে বাতাসে এঁরা সৌন্দর্য্য ও সৌকুমার্য্য প্রচুর ছড়িয়ে দিয়েছিলেন। এঁরা অযোধ্যা, বেত্তিয়া, রেবা, টংক প্রভৃতি দরবারেই অধিকাংশ সময় বাগন করতেন। শিষ্য এঁদের অনেক ছি'ল। অনেক গুণী আছেন, যাঁরা গুণ ও বিস্তার প্রসারে বিশেষ পটু নন, যদিচ তাঁরা স্রষ্টা ও গুণী হিসাবে খুব মহনীর স্থান অধিকার করেছেন। তাঁদের অন্তঃকরণ অতিরিক্ত কেন্দ্রমুখী হওয়ায় তাঁরা বিজ্ঞা ছড়াতে পারেন নি। জাফর খাঁর ও তাঁর ঘনামধস্ত তিন পুত্র কজিম্ আলি, সাদিক আলি ও নিসারালি খাঁর নাম একত্রে করা বেতে পারে। এঁদের নাম সঙ্গীত-ইতিহাসে চিহ্নস্বরণীয় থাকবে—কিন্তু এঁদের কলাস্রষ্টি এঁদের সঙ্গে সঙ্গেই শেষ হয়ে গেছে। আজ তার কোনও চিহ্ন কোথাও পাব না—কিন্তু প্যার খাঁর কলা-সৌন্দর্য্য জাফর খাঁর স্রষ্টি চেয়ে গরিমাময় না হ'লেও তার প্রসার ছিল অনেক ব্যাপ্ত। প্যার খাঁর সঙ্গীত দিক-দিগন্তে ছড়িয়ে গিয়েছিল—কেননা তিনি সৌন্দর্য্য বিতরণ করতে জানতেন। প্যার খাঁর শিষ্য অসংখ্য ছিল। তবে তাঁদের মধ্যে তাঁর ভাগিনের বাহাদুর সেন সর্বশ্রেষ্ঠ ছিলেন। অসংখ্য শিষ্যদের মধ্যে বেত্তিয়ার রাজা নন্দকিশোর ও টংকের নবাব হসুমত জঙ্গের নাম বিশেষ উল্লেখযোগ্য।

ওমরাও খাঁর শিষ্যও কম ছিল না। তাঁর দুই পুত্র আমীর খাঁ ও রহিম খাঁ বীণকার খুব গুণী ছিলেন। তা ছাড়া তাঁর দুই শিষ্য কুতবুদ্দৌলা ও গোলাম মহম্মদ খাঁ খুব প্রসিদ্ধ। কুতবুদ্দৌলা একজন অমাত্য ছিলেন, তিনি অযোধ্যার নবাবের বিশেষ প্রিয় ছিলেন। কোনও কারণে নবাব ওমরাও খাঁর উপর কোপাঘিত হওয়ায় কুতবুদ্দৌলা ওমরাও খাঁকে সেই গুরুতর বিপদ হ'তে রক্ষা করেন। ওমরাও খাঁ

তাই কুস্তবুদৌলাকে উত্তমরূপে সেতার ও বীণ শিক্ষা দেন। গোলাম মহম্মদ খাঁও ওমরাও খাঁর খুব প্রিয় শিষ্য ছিলেন। তবে তাঁকে বীণা শিক্ষা দেওয়া হয় নাই। ওমরাও খাঁ তাঁকে বড় সেতার তৈরী করে তাতেই আলাপ শিখিয়েছিলেন—এইভাবেই সুরবাহার যন্ত্রের উৎপত্তি হয়। গোলাম মহম্মদ খাঁর পুত্র বিখ্যাত সুরবাহারী সাজ্জাদ মহম্মদ খাঁর নাম কলিকাতার সঙ্গীতরসিকেরা নিশ্চয়ই জানেন। সাজ্জাদ মহম্মদ সুদীর্ঘকাল মহারাজ বতীন্দ্রমোহন ঠাকুর যহোদয়ের সভা-বাদক ছিলেন। কলিকাতার তাঁর তুল্য সেতারী এবং সুরবাহার বাদক কখনও আসে নি। চলিত কথায় এখনও সবাই বলে ‘সাজ্জাদ মহম্মদের সঙ্গে সুরবাহার যন্ত্রও মরে গেছে।’

জাফর খাঁ ও প্যার খাঁর কনিষ্ঠ ভ্রাতা বাসৎ খাঁর নাম বঙ্গদেশে সুপরিচিত। বাসৎ খাঁ ঊনবিংশ শতাব্দীর সঙ্গীতনায়ক যথার্থ ছিলেন। গত শতাব্দীতে তাঁর তুল্য প্রতিভাশালী সঙ্গীতক্ষেত্রে আর কেহ ছিলেন না। বাসৎ খাঁর জন্ম আনুমানিক ১৭৮৭ খৃষ্টাব্দে। তাঁর পিতা ছজ্জু খাঁ তখন দিল্লী দরবারের প্রতিষ্ঠাশালী গায়ক ও বাদক—তাই সম্ভবত বাসৎ খাঁর দিল্লী নগরেই জন্ম। ছজ্জু খাঁর অপর ভ্রাতা জ্ঞান খাঁ নিঃসন্তান ও ফকীর ছিলেন। অপুত্রক জ্ঞান খাঁ তাই বাসৎ খাঁর বাল্যকালেই ছজ্জু খাঁর নিকট হ’তে তাঁকে পোষ্যপুত্ররূপে গ্রহণ করেন। বাসৎ খাঁ জ্ঞান খাঁর নিকটেই দীক্ষিত ও শিক্ষিত। ছজ্জু খাঁর অপর পুত্রস্বয় জাফর খাঁ ও প্যার খাঁ সঙ্গীতবিদ্যার অসাধারণ শিক্ষা ও পারদর্শিতালাভ করিলেন সন্দেহ নাই কিন্তু বাসৎ খাঁর শিক্ষা আরো সর্বোত্তমুখী ছিল। বাসৎ খাঁ শুধু গান বাজনা বা সঙ্গীত-বিজ্ঞান নয় সংস্কৃত ধর্মশাস্ত্র ও পার্শী ভাষায়ও বিলক্ষণ পণ্ডিত ছিলেন ও ফকীর জ্ঞান খাঁর প্রভাবে আবালায় মাহুয হওয়ার বাসৎ খাঁর ভিতরে

ধর্মভাবের বিকাশ খুবই পরিষ্কৃত হ'য়ে উঠেছিলো। বাসৎ খাঁ পরিণত জীবনে একজন যথার্থ যোগীপুরুষ হ'তে পেরেছিলেন। জ্ঞান খাঁ প্রকৃতই নাদযোগের যোগী ছিলেন। তিনি বাসৎ খাঁকে বাল্য বয়সে সর্বদা কোলে পিঠে ক'রে মানুষ করতেন। বাসৎ খাঁর উপর তাঁর মেহ খুবই প্রবল ছিল। শোনা যায় বাসৎ খাঁর শিক্ষারস্তুর পর বার বৎসর রবাবে শুধু সর্গম ও নানাবিধ অলঙ্কারই অভ্যাস করতে হয়েছিল— তারপর জ্ঞান খাঁ বাসৎ খাঁকে নানাবিধ রাগ রাগিনী বাজাতে শিক্ষা দিয়েছিলেন। বাসৎ খাঁর রবাবের হাত যেমন অতি স্মৃষ্টি তাঁর কণ্ঠও তেমনি স্মৃষ্টির ছিল। দুঃখের বিষয় বাসৎ খাঁ যৌবন উত্তীর্ণ হবার পূর্বেই রবাবযন্ত্র ছেড়ে দিতে বাধ্য হন। কথিত আছে, যে একবার লঙ্কোর দরবারে কোনও সাধু মৃদঙ্গী এসে প্রতিযোগিতার জন্য সকল গুণীদের আহ্বান করেন—তাঁর মৃদঙ্গের সঙ্গে সঙ্গতে কোনও গুণীই গাইতে বা বাজাতে পারলেন না, কেননা সাধুর লয়ের উপর বেরূপ অধিকার ছিল হাতও সেইরূপ অসামান্য তৈয়ারী ছিল। যখন সকল গুণী এই একে একে পরাজিত হ'লেন তখন বাসৎ খাঁ রবাব নিয়ে প্রতিযোগিতার উপস্থিত হলেন। বাসৎ খাঁর নিকটেই কিন্তু সাধুরই পরাজয় ঘটল। তখন সাধু বাসৎ খাঁর উপর আভিচারিক কোনও অনুষ্ঠান করার বাসৎ খাঁর দক্ষিণ হস্ত বাতব্যাধিতে আক্রান্ত হয়। তাই শেষজীবন পর্যন্ত বাসৎ খাঁ আর বাজাতে পারেন নি। তবে কণ্ঠসঙ্গীতে তিনি মৃত্যু পর্যন্ত নিখিলজনদণ্ডীকে মুগ্ধ ও ভাবে বিহ্বল ক'রে গেছেন। একবার তাঁর বিরচিত “দেশ” রাগিনীর একটি গান শুনে ওরাজেদ্ আলি শা বাদশা আপন বহুমূল্য হীরকহার কণ্ঠ হ'তে খুলে বাসৎ খাঁকে পরিয়ে দিয়েছিলেন।

বাসৎ খাঁ লঙ্কোর দরবার ভেঙ্গে যাওয়ার পর কলিকাতায় এসে

বৎসরাধিক কাল মেটিয়াবুলজে বন্দী ওয়াজেদ্ আলি শা'র নিকট ছিলেন। সে সময় সুপ্রসিদ্ধ ধার্মিক ও বিদ্বান ভূপতি হরকুমার ঠাকুর মহোদয় তাঁর নিকট রবাব ও সেতার শিক্ষা করেন। হরকুমার ঠাকুর একজন আদর্শ রাজা ছিলেন। তিনি সাধকাগ্রণী ছিলেন, তন্ত্রশাস্ত্রে তাঁর যেরূপ অসাধারণ অধিকার সঙ্গীত-সাধনায়ও সেরূপই তিনি অগ্রগণ্য ছিলেন। তিনি কলিকাতার একটি বিরাট সভা আহ্বান করে বহু পণ্ডিত ও গুণীসমক্ষে বাসৎ খাঁ সাহেবকে দশসহস্র টাকা পারিতোষিক সহ তাঁকে “সঙ্গীতনাসিক” উপাধি দান করেছিলেন। বাসৎ খাঁ সাহেবও হরকুমার ঠাকুর মহোদয়কে একটি প্রশংসাপত্র লিখে দিয়ে গিয়েছিলেন যে “ঠাকুর মহোদয় তাঁর যথার্থ সঙ্গীত-শিষ্য”। বাসৎ খাঁ কলিকাতার অবস্থান কালে বিখ্যাত রবাবী কাশিম আলি খাঁ তাঁর শিষ্যত্ব গ্রহণ করেন। কাশিম আলি খাঁ বাসৎ খাঁর জ্যেষ্ঠভ্রাতা জাকির খাঁর পৌত্র ছিলেন। কাশিম আলি খাঁর ভুল্য বঙ্গসঙ্গীতে পারদর্শী বঙ্গদেশে কখনও কেহ আসেননি। বাসৎ খাঁর শিষ্যতেই কাশিম আলি খাঁ এতদূর অগ্রসর হতে পেরেছিলেন। বাসৎ খাঁর অপর শিষ্য নিয়ামতুল্লা খাঁ স্বরোদীও ভারতে সুবিখ্যাত। নিয়ামতুল্লার পুত্র কোকভ খাঁ আজ জগদ্বিখ্যাত। কেরামতুল্লা খাঁ সাহেবও নিয়ামতুল্লার অপর পুত্র। কলিকাতা মহানগরী কেরামতুল্লা খাঁ সাহেব ও কোকভ খাঁ সাহেবের গুণপণার কথা কখনও ভুলতে পারবে না। কেরামতুল্লা খাঁ সাহেবের স্বরোদী শুন্বার সৌভাগ্য যাঁদের হয়েছে ও যাঁরা তাঁর প্রকৃত তালিমের বাঞ্ছনা শুনেছেন তাঁরা জানেন যে কি বস্তু কেরামতুল্লা খাঁ সাহেবের সঙ্গে সঙ্গে আজ ভারত হতে লোপ পেয়েছে। স্বরোদে রবাবের আগে আলাপ যদি কোথাও কেহ বাজাতে পেরে থাকেন, তবে নিয়ামতুল্লা খাঁ সাহেব ও তাঁর পুত্ররাই শুধু পেরেছেন। অন্যান্য স্বরোদী বীণা ও

সুরবাণারের অঙ্গ নিয়েছেন কিন্তু এঁরাই প্রকৃত রবাব-অঙ্গে বাজাতেন। বাসৎ খাঁ সাহেবের মাত্র ছয় মাসের তালিমে নিরামতুল্লা খাঁ সাহেব ভারতের শ্রেষ্ঠ স্বরোদী হতে পেরেছিলেন। এ থেকেই আমরা বুঝতে পারি বাসৎ খাঁ সাহেব কি প্রকার গুণী ও প্রতিভাশালী ছিলেন।

মেটিয়াবুরুজে বাদশা ওয়াজেদ আলি শার সঙ্গীত সভায় বাসৎ খাঁ সাহেব দেড় বৎসরকাল অবস্থিতির পর রাণাঘাটের জমিদার পাল চৌধুরী মহোদয়দের আমন্ত্রণে কয়েক মাসের জন্য রাণাঘাটে ছিলেন। এই সময় ওয়াজেদ আলি শার মৃত্যু হয়। বাসৎ খাঁ সাহেব তাই অল্প কোনও দরবারে যাবেন মনস্থ করছিলেন। পাল চৌধুরীরা বিশেষ সম্মানের সহিত বাসৎ খাঁ সাহেবকে রাণাঘাটে রেখে সঙ্গীত শিক্ষা করেছিলেন। তাঁদের সঙ্গীত ও সাত্তিত্য প্রভৃতিতে বিশেষ উৎসাহ ছিল। কবিবর ৮নবীনচন্দ্র সেনের আত্মজীবনীতে পাল চৌধুরীদের কাব্যোৎসাহের পরিচয় আমরা পেয়েছি। সঙ্গীতেও তাঁরা খুবই অগ্রগামী ছিলেন।

বাসৎ খাঁ যথার্থ সঙ্গীতাহুরাগীদের অকপটে ও প্রাণ খুলে শিক্ষা দিতেন কিন্তু যারা প্রকৃত সঙ্গীত সেবক নয়, মাত্র সখের জন্য সঙ্গীত চর্চা করে, তাদের কিছুতেই শেখাতেন না। শিক্ষা বিষয়ে তিনি অর্থের দিকে মোটেই লক্ষ্য করতেন না। তিনি চাইতেন নাদবিষ্ঠার প্রতি অকৃত্রিম ভক্তি। এই ভক্তি যেখানে তিনি দেখতেন সেখানেই তিনি মুক্তহস্তে বিতরণ করতেন। শিষ্যদের তিনি এত শেখাতেন, যে তারা শিখে শেষ করতে পারত না। রাজা হরকুমার ঠাকুরকে তিনি আন্তরিক স্নেহ করতেন ও তাঁর অতি গুপ্ত বিজ্ঞা সম্পদ তাঁকে দান করেছিলেন। হরকুমার ঠাকুর তাঁর শিষ্য হবার পর প্রথম কয়েক মাস তাঁকে তিনি মোটেই শেখান নি। শুধু সর্গম সাধনা করতেন

বলতেন। কয়েক মাস পর ঠাকুর মহাশয় তাঁকে জিজ্ঞাসা করলেন, এই ভাবে শিক্ষা করলে কতদিনে শিক্ষা সম্পূর্ণ হবে? বাসৎ খাঁ তখন তাঁকে বললেন, যে এক্ষণে তাঁর শিক্ষার সময় হয়েছে। তারপর তিনি তিন মাসে এত শেখালেন, যে চরকুমার ঠাকুর মহাশয়ের আকাঙ্ক্ষার আর কিছুই বাকী রইল না। শিক্ষার এমন কৌশল তিনি জানতেন যে অতি অল্প সময়েই শিষ্যকে সঙ্গীতের অতি গূঢ় ও দুর্লভ বিষয়েও পারদর্শী করে তুলতেন। মাত্র ছয় মাসের শিক্ষায় ঠাকুর মহাশয় রবাবে ও সেতারে অতি উচ্চশ্রেণীর যন্ত্রসঙ্গীত আয়ত্ত্ব করতে পারতেন।

বঙ্গদেশে দেড় বৎসর অবস্থিতির পর গয়ার নিকটবর্তী টিকারি রাজ্যের আধিপতির নিমন্ত্রণে বাসৎ খাঁ গয়ায় গমন করেন। তাঁর অন্তিম জীবন গয়াতেই অতিবাহিত হয়। টিকারি রাজা বাসৎ খাঁকে একটা অলৌকিক ক্ষমতার পরিচয় দিতে অনুরোধ করেছিলেন। সে সময় টিকারি রাজ্যে অনাবৃষ্টি নিবন্ধন দারুণ দুর্ভিক্ষ চলছিল। প্রজাদের মধ্যে তখন হাহাকার উপস্থিত। টিকারি রাজা বাসৎ খাঁকে আহ্বান করে বললেন, “খাঁ সাহেব আপনার পূর্বপুরুষগণ সঙ্গীতের প্রভাবে অরণ্যে আগুণ জ্বালতে পারতেন, আকাশ হ’তে বৃষ্টিধারা নামাতে পারতেন! আপনি এক্ষণে এই অনাবৃষ্টি দূর করুন! আপনি মেঘের গান গাইলে নিশ্চয়ই বৃষ্টি হবে!” বাসৎ খাঁ তখন মহারাজকে বললেন, “মহারাজ! আমার পূর্বপুরুষগণ মহাযোগী ছিলেন, কিন্তু আমি সংসারী মানুষ—স্ত্রী পুত্রদের ভরণপোষণ চিন্তায় আমি মগ্ন—শুধু ছ’বেলা ভগবানের নাম নিই মাত্র! আমার গানে কি বর্ষা নামবে?” মহারাজ কিন্তু বাসৎ খাঁকে কিছুতেই ছাড়লেন না—বাসৎ খাঁকে মেঘ ও সঙ্গীর আলোচনা ও গান গাইতে হ’ল। বিধির কৃপায় কিন্তু অঘটন

ঘটল—বহুদিনের অনাবৃষ্টির পর সেদিনই মেঘ ক’রে বৃষ্টি নামল। বাসৎ খাঁ অবশ্য জানুতেন যে এটা নেহাৎ দৈবকৃপা। কিন্তু মহারাজার কেমন এক প্রত্যয় হ’ল যে বাসৎ খাঁর সঙ্গীতের ফলেই অনাবৃষ্টির নিবারণ হ’ল। মহারাজা তখন বাসৎ খাঁকে বহু ভূসম্পত্তি নিকরভাবে তালুক দিয়ে দিলেন। টিকারি রাজ্যের সর্বোৎকৃষ্ট কয়েকটি গ্রাম পুরুষানুক্রমে বাসৎ খাঁ পেলেন। দেহান্তকাল অবধি বাসৎ খাঁ তাই টিকারি রাজ্যে পরিত্যাগ করেন নাই। গয়ার কয়েকজন ধনী পাণ্ডাও ঐ সময় বাসৎ খাঁর শিষ্য গ্রহণ করেন ও বাসৎ খাঁর উপস্থিতিতে গয়া সঙ্গীতের এক প্রধান কেন্দ্ররূপে পরিণত হয়। গয়ার পাণ্ডাগণ বিষ্ণুপাদপদ্মে প্রদত্ত পিণ্ডসহ যাত্রীদের দক্ষিণার এক অংশ ঐ সময় বাসৎ খাঁ সাহেবের জন্ত নির্দিষ্ট ক’রে রেখেছিলেন।

বাসৎ খাঁ অতি দীর্ঘজীবী ছিলেন। তাঁর পরমায়ু শতবর্ষ অতিক্রম করেছিল। গয়ায় তিনি অধিকাংশ সময়ই সাধন ভজনে নির্বাহ করতেন। দেবদেবীগণের তিনি পরম ভক্ত ছিলেন—ফকীরী যোগ সাধনা ও হিন্দু ভক্তি সাধনা উভয়ই তাঁর মধ্যে সমভাবে ক্রিয়া করেছে। অহর্নিশ তিনি নামজপ করতেন ও প্রাণায়ামেও তিনি বিলক্ষণ অগ্রসর ছিলেন। তাই তাঁর অতি দীর্ঘ নিরোগ জীবন হয়েছিল। বাসৎ খাঁ সাহেবের রচিত ঋপদণ্ডলি পাঠ করলে তাঁর হৃদয়ের ভক্তি ও রসের পরিচয় আমরা খুবই পাই। ১৮৮৭ খৃষ্টাব্দে বাসৎ খাঁ ৬৭গয়াধামে তিন পুত্র ও এক কন্যার সামনে সম্মানে ঈশ্বরপদারবিন্দ ধ্যানে নিমগ্ন হ’য়ে ইহলীলা সংবরণ করেন। বাসৎ খাঁর শ্রায় কৃতী ও সাধক সঙ্গীত জগতে সত্যই বিরল। সেনীবাংশেও তাঁর শ্রায় সন্মানন, নিরন্তর, শগবৎ নিষ্ঠ নাদ বিদ্যার পরাকাষ্ঠার উপনীত অপর কোনও সঙ্গীত সাধকের উদাহরণ দুর্লভ।

ফাফর খাঁ, প্যার খাঁ ও বাসৎ খাঁর সঙ্গীত বিদ্যা উত্তরাধিকারসূত্রে পেয়েছিলেন সাদেক্ আগী খাঁ, বাহাদুর সেন খাঁ ও আলি মহম্মদ খাঁ (বড়কু মিয়া) সাদেক্ আলি খাঁ, ফাফর খাঁর পুত্র, বড়কু মিয়াও বাসৎ খাঁর পুত্র কিন্তু বাহাদুর সেন প্যার খাঁর ভাগিনের। প্যার খাঁ বিবাহ করেন নাই—তিনি তাঁর ভাগিনেরকেই পোষ্যপুত্ররূপে গ্রহণ করেছিলেন ও সঙ্গীত বিদ্যার উত্তরাধিকার দিয়েছিলেন। সাদেক্ আলি ও বাহাদুর সেন সমবয়সী ও সঙ্গীত বিদ্যার অতি তীব্র প্রতিযোগী ছিলেন। বাসৎ খাঁর পর এঁদের স্থান সঙ্গীতমণ্ডলে বিশেষ উন্নত হ'রে উঠেছিল। সাদেক্ আলির অল্প আংরা তিন ভ্রাতা ছিলেন। কাজাম্ আলি খাঁ ছিলেন সর্বজ্যেষ্ঠ, তৎপর সাদেক্ আলি নিসারালি ও আমেদ্ আলি। আমেদ্ আলি অল্পারু ছিলেন। তাই সঙ্গীতক্ষেত্রে তিনি নিজ গুণপণ্যের পরিচয়ের অবসর পান নি। অপর তিন ভ্রাতাই ভারতে বিশেষ খ্যাতি লাভ করে গেছেন। বঙ্গ-বিখ্যাত রবাবী কাসিম্ তাঁলি খাঁ কাজাম্ আলি খাঁর পুত্র। কাসিম্ আলি খাঁর নাম বাংলা আজও ভোগে নি—তাঁর সঙ্গে সঙ্গে তাঁর পিতার নামও অমর হ'রে থাকবে। আর সাদেক্ আলি খাঁকে হিন্দুস্থান কখনও ভোলে নি ও ভুলবে না—কেননা সাদেক্ আলি অতি শক্তিশালী বাদক ছিলেন ও সঙ্গীত বিদ্যার একজন প্রমাণস্বরূপ ছিলেন। সাদেক্ আলির মত সুপণ্ডিত কোনও গুণী বাসৎ খাঁর পর আর দেখা যায় নি। বাসৎ খাঁর স্ত্রীর ইনিও সংস্কৃত ভাষা উত্তম পণ্ডিতগণের নিকট শিক্ষা করেছিলেন ও সঙ্গীত বিষয়ক সংস্কৃত শাস্ত্রাদিতে প্রগাঢ় জ্ঞান অর্জন করেছিলেন। তবে পাণ্ডিত্য সাদেক্ আলিকে শুধু করে ভোলে নি। পাণ্ডিত্য সাদেক্ আলির সঙ্গীত সৃষ্টিকে জ্ঞান গরিমায় মণ্ডিত করেছে ও বিদ্যার গভীর রসস্তরের সঙ্গে সংযুক্ত করেছে। প্রকৃত বিদ্যার

কখনও শুকতা আনয়ন করে না—স্বয়ং বীণাগাণি বাণী বিজ্ঞানরূপিনী কিন্তু রসের কি কিছু অভাব তাঁর আছে? আমরা বিজ্ঞার গভীর রসস্তরে প্রবেশ না করে শুধু বাহিরের ব্যাকরণ অলঙ্কার নিয়ে মাথা ঘামাই বলে মনে করি বিদ্যা রসের অন্তরায়, কিন্তু এটা মস্ত ভুল। মস্তিষ্কেব শুধু বিদ্যাচর্চা নীরস হতে পারে কিন্তু যে বিদ্যা হৃদয় দিয়ে উপলব্ধি করা যায় তাহা রসের ভাণ্ডার স্বরূপ।

এই রসভাণ্ডারে প্রবেশ করতে পেরেছিলেন বলেই জাকর খাঁ বাসৎ খাঁ ও সাংদক আলি প্রাণহীন রসহীন ওস্তাদ মাত্রে পরিণত হন নি—অতি সমৃদ্ধ জ্ঞানসম্পদে পূর্ণ ও প্রাগাঢ় রসের রসিক, অনন্ত সামান্ত কলাবিদ ও তন্ত্রকাররূপে নিজ নব নবোন্মেষশালিনী প্রতিভার সৃষ্টিতে হিন্দুস্থানকে মহিমাঘিত করতে সমর্থ হয়েছিলেন।

অপরদিকে বাহাদুর সেনের মধ্যে পাণ্ডিত্যের যথেষ্ট আভাব ছিল বাহাদুর সেনের সঙ্গীতে প্রাগাঢ় রসের পরিচয় আমরা তত পাই না কিন্তু তাঁর রঞ্জিনী শক্তি এত বেশী ছিল যে হিন্দুস্থানে লোকরঞ্জন শুধে বাহাদুর সেনের পদ সকলকে অতিক্রম করেছিল। বাহাদুর সেন প্যার খাঁর নিকট রবাব ও সুরশৃঙ্গার যন্ত্র শিক্ষালাভ করেছিলেন। তাঁর হাতে বিধিদত্ত এক অসামান্ত মিষ্টতা ছিল। এই মিষ্টতার গুণে তিনি সকলেরই চিত্ত জয় করে ফেলতেন। কিন্তু বাহাদুর সেনের ধীশক্তি ছিল না তাই রাগ রাগিণীর গূঢ় স্বরূপ ও রাগ রাগিণীর স্বধর্ম ও লীলার মূল রহস্য তিনি হৃদয়ঙ্গম করতে পারেন নি। রাগরাগিণীর ব্যবহারে তাঁর কিছু কোমল গলদ প্রকাশ পেত না এবং মিষ্টতার গুণে তিনি যাই বাজাতেন তার পর আর কাহারও গান বাজনা মোটেই জমত না। তাঁর কলা সৃষ্টিতে জ্ঞানের দৃষ্টি ছিল না—কিন্তু ছিল একটা স্বতঃসিদ্ধ আবেগ বা ভুল ভ্রান্তি করে না ও আনন্দের তন্ময়তার

শ্রুতি ও শ্রোতা উভয়কেই আশ্রয় ক'রে দেয়। বস্তুতঃ বাহাদুর সেন নিজে কি যে অপরূপ বস্তু সৃষ্টি করতেন, তাষিয়ে তিনি নিজে অজ্ঞান ছিলেন না।

জ্ঞানের অভাবে তাঁর সৃষ্টি খুব সুন্দর হ'লেও বহুমুখী সমৃদ্ধতার বিবিধ ও নবোন্মেষের ক্ষমতার বৃহৎ হ'য়ে ওঠে নাই। হাতের যিষ্টত্ব কম হ'লেও সাদেক আলীর স্থান তাই বাহাদুর সেনের উর্দে। ইহারা যখন শিক্ষা সম্পূর্ণ ক'রে লোকালয়ে বাজনার প্রথম প্রবেশানুমতি পান তখন ইঁহাদের পারিবারিক একটি প্রকাণ্ড সঙ্গীত সম্মেলন ৮কাশীধামে অনুষ্ঠিত হয়। প্যার খাঁ এই সঙ্গীত সম্মেলন আহ্বান করেছিলেন। এই সম্মেলনে ৮কাশীধামের তদানীন্তন বিখ্যাত সকল গায়ক ও বাদক আমন্ত্রিত হয়েছিলেন। প্যার খাঁ বাহাদুর সেনের শিক্ষা সাক্ষ ক'রে জনসমাজে তাঁকে যথার্থ পদ অধিকারের সুবিধা দিবার জন্যই এই জলসার অনুষ্ঠান করেছিলেন; আরও তাঁর উদ্দেশ্য ছিল তাঁর ভ্রাতুষ্পুত্র কাজাম আলী, সাদেক আলী প্রভৃতিকে বাহাদুর সেনের গুণপনায় অভিভূত ক'রে ফেলা। প্যার খাঁ চেয়েছিলেন তাঁর ভাগিনেয় যাতে হিন্দুস্থান-বিজয়ী হ'তে পারে। এ বিষয়ে ভ্রাতুষ্পুত্রদের প্রতি পরূপাতের তাঁর কিঞ্চিৎ অভাব ছিল।

সে জলসায় সবাইকেই শুধু বেহাগ বাগিনী গাইতে ও বাজাতে বলা হ'ল। প্রথমে ৮কাশীর সকল গুণীগণ একে একে কণ্ঠে বা বাণায় বেহাগের আলাপ করলেন। তৎপর বাহাদুর সেনের ডাক পড়ল। বাহাদুর সেনের তালিমে প্যার খাঁ খোসরঙের সমাবেশ এ ভাবে দিয়েছিলেন যে রঞ্জিনী শক্তিতে বাহাদুর সেনের বেহাগের আলাপে উপস্থিত গুণীমণ্ডলী মুগ্ধ ও বিহবল হ'য়ে পড়লেন। বাহাদুর সেন দুই ঘণ্টা বেহাগের আলাপ বাজিয়ে যখন সুরশৃঙ্গার থামালেন তখন

প্যার খাঁ উচ্চকণ্ঠে তাঁর ভ্রাতৃপুত্রদেরে আহ্বানক'রে বলেন “এস, তোমরা এর উপর যদি কিছু বাজাতে পার তো বাজাও।” সাদেক আলী খাঁর জ্যেষ্ঠভ্রাতা কাজাম আলী খাঁ তখন রবাবে “বেহাগ”এর আলাপ শুরু করলেন। সুরশৃঙ্গারে সূঁৎ ও চিকারির ঝঙ্কার সহযোগে যে শ্রুতিসুখকর ও রঞ্জনগুণ মনোহর আলাপ সম্ভব রবাবে তা সম্ভব নয় রবাবের গম্ভীর নাদে যে আলাপ উৎপন্ন হয় তার রস অন্তরূপ। কিন্তু রবাবের ছন্দের বৈচিত্র্য সুরশৃঙ্গার অপেক্ষা অধিক। কাজাম আলী যখন আস্থায়ী অন্তরা শেষ ক'রে এক অচিন্ত্যপূর্ব পথে আভোগের তান শুরু করলেন তখন বেহাগের সৌন্দর্য্য এত খুলে গেল যে যেমন মেঘের কবাট ভেদ করে অকস্মাৎ পূর্ণচন্দ্র আকাশে উদ্ভিত হ'ল। সমবেত গুণীমণ্ডলী “হা হা” শব্দে এক অমূর্ততপূর্ব আনন্দের রোল তুলে দিল। কাজাম আলী তখন বাজনা থামিয়ে প্যার খাঁকে সম্বোধন ক'রে বললেন, “চাচা মিয়া আপনি এ তালিম কি বাহাদুর সেনকে দিয়েছেন।” প্যার খাঁ তখন মস্তক নত ক'রে কাজাম আলীর কাছে এসে তাঁর হাত ছুঁ'টী ধ'রে বললেন “কাজাম! এ তালিম তোমাদেরই জন্ত! বাহাদুর সেনের বাজনা যেন হীরার কলস! তাতে রোস্নির অভাব নাই কিন্তু রাগের অমৃতকুণ্ড তোমরাই পেয়েছ—তোমাদের মাটির কলস, কিন্তু তাতে রয়েছে পবিত্র তীর্থ সলিল! তোমাদের রোস্নির অভাব কিন্তু বাহাদুর সেনের ঘড়ায় জলের অভাব। রঙের জৌলুবে বাহাদুর সেন হিন্দুস্থান মাতিয়ে দেবে, কিন্তু বিদ্যার পূর্ণকুন্ড সাদেক আলীরই অধিকারে রয়েছে।”

বাহাদুর সেন খাঁ সাহেব ও সাদেক আলী খাঁ সাহেবের শিক্ষার কথা আমরা পূর্ব অধ্যায়ে লিখেছি। গত শতাব্দীতে ইঁহাদের তুল্য স্তম্ভকার ভারতবর্ষে আর কেহ ছিলেন না। শিক্ষা সমাপনের পর

ইঁহার উভয়েই হিন্দুস্থানের বিশিষ্ট বিশিষ্ট দরবারে অতি প্রচুর পদ পেয়েছিলেন। সাদেক আলী খাঁ স হেব প্রথম অনেক দিন বেতিয়া রাজদরবারে ছিলেন পবে বারানসী নরেশের নিকট ছিলেন, বারানসীতেই তাঁর মৃত্যু হয়। সাদেক আলী খাঁ তেজস্বী ব্যক্তি ছিলেন। একবার বেতিয়ার মহারাজা তাঁকে এক মাসের অল্প ছুটি দিয়েছিলেন, কিন্তু সাদেক আলী খাঁ ছুটির সময় উত্তীর্ণ হওয়া সত্ত্বেও কর্মাক্রমে যোগ না দেওয়ার মহারাজা অসন্তুষ্ট হন। সাদেক আলী খাঁ তৎক্ষণাৎ বেতিয়ার কর্ম পরিত্যাগ ক'রে বারানসীব প্রধান সঙ্গীতজ্ঞের পদ অধিকার করেন।

সাদেক আলী খাঁর রাগ-রাগিণীর উপর অধিকার অসাধারণ ছিল— ইচ্ছামত রাগ-রাগিণী তিনি ভেঙে নূতন ক'রে গড়তে পারতেন। একবার জয়পুরে তিনি কোমল রেখাব দিয়ে আগাগোড়া দরবারী কানাড়ার আলাপ বাজিয়ে গেলেন অথচ তা এত সুন্দর হ'ল যে কোনও দোষ ত'তে কেহ ধরতে পারুলনা। সাদেক আলী খাঁর বিজ্ঞান প্রতিভা হিন্দুস্থানে কেহ হয় নাই, হ'তে সাহস করে নি।

সাদেক আলি বিবাহ করেন নি, তাঁর উত্তরাধিকার পেয়েছিলেন তাঁর কনিষ্ঠ ভ্রাতা নিসারালি খাঁ। নিসারালি খাঁ সাদেক আলির সঙ্গে সঙ্গে কাশীধামে থাকতেন ও সাদেক আলির মৃত্যুর পর কাশী-নরেশের সঙ্গীত-গুরুপদে অতি হন। নিসারালি খাঁর অন্তঃকরণ খুব উদার ছিল, তিনি উত্তম শিষ্য তৈয়ার ক'রে গিয়েছেন।

নিজ ঘরানা গুণীদের মধ্যে বঙ্গ-বিখ্যাত কাশিম আলি খাঁ রবাবীই এঁদের শ্রেষ্ঠ শিষ্য। কাশিম আলি খাঁ সাদেক আলির জ্যেষ্ঠ ভ্রাতা কামাম আলির একমাত্র পুত্র। তিনি আপন পিতা ও পিতৃব্যদের নিকট বীণা ও দ্বাবের শিক্ষা উত্তমরূপে আয়ত্ত করেছিলেন। নিসারালির অসংখ্য শিষ্যদের মধ্যে বারানসীর বৈষ্ণব অর্জুনদাস নামক

একজন কাশ্মীরী ব্রাহ্মণ কবিরাজ ও গমালাল নামক জনৈক ব্রাহ্মণের নাম বিশেষ উল্লেখযোগ্য। ইঁহারা উভয়েই সুরশৃঙ্গার ও সেতারের উত্তম শিক্ষা পেয়েছিলেন। উজীর খাঁ সাহেবও বাল্যকালে নিসারালির কাছে রবাব শিখেছিলেন। উজীর খাঁ সাহেব নিসারালির দৌড়িত্র ছিলেন।

অপরদিকে বাহাদুর সেন খাঁ রামপুরের তানানীন্দন নবাব কাষে আলি খাঁ বাহাদুরের সঙ্গীত-গুরুপদ প্রাপ্ত হয়ে রামপুরেই জীবনকাল অতিবাহিত করেন। বাহাদুর সেনের বাজনার রঞ্জিনী শক্তির কথা পূর্বে লিখেছি। সাদেক আলির রাগ গঠনের শ্রেষ্ঠতার যেমন তুলনা হয়না তেমনি বাহাদুর সেনের মালিত্য ও উম্মাদিনী শক্তিরও উপমা নেই। সঙ্গীতের উম্মাদিনী শক্তিতে বনের পশু আকৃষ্ট হয়ে আসে আমরা লোক মুখে শুনেছি, কিন্তু রামপুরের আবালবৃদ্ধবনিতা সবাই জানে, যে মুটে মজুরেরা মোট মাথায় নিয়ে রাস্তায় যেতে যেতে যখন বাহাদুর সেনের বাড়ী অতিক্রম করত, তখন যদি যোগিন খাঁ সাহেবের রাজ্য করতেন, তা'হলে তাদের মাথার মোট মাথায়ই থাকত আর ঘণ্টার পর ঘণ্টা বেছ'স হয়ে তারা বাজনা শুনত। বাজনা থামবার পূর্বে পর্যন্ত তাদের কাজকর্ম সব ভুল হয়ে যেত। বাহাদুর সেনের বাজনা শুধু ওস্তাদের নয়, অশিক্ষিত লোকদেরও চিত্ত কেড়ে নিত।

বাহাদুর সেনের শিষ্য ছিল অসংখ্য। তিনি সঙ্গীত বিদ্যা খুব বিলিখে গেছেন। তাঁর সন্তান ছিল না, তাই তিনি বালক উজীর খাঁকে সন্তানের মত শেখাতেন। সে কথা আমরা পরে লিখব। তাঁর অন্যান্য শিষ্যদের মধ্যে প্রধান শিষ্য ছিলেন নবাব কাষে আলি খাঁ বাহাদুরের ভ্রাতা হায়দর আলি খাঁ সাহেব। হায়দর আলি খাঁ বাহাদুর সেনের সমুদায় বিদ্যাই আয়ত্ত

করেছিলেন। রবাব, বীণা ও সুরশৃঙ্গার এই তিন যন্ত্রে হায়দর আলির যেমন অসামান্য অধিকার জন্মেছিল, কণ্ঠসঙ্গীতেও সেনীষরানার ঞ্চপদ, হোরি প্রভৃতি তিনি তেমনি আয়ত্ত্ব করেছিলেন। কথিত আছে, হায়দর আলি খাঁ লক্ষ টাকা দিয়ে বাহাদুর সেনের নিকট সেনীষরের খাঁটি শিক্ষা পেয়েছিলেন। তবে তাঁর গুরুও অসাধারণ প্রকৃতির ছিলেন, সমুদায় বিদ্যা শিষ্যকে শেখাবার পর গুরু বাহাদুর সেন হায়দর আলি খাঁকে সেই লক্ষ টাকা ফেরৎ দিয়ে বলেছিলেন—বিদ্যা কখনও অর্থের বিনিময়ে বিক্রীত হয় না। বিদ্যারস্ত্রে তিনি অর্থ নিয়েছিলেন শুধু শিষ্যের মন পরীক্ষার জন্ত। এমন নিঃস্বার্থ ও উদারচেতা গুরু জগতে দুর্লভ!

রবাব ও সুরশৃঙ্গার যন্ত্রে যখন সাদেক আলি খাঁ ও বাহাদুর সেন খাঁ আপন প্রতিভা ও কলাসৃষ্টির সৌন্দর্য্যে দেশ মোহিত করছিলেন ঐ সময় বীণকার-বংশের প্রতিনিধিরূপে আমীর খাঁ ও রহিম খাঁ ভ্রাতৃদ্বয় বিশেষ খ্যাতি লাভ করেন। আমীর খাঁ ও রহিম খাঁ, ওমরাও খাঁ সাহেবের দুই পুত্র। ওমরাও খাঁ সাহেব বীণায়ন্ত্রে ভারতে অদ্বিতীয় ছিলেন, তাঁর কথা আমরা পূর্বে লিখেছি। সুপ্রসিদ্ধ সুরবাহার যন্ত্রপ্রবর্তক গোলাম মহম্মদ খাঁ ও তৎপুত্র কলিকাতার বিখ্যাত সাজাদ্ মহম্মদ খাঁ ওমরাও খাঁ সাহেবেরই কৃপাকণা পেয়ে এত গুণপনার পরিচর দিতে পেরেছিলেন। বান্দার নবাব হুম্মত্ জঙ্গ সাহেব সুরবাহারে ওমরাও খাঁর শিক্ষায় ভারতের নৌখীন গুণী সমাজের শীর্ষস্থান লাভ করেন। ওমরাও খাঁ লক্ষৌ, বান্দা ও শেষজীবনে রেবারাজ্যে জীবন অতিবাহিত করেন। আমীর খাঁ ও রহিম খাঁ তাঁরই দুই পুত্র।

ইঁহারা পিতার মৃত্যুকালে রেবারাজ্যে ছিলেন। সেখানে কয়েক বৎসর যাপন করে পরে দুই ভ্রাতা উত্তর ভারতে গমন করেন। আমীর

খাঁ রেবা হতে লক্ষ্মী ও পরে রামপুর দরবারে স্মৃতিপ্রতিষ্ঠিত হলেন। রহিম খাঁ বান্দা ছেঁটেই অধিকাংশ সময় থাকতেন—মাঝে মাঝে রামপুরে আসতেন। রহিম খাঁ বীণায়ন্ত্রে সে সময় অতুলনীয় শুনীরূপে হিন্দুস্থানে প্রসিদ্ধিলাভ করেন। তাঁর হাত যেমন তৈয়ারী সেরূপই স্মৃতিপ্রতিষ্ঠিত ছিল। দুঃখের বিষয় তিনি অকালে ইহলোক ত্যাগ করেন ও তাঁর পুত্রসন্তান হয়নি। তিনি তাঁর বীণার সমুদয় বাদন পদ্ধতি তাঁর ভ্রাতৃপুত্র অর্থাৎ আমীর খাঁর পুত্র বালক উজীর খাঁকেই শিক্ষা দিয়ে গিয়েছিলেন— তাঁর অন্ত উল্লেখযোগ্য শিষ্যের মধ্যে পরলোকগত স্বরোদবাদক আসগর আলির নাম করা যেতে পারে। এই যুগের অন্ততম শ্রেষ্ঠ স্বরোদী হাফেজ্ আলি খাঁকে বঙ্গীয় পাঠকবৃন্দ সকলেই চিনেন। আসগর আলি খাঁ হাফেজ আলির জ্যেষ্ঠ পিতৃব্যপুত্র। আসগর আলি ষারভালা ছেঁটে বিশেষ সম্মানের সহিত প্রতিষ্ঠিত ছিলেন।

রহিম খাঁ সাহেবের লোকান্তর প্রাপ্তির পর আমীর খাঁ সাহেব বীণকার ঘরের একমাত্র উজ্জ্বল রত্নরূপে অনেকদিন বিরাজিত ছিলেন। ঐ সময় রবাবীবংশের অনেক শুনী হিন্দুস্থানে বিশেষ প্রসিদ্ধিলাভ করছিলেন। বাহাদুর সেন ও সাদেক আলি খাঁর কথা পূর্বেই লিখেছি। তাঁদের কনিষ্ঠ নিসারালি খাঁ, বাসৎ খাঁ সাহেবের পুত্র আলি মহম্মদ খাঁ (বড়কু মিয়া), সাদেক আলির ভ্রাতৃপুত্র বঙ্গি বখ্যাত কাশিম আলি খাঁ, ইঁ হারা সকলেই তখন নিজ নিজ বিশিষ্ট প্রতিভার গৌরবে ও দীপ্তিতে দেদীপ্যমান। প্রত্যেকেই হিন্দুস্থানের বিশেষ বিশেষ অংশে গুরুরূপে পূজিত।

বীণকার ঘরের পূর্বতম পুরুষ মিশ্রীসিংহজী রবাবীবংশের স্রষ্টা মিয়া তানসেনের ছুহিতা সরস্বতী দেবীকে বিবাহ করেছিলেন ইহা আমরা দেখেছি—এই দুই বংশের মধ্যে পরস্পর বিবাহাদির আদান প্রদান

নাখে মাখে হয়ে এসেছে। সর্বশেষে আমীর খাঁ সাহেব রবাবী ঘরের কন্যা বিবাহ করেন। সাদেক আলি খাঁ সাহেবের ভ্রাতৃপুত্রী অর্থাৎ কামাম আলি খাঁর কন্যা রামপুরে বাহাদুর সেনের ঘরেই লালিত হয়েছিলেন। বাহাদুর সেন সেই কন্যাকে আমীর খাঁ সাহেবের হস্তে সমর্পণ করেন। বিগতযুগের সঙ্গীতনায়ক স্বর্গীয় উজীর খাঁ সাহেব এই বিবাহেই সুবর্ণফল।

তানসেনের বংশে সকলকেই গান ও বাজনা উভয় প্রকার শিকাই দেওয়া হয়ে থাকে। গুণীগণ আপন আপন ক্রটি ও ক্রমতা অনুযায়ী কেহ কঠিনসঙ্গীতের অধিক অনুশীলন করেন কেহ বা যন্ত্রসঙ্গীতের চর্চা অধিক করেন। এই রীতি পূর্বাপর চলে এসেছে। আমীর খাঁ সাহেব বীণার দ্বাদশাঙ্গ সমূহ তন্ত্রবিদ্যাই আয়ত্ত করেছিলেন কিন্তু তাঁর কঠ ছিল অসামান্য মিষ্ট। তাঁর বীণাবিনিদিত কঠস্বরের তুলনা তৎকালে ছিল না। তাই যন্ত্রসঙ্গীতের অনুশীলনের ভার কনিষ্ঠ ভ্রাতা রহিম খাঁর উপর দিয়ে তিনি কঠসঙ্গীতেই অধিক মনোনিবেশ করেছিলেন।

আমীর খাঁ যখন রামপুরে এলেন, তখন বাহাদুর সেন খাঁ নবাব কাষে আলি খাঁর গুরুপদে সমাসীন। বাহাদুর সেন আমীর খাঁর বিবাহের পর অতি সমাদরের সহিত তাঁকে বরণ ক'রে, নিলেন। বাহাদুর সেন তখন হিন্দুস্থানে সূর্য্যসদৃশ নিজ গৌরবময় দীপ্তিতে দশদিক্ আলো ক'রে বিস্তারিত ছিলেন, কিন্তু আমীর খাঁর হোঁরি রূপদের মিষ্ট মধুর রশ্মির প্রভাবও বড় কম ছিল না—তাহা চন্দ্রকিরণের স্রাবই প্রাণমন সঞ্জীবন ছিল। বাহাদুর সেন খাঁ সুরশৃঙ্গার বাজাবার পর অল্প কোনও সঙ্গীত জমানো দুঃসাধ্য হ'ত কিন্তু আমীর খাঁর মধুর স্বরসহরী সুরশৃঙ্গারের সুরকে যেন আরো সমুজ্জ্বল ক'রে তুলত। বাহাদুর সেন ও আমীর খাঁ দীর্ঘদিন রামপুর দরবারে একসঙ্গে একই আসরে অসাধারণ

প্রতিভা ও গুণগণার পরিচয় দিয়ে গেছেন।

এরূপ দুইটি প্রতিভাশালী কলাবিদকে একত্র পেরে রামপুর সঙ্গীত-সম্মানে বিশেষ সম্বন্ধ হ'য়ে উঠেছিল। কাশে আলি খাঁ নবাব বাহাদুরের বড় সাধ ছিল যে রামপুর দরবারকে দিল্লীর মোগল দরবারেরই অনুরূপ ক'রে, গড়ে' তুলবেন। তাঁর সে বাসনা সত্যই সাফল্যে মণ্ডিত হয়েছিল। বাহাদুর সেন ও আমীর খাঁ তখন যত্নসঙ্গীত ও কণ্ঠসঙ্গীতে হিন্দুস্থানের শীর্ষস্থান অধিকার করেছিলেন। তন্নিম্ন বসীরালি খাঁ খেয়ালি রামপুরে কাওয়ালি সঙ্গীতের উৎকৃষ্ট গায়ক ছিলেন। বাহাদুর সেন ও আমীর খাঁ উভয়েই অনেক উপযুক্ত শিষ্যও তৈরী ক'রে রামপুর দরবারের সমৃদ্ধি বৃদ্ধি করেছিলেন। বিद्या গোপন করা তাঁদের স্বভাব ছিলনা। মুক্তহস্তে বিद्या বিতরণ করতে তাঁরা জানতেন—এমন কি শিক্ষাদান সম্বন্ধেও তাঁদের প্রতিযোগিতা ছিল। কার শিষ্য বিদ্যার অধিক অগ্রসর হয় সেদিকেও তাঁরা দৃষ্টি রাখতেন। ফলে শিষ্যদের শিক্ষার স্বর্ণ সুধোগের অভাব ছিলনা। বাহাদুর সেনের শিষ্যদের মধ্যে গোলাম নবী খাঁ বীণকার ও স্বরোদী মজরু খাঁ বিশেষ অগ্রসর হয়েছিলেন। মজরু খাঁর ভ্রাতৃপুত্র ৬আহম্মদ আলি খাঁ স্বরোদী মহারাজা দিনাজপুরের দরবারে ও মুক্তাগাছার স্বনামধন্য রাজা জগৎকিশোর আচার্য্য চৌধুরী মহোদয়ের দরবার থেকে জীবন অতিবাহিত করেছেন। ৬আহম্মদ আলি খাঁর স্বরোদের হাত বেরূপ সুমিষ্ট সেরূপই ক্ষমত ছিল; তাঁর বিद्याও যথেষ্ট ছিল। বাংলার পাঠকবৃন্দের নিকট ৬আহম্মদ আলি খাঁর নাম বিশেষ পরিচিত। মজরু খাঁ তাঁরই গুরু ও জ্যেষ্ঠতাত।

আর আমীর খাঁর শিষ্যদের মধ্যে স্বরোদী ফিদা হোসেনও কলিকাতার অপরিচিত নন। ৬ফিদা হোসেন নিখিল-ভারত সঙ্গীত-কনফারেন্সে চিরদিনই প্রথম স্থান অধিকার করেছেন। ফিদা হোসেন

আমীর খাঁর নিকট রবাব ও স্বরোদ শিক্ষা পেয়েছিলেন। বর্তমানকালে তাঁর স্বরোদের স্থান খুবই উচ্চে।

এতদ্ভিন্ন তিনি কলিকাতার বিখ্যাত গায়ক ও সারেঞ্জীয়া মেহ্দি হোসেন খাঁর পিতা ৬বনিয়াত্ হোসেন খাঁ, আমীর খাঁ ও বাহাদুর সেন উভয়ের নিকটই শিক্ষা পেয়েছিলেন। বনিয়াত্ হোসেন সারেঞ্জী-য়াগণের শিরোমণিস্বরূপ ছিলেন। মহম্মদ হোসেন বীনকারও উভয়েরই শিষ্য ছিলেন।

ইঁহারা সকলেই ওস্তাদ সম্প্রদায়ভুক্ত। তন্মধ্যে সৌধীন সম্প্রদায়ের মধ্যে নবাব হায়দর আলি খাঁ সাহেবের কথা ইতিপূর্বে উল্লেখ করেছি। হায়দর আলি খাঁ রামপুরের নবাব বাহাদুরের সহোদর ভ্রাতা ছিলেন। তিনি বাহাদুর সেনের নিকট রবাব ও সুরশৃঙ্গারের সমুদয় বিদ্যা যেরূপ অধিগত করেছিলেন, তদ্রূপ আমীর খাঁর নিকটে বীণা ও হোরি ঙ্গপদের সকল তালিম পেয়েছিলেন। তিনি উভয়ের অতি অন্তরঙ্গ শিষ্য ছিলেন। উভয়েই নিজ নিজ ঘরের সকল গুপ্ত বিদ্যা হায়দর আলি খাঁকে দিয়ে যান। তাই হায়দর আলি খাঁ প্রকৃতপক্ষে তাঁদের পুত্র-স্থানীয়ই ছিলেন। তাঁর বিদ্যা, ক্রিয়াপারদর্শিতা ও প্রতিভা কোনও সেনী গুণী অপেক্ষা কম ছিল না।

স্বর্গীয় উজীর খাঁ সাহেব আমীর খাঁরই পুত্র। আমীর খাঁ উজীর খাঁকে কণ্ঠসঙ্গীত ও বীণার সমুদয় অঙ্গ শিক্ষা দিবার পর কঠিন রোগে আক্রান্ত হন। বাহাদুর সেন তৎপূর্বেই পরলোকগমন করেন—বৃদ্ধ ও মৃত্যুরোগাক্রান্ত আমীর খাঁ তাঁর প্রিয় পুত্র ৬উজীর খাঁকে নবাব হায়দর আলি খাঁর হস্তে সমর্পণ করে ইহলীলা সংবরণ করেন। ৬উজীর খাঁ তখন কৈশোর অতিক্রম করে যৌবনে পদার্পণ করেছিলেন—কণ্ঠসঙ্গীত ও বীণার শিক্ষা তিনি তাঁর পিতা আমীর খাঁ ও পিতৃব্য রহিম খাঁর

নিকট সুসম্পন্ন করেছিলেন। রবাব ও সুরশৃঙ্গারের তালিম ও তাঁর ছুই মাতামহ নিসারালি খাঁ ও বাহাদুর সেনের শিক্ষার উত্তমরূপে আয়ত্ত্ব হয়েছিল—এই অবস্থায় ভারতের সুসঙ্গীত-সূর্য্য ৮উজীর খাঁ হায়দর আলি খাঁর গৃহে আশ্রয় পেয়ে সঙ্গীতের একনিষ্ঠ অনুশীলনে ব্রতী হন। ৮উজীর খাঁর জীবনী পরে আলোচনা করা যাবে। তৎপূর্বে রবাবী বংশের শেষ রত্নদিগের জীবনবৃত্তের আলোচনা প্রয়োজনীয়— আগামী অধ্যায়ে আমরা ৮বাসৎ খাঁর পুত্রদিগের ও কাশিম আলি খাঁ রবাবীর ইতিবৃত্ত বর্ণন করিব।

সাধক ও সঙ্গীতনায়ক বাসৎ খাঁ সাহেবের পবিত্র জীবনবৃত্তের আলোচনা ইতিপূর্বে করেছি। তিনি অস্তিম জীবনে টিকারি মহারাজার সঙ্গীতগুরুরূপে গয়াধামে বাস করতেন। টিকারি মহারাজ তাঁকে বিস্তর ভূ-সম্পত্তি তালুকরূপে দান করেছিলেন। বাসৎ খাঁর তিরোভাবের পর তাঁর জ্যেষ্ঠপুত্র আলি মহম্মদ খাঁ সেই সম্পত্তি উত্তরাধিকারসূত্রে প্রাপ্ত হন। বাসৎ খাঁর অপর পুত্রদ্বয় মহম্মদ আলি খাঁ ও রেয়াসৎ আলি খাঁ জ্যেষ্ঠ ভ্রাতার সহিতই বহুদিন বসবাস করেছিলেন। আলি মহম্মদ খাঁ (বড়কু মিয়া) বাসৎ খাঁর নিকট কণ্ঠ ও যন্ত্রসঙ্গীত সম্পূর্ণরূপেই অধিগত করেছিলেন তিনি রবাব ও সুরশৃঙ্গার যন্ত্রবাদনে সিদ্ধহস্ত ছিলেন। মধ্যম পুত্র মহম্মদ আলি খাঁর কণ্ঠস্বর অতি সুমিষ্ট ছিল বলে বাসৎ খাঁ তাঁকে রবাবযন্ত্রের সঙ্গে সঙ্গে গীতাদির অধিক শিক্ষা ও সাধনা দিয়েছিলেন। কনিষ্ঠ রেয়াসৎ আলি খাঁ সঙ্গীত সাধনা অপেক্ষা জমিদারীতেই অধিক মনোনিবেশ করেছিলেন। তিনি পিতার মৃত্যুর অল্পকাল পরেই ইহগীলা সংবরণ করেন।

আলি মহম্মদ খাঁ মোটেই বৈষয়িক লোক ছিলেন না। প্রচুর সম্পত্তি উত্তরাধিকারসূত্রে লাভ করে তিনি তা' রক্ষা করতে পারলেন

না। তিনি সর্বদা দরিদ্র শিষ্যদের দ্বারা পরিবৃত থাকতেন; সম্পত্তির আর তাদের বিতরণ ক'রে দিতেন; নিজেও বেশ বিলাসী ছিলেন, ভোগ ও দানে শীঘ্রই তাঁর সম্পত্তি নিঃশেষ হয়ে গেল। অধিকাংশ ডালুক বিক্রয় করে লক্ষাধিক টাকা তিনি কয়েক বৎসরে বিলাসে ও বিতরণে শেষ ক'রে দিলেন। কিন্তু সেজন্ত বড়কু মিয়াকে আপশোষ করতে হয়নি। তিনি জানতেন তাঁর অর্থের অভাব কখনও হবেনা— কেননা বিধাতা তাঁকে এত গুণ দিয়েছেন যে ভারতের যে কোনও নৃপতির দরবারে তাঁর অধিষ্ঠান বিশেষ গৌরবের বিষয় হবে—এমন রত্নকে পেলে যে কোন রাজা অর্থব্যয়ে বিন্দুমাত্রও কুণ্ঠিত হবেন না।

বড়কু মিয়ার অর্থ ও সন্মানের প্রাচুর্যের অভাব কখনও হয় নি। তিনি দরবারে যোগ দিতে চান, এই সংবাদ পাওয়া মাত্র নেপালের তৎকালীন অধীশ্বর তাঁকে নিমন্ত্রণ ক'রে নিয়ে গেলেন। নেপাল রাজ-দরবার বড়কু মিয়ার আবির্ভাবে সঙ্গীত সজ্জার সমৃদ্ধ হয়ে উঠল।

বড়কু মিয়া নেপালে সঙ্গীতের যথেষ্ট উন্নতিবিধান করেছিলেন। বস্তুত তাঁর আগমনের সঙ্গে সঙ্গে নেপালরাজ্য উচ্চ সঙ্গীতের এক বিশিষ্ট কেন্দ্ররূপে পরিণত হয়। নেপালের অধীশ্বর নিজেও সঙ্গীতের বিশেষ পৃষ্ঠপোষক ছিলেন এবং তাঁর প্রধান মন্ত্রী ও অমাত্যগণ ও উচ্চসঙ্গীতের উৎকর্ষের জন্ত অর্থ অকাতরে বিতরণে কখনও কুণ্ঠিত হন নি। নেপালের স্থানীয় কথক ও গায়কগণও হিন্দুস্থানের বিশিষ্ট গায়কগণের আগমনে সঙ্গীতবিদ্যা শিকার যথেষ্ট সুযোগ পেয়েছেন। এখনও নেপালে উচ্চশ্রেণীর গায়কের অভাব নাই।

নেপাল দরবারে বড়কু মিয়ার সমসাময়িক সকল গুণীই তাঁর শিষ্যত্ব গ্রহণ করেছিলেন। বড়কু মিয়ার এক স্বভাব ছিল, তিনি কখনও একলা কোথাও থাকতেন না, তাঁর চারিপাশে বহু শিষ্য সর্বদাই

থাকত। বিদ্যাদানেও তিনি বেরূপ মুক্তহস্ত ছিলেন—অর্থদানেও তাঁর তেমনি বাদশাহি মেজাজ ছিল। বহু দরিদ্রের ক্ষয়ণ পোষণ তিনি করেছেন। পাঁচজন ওস্তাদকে সঙ্গীত শিখানো ও তাদের নিয়ে আমোদ করা তাঁর প্রধান সখের জিনিষ ছিল।

নেপালে তৎকালীন গুণীদের মধ্যে তাজ খাঁ ক্রপদী, রামসেবকজী খেরালী সেতারী, নিয়ামতুল্লা খাঁ স্বরোদী ও মোরাদালী খাঁ স্বরোদী বড়কু মিয়ান পরেই বিশেষ সম্মানজনক পদে ছিলেন। রামসেবকজী কলিকাতার বিখ্যাত গায়ক ও তালাখ্যায়ে ভারতের শীর্ষস্থানীয় সুপণ্ডিত পশুপতিজী ও শিবসেবকজী ভ্রাতৃদ্বয়ের পিতা। রামসেবকজী একজন অসাধারণ গুণী ছিলেন, তিনি লক্ষ্মী দরবারের বিখ্যাত প্রসিদ্ধ মনোহর নামক গায়ক ভ্রাতৃদ্বয়ের বংশজাত। সেই সময়ে খেরালে কোনও হিন্দু গায়কই তাঁর তুল্য ছিল না, বিশেষতঃ লয়ের সূক্ষ্ম কাজে এই বংশের তুলনা হয় না। রামসেবকজী বড়কু মিয়ান কাছে সেতারের শিক্ষা পেয়েছিলেন। নিয়ামতুল্লা খাঁ স্বরোদীয়ের কথা আমরা পূর্বেই লিখেছি তিনি বাসৎ খাঁর শিষ্য ছিলেন। রবাব অঙ্গে স্বরোদের বাদ্য পদ্ধতির প্রবর্তনা তিনিই করেন। তাঁর জায় ক্রত হাত কোনও স্বরোদীরই ছিল না। গুণেও তাঁর সমকক্ষ গুণী খুব কমই ছিল। ভারত বিখ্যাত স্বরোদী কেরামতুল্লা খাঁ ও কোকব খাঁ সাহেবগণ তাঁরই সূযোগ্য পুত্র। ইহার সকলেই রবাব অঙ্গে স্বরোদ বাজিয়েছেন। মোরাদালি খাঁ স্বরোদীও কলিকাতার অপরিচিত নন। মোরাদালি খাঁ সূমধুর স্বরোদবাদক জনপ্রিয় দরদী ওস্তাদ হাফেজ আলি খাঁর জ্যেষ্ঠ পিতৃব্য। হাফেজ আলি খাঁর হাতের অসাধারণ মিষ্টতা তাঁর ঘোপাঙ্কিত নহে—ইহা তাঁর বংশগত বিস্তাররূপ। মোরাদালি খাঁ স্বরোদ বীণার কারণে এনেছিলেন। মোরাদালিখাঁর পিতা গোলাম আলি উৎকৃষ্ট

গং তোড়া বাজাতেন। কিন্তু মোরাদালি স্বরোদে আলাপের ও বিশেষতঃ বিলম্বিত আলাপের যথেষ্ট উৎকর্ষ সাধন করেন। তিনি গোলাম মহম্মদ খাঁ সুরবাহারী ও উজীর খাঁ সাহেবের বিশেষ প্রিয় ছিলেন ও এঁদের নিকটে বীণার অঙ্গের আলাপ ও বিশেষভাবে বিলম্বিত আলাপ শিক্ষা ক'রে স্বরোদে তা প্রবর্তন করেন। কলিকাতার আত্মভোলা সরলপ্রাণ গুণী স্বরোদী মহম্মদ আমীর খাঁ ও তাঁর পিতা আবদুল্লা খাঁ মোরাদালি খাঁর প্রধান শিষ্য। মহম্মদ আমীর সম্প্রতি কলিকাতায় দেহত্যাগ করেছেন।

সৌরজগতে সূর্যের চতুর্দিকে যেমন গ্রহসকল পরিভ্রমণ করে আলি মহম্মদ খাঁও সেইরূপ উল্লিখিত গুস্তাদগণ পরিবৃত ছিলেন। এঁরা সকলেই অল্পবিস্তর বড়কু মিরার নিকট গুণী। বড়কু মিয়া অধিকাংশ সময়ই সুরশৃঙ্গার যন্ত্র বাজাতেন। সঙ্গীত বিদ্যা তাঁর নিকট সাধনার বস্তু ও প্রাণের আরাধনের বিষয় ছিল। বিজ্ঞায় প্রতিযোগিতা করা, কিংবা অপর গুণীদের বিজ্ঞায় পরাস্ত করা, এ সকল প্রবৃত্তি তাঁর ছিল না। তিনি অতি শান্তিপ্রিয় লোক ছিলেন। তাঁহার অমায়িক ও উদার ব্যবহারে তাঁর বিজ্ঞার প্রগাঢ়তার ও অপূর্ব ক্রিয়াকৌশলে সকলেই আকৃষ্ট হয়ে তাঁর নিকট আসত। সুরশৃঙ্গারের আলাপে তাঁর ধৈর্য ছিল অসাধারণ। এক এক রাগ ঘণ্টার পর ঘণ্টা বিলম্বিত ও মধ্যলয়ে বাজিয়েও তাঁর বাজনা যেন শেষ হইতে চাইত না। তাঁর সৃষ্টিকৌশল এরূপ অশ্চর্য ছিল যে বহু ঘণ্টা কোন রাগ বাজালেও রাগের তান সকলে নবীনতার কখনও অভাব হ'ত না।

আলি মহম্মদ খাঁ সাহেব শেষ জীবনে নেপাল রাজ্য ছেড়ে বারাণসী-ধামে বাস করেন। এবং কাশীতেই তাঁর ইহলীলার অবসান হয়। তাঁর পিতৃব্য পুত্র সাদেক আলি খাঁ সাহেব ও তদীয় ভ্রাতা নিসারালি

খাঁ কাশী নরেশের সঙ্গীতগুরু পদে বহু বৎসর প্রতিষ্ঠিত ছিলেন এ কথা আমরা পূর্বে লিখেছি। তাঁদের লোকান্তর গমনের পর সেই পদে আলি মহম্মদ খাঁকে আহ্বান করা হয়েছিল। তিনিও বৃদ্ধবয়সে সঙ্গীত-নেপালের শীতপ্রধান আবহাওয়ার চেয়ে কাশীবাসই পছন্দ করলেন ও কাশী নরেশের গুরুরূপে অধিষ্ঠিত হ'লেন।

বারাণসী ইতিপূর্বেই তানসেনের ঘরানা গুণীগণের প্রচারিত সঙ্গীত-সম্ভারে বিশেষ সমৃদ্ধ ছিল—তবে বড়কু মিয়াও সেই সমৃদ্ধির অধিকতর বৃদ্ধিতে অনেক সহায়তা করেছেন। কাশীতেই বড়কু মিয়ার প্রধান শিষ্যসকল গঠিত হন। ঐ সময় বারাণসীর রাজ-দরবারে নিম্নলিখিত গুণীগণ সঙ্গীতসভার স্থায়ী বা সাময়িক ভাবে থাকতেন, যথা :—

(১) গায়ক আলি বকস (ধামারী)। ইনি বঙ্গদেশের বিখ্যাত হোরি-ধ্রুপদ গায়ক স্বর্গীয় অঘোরচন্দ্র চক্রবর্তী মহাশয়ের গুরু। (২) পশ্চিম ভারতীয় সেনী ঘরানা বিখ্যাত ধ্রুপদী দৌলৎ খাঁ; ইনি কলিকাতাতে শেষ জীবনে বিশেষ খ্যাতির সহিত অবস্থিত ছিলেন। (৩) ধ্রুপদী রসুল বকস, শ্রীরামপুরের গোস্বামী বংশীয় বজের রত্নস্বরূপ স্বর্গীয় রামদাস গোস্বামী মহাশয়ের গুরু। (৪) গায়ক তসদুক হোসেন খাঁ।

ইঁহাদের মধ্যে বড়কু মিয়ার আবির্ভাবে বারাণসীর সঙ্গীতক্ষেত্র উজ্জ্বলতর হয়ে উঠেছিল। বড়কু মিয়া কাশীধামে অনেকদিন স্থায়ী শরীরে জীবিত ছিলেন ও সঙ্গীতের যথেষ্ট প্রচার ও প্রসার করে গিয়েছিলেন। তাঁর শিষ্যও অসংখ্য ছিল : তন্মধ্যে নিম্নলিখিত গুণীগণের নাম বিশেষ উল্লেখযোগ্য। বড়কু মিয়ার সর্বশ্রেষ্ঠ শিষ্য ছিলেন জালদার নিবাসী সৈয়দ বংশীয় মীর সাহেব। মীর সাহেবের স্ত্রীর গুরুসেবা খুব অল্প শিষ্যের

পক্ষেই সম্ভব—অতি অভিজাত বংশে জন্মগ্রহণ করেও মীর সাহেব ছাত্রের স্তায় বড়কু মিরার সেবা পরিচর্যা করতেন, ফলে বড়কু মিরার সকল শিক্ষাই তিনি অধিগত করতে পেরেছিলেন—সুরশৃঙ্গার যন্ত্রের আলাপ ও ঘরানা ঋপদ সমস্তই বড়কু মিয়া তাঁকে দিয়ে গিয়েছিলেন। বড়কু মিরার পুত্রসন্তান না হওয়ার মীর সাহেবকেই তিনি পুত্রবৎ শিখিয়েছিলেন।

মীর সাহেবের পর অন্যান্য যন্ত্র শিষ্যদের মধ্যে নামে খাঁ বীণকার ও পাটনার জমিদার সেতারী প্যারে নবাব খাঁর নাম বিশেষ উল্লেখযোগ্য। বড়কু মিরার হিন্দু শিষ্যদের মধ্যে কাশীর বিখ্যাত বীণকার মিঠাই লালের নাম অনেকেই জানেন। তন্নিয় সুরশৃঙ্গার বাদক পান্নালালও অনেকদিন আলি মহম্মদ খাঁর কাছে শিক্ষা করেছিলেন।

আলি মহম্মদ খাঁর অপর প্রধান শিষ্য স্বর্গীয় রাজা স্তার শৌরীন্দ্র মোহন ঠাকুর মহোদয়। রাজা শৌরীন্দ্রমোহন ঠাকুর বড়কু মিরার অতি প্রিয় শিষ্য ছিলেন। ঠাকুর মহোদয়ও সুরের স্তায় বড়কু মিরাকে অতীব শ্রদ্ধা করতেন। কাশীধামে ও কলিকাতার রাজা বাহাদুর দীর্ঘকাল বড়কু মিরার নিকট সঙ্গীত বিজ্ঞা ও তন্ত্রবিজ্ঞা শিক্ষা করে যথার্থভাবে আয়ত্ত করেছিলেন। সঙ্গীতের উন্নতিকল্পে শৌরীন্দ্রমোহন ঠাকুর মহোদয় যা করেছেন তার তুলনা নেই। বড়কু মিরার নিকট তিনি যে বিজ্ঞা প্রাপ্ত হয়েছিলেন, তাঁর অমূল্য গ্রন্থনিচয়ে তার পরিচয় আছে। তাঁর রাগ রাগিণীর সকল পরিচয়ই তানসেনের বংশীয় বিজ্ঞার গভীর ভিত্তির উপর প্রতিষ্ঠিত। তিনি সেতার অতি উৎকৃষ্ট বাজাতেন ও ঋপদে তাঁর অসাধারণ অধিকার ছিল। রাজা শৌরীন্দ্রমোহন ঠাকুর মহোদয় যে বঙ্গীয় সঙ্গীতভারতীয় জনকস্থানীয় ছিলেন ইহাতে আর কোনও সন্দেহ নাই।

বড়কু মিয়ান জীবিত শিষ্যদের মধ্যে কলিকাতার প্রসিদ্ধ ভূম্যধিকারী স্বর্গীয় কাশীপ্রসাদ ঘোষের পৌত্র, শ্রীযুক্ত তারাপ্রসাদ ঘোষ মহাশয় বাংলার সঙ্গীতের এক নিভৃতচারী মহা সাধক। তারাপ্রসাদ ঘোষ মহাশয় অতি নীরব প্রকৃতির মানুষ—কিন্তু নীরবে তিনি বঙ্গদেশের সঙ্গীতের কতকটা উন্নতি করেছেন তা এখনও সাধারণে জানে না। তাঁর জীবনী বিস্তৃতভাবে পরে প্রকাশ করব। ঙ্গপদী দৌলৎ খাঁ, সেতারী এম্‌দাদ্ খাঁ সাহেব ও খেয়ালী কালে খাঁ তারাপ্রসাদ বাবুর বিডন ষ্ট্রীটস্থ ভবনে বসবাস করেই বাংলার সঙ্গীতের অশেষ উন্নতি বিধানে সমর্থ হয়েছেন।

তারাপ্রসাদবাবু কৈশোর বয়সে ৬রামদাস গোস্বামী মহাশয়ের কাছে ঙ্গপদ শিক্ষা পান—স্বনামধন্ত মধুরকণ্ঠ ও সুপণ্ডিত ঙ্গপদ গায়ক হরিনারায়ণ মুখোপাধ্যায় মহাশয় তারাপ্রসাদবাবুরই সতীর্থ। তাহাদের উভয়ের শিক্ষা রামদাস গোস্বামী মহাশয়ের নিকট আরম্ভ হয়েছিল। পরে তারাপ্রসাদবাবু বড়কু মিয়ান শিষ্য হন। বড়কু মিয়া তারাপ্রসাদবাবুকে খুবই স্নেহ করতেন ও তাঁকে বহু ঙ্গপদ ও যজ্ঞালাপ শিক্ষা দিয়েছিলেন। তারাপ্রসাদবাবুকে তিনি যত্নসঙ্গীত প্রত্যাহই শোনাতেন—আজও তাঁর কর্ণে যেন সেই সঙ্গীতের স্বর্গীয় মুচ্ছনা অনুরণিত। তারাপ্রসাদবাবুর নিকট বড়কু মিয়ান স্বরশৃঙ্খার বাজনার বর্ণনা শুনে আজও আমরা মুগ্ধ না হয়ে পারি না। সে আলাপে ধৈর্য্য কি অসামান্য ছিল—সুধের কি স্বয়ী রেশ! আর প্রতি স্বরঝঙ্কার যেন সুধারসে নিষিক্ত—তারাপ্রসাদ বাবু তাই বড়কু মিয়ান নামে উচ্ছৃঙ্খিত কণ্ঠে ও অশ্রুপূর্ণ লোচনে বলেন, যে বড়কু মিয়ান বাজনা শোনার সৌভাগ্য যার হয়েছে—তাঁর নিকট অন্য সকল সঙ্গীতই প্রাণহীন ও নীরস, সে সঙ্গীত

যেন স্বর্গীয়—পৃথিবীর অল্প কোনও সঙ্গীতই যেন তার পর প্রাণে কোনও তৃপ্তিই দেয় না।

আলি মহম্মদ খাঁ বিংশ শতাব্দীর প্রারম্ভেই কাশীধামে ইহলীলা সংবরণ করেন। মৃত্যুকাল পর্যন্ত তারাপ্রসাদ বাবু তাঁর নিকটে কাশীধামে ছিলেন। বড়কু মিয়ান কোনও পুত্রসন্তান ছিল না—কন্তা সন্তান ছিল। তাঁর দৌহিত্রেয়া কাশী নরেশের আশ্রয়ে আজও প্রতিপালিত। আলি মহম্মদ খাঁর মৃত্যুর পর তাঁর ভ্রাতা মহম্মদ আলি খাঁ সাহেব রবাবী তাঁর স্থান অধিকার করেন।

রবাবী কাশিম আলী খাঁ সাহেব উনবিংশ শতাব্দীর শেষভাগে বঙ্গদেশে উচ্চ সঙ্গীতের এক বিরাট স্তম্ভস্বরূপ ছিলেন। ঔপদী শ্রেষ্ঠ শ্রীযুক্ত হরিনারায়ণ মুখোপাধ্যায় মহাশয় তাঁহার “সঙ্গীতে পরিবর্তন” নামক পুস্তকে কাশিম আলীর নাম একাধিক বার উল্লেখ করেছেন। কাশিম আলী খাঁ সুপ্রসিদ্ধ রবাবী সাদেক আলী খাঁ সাহেবের ভ্রাতৃপুত্র ছিলেন। তাঁর পিতা কাজাম আলী খাঁ সঙ্গীতনায়ক ৬উজীর খাঁ সাহেবের মাতামহ। বাল্যকালে কাশিম আলি তাঁর পিতা ও পিতৃব্যর নিকট রবাব ও বীণা যন্ত্র উত্তমরূপে অধিগত করেছিলেন। কাশিম আলি যদিও রবাবী বংশজাত ছিলেন, তথাপি বীণা যন্ত্রে তাঁর অমুরাগ ও সাধনা পরাকাষ্ঠা লাভ করেছিল। প্রথম যৌবনে তাঁর অধ্যবসায় ও সাধনার ক্ষমতা অসাধারণ ছিল। ফলে বীণা ও রবাব এই উভয় যন্ত্রই তিনি সমভাবে আয়ত্ত্ব করতে পেরেছিলেন। লাড়ী, লড়গুথাও ও মৃদঙ্গ সঙ্গতে বাজনার তাঁর সমকক্ষ হিন্দুস্থানে বড় কেহ ছিল না।

প্রথম যৌবনে পিতার মৃত্যুর পর কাশিম আলী মেটিয়াবুরুঞ্জের নবাব ওয়াজেদ আলী শাহ দরবারে বৃত্তিজোগী বীণাকার পদে প্রতিষ্ঠিত হন। ঐ সময়ে সঙ্গীতনায়ক বাসৎ খাঁ সাহেব নবাব সাহেবের

সঙ্গীতগুরু পদে অধিষ্ঠিত ছিলেন। কাশিম আলী তাঁর দাদামহাশয় বাসৎ খাঁর নিকট বহু রাগ রাগিণী ও ঙ্গপদ শিক্ষাপূর্বক সঙ্গীত বিদ্যা পূর্ণাঙ্গরূপে আয়ত্ত্ব করেন। ৬মহারাজ যতীন্দ্রমোহন ঠাকুর মহোদয় কাশিম আলীর বিশেষ অমুরক্ত ছিলেন। মহারাজ বাহাদুর বহুবাহু কাশিম আলীকে তাঁর প্রাসাদে নিমন্ত্রণপূর্বক বীণা ও রবাব শুনেছেন। কলিকাতার প্রাচীন সঙ্গীতাত্মরাগী গুণীগণ আজও একবাক্যে বলেন যে, কাশিম আলীর স্তায় তন্ত্রকার বঙ্গদেশে কদাপি আসে নাই।

মেটিয়াবুরুজের দববার ভেঙ্গে যাওয়ার পর বাসৎ খাঁ সাহেব যখন গয়াধামে গেলেন, তখন কাশিম আলী ত্রিপুরাধিপতি ৬মহারাজ বীরচন্দ্র মাণিক্য বাহাদুরের আমন্ত্রণে ত্রিপুরা রাজ্যে গমন করেন। তথায় ত্রিপুরার মহারাজ তাঁর শিষ্যত্ব গ্রহণ করেন। যত্নভট্ট তৎকালে ত্রিপুরারাজ্যে গায়করূপে কর্ম করতেন। যত্নভট্টকে খাঁ সাহেব সেতার যন্ত্র শিক্ষা দেন, কিন্তু শ্রুতিধর ভট্ট মহাশয় কাশিম আলির রেয়াজের সময় নিকটবর্তী কোন গুপ্তস্থানে সন্ধ্যাপনে থেকে খাঁ সাহেবের রবারের তালিমও অনেকখানি অধিগত করতে পেরেছিলেন। কাশিম আলি পরে খাঁ পরে তা জানতে পেরে অসন্তুষ্ট হন ও ত্রিপুরা রাজ্য ত্যাগ করে ভাওয়াল রাজ্যের ৬মহারাজ রাজেন্দ্রনারায়ণ রায়ের নিকট আশ্রয় গ্রহণ করেন। কাশিম আলির শেষ জীবন ভাওয়ালেই অতিবাহিত হয়।

কাশিম আলির বাজনা শোনা রাজা মহারাজাদের পক্ষেও সুলভ ছিল না। সঙ্গীতের প্রেরণা অন্তরে না পেলে তিনি কখনও বাজাতেন না, বলতেন যে তাঁর যন্ত্রের মেজাজ খারাপ হয়েছে, মেজাজ ভাল হলে বাজনা শোনাবেন। যখন সঙ্গীতের প্রবাহ নিজ অন্তরে অনুভব করতেন তখন ঘণ্টার পর ঘণ্টা এক এক রাগ বাজালেও তাঁর সৃষ্টির উৎস

নিঃশেষ হত না। ভাওয়ালে একবার তিনি রাত্রি চারটা থেকে বেলা দশটা অবধি ভৈরব রাগের আলাপ রবাব যন্ত্রে বাজিয়েছিলেন। সে আসরে ঢাকার নবাব বংশীয় ও পূর্ববঙ্গের বিশিষ্ট অভিজাত বংশীয় ভূম্যধিকারীগণ উপস্থিত ছিলেন। ঢাকার প্রসিদ্ধ তবলা বাদক প্রসন্ন বণিক্য মহাশয়ের নিকট কাশিম আলি খাঁর এইরূপ অনেক ঘটনা আমরা আজও জানতে পারি। তিনি বলেন কাশিম আলি খাঁ মানুষ ছিলেন না, নরদেহধারী কোন গন্ধর্ভ বা দেবতাবিশেষ ছিলেন। এত বড় গুণীকে এতদিন বঙ্গদেশে পাওয়া সে সময়ে বাঙ্গালার বিশেষ সৌভাগ্যের বিষয় ছিল। কাশিম আলি খাঁ বিংশ শতাব্দীর প্রথমভাগে ভাওয়ালে ইহলীলা সংবরণ করেন। তাঁর সমাধি এখনও ভাওয়াল বক্ষে বিরজিত রয়েছে ও তাঁর নিজ রেওয়াজের রবাব যন্ত্র রাজপ্রাসাদে আজও সম্বন্ধে সংরক্ষিত আছে।

আলি মহম্মদ খাঁ ও কাশিম আলি খাঁর পর রবাবীবংশে মহম্মদ আলি খাঁ সাহেব বিদ্যমান থাকলেন—ইনি এই শতাব্দীর ভারতের শ্রেষ্ঠ রবাবী। মহম্মদ আলির ইতিবৃত্ত আমরা এবার আলোচনা করব। আমরা ইতিপূর্বের ইঁহায় নাম একাধিকবার উল্লেখ করেছি। ইনি বাসৎ খাঁ সাহেবের মধ্যম পুত্র ছিলেন। এঁর শিক্ষা পিতার নিকটই পরিসমাপ্ত হয়েছিল। বাসৎ খাঁ তাঁর জ্যেষ্ঠপুত্র আলি মহম্মদ খাঁকে সুরশৃঙ্গার শিক্ষা দিয়েছিলেন ও মহম্মদ আলি খাঁকে কণ্ঠসঙ্গীতে রূপদ ও আলাপ যন্ত্রে রবাবের তালিম দিয়েছিলেন। ত্রিশ বৎসরকাল শিক্ষার পর পিতার অভাব হলে, জ্যেষ্ঠ আলি মহম্মদ খাঁ নেপাল রাজ্যে গমন করেন কিন্তু মহম্মদ আলি পৈতৃক ভদ্রাসন গয়াধামেই বহুদিন বসবাস করেছিলেন। গয়ার বিহারীওয়াল নামক জনৈক পাণ্ডা এবং প্রসিদ্ধ এশ্রাজ বাদক ধনী

পাণ্ডা কানাইলাল ঢেঁড়িজী মহম্মদ আলি খাঁ সাহেবের শিষ্যত্ব গ্রহণ করেন।

গয়ায় সাত আট বৎসর যাপনের পর মহম্মদ আলি খাঁ সাহেব গিধোর রাজ্যের সঙ্গীতগুরুরূপে প্রতিষ্ঠিত হন। আমরা খাঁ সাহেবের নিকট শুনেছি যে তিনি একবার হরিহরছত্রের মেলায় বেড়াতে গিয়েছিলেন, ঐ সময় গিধোরের দেওয়ান সাহেব রাজ্যের জন্ম অশ্ব ও হস্তী প্রভৃতি ক্রয়ার্থে তথায় যান। সেখানে মহম্মদ আলি খাঁ সাহেবের রবাব শুনবার সুরযোগ তাঁর হয়েছিল। খাঁ সাহেবের বাজনা শুনে, দেওয়ান সাহেব সান্তিশয় আহ্লাদিত হন ও গিধোর রাজ্যে তাঁকে নিয়ে যান। মহম্মদ আলি খাঁ সাহেবের বয়স তখন পঞ্চাশ বৎসর। ঐ সময় হ'তে মৃত্যুকাল অবধি সুদীর্ঘ পঁয়ত্রিশ বৎসর খাঁ সাহেবের সহিত গিধোর রাজদরবারের সম্বন্ধ অক্ষুন্ন ছিল। মাঝে মাঝে নানা সময় অন্যান্য রাজদরবারে কালযাপন করলেও খাঁ সাহেব অধিকাংশ সময়ই গিধোরেই অবস্থান করেছেন।

মহম্মদ আলি খাঁ সাহেব অন্যান্য সঙ্গীত-কলাবিদগণের ন্যায় অর্থ ও প্রতিপত্তি সম্বন্ধে বিশেষ উৎসাহী ছিলেন না। তিনি অর্থের জন্য স্বতঃপ্রসূতভাবে কোথাও যেতেন না—কেহ আগ্রহসহকারে নিমন্ত্রণ করলে নিমন্ত্রণ রক্ষা করতেন। গিধোর দরবারে তাঁকে স্থায়ীভাবে রক্ষা করায় তিনি অন্য দরবারের সন্ধান কখনও করেন নাই। তবে অন্যান্য ভূপতিরা অনেকবার সঙ্গীতগুরুরূপে তাঁদের রাজসভায় আমন্ত্রণ ক'রে নিবে দীর্ঘদিনের জন্যও তাঁকে রাখতে পেরেছেন।

এইভাবে কাশীধামে আলি মহম্মদ খাঁর মৃত্যুর পর মহম্মদ আলি খাঁ সাহেব কাশীরেশের আস্থানে তথায় কয়েক বৎসর কাল অবস্থান করেন। সে সময় স্বরোদী মজরু খাঁ ও গায়ক তসদুক হোসেন খাঁ

কাশীদরবারের প্রধান গুণীদের অন্তর্গত ছিলেন। বারাণসীতে মহম্মদ আলি খাঁ সাহেব রবাবযন্ত্রে ও কর্ণসঙ্গীতে শীর্ষস্থান অর্জন করেছিলেন। আঘরা শুনেনিছ একবার দারুণ গ্রীষ্মের সময় সঙ্গীতসভায় কাশীরেশ মহম্মদ আলি খাঁ সাহেবকে রবাব যন্ত্রে “বৃন্দাবনী সারং” বাজাতে অগুরোধ করেন। খাঁ সাহেবের বাজনার পর কাশীরাজ এতই তৃপ্ত হন, যে সে সভায় অন্য সকল গুণীগণের গানবাচনা বন্ধ করে দেন—তিনি তখন বলেছিলেন যে মহম্মদ আলির “সারং” শুনে তাঁর দৃষ্টি হৃদয় শীতল হয়ে গেছে এর পর অন্য গান বাজনা আর কি প্রয়োজন ?

কাশীধামে কবেক বৎসর যাপন করে মহম্মদ আলি পুনবার সিধৌরে প্রত্যাবর্তন করেন। ঐ সময় ভারত বিখ্যাত কলাবিদ নবাব হায়দর আলি খাঁ সাহেব রামপুরের নিকটবর্তী তাঁর “বিলসি” এষ্টেটে তাঁর অসামান্য প্রতিভাশালী পুত্র সাদত আলি খাঁ সাহেবকে সঙ্গীতবিজ্ঞা শিক্ষা দিচ্ছিলেন। তাঁর নিজ অধিগত সকল বিজ্ঞা পুত্রকে শিক্ষা দিবার পর তিনি মহম্মদ আলি খাঁ সাহেবকে নিমন্ত্রণ ক’রে তথায় নিয়ে যান। নিজের অজ্ঞাত বিজ্ঞা মহম্মদ আলির নিকট লাভ করা তাঁর এক উদ্দেশ্য ছিল ও অপর উদ্দেশ্য ছিল নিজ পুত্রকে তানসেনের পুত্রবংশীয় সঙ্গীত গুরুর নিকট দীক্ষিত করা। এই উভয় উদ্দেশ্য মহম্মদ আলিকে তিনি ডেকেছিলেন। মহম্মদ আলি খাঁ নবাব সাহেবের আতিথেয় ছয়মাসকাল বিলসি এষ্টেটে ছিলেন ও সাদত আলি খাঁর শিক্ষা সম্পূর্ণ করেছিলেন। মহম্মদ আলির আশীর্বাদে নবাবজাদা সাদত আলি খাঁ সাহেব সত্যই ভারতের এক অদ্বিতীয় কলাবিদ ও তত্ত্বকাররূপে অচিরেই উজ্জ্বল কীর্তিলাভ করেন। সাদত আলি খাঁর অপর নাম ছিল ছম্মন সাহেব। নবাব ছম্মন সাহেবের নাম হিন্দুস্থানের এক প্রান্ত হ’তে অপর

প্রাপ্ত অবধি আজ সুবিখ্যাত। ছন্নন সাহেব মহম্মদ আলির শিষ্যদের মধ্যে শীর্ষস্থানীয় ছিলেন সন্দেহ নাই।

নবাব ছন্নন সাহেবের শিক্ষা-সমাধার পর মহম্মদ আলী খাঁ সাহেব গিধৌরে ফিরে এসে প্রায় কুড়ি বৎসর আর কোথাও বাঁর হননি। ইতিমধ্যে রামপুরের গত নবাব হামেদ আলি খাঁ বাহাদুর আপন পিতৃ-পুরুষের পদাঙ্ক অনুসরণ করে রামপুরের সঙ্গীত-গৌরব বিশেষ বর্দ্ধিত করছিলেন। উজীর খাঁ সাহেব তাঁর সঙ্গীতগুরু ছিলেন এবং নবাব সাহেব তাঁর পিতৃব্যপুত্র ছন্নন সাহেবকে Home Secretaryর পদ দিবে রামপুরের সঙ্গীত সভাকে হিন্দুস্থানের অধিতীয় আসনে প্রতিষ্ঠিত করেন। নবাব হামেদ আলি খাঁ বাহাদুর দেখলেন যে মহম্মদ আলি খাঁ সাহেবের অভাবে রামপুর দরবার অসম্পূর্ণ হয়ে রয়েছে, তাই তিনি মহম্মদ আলিকে আমন্ত্রণ করবার ভার ছন্নন সাহেবকে দিলেন। ছন্নন সাহেব মহম্মদ আলির প্রিয় শিষ্য ছিলেন—তাঁর আকুল আগ্রহের টানে মহম্মদ আলি গিধৌর থেকে অনির্দিষ্ট কালের জন্য ছুটি নিয়ে রামপুরে না গিয়ে পারলেন না।

রামপুরের গত নবাব হামেদ আলি এই সময় মহম্মদ আলির নিকট শিষ্যত্ব স্বীকার করেন ও তাঁকে সাতিশর সমৃদ্ধির মধ্যেও পরম যত্নে ছয় সাত বৎসরকাল প্রতিপালন করেছিলেন—সে আজ প্রায় পোনের বৎসর পূর্বের কথা। তখন খাঁ সাহেবের বয়স অশীতিবর্ষ অতিক্রম করলেও তাঁর শরীর ও মন অপটু ছিল না। রামপুর নবাবের নিকট খাঁ সাহেব রীতিমত রতাব রাজিয়েছেন ও নবাব বাহাদুরকে সঙ্গীত শিক্ষাদান করেছেন। উজীর খাঁ সাহেব মহম্মদ আলির সম্পর্কে দৌহিত্য ছিলেন ও পরম্পর তাঁদের খুবই রসিকতা চলত। উজীর খাঁর বীণা বাদনের ভূয়সী প্রশংসা মহম্মদ আলি সর্বদাই করতেন এবং উজীর খাঁও

মাতামহ জানে ও রবাবী বংশের শেষ রত্নরূপে তাঁর সম্মান করতেন।

কয়েক বৎসরকাল দরবারে যাপন করবার পর মহম্মদ আলি খাঁ সাহেব রামপুর নবাবের দরবার অপেক্ষা নিজ প্রিয় শিষ্য ছন্মন সাহেবের গৃহে অবস্থানই অধিক আরামপ্রদ মনে করে বিলসিতে গমন করেন। বিলসিতে বৎসর দুই যাপন করবার পর বিধাতার কঠোর বিধানে খাঁ সাহেব প্রিয় ছন্মন সাহেবকে হারালেন। ছন্মন সাহেবের মাত্র চল্লিশ বৎসর বয়সে পরলোক গম্যে ভারতীয় সঙ্গীতের যে কত বড় ক্ষতি হয়েছে, তা এখনও ভারতের অধিকাংশ লোক জানেন না।

শিষ্য হলেও ছন্মন সাহেব যথার্থই মহম্মদ আলির পুত্রস্থানীয় ছিলেন। মহম্মদ আলির ঔরস পুত্র না থাকায় তিনি পোষ্যপুত্র গ্রহণ করেছিলেন—তবে তাঁর পোষ্যপুত্র সঙ্গীত বিভাগে না থাকায় ছন্মন সাহেবই পুত্রের শিক্ষা লাভ করেন। একরূপ রত্নস্বরূপ শিষ্যকে অকালে হারিয়ে মহম্মদ আলি কি দুঃসহ আঘাত পেয়েছিলেন, তা সহজেই অনুমেয়। ছন্মন সাহেবের মৃত্যুর পর শোকাভুর মহম্মদ আলি লক্কৌ নগরে সঙ্গীত কলেজ প্রতিষ্ঠাতা রাজা নবাব আলির আতিথেয় ছয় মাস কাল অবস্থান করেন। ঐ সময় মহম্মদ আলির নিকট নবাব আলি খাঁ শতাধিক ঋপদ শিক্ষা করে তাঁর বিখ্যাত পুস্তক “মআরিফুলগমাৎ”এর দ্বিতীয় খণ্ড প্রকাশিত করেন—উক্ত পুস্তকে খাঁ সাহেবের একটি ফটোও ছাপানো হয়েছে। “মা আরি ফুল গমাৎ”এর প্রথম খণ্ডটি শ্রীবুদ্ধ ভাতখাণ্ডেজীর “লক্ষ্যসঙ্গীতের অনুসরণে লিখিত। পণ্ডিত প্রবর ভাতখাণ্ডেজীও মহম্মদ আলির শিষ্যত্ব গ্রহণ করে ঋপদ শিক্ষা করেছেন। রাজা নবাব আলি ও পণ্ডিত ভাতখাণ্ডেজী বর্তমান-যুগে সঙ্গীতের প্রচারে অক্লান্ত পরিশ্রম করেছেন। লক্কৌ মারিস্ সঙ্গীত কলেজ তাঁদেরই বহুবর্ষব্যাপী উপস্থার সুবর্ণ ফল। এঁরা দু’জনেই ছন্মন

সাহেবের সহকারী ছিলেন। ছন্নন সাহেব ছিলেন এঁদের যজ্ঞের পুণোহিত স্বরূপ। ছন্নন সাহেবের অকাল তিরোধানে লক্ষ্মী কলেজেরও দারুণ ক্ষতি হয়েছিল—বিশেষতঃ ছন্নন সাহেব আমাদের প্রাচীন সঙ্গীত ও তন্ত্রবিজ্ঞান পুনরুদ্ধারের জন্য অনেক গ্রন্থ লিখেছিলেন যা অপ্রকাশ রয়ে গেল। এই ক্ষতিপূরণের জন্যই রাজা নবাব আলি সাহেব মহম্মদ আলিকে ছয় মাস স্বভবনে রেখে ঋপদগুলির উদ্ধারের চেষ্টা করেছেন ও শতাধিক ঋপদ পুস্তকাকারে প্রকাশ করেছেন—তাঁর এ চেষ্টার মূল্য কালে একদিন গুণীসমাজ নিশ্চয়ই বুঝবেন।

হামপুর ও লক্ষ্মী থেকে মহম্মদ আলি খাঁ সাহেব পুনরায় গিধৌরে ফিরে এসে অস্তিম কয়েক বৎসর গিধৌর দরবারে অবস্থান করেছিলেন। ৭ই অক্টবর ১৯২৭ খৃষ্টাব্দে গিধৌরেই তাঁর দেহান্ত হয়। গিধৌরে শেষ কয়েক বৎসর থাকা কালে মাঝে মাঝে লেখকের পিতৃদেব পূজ্যপাদ শ্রীযুক্ত ব্রজেন্দ্রকিশোর রায় চৌধুরীর নিমন্ত্রণে খাঁ সাহেব ময়মনসিংহ গৌরীপুরে আগমন করতেন। এইভাবে খাঁ সাহেবের ঋপদ সঙ্গীত ও রবাব-সুরশৃঙ্গার যন্ত্র সুন্বাদ ও শিক্ষার সুযোগ লেখকের হয়েছিল।

খাঁ সাহেবের সঙ্গীত শোনার পর আমরা বুঝতে পেয়েছিলাম, যথার্থ ঋপদ গান ও আলাপ কি বস্তু ও তা কতই সুমিষ্ট হতে পারে। জীবনাবসানের পূর্বে তিনি তাঁর শেষ আশীর্বাদের সঙ্গে এই উপদেশ দিয়ে গিয়েছিলেন যে সঙ্গীতের সার হচ্ছে ঋপদ। ঋপদ শিখলেই রাগ-রাগিণীর মর্মদ্বার উদঘাটিত হয়—অন্য সকলই তখন সরল হয়ে আসে।

খাঁ সাহেবের শেষ কতিপয় বৎসরই আমরা তাঁর কাছ থেকে আলাপ ও ঋপদ শিক্ষা করেছি। খাঁ সাহেব তাঁর অস্তিম সময় পর্য্যন্ত কখনও জ্বর বা ব্যাধিতে অবশ হন নি। মৃত্যুর এক বৎসর পূর্বে পর্য্যন্ত তিনি

অল্পশে ছুই তিন মাইল পথ পদব্রজে ভ্রমণ করিতে পারতেন এবং মৎস্ত শীকারে তাঁর বড় সখ ছিল। খাঁ সাহেবের শরীর খুবই বলিষ্ঠ ছিল ও কুস্তিতে তিনি বিশেষ পারদর্শী ছিলেন। তাই নব্বই বৎসর বয়সেও তাঁর প্রাণশক্তির কিছু অভাব দেখা যেত না। দৈবের বিড়ম্বনায় ক্যান্সার রোগ তাঁকে ধরল—নচেৎ আমাদের বিশ্বাস ছিল যে তাঁর পরমায়ু শত বৎসর অতিক্রম করবে।

মহম্মদ আলী খাঁ সাহেবের সহিত আমাদের ব্যক্তিগত সাক্ষর যে কি নিবিড় ও প্রগাঢ় ছিল, তা পুস্তকে প্রকাশের নয়—তাঁবে আমরা যথার্থই পিতার স্মরণ ভক্তি কর্তাম এবং তিনিও যখনই আমাদের ছেড়ে গির্ধরে যেতেন তখন অশ্রু সংবরণ করিতে পারতেন না। আজ তাঁর অনন্ত শান্তিই ঈশ্বরের নিকট সর্বাঙ্গতঃ করণে আমরা প্রার্থনা করি।

একগুণে আমরা এ যুগের সঙ্গীতনায়ক বীণকার ঘরের শ্রেষ্ঠ রত্ন উজীর খাঁ সাহেবের জীবনবৃত্তান্ত আলোচনা করব। মহম্মদ আলি খাঁ সাহেব ও উজীর খাঁ সাহেব ইহারাই এ যুগে ভারতের সঙ্গীতাকাশের চন্দ্র ও সূর্য ছিলেন, সন্দেহ নাই। উভয়েই একই বৃক্ষের দুই শাখার দু'টি সুবর্ণ ফল। একজন তানসেনের পুত্র ঘরের ও অপরজন কন্ঠার ঘরের ; দু'জন দু'ঘরের রত্ন। একই সময়ে এঁরা হিন্দুস্থানে সঙ্গীতের প্রচার ও প্রসার করেছেন। সম্পর্কে এঁরা মাতামহ ও দৌহিত্র। প্রায় একই স্থানে এঁদের কণ্ঠ ও বস্ত্রসঙ্গীত ধ্বনিত ও অধুরণিত হয়েছে এবং প্রায় একই সময়ে এঁরা দু'জনে ধরাধাম ত্যাগ ক'রে হিন্দুস্থানের সঙ্গীতের শেষ সম্পদ সঙ্গে সঙ্গেই পরলোকে নিয়ে গেছেন।

সঙ্গীতনায়ক উজীর খাঁর জন্ম হয় আনুমানিক ১৮৬০ খৃষ্টাব্দে ; ঐ সময় তাঁর পিতা আমীর খাঁ বীণকার রামপুরে নবাব কাষে আলি খাঁর দরবারে ছিলেন। বিখ্যাত সুরশ্রীকার বাদক বাহাদুর সেন খাঁও

সেখানেই অবস্থিত ছিলেন। অতি বাল্য বয়সেই উজীর খাঁর কর্তৃকসঙ্গীতে ও যন্ত্রবাদনে বিশেষ অগুরাগ দৃষ্ট হয়। সাত আট বৎসর বয়স হতেই তিনি পিতার নিকট ঙ্গপদ ও বীণা শিক্ষা আরম্ভ করেন। তাঁর মাতামহ বাহাদুর সেন নিঃসন্তান ছিলেন; বাহাদুর সেনও তাই অপত্যনির্বিষেবে উজীর খাঁকে ঙ্গপদ ও রবাব শিক্ষা দান আরম্ভ করেন। কলে কৈশোরকাল উত্তীর্ণ হওয়ার পূর্বেই খাঁ সাহেব বীণা, সুরশৃঙ্গার, রবাব ও ঙ্গপদে বিলক্ষণ ব্যুৎপত্তি লাভ করেন। উজীর খাঁর শিক্ষা বিষয়ে বাহাদুর সেন ও আমীর খাঁর বিশেষ প্রতিযোগিতা ছিল। উভয়েই বাসনা ছিল যে উজীর খাঁর দ্বারা তাঁদের কীর্তি ও সুনাম বজায় থাকবে। খাঁর শিক্ষা সমাধিক প্রকাশিত হবে তাঁরই নাম অধিক কীর্তিত হবে; তাই উভয়েই যত ভাল করে পারেন তাঁকে শিক্ষাদানের ক্রটি করেন নি। উজীর খাঁর তাতে দ্বিগুণ লাভ হ'ল। তিনি যন্ত্রের মিস্ট্রতায় বাহাদুর সেনের অতুলনীয় হাত পেলেন, আবার কণ্ঠে তাঁর পিতার বীণাবিন্দিত স্বর পেলেন। গীত ও তন্ত্র উভয় বিষ্ঠাতেই উজীর খাঁর প্রতিভার তুলনা রইল না।

কিশোর বয়সে বীণা রবাব ও ঙ্গপদের সম্পূর্ণ শিক্ষা আরম্ভ হবার পর উজীর খাঁ মাতামহ ও পিতা উভয়কেই হারালেন। নবাব কাবে আলি খাঁর জীবিতাবস্থায় খাঁ সাহেব তাঁরই দরবারে প্রতিপালিত হ'লেন। কাবে আলি খাঁর দেহান্তের পরে তাঁর জাতা হায়দর আলি খাঁ উজীর খাঁকে বিলসিতে নিয়ে গেলেন। হায়দর আলি খাঁর কথা পূর্বেই একাধিকবার উল্লেখ করেছি। তিনি তানসেনের পুত্রবংশের তদানীন্তন প্রায় সকল গুণীগণের নিকটেই শিক্ষাগ্রাভ করেছিলেন; অপরদিকে তিনি বীণকার আমীর খাঁরও প্রিয় শিষ্য ছিলেন। আমীর খাঁ মৃত্যুকালে হায়দর আলী খাঁর উপর পুত্র উজীর খাঁর সমস্ত ভার দিয়ে

গিয়েছিলেন। হায়দর আলীও গুরু দেওয়া এ দারিত্বভার সানন্দে গ্রহণ করেছিলেন। যতদিন নবাব কাষে আলি খাঁ জীবিত ছিলেন ততদিন রামপুরেই হায়দর আলি খাঁ সাহেব উজীর খাঁর স্বাস্থ্য, শিক্ষা ও ধর্মবিষয়ের তত্ত্বাবধান করতেন। কাষে আলি খাঁর পরলোক গমনের পর উজীর খাঁকে তিনি নিজ জমিদারী বিলুপ্তিতে নিয়ে গেলেন ও নিজ ভবনে রাখলেন। হায়দর আলি খাঁ সাহেব উজীর খাঁকে গুরুপুত্র ভাবে বার্ষিক নগদান সমাদর ও যত্নের সহিত ছয় বৎসর কাল রেখেছিলেন। ঐ সময় নবাব হায়দর আলি খাঁ সাহেবের অতি ঘনিষ্ঠ নবাববংশীয়া কোনও আত্মীয়ের সহিত উজীর খাঁ সাহেবের বিবাহ হয়। হায়দর আলি খাঁই এই বিবাহের প্রধান উদ্যোক্তা ছিলেন। বিবাহের পর খাঁ সাহেব নবাব সাহেবের নিকট বিদায় গ্রহণ পূর্বক দেশভ্রমণে বাহির হলেন। খাঁ সাহেবের বয়স তখন ছাষিষ বৎসর। বিদায় ও অভ্যাসে তখন খাঁ সাহেব অতুলনীয়; তাই দিগ্বিজয়ের আকাঙ্ক্ষা হওয়া তাঁর অস্বাভাবিক ছিল না।

খাঁ সাহেব রামপুরে ও বিলুপ্তিতে অবস্থানকালে শুধু সঙ্গীত অভ্যাসেই নিশ্চিত থাকতেন না উপযুক্ত পণ্ডিতের নিকট সঙ্গীতশাস্ত্র, রামায়ণ, মহাভারত, পুরাণাদি শাস্ত্রগ্রন্থ হিন্দী, আরবী, পার্শি ও কিছু ইংরাজীও শিক্ষা করেছিলেন। খাঁ সাহেবের বিদ্যা সর্বতোমুখী ছিল। পুরাণ অবলম্বনে নাটক ও কবিতাদি হিন্দী ভাষায় রচনা করা তাঁর অবসর বিনোদনের প্রধান অবলম্বন ছিল। তত্ত্বিন্ন চিত্রাকর্মেও তিনি বিশেষ ব্যুৎপন্ন ছিলেন।

খাঁ সাহেবের অপর মাতামহের সান্নিধ্য আলি খাঁ ও নিসারালি খাঁ রবাবী ঐ সময় বারাণসীধামে কাশীনরেশের দরবারে ছিলেন। উজীর খাঁ রামপুর ত্যাগ করে সর্বপ্রথম কাশীধামে গমন করেন ও তাঁদের

নিকট কিছুকাল অবস্থান করেন। সাদেক আলি খাঁর মৃত্যুর পর নিসারালি খাঁ কাশীতে কয়েক বৎসর জীবিত ছিলেন। নিসারালি খাঁ রবাবীবংশীয় সকল গুপ্তবিজ্ঞা ও বাহাদুর সেনেরও অজ্ঞাত অনেক রূপদ উজীর খাঁ সাহেবকে দান করেন। নিসারালির মৃত্যুর পর উজীর খাঁ কাশী পরিত্যাগ করিয়া কলিকাতা আগমন করেন ও কলিকাতাতেই বসবাস আরম্ভ করেন। কলিকাতায় তখন চাঁদনিতে মুন্সীজী নামক জনৈক ধনাঢ্য মুসলমানের আতিথেয় অধিকাংশ সময় থাকতেন ও মাঝে মাঝে দেশ ভ্রমণে বাহির হতেন। কাশীতে পরে যখন আলি মহম্মদ খাঁ সাহেব রাজগুরু হন তখন উজীর খাঁ তাঁর কাছেও মাঝে মাঝে যেতেন। আলি মহম্মদ খাঁও উপযুক্ত দৌহিত্রজ্ঞানে উজীর খাঁর বিশেষ সমাদর করতেন। তদ্বিত্তি খাঁ সাহেব মাতুল কাশিম আলি খাঁর নিমন্ত্রণে ত্রিপুরা রাজদরবারেও বিশেষ সম্মান লাভ করেছিলেন।

কলিকাতায় খাঁ সাহেব প্রায় সাত আট বৎসর কাল ছিলেন কিন্তু প্রতি বৎসরই দেশভ্রমণে কয়েক মাস কাটানো তাঁর বিশেষ আগ্রহ ছিল। দ্বারভাঙ্গা রাজ-দরবার, ইন্দোর-দরবার, হায়দরাবাদের নিজাম, দরবার ও মাদ্রাজ নগরীতেও নিমন্ত্রিত হয়ে খাঁ সাহেব অসামান্য গুণপণা ও প্রতিভার পরিচয় দিয়ে এসেছেন। কলিকাতার মেটিয়াবুরুজের নবাবগণ, স্বর্গীয় দেশপূজ্য মহারাজা যতীন্দ্রমোহন ঠাকুর মহোদয়, রাজা দুর্গী শীল, জমিদার শ্রীযুক্ত তারাপ্রসাদ ঘোষ মহাশয়, পঞ্চেন্দ্রের জমিদার এযাদবেন্দ্র বাবু প্রভৃতি গুণীগণ খাঁ সাহেবের বিশেষ অমুরাগী ও ভক্ত ছিলেন। কলিকাতা থাকা কালে উজীর খাঁ বাংলাভাষা ভাঙ্গরূপে শিক্ষা করেন ও বাংলা কথা তিনি অতি উত্তমরূপেই উচ্চারণ করতে পারতেন।

খাঁ সাহেব বীণাযন্ত্র অপেক্ষা সুরশৃঙ্গার যন্ত্রই অধিক বাজাতেন। ষে সকল বাজালী বৃদ্ধ সঙ্গীতগুরুগীগণ তাঁর বাজনা শোনবার সৌভাগ্য লাভ করেছিলেন তাঁদের কর্ণে আজও খাঁ সাহেবের সুরশৃঙ্গারের অপূর্ব স্বাদের রেশ যেন লেগে রয়েছে। গোবরডাঙ্গার জমিদার ৬জ্ঞানদা-প্রসন্ন বাবুর গৃহে তিনি যে চাঁদনিকেরদারাব আলাপ বাজিয়েছিলেন, তা শুনবার সুযোগ অনেকবই হয়েছিল। আজও সে দিনের বাজনার ভূয়সী স্মৃতি তাঁদের মুখে শুন্তে পাই। খাঁ সাহেব বিশেষ অভিজাত ও রাজা মহারাজা ভিন্ন অন্য কাহারও গৃহে বাজাতেন না; তবে সঙ্গীতগুরুরাগী গুণীগণ তাঁর নিজ গৃহে এলে আগ্রহের সহিত বাজনা শোনাতেন। কলিকাতায় তাঁর শিষ্যও অনেক ছিলেন। জীবিত যঁারা আছেন তাঁদের মধ্যে জমিদার শ্রীযুক্ত তারাপ্রসাদ ঘোষ মহাশয় ও রুদ্রবীণাবাদক শ্রীযুক্ত প্রমথনাথ বন্দ্যোপাধ্যায় মহাশয়ের নাম বিশেষ উল্লেখযোগ্য।

কলিকাতা মহানগরীতে কয়েক বৎসর যাপনের পর উজীর খাঁ সাহেব রামপুরের স্বর্গীয় নবাব হামিদ আলি খাঁর সঙ্গীতগুরুরূপদে অভিষিক্ত হ'য়ে তথায় গমন করেন। কলিকাতা অবস্থানকালেই খাঁ সাহেবের জ্যেষ্ঠ পুত্র নাজির খাঁ (প্যারে মিয়ান) সঙ্গীত শিক্ষা আরম্ভ হয়। রামপুরে বালক প্যারে মিয়াকে নিয়ে খাঁ সাহেব স্থায়ীভাবে প্রতিষ্ঠিত হ'লেন। নবাব বাহাদুরের খুলতাত হায়দর আলি খাঁ উজীর খাঁর নবপদে প্রতিষ্ঠার মূল ছিলেন। তিনিই নবাব বাহাদুরের সঙ্গীতে উৎসাহ ও রুচি আনয়ন করেন। নবাব সাহেবও উজীর খাঁর মত অধিতীয় সঙ্গীতগুরু লাভ ক'রে সঙ্গীতে বিশেষ ব্যুৎপত্তি লাভ করেন।

প্রথমতঃ নবাব হামিদ আলি বীণাযন্ত্র শিক্ষা করেন কিন্তু তাঁর কণ্ঠ-সঙ্গীতে অধিক আগ্রহ থাকায় হোরি-রূপদই সমধিক অভ্যাস করেছিলেন ও বহুদিনের সাধনাভ্যাসকালে হোরি-রূপদের একজন অতুলনীয়

গায়করূপে পরিণত হন। খাঁ সাহেবও নবাবের নিকট তাঁর বংশগত বিদ্যার কিছুই গোপন করেন নি এবং কাশ্মীর ও অন্যান্য রাজ্যের রাজস্ববৃন্দের নিকট হ'তে অতি লোভনীয় পদের আহ্বান লাভ ক'রেও প্রিয় শিষ্য রামপুর নবাবকে কখনও পরিত্যাগ ক'রে অন্য রাজ্যে গমন করেন নি।

খাঁ সাহেব সর্বদাই গভ রামপুর নবাবের সঙ্গে অবস্থান করতেন। রামপুরে খাঁ সাহেবের নামে নবাব বিস্তর জমিদারী লিখে দিয়েছিলেন। ত ছুর প্রাসাদতুল্য ভবনে প্রচুর দাসদাসী, সিপাহী, অশ্বখান ও মোটর খাঁ সাহেবের সেবার জন্ত রেখেছিলেন। বর্তমান শতাব্দীতে প্রাচীন শিল্পকলার সম্মান রামপুরের নবাবের তুল্য আর কোনও নৃপতি করেছেন কিনা সন্দেহ; আর সঙ্গীতবিদ্যা ও সঙ্গীত গুরুর প্রতি ভক্তির নিদর্শন তিনি যা দেখিয়েছেন তার তুলনা একালে মিলে না।

নবাব সাহেব খাঁ সাহেবসহ মুসুরী, দিল্লী ও বোম্বাই প্রভৃতি নগরে মাঝে মাঝে ভ্রমণে বাহির হ'তেন কিন্তু রামপুরে যাবার পর কলিকাতায় আসার সু যোগ আর খাঁ সাহেবের ঘটে ওঠে নি।

রামপুরে উজীর খাঁ সঙ্গীতেব নানা বিভাগে বহু শিষ্য তৈয়ারী করেছিলেন। নবাব দরবারে কয়েকজন হিন্দু ও মুসলমান অমাত্য ও নবাব পরিবারস্থ ব্যক্তিগণ খাঁ সাহেবের শিষ্যত্ব গ্রহণ ক'রে রামপুরের সঙ্গীত গৌরব যথেষ্ট প্রস রিত করেছিলেন। উজীর খাঁর অন্য শিষ্যদের মধ্যে পঞ্চেন্গড়ের জমিদার ৬যাদবেস্ত বাবু, সেতার ও সুরবাহার বাদক নসির আল, বীণকার মহম্মদ হোসেন, সেতারী আবদুল রহিম ও হার্মোনিয়ম বাদক সৈয়দ ইব্বন আলি মিসার নাম বিশেষ উল্লেখযোগ্য। ইঁহারা সকলেই খাঁ সাহেবের যৌবন ও প্রৌঢ় বয়সের শিষ্য—তবে খাঁ সাহেবের বৃদ্ধ বয়সে স্বরোদি হাফেজ আলি খাঁ ও বীণাপানির

সরপুত্র বঙ্গ-গৌরব আলাউদ্দিন খাঁ সাহেব তাঁর শিষ্য গ্রহণ ব'রে তাঁর খ্যাতি ও কীর্তি যথেষ্ট প্রবর্তিত করেছেন।

উজীর খাঁ সাহেবের পুত্র সম্ভান তিনজন—নাজির খাঁ বা প্যারে মিয়া, নাসির খাঁ ও সগীর খাঁ। ইহারা সকলেই পিতার শ্রেষ্ঠ শিক্ষার অধিকারী হয়েছিলেন। এঁদের মধ্যে প্যারে মিয়ার নাম সবিশেষ উল্লেখযোগ্য। কেননা, প্যারে মিয়া পিতার নিকট বহুবৎসর সঙ্গীত-শিক্ষার সুযোগ পেয়েছিলেন ও তাঁর প্রতিভা তাঁর পিতারই তুল্য ছিল। প্যারে মিয়া বীণাযন্ত্রের সকল শিক্ষা আয়ত্ত করলেও কণ্ঠ সঙ্গীতেই অধিক অনুরাগী ছিলেন, তাই উজীর খাঁ তাঁকে কণ্ঠ সঙ্গীতের শ্রেষ্ঠ গায়করূপে গঠিত করেছিলেন। প্যারে মিয়ার সঙ্গীতে মেধা এত ছিল, যে পিতার অধিকাংশ শিষ্যের শিক্ষা তিনিই দিতেন। বৃদ্ধ বয়সে উজীর খাঁ সাহেবের সকল শিষ্যেরই শিক্ষাভার তিনি নিয়েছিলেন। পরিশেষে ইন্দোর রাজদরবারে তাঁর সঙ্গীত বিভাগে অতি সম্মানিত পদ স্থির হয়। কিন্তু বিধির কঠোর বিধানে প্যারে মিয়া ইন্দোরে যাবার পূর্বে আকস্মিক কলেরা ব্যাধির আক্রমণে কালের করাগ গ্রাসে পতিত হ'লেন। বৃদ্ধ-বয়সে জীবনের সকল আশা ও ভরসার স্থল প্রতিভাশালী পুত্রকে হারিয়ে উজীর খাঁ যে কতখানি আঘাত পেয়েছিলেন তাহা আমরা কল্পনাও করতে পারিনা।

প্যারে মিয়ার তিরোধানের পর শুগহদয় উজীর খাঁ সাহেব আর বেশী দিন জীবিত থাকেন নাই। সে দুর্ঘটনার দু-তিন বৎসরের মধ্যেই খাঁ সাহেব সঙ্গীতজগৎ অন্ধকার করে মহাপ্রস্থান করেন। খাঁ সাহেবের দেহ যেরূপ সুদৃঢ় ছিল, তাতে আরো কুড়ি বৎসরকাল তিনি স্বচ্ছন্দে সুস্থ দশে থাকতে পারতেন—কিন্তু অসহ পুত্রশোকই তাঁর স্বাস্থ্যভঙ্গ হয় ও কাগব্যাদির আক্রমণ হয়। ১৯২৭ খৃষ্টাব্দে খাঁ সাহেব ইহলীলা

সম্বরণ করেন। ষোষ্ঠপুত্রের মৃত্যুর পর যে কয়েক বৎসর তিনি জীবিত ছিলেন, তাঁর প্রাণপণ চেষ্টা ছিল যাতে তাঁর বংশগত অমূল্য সঙ্গীত সম্পদ আপন বংশে উপযুক্ত আধারে রক্ষিত হয়। তিনি দেখলেন যে তাঁর পৌত্র দাবীর খাঁ ও কনিষ্ঠ পুত্র সগীর খাঁই তাঁর প্রতিভার উপযুক্ত অধিকারী। এঁদের শিক্ষা পূর্ণ কর'রে যাওয়াই তখন তাঁর জীবনের কাজ হ'ল। ঈশ্বরকৃপায় তাঁর সে চেষ্টা যথার্থই সফল হ'ল। দাবীর খাঁ বীণায়ন্ত্রে অতি অল্পকাল মধ্যেই উজীর খাঁ সাহেবের নানা বিজ্ঞাই আয়ত্ত করে নিলেন, সগীর খাঁও কণ্ঠসঙ্গীতে খাঁ সাহেবের বিজ্ঞা ও অতুলনীয় স্বরমাধুর্য্যের প্রতিক্রম দেখতে লাগলেন।

শিষ্যদের মধ্যে খাঁ সাহেবের সবচেয়ে প্রিয় ছিলেন আলাউদ্দিন খাঁ। আলাউদ্দিনের তুল্য তপস্বী বর্তমান যুগে কেহ হন নি। ইনি প্রাচীন মুনি বালকগণের মত সর্বস্ব ত্যাগ করে অতি কঠোর তপস্রায় সঙ্গীত-সাধনা ক'রে গেছেন—বৎসরের পর বৎসর। খাঁ সাহেবের প্রতি তাঁহার ভক্তি বর্তমান সময়ে গুরুভক্তির এক শ্রেষ্ঠ নিদর্শন। উজীর খাঁ সাহেবও তাই আলাউদ্দিনকে পরম স্নেহের সহিত স্বরোদ যন্ত্র, রবাব ও সুর-শৃঙ্গার বাণ্যপদ্ধতি শিক্ষা দিয়ে গেলেন—বহু গানও শেখালেন যা কোনও শিষ্য কখনও পান নি।

আলাউদ্দিন সঙ্গীতগুরুর কীর্তিস্বরূপ সারা ভারতে সঙ্গীত বিতরণ করে ছন। বর্তমান সময়ে তিনি ইউরোপ খণ্ডে গমন করে তাঁর অসামান্য প্রতিভাধারা সেখানকার বিদ্বানগণকে মোহিত করেছেন। তাঁর অসামান্য সঙ্গীতজ্ঞানের প্রশংসায় ফ্রান্স, ইংলণ্ডে প্রভৃতি দেশ মুখরিত হয়ে উঠেছে। হিন্দুস্থানী সঙ্গীতের প্রতি ওদেশের লোকের এখন অন্ধা বেড়ে গিয়েছে। ইঁহাদের দ্বারাই খাঁ সাহেব আজও অমর তরে আছেন। উজীর খাঁ সাহেব সারা ভারতের সঙ্গীত সৃষ্টির পিছনে

স্বরেছেন; তাঁর প্রেরণা আমরা গাঢ়ি হিন্দুস্থানের দিকে দিকে। যেখানেই উচ্চাঙ্গের ও মধুর সঙ্গীত শুন্তে পাই। সেখানেই খাঁ সাহেবের প্রভাব জ্বলমান দেখতে পাওয়া যায়। খাঁ সাহেব জীবিতকালে যেকোন অধিতীয় সঙ্গীতগুরুরূপে পূজা পেয়েছেন, মৃত্যুতেও সেই পূজার বেদীতে তাঁর স্থান চিরদিনের জন্ত আছে।

মহম্মদ আলি খাঁ সাহেব, তাঁহার অস্তিম সময়ে তাঁহার প্রিয় পৌত্র সওকত আলিখাঁর সঙ্গীত শিক্ষায় বিশেষ মনোনিবেশ করেন। যখন গৌরীপুরে তাঁহার শুভাগমন হয়, তখন আমরা তাঁহার এবিষয়ে সর্বাধিক প্রযত্ন লক্ষ্য করেছি। একটি সেতার ও একটি সুরশৃঙ্গার তাঁর সব সময়ে সঙ্গে থাকত ও অহর্নিশ, সওকৎ আলিখাঁকে তিনি সঙ্গীত বিষয়ে উপদেশ দিতেন। ভাত খণ্ডোজী ও রাজা নবাব আলিখাঁর নিকট স্বরলিপি পদ্ধতি শিক্ষা ও উপপত্তি শিক্ষার ব্যবস্থা তিনি সওকৎ আলির জন্ত করেছিলেন। স্বয়ং ক্রপদ, আলাপ, রবাব, সুরশৃঙ্গার প্রভৃতির তালিম সর্বদাই দিতেন। তাঁর দেহান্তের পর সওকত আলিখাঁ লক্ষৌ নগরীতে রাজা নবাব আলি ও ডাঃ নাটু রামের সাহচর্যে সঙ্গীত বিজ্ঞায় বিশেষ উন্নতি লাভ করেন। শেষে সওকত আলিখাঁ কলিকাতায় এসে বসবাস শুরু করেন ও তাঁর অবদানের স্মরণে নিয়ে, আমরা সেনী সঙ্গীত সমাজ স্থাপন করি। এই সমাজে এখন, ক্রপদ, আলাপ, বিবিধ যন্ত্র সঙ্গীত, খেয়াল প্রভৃতি সঙ্গীতের সর্বাঙ্গীন শিক্ষারই ব্যবস্থা হয়েছে ও সওকত আলি খাঁ ইহার কর্ণধর স্বরূপ। ইনি উৎকৃষ্ট রবাবী এবং বাংলা, উর্দু, ইংরাজী হিন্দী ও সংস্কৃত ভাষায় ব্যাপ্তি লাভ করে ধারাগাহিক ভাবে উপপত্তি ও সঙ্গীতের স্বরলিপির যে সব পুস্তক রচনা ও প্রকাশ করেছেন, তা সঙ্গীত শিক্ষার্থীদের যথেষ্ট সহায়তা প্রদান করছে।

अविनाश

পরিশিষ্ট

“তানসেনের” পাঠকবর্গের মধ্যযুগের গায়ক বাদকদের ইতিবৃত্ত জানাও ইচ্ছা স্বভাতঃই হ’তে পারে ভেবে “মাদনুল মুসীকী” নামক উর্দু গ্রন্থের সংক্ষিপ্ত বঙ্গানুবাদ পরিশিষ্টে আমি তাঁদের উপহার দিচ্ছি।

লক্ষৌএর হকীম মহম্মদ করিম ইমাম নামক একজন মুসলমান ভদ্রলোক ১৮৫৭ খৃষ্টাব্দে উর্দু ভাষায় এই বইখানি লিখেছিলেন। নিজে তিনি সঙ্গীত ব্যবসায়ী ছিলেন না বটে, কিন্তু সঙ্গীতে তাঁর গভীর জ্ঞান ও অমুরাগ ছিল। লক্ষৌএর একজন ভদ্রলোক তাঁর মৃত্যুর অনেক পরে, এই বইখানি মুদ্রিত এবং প্রকাশিত করেছেন। এখন লক্ষৌতে এখানা কিনতে পাওয়া যায়।

প্রস্তুকার লিখেছেন :—

“অমার মাতামহ লক্ষৌ শহরে নবাব আসফউদ্দৌলার সভাসদ ছিলেন। ছেলে বেলা থেকেই গানবাজনার দিকে আমার একটু ঝোঁক ছিল। সৈন্যবিভাগের কাজে ভর্তি হওয়ার পবে আমার বাবা দিলাবর খাঁ এবং আমার মাতুল অলিমুল্লা খাঁর কাছে আমি “সোজখানী” সঙ্গীত (মহরমের দশ দিন গাওয়া হয়) শিখেছিলাম। এঁরা দুজনেই বেশ সঙ্গীতজ্ঞ ছিলেন। এঁদের সঙ্গে লক্ষৌতে থাকার সময়ে আসফউদ্দৌলার মামার (নবাব সালারজং এর) ছেলের সঙ্গে (নবাব হুসেন আলি খাঁ) আমার বিশেষ বন্ধুত্ব হয়। নবাব হুসেন আলি খাঁ সুদক্ষ সঙ্গীতজ্ঞ ছিলেন। তাঁর সংসর্গে আসার পর থেকেই গান বাজনাও আমার বেশ উন্নতি হ’তে লাগল। পরে মীর আলি সাহেবের সাক্ষরিত হয়ে

“সোজখানি” সঙ্গীতটী আমি তাঁর কাছ থেকে ভাল করে শিখে নিয়ে ছিলাম। এই সময়ে আম'র লক্ষ্মীএর বাইরে যাবার প্রয়োজন ঘটল। বাইরে যাওয়ায় উপকৃতও হয়েছিলাম যথেষ্টপরিমাণে—আমার সময়ের বিস্তর বড় বড় গায়ক বালকদের সংসর্গে আমার সুযোগ আমার বহুল পরিমাণেই ঘটেছিল। অযোধ্যার রাজা নাসিরউদ্দীন হায়দর যখন মারা যান, তখন আমি বান্দার কলেকটরের অফিসে সেরেস্টাদার। বান্দাতে প্রবীণ সঙ্গীতজ্ঞ নবাব জুলফীকর খাঁ তখন বাস কর্তেন। তাঁর সভাসদ-গণের মধ্যে অনেকেই নামকরা গাইয়ে বাজিয়ে ছিলেন। তাঁদের গান বাজনা শোনার সুযোগ আমি প্রায় সর্বদাই পেতাম এবং বহুদিন পর্যন্ত এ সুযোগ আমি ভোগ কর্তে পেরেছিলাম। বান্দায় থাকার সময় যে কয়েকখান সঙ্গীতের বই আমি পড়েছিলাম সেগুলোর নাম নীচে লিখাছ :—

- (১) খুদাগতে উল এশ্ (২) নঘমাতে আসফী। (৩) রিসালা মখনায়ক (৪) রিসালা আমির খুশ্ (৫) রিসালা তানসেন (৬) সঙ্গীত রত্নমালা (৭) সঙ্গীত সার (৮) সঙ্গীত দর্পণ (৯) সুরমাগর।

সুদক্ষ সঙ্গীতজ্ঞ আমি জীবনে মাত্র দুই জন দেখেছি। একজন হচ্ছেন লক্ষ্মীএর মীর আলি সাহেব, অন্য জন এলাহাবাদের বাবা রামসহায়। সঙ্গীতশাস্ত্রের সমস্ত শাখাতেই এঁদের অসাধারণ জ্ঞান ছিল। ১৮১৩ খৃষ্টাব্দে বান্দার চাকরী ছেড়ে আমি লক্ষ্মীতে চলে আসি। তখনও নবাব ওরাজ্জাহ আলি খাঁ সাহেব লক্ষ্মীএর গদীতে অধিষ্ঠিত ছিলেন। তাঁর খন্তর নবাব ইক্রামোদ্দৌলার চাকরীতে আমি বহাগ হয়েছিলাম। লক্ষ্মী সহর যত দিন পর্যন্ত ইংরাজের অধিকারে না এসেছিল ততদিন তিনি সেখানেই ছিলেন।

প্রাচীন নায়কদের নাম আপনাদের অবগতির জন্ত লিখি :—

(১) ভাহু—অত্যন্ত প্রসিদ্ধি লাভ করেছিলেন । (২) লোহক
(৩) ডালু (৪) ভগবান্ (৫) গোপালদাস (৬) বৈজু (৭)
পাঁড়ে (৮) চজু (৯) বজু (১০) ধোঁড়ু (১১) মীরামধ
নায়ক ।

মীরামধ নায়কের প্রকৃত নাম সৈয়দ নিজামুদ্দীন আহমদ । ১০২৮
হিজরীতে তাঁর জন্ম হয়েছিল—তাঁর বাসস্থান ছিল বিলগ্রামী সহরে ।
তাঁর মৃত্যুর পরে তাঁর সম্বন্ধে কোন একব্যক্তি লিখেছিলেন :—

“স্বরপত দিগ-সুখত নহা” নিসদিন রাই উদাস ।

মধনায়ককে মরতহি চহুঁ দেস ভয়ে উপাস ॥

পূর্বেক্ত সমস্ত গায়কেরাই ঙ্গপদ গাইতেন ।

(১২) আমার খশ—এঁর যোগ্যতা সকলের চেয়ে বেশী ছিল—
খ্যাল গানের তিনিই সর্বপ্রথমে প্রচলন করেছিলেন ।

প্রসিদ্ধ খেয়ালীদের নাম লেখা যাচ্ছে :—

(১) হজরত আমীর খশ (২) সুলতান হুসেন শর্কা—
জৌনপুরের রাজা (৩) চঞ্চলসেন (৪) বাজ বাহাদুর—মালবাধিপতি
(৫) সুরজ খাঁ (৬) টাঁদ খাঁ (৭) গোলাম রসুল—লক্ষ্মীএর
অধিবাসী—আনাদের সময় পর্য্যন্ত বেঁচেছিলেন ।

প্রসিদ্ধ টপ্পা গায়কদের নাম—

(১) গোলাম নবো (শৌরী মিয়ঁ)—এঁর বাবার নাম ছিল গোলাম
রসুল (২) গাবু (৩) শাদী খাঁ—গাবুর ছেলে, খ্যালও গাইতেন (৪)
বাবুদাম সহায়—টপ্পা বাদে তিনি অস্তান্ত গান গাইতেন । (৫) নবাব
হুসেন আলি খাঁ (৬) মীর আলি (অনীস) সাহেব । শেষোক্ত দুইজনই
লক্ষ্মীতে থাকতেন ।

পূর্বের ইতিহাস

আকবর বাদশাহের সময় প্রসিদ্ধ দু'জন গুণী লোক বেঁচে ছিলেন। একজনের নাম গোপাললাল, অল্পজনের নাম ছিল বৈজু। আলাউদ্দিন খিলিজির রাজত্বকালের বৈজু এবং গোপাল নায়ক পৃথক ব্যক্তি। এই বৈজু কারো চাকরী কর্তেন না—শেষ জীবনে তাঁর বৈরাগ্য এসেছিল এবং তিনি সংসারাত্মক পরিত্যাগ করেছিলেন।

আকবর বাদশাহের রাজ-সভায় চার জন মহাগুণী লোক থাকতেন। নীচে তাঁদের নাম লেখা যাচ্ছে।

(১) তানসেন—পিতার নাম মকরন্দ পাড়ে, গোড়ীয় ব্রাহ্মণ, বৃন্দাবনের হরিদাস স্বামীর শিষ্য, গোয়ালিয়রে থাকতেন। (২) ব্রজচন্দ, জাতিতে ব্রাহ্মণ, দিল্লীর কাছে ডাঙুর নামক গ্রামে তাঁর বাড়ী ছিল। (৩) রাজা সমোধন সিংহ—জাতিতে রাজপুত, খাণ্ডার নামক স্থানের অধিবাসী, বীণকার। (৪) শ্রীচন্দ—রাজপুত, নোহার নামক স্থানের অধিবাসী।

এই চারজন লোকের চারটি বণী তখন বিশেষ প্রসিদ্ধি লাভ করেছিল।

তানসেন গোড়ীয় ব্রাহ্মণ ছিলেন বলে তাঁর বাণীর নাম হয়েছিল “গোড়ী” অথবা “গোবরহরী”। আজকাল তানসেনের বংশধর জাফর খাঁ প্যার খাঁ এই গোরারী” বা “গোবরহরী” বাণী গেয়ে থাকেন। সমোধন সিং প্রসিদ্ধ বীণকার ছিলেন। মুসলমান ধর্ম গ্রহণ করার পরে তাঁর নাম হয়েছিল* নৌবাদ খাঁ—পরে তিনি তানসেনের কন্যার পাণিগ্রহণ করেছিলেন।

* রামপুরের নবাব হামিদালি খাঁর ওস্তাদ উজির খাঁ হাঁহারই বংশধর। নৌবাদ খাঁর বংশতালিকা নীচে দেওয়া গেল।

বড় নৌবাদ খাঁ (সমোখন সিং-বীণাকার)

শের খাঁ

খুশহাল খাঁ

হোসেন খাঁ

লাল খাঁ সানৌ

অসদ খাঁ

মহাবত খাঁ

শ্যামত খাঁ (সদারং অনেক খ্যাত
রচনা করেছেন ।)

লাল খাঁ

জীবনশা

প্যার খাঁ

বেনজীর খাঁ

। ছোট নৌবাদ খাঁ নিশ্বল শা (এঁর ভাইয়ের ছেলে
অসদ খাঁ ওমরাও খাঁর সঙ্গে

নিজের মেয়ের বিয়ে

দিয়েছিলেন)

এই *সমোখনসিং বা বড় নৌবাদ খাঁর বাণীর নাম ছিল “খণ্ডারী” বাণী।

ব্রিজচন্দ্র :— ইঁহার বংশধর ইউসুফ খাঁ, এও উজীর খাঁ প্রপদিয়া—
আজও বেঁচে আছেন। উজীর খাঁ বোম্বাইয়ের মহারাজা জীবনলালের
দরবারে গান গাইতেন।

ছোট নৌবাদ খাঁ

উমরাও খাঁ

আমীর খাঁ— গায়ক এবং বীণকার

উজীর খাঁ—(রামপুরের নবাবের গুরু)

|

প্যার খাঁ—(মূল গ্রন্থের বংশতালিকার সহিত ইহার একটু
অমিল দেখা যায়)

* সমোখন সিংএর বংশ তালিকা :—

ছাত্রসিং (রাঠোর—সূর্য্যবংশীয়—কিসনগড়)

|

লালসিং ধরমসিং

|

|

ছত্রপলসিং সমোখনসিং (নৌবাদ খাঁ)

|

লালসিং সানী

|

নেহালসিং

শ্রীচন্দ * তানরস খাঁ এঁর বংশধর—তিনি দিল্লীতে থাকেন ।

আকবর বাদশাহের সময়ে “রাগসাগর” নামক গ্রন্থ লিখিত হয়েছিল ।
এই গ্রন্থের রাগ বর্ণনা “মানকুতূহল” নামক গ্রন্থ হইতে পৃথক । আমার
মতে গোয়ালিয়রের রাজা মানের দরবার চেয়ে আকবর বাদশাহের
দরবারে অপেক্ষাকৃত অধিকতর গুণসম্পন্ন গায়কেরা বাস কর্তেন । রাজা
মান তাঁহার সময়ের একজন শ্রেষ্ঠ সঙ্গীত নায়ক ছিলেন । মানকুতূহল
গ্রন্থের রাগ বর্ণনা তাঁরই কথামত লেখা হয়েছিল ।

* “বোম্বাইয়ের “গায়ন উত্তেজক মণ্ডলীতে” একবার এঁর জন্ম
হয়েছিল । ইনি হায়দ্রাবাদের নিজামের চাকরী কর্তেন । ৪৫ বৎসর পূর্বে
এঁর মৃত্যু হয়েছে ।

আমার মতে আকবরের সময়ের সকল গায়কেরাই “অতর্কি” ছিলেন। তাঁর সঙ্গীতশাস্ত্রে জ্ঞান নাই আমি তাঁকেই “অতর্কি” বলি। তানসেন যে একজন শ্রেষ্ঠতম গায়ক ছিলেন সে বিষয়ে কিছুমাত্র সন্দেহ নাই। হাজার বছরের মধ্যেও যে তাঁর মত একজন গায়ক জন্মগ্রহণ কবে নাই সে কথাও সত্য, কিন্তু সঙ্গীত শাস্ত্র সম্বন্ধে যে তাঁহার জ্ঞান ছিল না এ কথাও অস্বীকার করার উপায় নাই। তানসেনের সময়ের সূজান খাঁ, সুরজান খাঁ (ফতেপুরী), চাঁদ খাঁ, সুরজ খাঁ, মীয়াচাঁদ (তানসেনের শিষ্য), তানতরঙ্গ খাঁ, বিলাস খাঁ, (তানসেনের পুত্র), রামদাস ঘুঁড়িখা, দাউদ খাঁ খাভী, মোল্লা ইসাক খাভী, খিজির খাঁ, নৌবাদ খাঁ, এবং হোসেন খাঁ—এঁরা সকলেই যে “অতর্কি” ছিলেন একথা আমি নিঃসন্দেহে বলতে পারি। বরঞ্চ বাজরাগদুর, নায়ক চজু, নায়ক ভগবান খোঁড়ী, সুরতসেন (বিলাস খাঁর পুত্র) লাঙ্গা, দেবী ব্রাহ্মণবন্ধু) আকিল খাঁ (বাকর খাঁর পুত্র)—এঁদের কিছু কিছু শাস্ত্র জ্ঞান ছিল; কিন্তু এঁদের কেহই ভাঙু কিম্বা পাঁড়ে বন্ধুর মত এত বিদ্বান ছিলেননা।

আকবরের পরে যে সমস্ত গুণী লোকেরা জন্মে ছিলেন তাঁদের নাম কাশ্মীরের সুবাদাশ ফকিরউল্লা তাঁর “রাগ দর্পণ” নামক গ্রন্থে এই প্রকার গিথেছেন।—

১। সেখ বাহারউদ্দিন বর্ণা—ইনি শাহজাহান বাদশাহের দরবারে থাকতেন। পরে “দরবেশ” হয়ে ছিলেন এবং আজন্ম অবিবাহিত ছিলেন। তিনি “মার্গরাগ” গাইতে পারতেন। রবাব এবং বীণা বাজাতেন। ঞপদ, হোরী, তরানা ইত্যাদি অনেক গান রচনা করেছিলেন।

২। সেখ শীর মহম্মদ—ইনি বর্ণার একজন দরবেশ বন্ধু ছিলেন তিনিও একজন উৎকৃষ্ট গায়ক ছিলেন। অনেক খাল, তারানা

ইত্যাদি তিনিও রচনা করেছিলেন। এই সব বাদে “ভীমসিরী”, “সংকত” প্রভৃতি নূতন রাগও তিনি সৃষ্টি করেছিলেন।

৩। মিয়া দাও ধাড়ী—তিনি একজন প্রসিদ্ধ বাদক ছিলেন—‘ঘট’ নামক বাণ্যযন্ত্র তিনি বাজাতেন।

৪। লাল খাঁ কলাবস্ত—ইনি বিগাম খাঁর জামাই—একজন প্রসিদ্ধ সঙ্গীতজ্ঞ ছিলেন।

৫। *জগন্নাথ কবিরাজ—তানসেনের পরে এই রকম গুণী আর জন্মগ্রহণ করে নাই। তানসেন নিজে বলতেন—“আমি ছাড়া জগন্নাথ কবিরাজের মত গুণী ব্যক্তি দ্বিতীয় আর কেউ নাই।” ১০০ শত বর্ষ বয়সে তাঁর মৃত্যু হয়েছিল।

৬। সোভানসেন—তানসেনের নাতি—ইনি ভ্রমণ প্রিয় ছিলেন।

৭। সোদাস সেন—ইনি সোভান সেনের পুত্র এবং কবি—প্রথমে শাহসুজার দরবারে থাকতেন। শেষে কাশ্মীরের ফকীরউল্লা দেওয়ানের কাছে ছিলেন। (হিজরী ১০৮২)।

৮। মিশ্রী খাঁ ধাড়ী—বিলাস খাঁর শিষ্য—সম্রাট শাহজাহানের পুত্র শাহসুজার কাছে চাকরী করতেন—তিনি বাঙ্গালা দেশেই থাকতেন।

৯। হসন খাঁ কব্বাল—ইনি বিদ্বান ছিলেন না—এঁর বাসস্থানেরও কোন স্থিরতা ছিল না।

১০। গুণসেন—এঁর প্রকৃত নাম ছিল আফজল—ইনি নামক ভাঙ্গুর বংশধর। গীত এবং সঙ্গীত দুই-ই তিনি ভাল গাইতে পারতেন—মার্গ রাগও তাঁর জানা ছিল। কাশ্মীরে মৃত্যু হয়েছিল।

১১। মেথ কমাল—মিয়া দাউদধাড়ী এঁরই শিষ্য ছিলেন। ইনি

* ইনিই বোধ হয় ভাবভট্টের পিতা জনার্দন, কারণ ভাবভট্ট তাঁর পিতার নামও জনার্দন লিখেছেন।

গায়ক ছিলেন এবং কাশ্মীরে ফকিরউল্লা দেওয়ানের কাছে চাকরী কর্তেন ।

১২ । বখত খাঁ—ইনি কলাবস্ত ছিলেন—শুজরাটে থাকতেন ।

১৩ । রংগ খাঁ—কলাবস্ত ।

১৪ । খুশহাল খাঁ—লাল খাঁর ছেলে—ইনি গুণসমুদ্র উপাধি পেয়েছিলেন ।

১৫ । গোলাম মোহীউদ্দিন—ইনি তুর্কী বংশীয় কবি ছিলেন ।

১৬ । সাবদ খাঁ খাড়া—ইনি গায়ক এবং কবি ছিলেন—এঁর বাসভূমি ছিল ফতেহপুরে ।

১৭ । জ্ঞান খাঁ কলাবস্ত—শাহসুজা এঁকে শাহজাহান বাদশাহের কাছ থেকে চেয়ে নিয়ে নিজের কাছে রেখেছিলেন ।

১৮ । বলীধারী—আগ্রায় এঁর মৃত্যু হয়েছিল ।

১৯ । সলীম চাঁদ ডাঙ্গুর—ইনি উত্তম গায়ক ছিলেন—এঁর—স্বরচিত গান অনেক আছে ।

২০ । সেথ সাহুলা—লাহোরের প্রসিদ্ধ গায়ক—অতিরিক্ত আকিং খাওয়ার ফলে তাঁর গলার আওয়াজ বিগড়ে গিয়েছিল ।

২১ । শুজা—শের মহাম্মদের ভাই—কাশ্মীরে ফকিরউল্লা দেওয়ানের কাছে চাকরী কর্তেন ।

২২ । মহম্মদ বাগী উত্তম গায়ক এবং কবি ছিলেন, কিন্তু আকিং খাওয়ার ফলে তাঁরও কণ্ঠস্বর বিকৃত হয়ে গিয়েছিল ।

২৩ । বারাজির খাঁ—কলাবস্ত

২৪ । রুজ কব্ব ল—

২৫ । ধরমদাস—কলাবস্ত

২৬। রহীমদাদ খাড়া—

২৭। কবজ্যাত খাড়া—

২৮। ইচ্চেসিং—রাজা রোঝ আফজলের পুত্র—আমীর খশর গান গাইতেন—তরানাও তাঁরই মত পার্শেন।

২৯। মীর ইমাম—ইনি সৈয়দ বংশীয়—কবি আজও জীবিত আছেন।

৩০। হমীরসেন এবং তাঁহার পুত্র সোবালসেন—এই দুইজনই প্রসিদ্ধ কলাবস্ত ছিলেন।

৩১। সৈয়দ তীত্র—“মধ” নামটি তিনিই গীতে প্রয়োগ করেছিলেন—তাঁর কণ্ঠস্বর ভাল ছিল না।

৩২। সুন্দরঘন—উত্তম কবি ছিলেন কিন্তু গান গাইতে পার্শেন সাধারণ ভাবে।

৩৩। উজীর খাঁ নোহার—ইনি সুলজান খাঁর নাতি—উৎকৃষ্ট গায়ক ছিলেন। গীত এবং ঞপদ দুই ই গাইতে পার্শেন। আমীর খশর খ্যালও উত্তম গাইতেন।

যে সমস্ত গায়কেরা বাজাতেও পার্শেন এইবার তাঁদের নাম শুধুন :—

১। হৈয়াত—ইনি জাহাঙ্গীর বাদশাহের চাকুরী কর্তেন এবং “সরসমীন” উপাধি পেয়েছিলেন।

২। বায়াজিদ রবাবী—অত্যন্ত গুণী লোক ছিলেন—এরূপ গুণী বিরল। অতিরিক্ত মদ্যপানের জন্তু এঁর অকাল মৃত্যু হয়েছিল।

৩। শিখরসেন কলাবস্ত—ইনি বায়াজিদের শিষ্য—আজও বেঁচে আছেন। এঁর মত রবাবী দুইজন দেখা যায় না।

৪। সালেহ রবাবী খাড়া—ইনি এখনও কাশ্মীরের সুবেদারের চাকুরীতে আছেন।

৫। হরাতী রবাবী—ইনি আজও বেঁচে আছেন—এঁর হাত অতি মিষ্ট।

৬। কর্ণাজ—মার্গ সঙ্গীত গাইতে পারতেন—কাশ্মীরে থাকতেন—“মুদজরাজ” উপাধি পেয়েছিলেন।

৭। আমানুল্লা—পাথোয়াজী—কাশ্মীরে চাকরী করতেন—উত্তম পাথোয়াজ বাজাতে পারতেন।

৮। ফিরোজ খাড়ী—লাহোরে থাকতেন, সেখানে তাঁর মত ভাল পাথোয়াজ কেউই বাজাতে পারতেন না।

৯। তাহের—ডফ বাদক—প্রবীণ বয়সে এঁর মৃত্যু হয়েছিল।

১০। আল্লাদার খাড়ী—সারঙ্গী বাজাতেন—জলজলের কাছে বাড়ী ছিল—দোয়াবে তাঁর মত সারঙ্গী আর কেউই বাজাতে পারতেন না।

১১। রসবীন—এঁর প্রকৃত নাম মহম্মদ, ইনি আজও বেঁচে আছেন।

১২। শৌফী—তুমুরা বাদক—পার্শী ও হিন্দুস্থানী সঙ্গীত দুটোই জানতেন।

১৩। আবু আলুবা—তুমুরা বাজাতেন—এই যন্ত্রটি পারস্য দেশীয়—হিন্দুস্থানের তুমুরা নয়।

১৪। তারাতাঁর কলাবস্ত—শৌফীর শিষ্য।

১৫। ভগবান—তানসেনের সঙ্গে থাকতেন প্রথমতঃ দিল্লীতে আকবর বাদশাহের কাছে ছিলেন—পরে কাশ্মীরে চলে গিয়েছিলেন।

১৬। আমীর—সুরণা, নামক বস্ত্র বাজাতেন।

বাঁদের কথা উপরে লেখা হ'ল এঁরা সবাই প্রাচীন লোক। —এঁদের সমকক্ষ লোক আরও ছিলেন।

নবাব সুলতানউদ্দৌলার রাজ্যে গায়ক বাদক কে কে ছিলেন এখন তাই লিখছি। এই সব গায়ক বাদকদের কেউ কেউ লক্ষ্মীত মারা যান—কেউবা নবাব সাদত আলি খাঁর রাজত্বকালে চাকরী ছেড়ে দিয়ে ছিলেন। উক্ত নবাবের গান বাজনার বিশেষ সখ ছিল না।

পূর্বেকৃত গুণীগণের পরের এবং আমার পূর্বের গোকদের নাম করা যাচ্ছে :—

১। মিয়ঁাজানী এবং মিয়ঁা গোলাম রসূল—এঁরা অত্যন্ত গুণী ছিলেন—এঁদের আত্মাভিমানও খুবই বেশী ছিল। একবার এঁরা নবাব হোসেন রজা খাঁর বাড়ীতে গান গাইতে গিয়েছিলেন—কিন্তু সেখানে উপযুক্ত সম্মান না পেয়ে নবাব আসফউদ্দৌলার চাকরী ছেড়ে চলে গিয়েছিলেন। লোকে বলে এঁদের গান শুনে বুলবুল প্রভৃতি পাখী এসে কাছে বসত।

২। শকর খাঁ এবং মখখন খাঁ—অত্যন্ত গুণী। প্রসিদ্ধ বড় মহম্মদ খাঁ কব্বাল শকর খাঁর পুত্র। শকর খাঁ লক্ষ্মীতে থাকতেন।

৩। সোণা ও মখখন—এই দুই বন্ধুই কব্বাল ছিলেন—বিশেষ প্রসিদ্ধিও লাভ করেছিলেন।

৪। মিয়ঁাশৌরী—প্রসিদ্ধ টপ্পাওয়াল।

৫। মিয়ঁা ছজ্জু খাঁ কগাবস্ত—তানসেনের ঘরের গৌরারী বানীর ঞ্চপদ গাইতেন।

৬। মিয়ঁা জীবন খাঁ—ছজ্জু খাঁর বন্ধু—মার্গ ও দেশী রাগ গাইতেন। উৎকৃষ্ট রবাব বাজাতে পারতেন—আসফউদ্দৌলার রাজত্বকালে এঁর মৃত্যু হয়—এঁর ছেলে আজও বেঁচে আছেন।

৭। নবাব সালারজঙ্গ—সুলতানউদ্দৌলার কুটুম্ব, গায়ক এবং আকারে এঁর জুড়ী ছিল না—হোরী ও ঞ্চপদ গাইতেন।

৮। নবাব কাসিমালি খাঁ—সালরজদের ছেলে—উৎকৃষ্ট গাইতে পারতেন।

৯। মিয়া গনু—কব্বাল শৌরীর শিষ্য। হিন্দুস্থানে এর জন্মেই টপ্পা লোকপ্রিয় হয়েছিল। প্রসিদ্ধ শাদী খাঁ এরই ছেলে। শাদী খাঁও ঠিক বাপের যোগ্যতা অর্জন কর্তে সমর্থ হয়েছিলেন। কাশীর রাজা নারায়ণসিংহের কাছে ইনি থাকতেন।

আমার সময়ের (১৮৫৩ খৃঃ) প্রসিদ্ধ গুণীদের মধ্যে অতি অল্প লোকই এখন বেঁচে আছেন। এখন আর শাস্ত্রজ্ঞান তেমন দেখা যায় না। আমার সময়ের গুণীদের নাম লিখছি ;—

“ধাড়ী” পদবীটি প্রাচীন গায়ক বাদকদের নামের সঙ্গেই পূর্বে ব্যবহৃত হ’ত। ইতিহাসে দেখা যায় যে উক্ত উপাধীধারী গায়ক বাদকগণও বিশেষ পরিশ্রম সহকারে জীবিকা অর্জন করতেন। তাঁরা “করকা” নামক গীতগুলি গাইতেন। এই সকল গায়করা পরে মুসলমান ধর্ম গ্রহণ করেছিলেন। এদের মধ্যে বঙ্গু নামক এক ব্যক্তি নায়ক উপাধিও লাভ করেছিলেন। ধাড়ীদের পূর্ব গৌরব এখন নষ্ট হ’য়ে গেছে।

কব্বাল ও কলাবস্তুরা প্রথমতঃ সমাজে যথেষ্ট সম্মান ও আদর স্বগ্রপেতেন। “কব্বাল” নামটির প্রচলন হযেছে আলাউদ্দীন খিলজির সময় থেকে আর ‘কলাবস্ত’ নামটি আকবরের বাজত্বের সময়ে প্রচলিত হয়েছিল।

তানসেনের বংশধরগণের মধ্যে আজকালও কেউ কেউ গান গয়ে থাকেন—কেউ কেউ বা রবাব বাজান। প্যার খাঁ জাকর খাঁ ও বাসন্ত খাঁ এঁরা সকলেই তানসেনের বংশধর। জাকর খাঁ হযেছেন হুজুর খাঁর পুত্র—তাঁর মত রবাব বাদক অজ আর হিন্দুস্থানে

নেই। জাফর খাঁ লোকের প্রসিদ্ধ নবাব ওরাজেদ্ আলি খাঁ সাহেবের গুরু। প্যার খাঁ “সুরশিকার” নামক নূতন একটা বাস্তব আবিষ্কার করেছেন। জাফর খাঁ গায়ক ছিলেন। তাঁর প্রথম পুত্র কাসিম আলি খাঁ রবাব বাজান। তিনি পারসী ও আরবী ভাষায় সুপণ্ডিত। কাসিমালী “আরমুদৌলা” পদবী লাভ করেছেন। জাফর খাঁর দ্বিতীয় পুত্রের নাম রাহতুদ্দিন এবং তৃতীয় পুত্রের নাম নিসার আগী। বাসত খাঁর চারি পুত্র।

সামপুরের যে অতি প্রসিদ্ধ সুরশিকার বাদক বাহাদুর হোসেন খাঁ ছিলেন, তিনি প্যার খাঁর ভগ্নীর পুত্র। প্যার খাঁর নিজের কোন সম্ভান সম্ভতি না থাকায় ভাগিনেয়কেই সুরশিকার বাজাতে শিখিয়েছিলেন। পরে তাকেই দত্তক গ্রহণ করেন। হোসেন খাঁর মত সুরশিকার আর কেউই বাজাতে পারে না। তানসেনের বংশধরগণের সকলেই অত্যন্ত অভিমানী *

* এদের অভিমান ও বংশ মর্যাদাবোধ সম্বন্ধে লক্ষ্যেতে এই গল্পটি প্রচলিত আছে।—প্যার খাঁর দত্তক পুত্র বাহাদুর হোসেন খাঁ প্যার খাঁর সহোদর ভাই জাফর আলি খাঁর কাছে সুরশিকার বাজনার উপদেশ চেয়েছিলেন—তাতে জাফর খাঁ জবাব দিয়েছিলেন—“আমার ঘরের বিষ্ঠা কখনও আমি পরের ঘরে যেতে দেব না।” অতঃপর প্যার খাঁ গোপনে তাঁকে সুরশিকার বাজাতে শিখিয়েছিলেন। জাফর খাঁ এতে এতই ক্রুদ্ধ হয়েছিলেন যে জীবনে তিনি প্যার খাঁর সাথে বাক্যালাপ করেন নাই। এমন কি প্যার খাঁর মৃত্যু কালেও একবার গিয়ে তাঁকে দেখেন নাই।—এই দত্তক পুত্রই ছদ্মন সাহেবের পিতা হায়দর আলি খাঁ সাহেবকে সুরশিকার বাজাতে শিখিয়েছিলেন।

মিয়ান জীবন খাঁর দুই পুত্র—(১) বালাচর খাঁ (২) হায়দর খাঁ ।
 বড় ছেলে উৎকৃষ্ট রবাবী ছিলেন । ছোট ছেলেটা ছিলেন ওয়াজেদ
 আলি শাহের দেওয়ান নবাব আলি নকী খাঁর ওস্তাদ । হায়দার একটু
 পাগ্লাটে ধরনের ছিলেন কিন্তু চমৎকার গান গাইতেন । আম
 বছদিন হায়দর খাঁর সঙ্গে একত্র কাটিয়েছি । এখন তাঁদের দুই
 ভাইয়েরই মৃত্যু হয়েছে । উমরাও খাঁ ও মহম্মদ আলি খাঁ দু'জনেই-
 বীণকার ছিলেন । উমরাও খাঁএর দুই ছেলে—রহীম খাঁ ও আমীর খাঁ ।

এঁদের মধ্যে আমীর খাঁ হোরী নামক ক্রপদ গান গেয়ে যথেষ্ট
 সখ্যাতি অর্জন করেছিলেন । আমি নিজে তাঁকে চিত্রবিদ্যা শিখিয়েছি ।
 তাঁর একেবারেই অভিমান ছিল না । তিনি সুসভ্য ও সুশিক্ষিত
 ছিলেন । উপরিউক্ত গায়ক বাদকদের কেহ সমোখনসিংহের
 (নৌবাদ খাঁর) অর্থাৎ তানসেনের দৌহিত্র বংশীয় কেহ বা সদাংদের
 বংশধর ব'লে প্রসিদ্ধি লাভ করেছেন । জাফর খাঁ প্যার খাঁ ও বাসন্ত খাঁ—
 এঁরা সকলেই তানসেনের পৌত্রের বংশধর । বাদশাহের রাজত্বকালে
 এই সকল গায়ক বাদকেরা দিল্লীতে থাকতেন । কিন্তু পরে নবাব
 সুজাউদ্দৌলার সময়ে লক্কৌতে (কৈজাবাদ) চ'লে আসেন এবং পরে
 সেখানেই বাস কর্তে থাকেন । এঁদের গান জন সমাজে সীমাদর লাভ
 করেছে ।

দিল্লীতে তানরস খাঁ নামক একজন উৎকৃষ্ট গায়ক আছেন ।
 তিনি গজল গান করেন । তাঁর মত ভাল লোক অতি বিরল । কলাবস্ত
 ইমামবস্ত পূর্বে আগ্রায় থাকতেন এখন দক্ষিণ দেশে চলে গেছেন ।
 তিনি শাস্ত্রাভ্যাসও করেছিলেন । তাঁর বয়ঃক্রম একশত বৎসর হয়েছে ।
 তাঁর ছেলে হসেন খাঁ গীত বাস্ত জানেন না । আগ্রার উজির খাঁ ও
 মুহম্মদ খাঁ নিজের বংশের ইতিহাসাভ্যাসী কলাবস্ত ও মাতামহ বংশাভ্যাসী

কক্সাল উপাধিধারী। এঁরা দুজনেই উত্তম হোরী ঙ্গপদ গাইতেন। টপ্পা খ্যানেও অনভ্যস্ত ছিলেন না। আমি ছয়মাস ধরে' প্রত্যন্ত এঁদের গান শুনতে যেতাম। তাঁদের কসুরতের সময় তাঁদের কাছে বসে' থাকতাম। এঁদের মুখে যেমন গমক আমি শুনেছি সমোখনসিংহের বংশের আর কারো মুখেই আমি সে প্রকার গমক শুনি নাই। এঁদের পিতার নাম নিজাম খাঁ এবং পিতামহের নাম কারিম খাঁ। তাঁদের ঙ্গপদ গানও আমি শুনেছি।

দিল্লীর মৌজ খাঁও চমৎকার ঙ্গপদ গেয়ে থাকেন। লঙ্কোএর যে শকর খাঁর কথা আমি আগে বলেছি তাঁর দুই ছেলে। বড়টির নাম আহম্মদ খাঁ, ছোটটির নাম মহম্মদ খাঁ। মহম্মদ খাঁএর রাগ ও খ্যাল আহম্মদ খাঁএর চাইতে শুদ্ধতর। সকলেই স্বীকার করেন যে দক্ষিণ দেশে মহম্মদ খাঁর মত ভাল গায়ক আর নাই। তিনি হিন্দু প্রথাগুণাঘী মাথার মাঝখানে এক গুচ্ছ চুল রাখতেন এবং হিন্দুর মতই তা বাঁধতেন। তিনি অতি সজ্জন ও ভদ্র ছিলেন। রেওয়ার রাজ দরবারে তাঁর হাজার টাকা মাইনের চাকরী হয়েছিল। সেখানেই তাঁর মৃত্যু হয়।

মহম্মদ খাঁ প্রথমতঃ গোয়ালিয়রে দৌলতরাও সিদ্ধিয়ার দরবারে চাকরী কর্তেন। গোয়ালিয়রের লোকের মুখে তাঁর সম্বন্ধে দুইটি ক্ষুদ্র আখ্যায়িকা আজও শুনা যায়। গোয়ালিয়রের মহারাজা তাঁকে ১২০০ টাকা বেতন দিতেন। একজন উৎকৃষ্ট দরবারী গায়করূপে তিনি এখানে যথেষ্ট প্রসিদ্ধি লাভ করেছিলেন। এই সময়ে হন্দু খাঁ ও হসনু খাঁ নামক দুই জন তরুণ গায়কও এখানে চাকরী কর্তেন। এঁরা পীরবন্দ খাঁর ধরের গান গাইতেন। গোয়ালিয়রে তাঁদের ঙ্গপদ অদের ও আলাপ ঢকের খ্যালগুলি অত্যন্ত জনপ্রিয়তা অর্জন করেছিল। মহারাজা মহম্মদ খাঁর তান অত্যন্ত পছন্দ কর্তেন। তিনি হন্দু ও হসনু

খাঁকে উক্ত প্রকারের তান তৈরী কর্তে আদেশ দিলেন। তাঁরা দুই চার মাস দৈনিক একবার করিয়া মহম্মদ খাঁর তান শুনতে চাইলেন। পালকের নীচে লুকিয়ে থেকে প্রত্যাহ মহারাজ তাঁদের মহম্মদ খাঁর গান শুনতে আদেশ দিলেন। ৬৭ মাস পরে ১৮৭৭ একটা “জলসা” করে মহারাজ যুবকদেরকে মহম্মদ খাঁর গান গাইতে আদেশ করলেন। যুবক দুইটা অবিকল মহম্মদ খাঁর গানগুলি গাইলেন। গান শুনে মহম্মদখাঁ অত্যন্ত রাগান্বিত হ’য়ে বললেন—“এখানে থেকে আমি বড়ই দাগা পেলাম এরকম জায়গায় আ’ম কখনো চাকরী করোঁন।” এই বলেই তিনি চাকরী ছেড়ে চলে’ গেলেন। কারো কথা শুনলেন না। ১২০০০ টাকা বেতনেও তাঁর খরচ কুলাত না। হাতীতে চড়ে তিনি দরবারে আসতেন।

গোয়ালিয়রের মহারাজার মন্ত্রী নাম ছিল ত্র্যম্বকরাও মহম্মদ খাঁর ১২০০০ টাকা বেতন নেওয়াটা ইনি মোটেই পছন্দ করতেন না। ব্যরসকোচের অছিলায় মহম্মদ খাঁকে মাসিক ৩০০০ টাকা মাইনে দেওয়া স্থির করে মহারানী ব্যরজাবাদীকে গিয়ে সে কথাটা জানালেন। মহারানী এবং অন্যান্য সকলেই তাঁর প্রস্তাব অস্বীকার করায় তিনি এক সরকারী পত্রদ্বারা মহম্মদ খাঁকে বিষয়টা জানিয়ে দিলেন। পত্র পেয়েই মহম্মদ খাঁ চাকরী ছেড়ে দিতে প্রস্তুত হলেন; কিন্তু যাওয়ার পূর্বে মহারাজার সঙ্গে সাক্ষাৎ করে তাঁকে প্রণাম করে যাবেন স্থির করে ছোট একটা ভবুনি নিয়ে রাজবাড়ীতে দেউড়ীতে এসে দাঁড়ালেন। প্রহরীরা বধন কিছুতেই তাঁকে মহারাজার সঙ্গে দেখা কর্তে যেতে দিলনা তখন তিনি দেউড়ীর একধারে বসে ভোড়ী রাগের আলাপ আরম্ভ করলেন। দেখতে দেখতে তাঁর চাণিদিকে লোক জমে গেল। মহারাজ প্রত্যাহ প্রাতঃসমনের সময় নিজ হাতে মখার পাগড়ী বাধতেন। বিস্তরে এই

সময়ে, তিনি মাথার বাঁধার জন্তু পাগ্‌ড়ী হাতে তুলে নিয়েছিলেন মাত্র । গান শুনে তাঁর চোখ দিয়ে অবিবেক ধারায় জল পড়তে লাগল—পাগ্‌ড়ী আর বাঁধা হ'ল না । বেলা ক্রমে ১২টা বেজে গেল—মহারাজা পাগ্‌ড়ী হাতে করে' দাঁড়িয়েই রইলেন । বারজাবান্ধি অত্যন্ত রাগাধিত হ'য়ে এসে জিজ্ঞাসা করলেন—“মহারাজ কি আজ স্নানাহার করবেন না ?” ঠিক এই সময়ে গান থামল । মহম্মদ খাঁকে মহারাজা দ্বিতলে ডেকে এনে বললেন “আহা! এমন তোড়ী আমি জন্মেও শুনি নাই । আচ্ছা খাঁ সাহেব আজ আপনার এত বেলা হ'ল কেন ?” মহম্মদ খাঁ তখন মহারাজকে অভিবাদন করে আদেশ পত্রখানি তাঁর সম্মুখে রেখে বললেন—“মহারাজ, আজ পর্যন্ত আপনার যে অন্ন গ্রহণ করেছি তজ্জন্ত ধন্যবাদ গ্রহণ করুন । শিষ্য, পুত্রকলত্রাদি নিয়ে ৩০০ টাকার আমার কখনো চলবে না । পেট ভরে যেখানে অন্নজল পাব সেখানে চলে যাওয়া স্থির করে' আজ শেষ গান আপনাকে শুনিবে, প্রণাম করে' চির জন্মের মত বিদ'য় নিতে এসেছি ।” পত্র পড়ে' রাগে মহারাজা লাল হ'য়ে উঠলেন—ত্র্যম্বককে ডেকে জিজ্ঞাসা করলেন—“এর মানে কি ?” ত্র্যম্বক বললেন—“মহারাজ, আপনার অন্তান্ত কর্মচারীদের তুগনার মহম্মদ খাঁর বেতন ১২০০ টাকা অত্যন্ত বেশী ব'লে বোধ হওয়ায় ২০০ টাকা বাঁচাবার উদ্দেশ্যেই এই চিঠি আফিস থেকে পাঠিয়েছি । মহারাজী সাহেবাও এই আদেশ অনুমোদন করেছেন ।” শুনে মহারাজ শাস্ত হয়ে বললেন—“আপনি ভাল কাজ করেন নাই । আমাকে আর একজন মহম্মদ খাঁ এনে দিতে পারলে এঁকে বিদ'য় দিতে পারেন । দ্বিতীয় আর একজন মহম্মদ খাঁ যখন পাওয়া যাবে না তখন বেশী মাইনে দিয়ে এঁকেই রাখতে হবে ।” গোয়ালিয়রের গায়েরকরা মহম্মদ খাঁর অঙ্কুরণে নিজদের গলা তৈরী কর্তেন বলেই খ্যাতে ভয়ঙ্কর শু নবাজীর উত্তর হয়েছে ।

এই মহম্মদ খাঁর চার ছেলে ছিল—(১) কুতুব আলী (ঔরঙ্গজাত পুত্র) (২) মুনব্বর খাঁ (৩) মুবারক আলী খাঁ (৪) মুরাদ আলী খাঁ। শেষোক্ত তিনজন তাঁর রক্ষিতার গর্ভজাত। মুবারক আলী খাঁর ছেলে দিলাবর খাঁ বেঁচে আছেন। কুতুব আলী পিতার সঙ্গে গান গাইতেন, তাঁর মৃত্যু হয়েছে। মুরাদালী খাঁ অত্যন্ত বুদ্ধিমান ছিলেন—উন্নতিও করেছিলেন যথেষ্ট। রজবালী ও ফজল আলীকেও মহম্মদ খাঁর বংশজাত বলে ধরা হয়। তাঁরাও উৎকৃষ্ট খ্যাল গাইতেন। ফজল আলীর মৃত্যু হয়েছে—তাঁর ভাগিনের মেছু খাঁ এখনও জীবিত আছেন। কুটুখের গান তিনি গান না—হদু খাঁর মত তিনিও নিজে গান তৈরী করেছেন। তাঁর গানগুলি ভাল। আজকাল লক্ষ্মীএর মুরাদালী খাঁ খ্যাল ও টপ্পা উৎকৃষ্ট গাইতে পারেন। লক্ষ্মীএর অন্তান্ত ধাড়ীরা একেবারে নষ্ট হ'য়ে গেছে—এঁরা এখন তায়ফ'ওয়ালীদের পেছনে পেছনে ঘুরে বেড়ায়—নিজেরা কেউ কিছু জানে না। হদু খাঁ, হসু খাঁ, নখু খাঁ এবং নখন পীরবক্সের পুত্র গোলাম হোসেন—এঁদের প্রত্যেকের গানই বছবার আমি শুনেছি। এঁরা বড় অঙ্ককারী—সর্বদাই ভাবেন যে দুনিয়াতে এঁদের সমান আর কেউ ন'ই। গোল ম ইমাম ও হসু খাঁর মৃত্যু হয়েছে। প্রথম যখন হদু খাঁর গান শুনেছিলাম তখন তাঁকে অত্যন্ত বুদ্ধি সম্পন্ন বলে বোধ হয়েছিল। পরে লক্ষ্মীতে দ্বিতীয়বার যখন তাঁর গান শুনি, তখন তাঁর গলা ধসে গিয়েছিল। এঁরা সবাই গোয়ালিয়রে থাকতেন এবং প্রত্যেকেই ৪০০০, ৫০০০ টাকা মাইনে পেতেন।

মীরাটের সাদী খান্ ও মুরাদ খান্ উৎকৃষ্ট গায়ক ছিলেন। লক্ষ্মী-এর মুরাদালী খাঁর ছেলে সুলেমান মহম্মদ খান্ বংশধর রজব'লি খাঁর শিষ্য ছিলেন। সুলেমান প্রাচীন মিয়মের তান পলটা সহকারে

উৎকৃষ্টরূপে খ্যাল গেয়ে থাকেন। পূর্বের প্রাচীন গায়করা কি ভাবে গান গাইতেন তা তাঁর গান শুনে বেশ বুঝতে পারা যায়।

নূর খান্ ও মোগল খান্ কালপীতে থাকতেন এবং উৎকৃষ্ট হোরী গান গাইতে পারতেন। শুনেছি যে তাঁদের দু'জনেরই নাকি মৃত্যু হয়েছে। তাঁদের সঙ্গে একসঙ্গে হোরী গান গেয়েছেন এই রকম কোন একজন লোবের কাছ থেকে এ সংবাদ আমি পেয়েছি।

গোলাম রসুলের ভাগিনেয় মোজ্জ খান্ বাড়ী তিরবানে। ইনি নেপালের দরবারে চাকরী করেন—ইনিও উৎকৃষ্ট খ্যাল গাইতে পারেন।

পরসাদ্ ইনি বেনারসের একজন কথক গম্বুর পুত্র সাদী খান্ শিষ্য। ইনি খ্যাল ও টপ্পা উৎকৃষ্ট গাইতে পারতেন।

করিম খাঁ—পাঞ্জাববাসী—উৎকৃষ্ট খ্যাল গায়ক—সভ্য, সৌখিন এবং উৎকৃষ্ট গায়কদের নাম করা যাচ্ছে—এঁরা কেউ-ই পেশাদার নহেন।—

১। বাবুরাম সহায়—এলাহাবাদে থাকেন। ইনি হোরী, ঝপদ, খ্যাল ও টপ্পা উৎকৃষ্টরূপে গাইতে পারেন। অভিনয়েও এঁর যথেষ্ট অভিজ্ঞতা আছে। মীর আলি সাহেব বলেন—“বাবুরাম একালের নায়ক।

২। সৈয়দ মীর আলি সাহেব—ইনি একজন কন্ঠ ওস্তাদ। ইনি খাজা রাসিদ পীরজাদার দৌহিত্র ও সর্বপ্রকারের গানেই অভিজ্ঞ। অযোধ্যার নবাব ওয়াজেদ খাঁ সাহেবের ইনি একজন সভাসদ ছিলেন। নবাবের জীবদ্দশায়ই তাঁর মৃত্যু হয়। জন্মেও তিনি নবাব দরবারে যান নাই। না যাওয়ার জন্যে দেওয়ান নাসিরউদ্দিন তাঁর ২০০ শত টাকা বেতন কমিয়ে দিয়েছিলেন। নবাব এঁকে লক্ষী পরিত্যাগ করে চলে যাবার আদেশ পর্যন্ত দিয়েছিলেন। কিন্তু যখন চলে যেতে

উদ্বৃত্ত হয়েছিলেন তখনই নবাব আদেশ প্রত্যাহার করেছিলেন এবং তাঁকে সম্মানসূচক একটি পোষাক পাঠিয়ে দিয়েছিলেন। এই মীর আলি সাহেব অত্যন্ত ভদ্র ছিলেন—তাঁর বাড়ীতে গিরে লোকে তাঁর গান শুনে আসত। স্বয়ং লক্ষ্মীএর নবাবের সহঃকও এ নিয়মের ব্যতিক্রম ঘটত না। মীর আলি সাহেব ঋপদ শিখেছিলেন সেমি বংশীর ছজ্জু খাঁর কাছে থেকে—খ্যাল শিখেছিলেন গোলাম রহুলের কাছে। শকর খাঁ, মখ্খন খাঁ এবং সেনীর কাছেও তিনি গান শিখেছিলেন। শোরীর নিকট থেকে টপ্পা শিখেছিলেন। তিনি একজন বড় বিদ্বান ছিলেন। মোল্লা মহম্মদ সাহেবের কাছে তিনি পারসী শিখেছিলেন।

রামঃজুজ এবং নারায়ণ দাস নামক দুইজন বৈরাগী বৃন্দলখনে থাকতেন। খ্যাল-গানে তাঁদের সমকক্ষ কেউ-ই ছিল না। বাবুরাম সহায় খ্যাল এঁদের কাছেই শিখেছিলেন—হোরী ও ঋপদ শিখেছিলেন তানসেনের বংশধর জীবন খাঁ সেনের কাছে।

নবাব কাসিম আলি খাঁর পুত্র নবাব সুলতান আলী খাঁ ঋপদে সাতিশয় নিপুণ ছিলেন। তাঁর ছোট ভাই নবাব হোসেন খাঁ উৎকৃষ্ট টপ্পা গাইতে পারতেন।

মীর আহম্মদ সাহেব ও আজীম সাহেব—প্রসিদ্ধ “সোজ” গায়ক ছিলেন ঋপদ ছ’জনেই ভাল গাইতেন।

দিলাবর আলি খাঁ—আমার পিতা—হোরী গাইতেন—তিনি ও মীর আলি সাহেব উভয়েই ছজ্জু খাঁর (সেনী) শিষ্য ছিলেন।

আলিমুল্লা খাঁ—ইনি মিয়াজান ও গোলাম রহুলের শিষ্য ছিলেন। মিয়া সৈফুল্লার কাছে ইনি “সোজ” গান শিখেছিলেন।

টপ্পা গায়ক শোরীর সহঃকে একটি ক্ষুদ্র কিংবদন্তী শুনা যায়। টপ্পা গানের প্রচলন প্রথমতঃ এদেশে ছিল না। পাঞ্জাবী ভাষা এই

গানের অত্যন্ত অমুকুল হবে বুঝতে পেরে শৌরী (গোলামনবী) পাঞ্জাবে গিয়ে বাস করতে লাগলেন এবং অতি অল্প দিনের মধ্যেই সেখানকার ভাষা শিখে ফেললেন। কিছুদিন পরে লঙ্কোতে ফিরে এসে প্রত্যেক রাগেরই তিনি একটি করে টপ্পা রচনা করে ফেললেন। প্রকৃত সাধকের স্যায়ই তিনি এ বিষয়টির সাধনা করেছিলেন। এই সময়ে জাগ্যতক বিষয়ে তাঁর আদৌ মনোযোগ ছিল না। লঙ্কোএর নবাব বর সঙ্গে একদিন পথে তাঁর সাক্ষাৎ হয় এবং নবাব বিশেষভাবে তাঁকে তাঁর বাড়ীতে যাওয়ার অনুরোধ করেন। শৌরী বলেন—“আমি আপনার বাড়ী চিনি না।” নবাব বলেন—“পথ জিজ্ঞাসা করতে কতে যবেন।” শৌরীর গান শুনে নবাব এতই খুশী হয়েছিলেন যে তাঁকে বিশেষ ভাবে পুরস্কৃত করে বিদায় দিয়েছিলেন। শৌরী কিন্তু বাড়ী ফেরবার পথে সমস্ত অর্থই দরিদ্রদের বিতরণ করে এসেছিলেন। একথা শুনে নবাব তাঁকে পূর্ববৎ পুরস্কার পাঠিয়ে দিয়েছিলেন। শৌরীর ঔরসজাত কোন পুত্র নাই। গঙ্গু নামক তাঁর একজন প্রিয় শিষ্য ছিল মাত্র। গঙ্গুর পুত্রের নাম সাদী খাঁ। সাদী খাঁ বেনারসের রাজা উদিত নারায়ণের কাছে থাকতেন। সাদী খাঁকে বাবুরাম সহায়ের খলিকা বলা হ’ত। অল্পদিন সাদী খাঁর মৃত্যু হয়েছে। লঙ্কোতে বড়দরের টপ্পা গাইরে বললে মুরে খাঁ ও ছজ্জু খাঁকেই বোঝা যায়, কিন্তু পূর্ববর্তী গায়কদের সঙ্গে তাঁদের কোন ক্রমেই তুলনা চলতে পারে না।

তারাবাদক প্রসিদ্ধ ব্রহ্মদগণ।

১। উমরাও খাঁ—উত্তম বীণকার—ইনি রামপুরের উজির খাঁর ভাতামহ।

৭। মহম্মদ আলি খাঁ—উজির খাঁর ভাই—উৎকৃষ্ট বীণকার ।
বেনারসের রাজার নিকটে থাকেন ।

৩। মীর নাসির আহম্মদ—তিনি প্রথমে সৈয়দ ছিলেন কিন্তু বীণা
শেখার জন্তু দিল্লীর কলাবস্ত বংশীয়া একটি কন্টার পাণিগ্রহণ করেন ।
তিনি খুব ভাল বীণা বাজাতে শিখেছিলেন । কিন্তু নিজের ধর্ম ছাড়েন
নাই । ওয়াজেদ আলি শাহ তাঁকে ডেকে পাঠিয়েছিলেন কিন্তু তিনি
যান নাই । তিনি উত্তম বাজাতে পার্ভেন । তাঁর বাজনা আমি
শুনেছি । গরীবকে সর্বদাই তিনি বাজনা শুনাতেন ।

৪। রহিম খাঁ—উমরাও খাঁর পুত্র—উৎকৃষ্ট বীণকার ।

৫। হসন খাঁ—বীণকার ও উজির নবাব আলি নকী খাঁ—এঁদের
বিষয়ে কি আর বলব—এঁরা সেতারের বাজনা বাজাতেন । বীনার
কার্যদা এঁদের হাতে আস্ত না ।

৬। প্যার খাঁ ও বাহাদুর সেন খাঁ—উভয়েই উত্তম রবাব বাজাতে
পার্ভেন । কাশেম আলি ও নিসার আলিও উৎকৃষ্ট রবাবী ছিলেন ।
বাহাদুর খাঁর মত সুরশিকার বাদক আজকাল আর কেউ নাই ।

প্রসিদ্ধ সেতার বাদকগণ

১। রহিম সেন—মসীত খাঁর পুত্র

২। নবাব গোলাম হোসেন খাঁ—দিল্লীতে থাকতেন । নবাবের
দরবারে এই বাজের প্রচলন বহুদিন থেকেই ছিল । দিল্লীর নব বের
বাড়ীতে আমি বহুবার তাঁর বাজনা শুনেছি । খুবই ভাল বাজাতেন ।

৩। গোলাম রজা—গোলাম রজার সেতার বাজ প্রসিদ্ধ । মসীত শাজে
জানসম্পন্ন লোকদিগকে তিনি অত্যন্ত পছন্দ কর্তেন তাঁর বাজের কোন
বাধাধরা নিয়ম ছিল না । বাজের গতি ছিল কতকটা ঠুংরি মত । তাঁর

বাঁশ শুনবার জন্ত লোক পাগল হ'ত কিন্তু তাঁর “ঠোক” “ঝালা” ষোগ্য-স্থানে হ'ত না। বড় বড় ওস্তাদেরা কিন্তু এপ্রকারে বাজাতেন না। মর্দক্স খ্রোতারিও এরকম বাজনা ভালবাসতেন না। শুনা যায় লক্ষ্মীএর “রইস্” দেবে খুসী করবার জন্তই নাকি তিনি এই প্রকার বাঁশনার আবিষ্কার করেছিলেন।

৪। গোলাম মহম্মদ—বাড়ী বান্দা—উত্তম সেতার বাজাতেন। তাঁর বাঁশনার যে প্রকারের “ঠোক” ব্যবহৃত হ'ত সে প্রকারের ঠোক এক উম্মরাও খাঁ ব্যতীত আমি আর কারো কাছে শুনি নাই। গোলাম মহম্মদ বীণা ও রবাব সেতারের চেয়ে খারাপ বাজাতেন না। আমরা দুজনে একই গুরুর কাছে থেকে চিত্র বিত্তা শিখেছিলাম। গোলামের ছেলে সজ্জাদ হোসেনও ভাল বাদক। অল্পদিন হ'ল বলরামপুরে গোলামের মৃত্যু হয়েছে। তাঁর মৃত্যুর পরে সজ্জাদ হোসেন কোলকাতায় গিয়ে রাজা স্বরেন্দ্রমোহন ঠাকুরের চাকরীতে বহাল হয়েছিল।*

৫। বাবু ঈশ্বরীপ্রসাদ—বাবুরাম সহায়ের পুত্র। উত্তম সেতার বাজাতেন—শেষে প্রসিদ্ধি লাভ করেছিলেন।

৬। বাতপেই—প্যার খাঁ জাফর খাঁর শিষ্য বলে পরিচিত—ইনি দুই দুইটি “মেজবাব” দিয়ে সেতার বাজাতেন। এঁর রাগগুলি আমি ভাল বুঝতে পারি নাই।

* আধুনিক প্রসিদ্ধ ইমদাদ খাঁও শ্রীযুক্ত স্বরেন্দ্রমোহন ঠাকুরের চাকরী করেছেন। শুনা যায় তিনি সজ্জাদের বাঁশনা শুনে বাজাতে শিখেছিলেন। সজ্জাদের বাঁশনা শুন্তে না পেলে ইমদাদ খাঁকে আজ কেউ-ই চিন্ত না।” হিন্দুস্থানী সঙ্গীত পদ্ধতির চতুর্থভাগে ৬তমখণ্ডে এই মন্তব্যটি প্রকাশ করেছেন।

৭। বরকত উর্ক সন বহা—প্যার খাঁর শিষ্য। ফরাকাবাদে থাকেন—ভাল বাদক।

৮। নবাব তশমত জঙ্গ—প্যার খাঁর শিষ্য—অল্প বয়সে মৃত্যু হয়েছিল।

৯। নবাব অলী নকী খাঁ—ওরাজেদ আলি শাহের দেওয়ান—হায়দার খাঁর শিষ্য উৎকৃষ্ট গান গাইতেন। তিনি ষসিট খাঁর চেয়েও হোরী ভাল গাইতে পারেন।

১০। ষসীট খাঁ—হায়দার খাঁর শিষ্য—কণ্ঠের চমৎকার—উৎকৃষ্ট সেতার বাজাতেন।

১১। কুতুব আলি কুতুবদৌলা—মৃত প্যার খাঁর শিষ্য—খুব ভাল সেতার বাজাতেন।

১২। নবাবজ—ডেরাদার আমীরজানের ভাই। গোলাম মহম্মদের শিষ্য—শেষ বয়সে উত্তম সেতারী হয়েছিলেন।

উত্তম সারেন্দী বাদকগণ

(১) দিল্লীর অলি বক্স (২) লক্ষ্মীএর হোসেন বক্স (৩) আবিদ অলী (গোয়ালিয়র)—এঁ'র সকলেই উত্তম সারেন্দী বাজাতে পারেন। (৪) ইব্রাহিম খাঁ (৫) মহম্মদ অমী খাঁ—উৎকৃষ্ট সারেন্দী বাজান। মহম্মদ আলী বাবুরাম সহায়ের কাছে টপ্পা শিখেছিলেন। (৬) হিম্মত খাঁ রাজ পটওয়ারী (৭) খাজাবক্স (খুর্জা) আমীর খাঁ বীণকারের শিষ্য—কেবল সারেন্দীই বাজান। (৮) বহাউদ্দিন খাড়া—লক্ষ্মী—সারেন্দী উত্তম বাজাতেন। (৯) গোলাম আলি (ভোম)—রামপুর—আমাদের সময়ের একজন উৎকৃষ্ট শরদ বাদক—এখন মৃত।

নাকাদা মুরলী (চৌ-ঘড়া) বাদকগণ

(১) কাসিম খাঁ (আসীওয়ান) (২) ধুরন খাঁ (উনাও) (৩) মোতান খাঁ (বেনারস)—এঁরা প্রত্যেকেই উৎকৃষ্ট মুরলী বাজাতেন। (৪) রাজা রঘুনাথ রাও বাহাদুর (ঝালী)—ইনি উত্তম নাকাদা বাজাতেন। (৫) বরু (উনাও) (৬) বখতুম বরু (লক্ষৌ)—উত্তম নাকাদা বাজান।

সানাই ইত্যাদি

(১) আহম্মদ আলি (বেনারস)—অতি মধুর সানাই বাজান কখন কখন সারেঙ্গীর সঙ্গেও বাজিয়ে থাকেন। (২) আহম্মদ খাঁ খাড়ী—(আসীওয়ান) (৩) ধুরন খাঁ (উনাও)—এঁরা ইউরোপীয় ষাচ ক্লারিওনেট, ফ্লুট, জলতরঙ্গ ইত্যাদি বাজিয়ে থাকেন। (৪) বসীট খাঁ—বান্দার রৈসেরদিকে থাকতেন অলপুজা (এক প্রকারের ক্ষুদ্র বাণী) ও ছোট সানাই বাজাতেন। ইনি বীণকারের শিষ্য। (৫) কালু (৬) ধহুখাড়ী (বেনারস)—উৎকৃষ্ট সারেঙ্গী বাজান এবং খ্যালও গেয়ে থাকেন।

প্রসিদ্ধ পাখোয়াজী

১। লালী ভবানীপ্রসাদ সিংহ—অপ্রতিম পাখোয়াজী। ২। কুন্দৌ সিংহ—বান্দারাসী স্বাক্ষর—ভবানী সিংহের শিষ্য—সর্বোত্তম পাখোয়াজী। অযোধ্যার নবাব এঁকে “কুছরদাস” উপাধি দিয়েছিলেন। একবার ওরাজেদ আলি শাহের বাড়ীতে একটি “মাইকলের” সময়ে কুন্দৌ সিংহ ও জোত সিংহের মধ্যে সঙ্গীত বিষয়ক বাকবিতণ্ডা উপস্থিত হয়েছিল। বিজয়ীকে পুরস্কৃত করবার জন্তে নবাব হাজার টাকায় একটি থলিয়া হাতে করে বসে ছিলেন। পুরস্কার কুন্দৌ সিংহই লাভ করেছিলেন।

৩। তাজ খাঁ (মেরেদার)—বকীর গুণগামির দ্বারা গোলাব মহম্মদ সেতারীর মত ভবানী সিংহের স্থান অধিকার করেছিলেন। জন সাধারণও তাঁকে যথেষ্ট সম্মান কর্তৃ। নিজের ছেলে নাসর খাঁকেও তিনি উত্তম “ঠেয়ারী” করেছিলেন। এই ছেলেটিও কুদৌ সিংহের মতই হয়েছিল। কুদৌ সিংহের হাত বড়ই মিঠা ছিল—অত্যন্ত বগবান হওয়ার নাসর খাঁর হাত ছিল একটু কর্কশ। সর্বোত্তম শাস্ত্র জ্ঞানে তাজ খাঁ কুদৌ সিংহ অপেক্ষা অভিজ্ঞতর ছিলেন বলে লোকের বিশ্বাস।

মৃত্যু প্রবীণ ওস্তাদগণ

১। লালুজী। ২। প্রকাশ লক্ষ্মীএর কথক—উভয়েই অতি প্রবীণ অভিনেতা ছিলেন। ৩। দুর্গা প্রকাশের মেয়ে—নৃত্যে অলৌকিক লাভ বরেছিলেন। অল্প বয়সেই মৃত্যু হয়েছিল। ৪। মানসিংহ ও তাঁর ভাই—উত্তম নাচতে পার্ভেন। ৫। বেণীপ্রসাদ। ৬। পরসাদু (বেনারস) উভয়েই নৃত্য ও অভিনয় কুশল ছিলেন। ৭। রামসহায় (হাণ্ডুয়া)—কথকতা কর্তেন—অত্যন্ত গুণী ছিলেন। ৮। রসজ্ঞানী (মোহন) ৯। হোসেন বক্স। ১০। কায়েম আলি। ১১। মিরজা রশীদ কাশ্মিরী—এঁরা সকলেই লক্ষ্মীতে অত্যন্ত প্রসিদ্ধি লাভ করেছিলেন। ১২। কানাহয়া—অতি উৎকৃষ্ট নর্তক—ওয়াজেদ আলি শাহের শিষ্য—অবিকল তাঁরই মত নাচতেন। ১৩। গুলবদন। ১৪। সুখবদন (বেনারস)—নৃত্য ও অভিনয়ে বিশেষ দক্ষ। ১৫। অধবান (উনাও)—নাকারা এবং তবলা ভাল বাজাতে পার্ভেন। ১৬। বিলাসুত আলি খাড়া (লক্ষ্মী)—তবলাও ভাল বাজাতে পার্ভেন।

উত্তম তবলা বাদক

১। বন্ধু খাড়া—অত্যন্ত প্রসিদ্ধ তবলা বাদক। ২। বন্ধু—উত্তম 'পং' বাদক। ৩। সলাখী—গং ও পরন উত্তম বাজাতেন। ৪। মক্খু বাজান পুরানো চংএ বটে কিন্তু বাজান ভাল। তাঁর ছেলেও উত্তম 'সকত' বর্তে পারেন। লক্ষ্মীতে তবলা বাজনা খুবই ভাল হত। বন্ধু ও মক্খু খাঁর মৃত্যু হয়েছে আমার সময়ে। ৫। নখু—বন্ধুর শিষ্য—আজকাল লক্ষ্মীতে ভালভাবেই আছেন।

মাদকুল মুসীকী গ্রন্থে প্রাচীন গুণী লোকদের ইতিহাস উপরিউক্ত ভাবে বর্ণিত হয়েছে। তানসেনেরও আধুনিক সময়ের মধ্যে একটি যোগসূত্র স্থাপনের উদ্দেশ্যেই মধ্যযুগের গায়কবাদকদের এই ধারাবাহিক বিবরণী "তানসেনের" পাঠকবর্গকে উপহার দিলাম।

সমাপ্ত

